



j. B. Keijnoogen.

BX

2349

-D74

1715

JESUITICA

H. DREXELII.

UPPER LIBRARY.  
ASCETICAL WORKS.

INFERNUS, D  
DAMNATORUM

C A R C E R

R O G U S

O P E R U M

COLLEGE



COLLEGE  
DOMESTIC

pud BALTHASAR EM  
ab EGMOND.

MDCXV.

HIGH SCHOOL

248.11

H. DREXELL

INTERNU

DAVIA FORUM

C. M. K. C. K. R.

R. O. G. U. S.

O. P. R. U. M.

TOMMY

C. O. R. D. S.

C. O. R. D. S.

C. O. R. D. S.


C. O. R. D. S.


C. O. R. D. S.

PAUL T. HARRIS

AB. E. G. M. O. N. D.

H. DREXELL







ILLUSTRISSIMO  
ET  
REVERENDISSIMO  
DOMINO, DOMINO  
PETRO ALOYSIO  
CARAFA,

*Ex Ducibus Nuceria: Episcopo Tricaricensi, Nuntio Apostolico ad Trajectum Rheni, & partes Inferioris Germaniae, cum potestate Legati à Latere; Domino meo observandissimo.*

**N**obilis ab Italia pictor Michaël Angelus, supremum Orbis iudicium, & Inferorum flammæ pinxerat. Eam picturam Julio II Summo Pontifici consecravit. Idem ego tentavi, sed calamo, non penicillo. Flammeum Æternitatis carcerem depinxi. Quicquid hoc operis est, Tuo, Illustrissime ac Reverendissime Præsul, nomini jure merito inscripsi. Ut auderem, multa me impellebant.

Illustrissimam Carafarum familiam specto? Equo Trojano illam non male contulerim; è qua tot viri principes, non in exitium Trojæ, sed in Orbis bo-

num progressi sunt. E Tua familia , Præsul Reverendissime, Pontifex Maximus , Paulus I V. Ex eadem quatuor Patriarchæ; octo Archiepiscopi Neapolitani; longe plures Episcopi; sedecim purpurati senatores Cardinales prodierunt. Hinc amplissima Carafensis prosapia purpuræ splendorem adeo sibi jam familiarem habet, ut ea una pæne Curiam è purpuratis Patribus & supremum Ecclesiæ senatum, sed & amplissimam tot Principum , Ducum , Marchionum , Comitum coronam constituere possit. Nolo plura de familia. Vereor illius laudes ingenii culpa deterere. Et scio hæc ornamenta à Te non inter prima numerari.

Majora cerno , Studia Tuacum pietate conjuncta. In gymnasiis & Academiis Societatis nostræ tam Neapoli quam Romæ sit educatum Te novimus, ut simul etiam præclarissima pietatis fundamenta jeceris. Nam  
so-

# EPISTOLA.

sodalitates, in quibus censebaris, eo ardore tot annis frequentasti, iis decorasti exemplis, ut à sancta consuetudine, quam juvenis adscivisti, nihil diversi exhibuerit virilis ætas. Nam etsi jam Principatus Firmani, & Firmanæ urbis Præfectum ageres, nihilominus Te sodalitati præsentem sistere, è sodalitatis legibus vivere, Tui esse officii censebas. Quod utinam vellent non nescire Celsitudine Tua longe inferiores, qui sodalis officio egregie satisfactum putant, si coetus Parthenios ornent solo nomine.

Studia porrò & litteras Illustriss. & Reverendiss. Antistes, ea ingenii felicitate, illa industriæ laude tractasti, ut maximos tam in Philosophia quam Theologia progressus feceris. Quod majus: Non immerito in Te geminum istud miramur, tam exactam politioris litteraturæ, quam utriusque Pontificii & Cæsarei Juris peritiam. Neque in umbra eruditio Tualatuit. In solem & pulverem

# E P I S T O L A.

progressa est. Nōta loquor. In iis omnibus, quas dixi, tam Philosophiæ, quam Juris, ac Theologiæ scientiis, illustre specimen sæpius dedisti. Pro testimonio dicunt tot concertationes ac congressus publici, in quibus eruditio Tua doctissimo cuique insigniter sese probavit.

Inde fuit ut amplissima munia Te ambirent, non Tu illa. Prolegatus Ferrariæ, Urbis Firmanæ, & ejusdem Principatus Præfectus annis compluribus, eum te præbuiſti, ut jam septennio amplissima Summi Pontificis Legatione fungaris, magno Religionis incremento. Non enim ab ulla parte curæ aut laboris quidquam remittis, jam omni Leodiensium terra ad res componendas obita.

Sed propria me vocant, & magis domestica. Minimam Societatem nostram, Illustr. Domine, tanto hætenus tamque constanti affectu proſecutus es ubivis locorum, ut ea Te inter patronos primos recte numeret. Ex ore no-

stri

# EPISTOLA.

Illi admodum Reverendi Patris  
Generalis mihi videor loqui. Et  
scimus Te religiosissime gloriari  
solitum, diem festum sancti Igna-  
tii Lojolæ Tuum esse Natalem:  
Eo usque certe Tuus in nos amor  
progreditur, ut Te pæne unum  
ex nobis gratulemur.

Neque vero Tua in nos, Præ-  
sul Amplissime, Tuorumque be-  
nevolentia sterilis fuit, aut sola  
verborum munificentia stetit.  
Collegium Neapolitanum Tuæ  
familix liberalissimis impensis  
conditum, & ample constitutum  
est. Sed recentius tacere nefas.  
Ante annos septem Excellentissi-  
mus Princeps Tiberius Carafa,  
germanus frater Tuus, unus in-  
ter Hispaniæ Magnates, & Aurei  
Velleris Eques, Societati ad ex-  
truendum ac dotandum Colle-  
gium pares sumptus benefica ma-  
nu suppeditavit. Quam piam be-  
neficientiam omnes ac singuli So-  
cietatis nostræ Sacerdotes tripli-  
ci sacrificio ex more remunerare  
conati sunt: idem obsequii genus

# EPISTOLA.

præstituri defuncto huic principi.

Verum, quod hanc potissimum  
 scriptionem, ad Te iubet excur-  
 rere, Virtus Tua est. Non blandi-  
 ar Tuis auribus. Neque enim mi-  
 hi hic mos est; malo veris offen-  
 dere. Eximiam pietatem; & inte-  
 gritatem vitæ publica in Te Fa-  
 ma veneratur. Hic mihi seges  
 suppetit, unde possim in Tua Cel-  
 situdine laudare castum corpus,  
 sobriam mensam, puram men-  
 tem. Sed parco modestiæ ac sub-  
 missioni Tuæ, quam signatis ta-  
 bulis comprobare est. Jam enim  
 non unas à Celsitudine Tua lit-  
 teras accepi, non humanitate so-  
 lum ac benevolentia, sed revera  
 submissione plenas. Liberè dico.  
 Submissio in tanto apice, omnes  
 facile virtutes sibi jungit.

Quando igitur jam facillimum  
 est conjectare, quam vigilanter  
*Ps. 76.* cum Hebræo rege annos æternos  
*vers. 6.* in mente habeas, idcirco hanc  
 scriptionem de Æternitatis æstu-  
 ariis, visum est Celsitudini Tuæ  
 consecrare, ut ea famam & lu-  
 cem



# EPISTOLA.

cem huic scripto circumdet. Germania nostra jam ab annis aliquot faciem inferorum induit, variis bellorum ignibus calamitosa. Italia imitatur, & eundem præfert vultum flammis bellicis exæstuans. Bellum optime descriperit, qui veram inferorum effigiem appellarit. Ergo tempore nihil adversum ago, cum de inferis loquor. Præforibus, imo & in ædibus nostris spectamus inferos. Solatio est, has bellicas flammæ non fore æternas. Hic enim pauca diuturna, nihil perpetuum.

Deinde hanc scriptionem de Dei in perduelles Justitia nemini putem rectius dedicavero, quam amanti justitiam. Non timendum in Tuo tribunali, Reverendissime Antistes, ne aut causæ fiant perpetuæ, aut gratia vim æqui habeat, aut culpa redimatur auro. Etenim cum illam divini furoris officinam tacitis cogitationibus contemplaris, nihil ambigo, quin Ferdinandi Cæsaris vocem usurpes: *Fiat justitia, aut*

## EPISTOLA.

*pereat Mundus.* Seria spelæi Avernalis contemplatio, notitiam divinæ iustitiæ necessario conjunctam habet.

Memorabile prorsus est, quod *Kran-  
tzius  
l. 3.  
Van-  
daliæ.  
c. 32.  
post  
me-  
dium.* de Vandalorum rege Canuto referunt. Hic æqui amantissimus supplicia repræsentabat omnibus indistincte nocentibus. Non favor, non amicitia, non affinitas delicto patrocinari poterant. Quod vel inde constet. Cum latrocinantes capite damnati jam ducendi essent, unus aliquis è medio damnatorum grege proclamavit, se Canuti regis cognatum, jure sanguinis impunitatem & vitam poscere. His auditis rex nihil turbatus: *Cognato, inquit, nostro ut honoratior sit locus, sublimiorẽ crucem ponite.* Beati cœlites non tantum non cognatorum, sed nec parentum sempiternis suppliciis ad ullam miserationẽ flectentur. Imo vero lætabuntur justi cum viderint vindictam; manus suas lavabunt in sanguine peccatorũ.

*Pf. 57.  
v. 11.*

Te animo sapius, Præsul Illustris.

# EPISTOLA.

strissime inter coelites versari, insignis Tua pietas, & mores Tui satis testantur. Nec dubitem, quin è coelo in Æternitatis carceres despiciens illud Imperatoris mente agites: *Salve sancta Iustitia*. Non terret eos gehenna, quos vera in DEUM fiducia, & tranquilla conscientia solatur & erigit. Qui ro- Apoc.  
cap. I.  
v. 19.  
gos infernales metuit, illius gratiam ambiat, qui habet claves mortis & inferni.

Hic aliam expono causam, quæ me impulit, ut hanc abyssi flammæ picturam Tuæ Celsitudini offerrem. Coelestium arcanorum conscius Joannes: Vidi, ait, Angelum descendentem de coelo, habentem Apoc.  
cap. 20.  
v. 1.  
clavē abyssi. Supremum Ecclesiæ caput, summi Judicis Vicarius in Germaniam Te misit, Legate dignissime, neq; *Solvendi* tantum, sed & *Ligandi* potestatem tradidit, eaque ratione abyssi clavem commisit. Hinc Te suum Germania veneratur Angelum, habentem clavē abyssi. En igitur hic provinciæ, ad quam Tibi tan-  
quam

# EPISTOLA.

quam Angelo commissa clavis,  
compendiosam imaginem.

Iob.  
c. 10.  
v. 22.

Mos fuit priscis Romanis ut  
provincias devictas quantumvis  
barbaras in titulos suos referrent.  
Inde Duces & Imperatores Da-  
cici, Getulici, Scythici appellati.  
Enimvero nulla unquam Arabia  
tam fuit inculta, nulla Scythia tã  
barbara, quam Luciferi regnum  
est. Ubi umbra mortis, & nullus  
ordo, sed sempiternus horror in-  
habitat. Ab hac incultissima & ni-  
mis quam barbara Scythia vel op-  
pugnata vel subjugata heroi Chri-  
stiano speciosissimus titulus acce-  
dit, nominari *Scythicum*. Quicun-  
que autem hanc Scythiam non vi  
vana impugnare cogitat, regionis  
illius diversa loca sæpius confide-  
ret necesse est. Eam etiã ob causã  
Scythici istius regni situm & in-  
colas omnibus inspiciendos pro-  
pono. Sapientissimorum consilio  
rectissime facit, qui vivus subit  
inferos, ne subeat mortuus.

Sapiens olim Demonax stulte  
prorsus respondit. Interrogatus  
nam-

# EPISTOLA.

namque, qualisnam esset infero-  
rum conditio ? Expecta sis, aje-  
bat, simul atque illuc venero, per  
litteras tibi omnia significabo.

O Demonax, ô rudes & impro-  
bi Christiani, serum nimis est eo  
mortuum descendere. Nemo il-  
luc explorator admittitur, nisi vi-  
vus. Quisquis mortuorum illata-  
biles hos recessus ingreditur, e-  
gressum perdidit; jam captus est,  
in carcere est, & quidem æterno.

De vivo Tartaro longe verif-  
simum, quod de picto Julius I <sup>Cujus</sup>  
Pontifex summus dixit: In infer- <sup>princi-</sup>  
no nulla est redemptio. Ibi den- <sup>prio me-</sup>  
tium fremitus perennat, illic ignis <sup>mini-</sup>  
æternum coquitur. Sed ille ignis, <sup>mus.</sup>  
ô DEUS, ignis sapiens est, qui da-  
mnatorum singulos inæqualiter,  
prout promeriti, torquet, qui  
membra urit & reficit; carpit &  
nutrit: sicut ignes fulminum cor-  
pora tangunt, nec absumunt: sic-  
ut ignes Vesuvii ac Ætnæ mon-  
tium dies noctesque vivunt, nec  
deficiunt; ita illud Avernale in-  
cendium cruciatibus reorum pa-  
scitur,

# E P I S T O L A.

scitur, & torquendo noxios nutritur. Hunc ego ignem sapientissimum in charta depingere conatus sum.

Non hîc Siculi aut Campani montis missiles flammæ, non Trophonii specum, non Pythagoræ de Orco somnia, non Maronis de aula Ditis carmina describo, hîc flammeos, æternos carceres sub oculis pono, succincta scriptione. Et hanc Tibi, Illustrissime ac Reverendissime Præsul, velut Angelo Germaniæ venerabundus, ut picturam dico ac consecro, & unâ rogo, ut Celsitudo Tua Societatem nostram omnem quo hætenus affectu complexa est, fovere non desinat. Monachii die S. Michaëlis Archangeli, Anno Christiano 1630.

Ill.<sup>mæ</sup> & Rev.<sup>mæ</sup>  
Celsitudinis Tuæ

*Servus in Christo  
submississimus*

Hieremias Drexelius  
è Societate JESU.

BENE-



# B E N E V O L O L E C T O R I.

**A**D inferos te duco, mi Lector, & *A-*  
ternitatem multo luctuosissimam a-  
perio spectandam. Obsecro, patientes huc  
oculos adverte. Ad superos brevi te re-  
ducam (ita mecum bene spera) & mon-  
strabo etiam cælum. Libellũ hunc studio  
breviorẽ scripsi, & omnes inferorum cru-  
ciatus ad novem supplicia redegì, proli-  
xius in cælo moraturus. Modo jam dis-  
camus pericula vicina. nosse, quæ facile  
sciet, qui prœvidet.

Non parum interest è terra spectes nau-  
fragium, an jacteris ipse in eadem navi.  
Naufragium passi sunt, & irreparabile,  
quotquot ad Orcum præcipitati sunt; nec  
in portum unquam pervenient. *A-*terni-  
tatis igneum mare, carcer æternus hos  
naufragos jam sepelivit. Nec finis nau-  
fragiorum. Innumeri pene diebus singu-  
lis huc ejiciuntur fracta navi. Nos eti-  
amnum extra hoc mare sumus, naufra-  
gorum spectatores. Nunc alienis malis li-  
cet sapere, & cavere inferorum profun-  
dissimam charybdim, æternum carcerẽ.

Incundum esse censuit Callimachus:

Neptunum procul à terra spectare *Hora-*  
furentem. *tius e-*

Nobis utilissimũ erit, flammeum dam- *pist.*  
natorũ pelagus ita jam contemplari, ut l. 1.  
illud velis remisque fugiamus. Sapienter *ep. 11.*  
dixit Publius Syrus: Improbe ab eo accu- *ad Bul-*  
sari mare, qui alterũ fecerit naufragiũ. *latinum.*

Et nobis forsitan, mi lector, jam sapius  
navis fracta est, ut pro se quisque fateri  
debeat: Nisi quia Dominus adjuvit me, Ps. 93.  
paulo v. 17.

## AD LECTOREM

*paulo minus habitasset in inferno anima mea. Istud mature cogitemus & tempori. Naufragium minatur ultimum, iis maxime, qui priora contempserint. Inferos nemo melius cavet, quam qui sapius cogitat. Hoc ista scriptio agit, & Novissima praevidere submonet. Pauculis annis esse miserum, facilis iactura est, & saepe principium salutis. Tu, si quid curas, hoc unum cura, Ne aeternum sis miser. Ego hic, quod veteres in consolatione dicebant, recte usurpem: Vellem ut velles, mi optime Lector, hac non legere solum, sed & expendere. Hic serio agitur, & de capite. Quod olim Augustino Angelus, idem ego tibi succlamo: Tolle, lege, expende.*

## APPROBATIO

R. P.

### PROVINCIALIS.

**A**lteram Aeternitatis partem, quam P. Hieronimus Drexelius de damnatorum carcere ac rogo conscripsit, quamque aliquot Societatis nostrae Theoloci legerunt & probarunt, Ego Gualterus Mundbrot Societatis Jesu per Germaniam Superiorem Praepositus Provincialis, facta mihi potestate ab admodum R. P. N. Generali Mutio Vitellesco, typis in lucem vulgari permitto: Eamque in rem subscribo & signo. Monachii 31 Julii Anno 1630.

*Gualterus Mundbrot.*

DE

I

DE ÆTERNO  
DAMNATORUM  
CARCERE  
ET

R O G O.  
C A P U T I.

*Quò liber hic collineet ; & instru-  
tio Lectori.*

**R**uditè dixit Philo Judæus :  
a *Domus Dei , cogitatio sapientis.*  
Hanc domum æterna Sapientia  
subit , hanc habitat , in hac sua-  
viter recumbit. Videre , loqui,  
audire , scribere , humanæ quidem actiones  
sunt , non tamen animantibus brutis peti-  
tus negatæ. Audiunt & feræ , videntque ,  
& eo quadam hominem vincunt. Jumen-  
ta quoque memorantur locuta. Scriptioni  
simillimum quid , elephantis præsertim ,  
tribuitur. Cogitare ac ratiocinari , solius  
hominis est. Puris ac sanctis hominum co-  
gitationibus interest Deus , & velut suâ se  
domo continet. Atque hinc eruditum Phi-  
lonis dictum : Domus Dei , cogitatio sa-  
pientis.

Quid porro post hominis conditorem ,  
dignissimum sit ab homine cogitari , variè  
disceptari potest. Solymæus rex David in  
disceptionis partem veniens : b Cogitavi ,

B

ait,

a *Philo, lib. de Migratione Abraham, initio.*

*Et l. de somniis, post medium. b Psal. 76.*

*Vers. 6.*

2 DE DAMNATOR. ROGO  
ait, dies antiquos, & annos aternos  
in mente habui. Cogitatio prorsus utilissima;  
digna homine, digna Deo. Amplissimum hîc  
cogitandi stadium patet, quod nemo unquam  
emensus est cogitando. Finis hîc quæri pot-  
est, inveniri non potest. Æternitas finem ne-  
scit, terminosignorat, metâ nullâ clauditur.  
Æternitas cogitari dignissima.

Æternitatem in se spectandam ante decen-  
nium proposuimus. Restat, Æternitatem  
tam beatorum, quam damnatorum cogitan-  
dam demus. Cogitandam, ajo, & alto pe-  
ctore pertractandam. Parum est de illâ loqui,  
audire, scribere. Hæc superficiem radunt:  
penetrandum est altius, & intimis animi me-  
dullis reponenda æternitas. Proinde hoc qui-  
dem capite, unum istud explicabimus; Quò  
isthæc de damnatorum æternitate scriptio  
collineet.

I. Romanus Sapiens amicè cum Lucilio  
suo expostulat, & : a Quo modo molestus  
est, inquit, jucundum somnium videnti, qui  
excitat : aufert enim voluptatem, etiamsi  
falsam, effectum tamen veræ habentem : sic  
epistola tua mihi fecit injuriam. Revocavit  
enim me cogitationi aptæ traditum, & ite-  
rum, si licuisset, ulterius. Juvabat de Æ-  
ternitate animarum quærere, imò me her-  
cule credere. Credebam enim facile opinio-  
nibus magnorum virorum. Dabam me spei  
tantæ : jam eram fastidio mihi, jam reliquias  
ætatis infractæ contemnebam, in immensum  
illud tempus, & in possessionem omnis ævi trans-  
iturus. Cum subitò experrectus sum epistolâ  
tuâ acceptâ, & tam bellum somnium perdididi.

Quod

a Sen. epist. 102. initio, Æternitatis descriptio.

Quod repetam, si te dimiserò, & redimam.

Hic ego pænè in eam sententiam descendendo, quam mihi scriptor priscus suggerit. Flavius Lucius Dexter Barcinonensis, Orientalis Imperii \* præfectus prætorio, & beato Hieronymo amicissimus, a Chronicon litteris consignavit. In eo ad annum Salvatoris Christi sexagesimum quartum, de verbo hæc exprimit:

Lucius Annæus Seneca Cordubensis, Hispanus, missis ultro citroque ad sanctum Paulum litteris, de Christianâ re bene sensit, factusque Christianus occultus, ejus fuisse discipulus creditur; dulciterque scribit ad Paulum in Hispaniâ morantem.

Ego hic nihil affirmo, sed veteris Chronographi testimonium veneror. Certè Annæus Seneca, Æternitatem non tantum cogitare instituit, sed & credere. Observemus viri solertiam. Æternitatem suis momentis ponderare ingressus est, idque fecit attentissimè. Hanc enim contemplationem confert somnio, quod omnium exteriorum sensuum operosas vigilias sopit, & vigilare jubet interiores. Hoc meditari est. Et ægrè tulit Annæus hanc meditationem suam interpellari. Grandi enim emolumento hæc meditatus: Contemnebam, ait, quod reliquum est vitæ, & in illud sæculorum inexplicabile volumen memet extendebam.

Omnia jam ipsi Senecæ videbantur nauseanda, præ unâ illâ interminati ævi possessione. Quid nos Christiani? Si sic æternitatem

B 2

medi-

\* Obrister Hoffmeister.

a Recens editum Lugduni hoc Chronicon. Anno. 1627.

4 DE DAMNATOR. ROGO  
meditantur gentilitatis tenebris oppressi?  
Æternitatem frustra credimus, si eam rarò  
aut frigide cogitamus. Mille cussi impelli-  
mur, ut Æternitatem assidue meditemur. Sit  
hæc causâ plurimarum loco. Æternitas du-  
rissima pectora, ipsos panè silices ac chaly-  
bes mollit, omnem animi pervicaciam ex-  
pugnat. Actum est de homine, quem Æter-  
nitas non trahit ad meliora. Eat, pereat, qui  
tonitru hoc formidabilissimum, alto sopore  
mersus non audit.

Sed dicas: Incendia inferorum, ante ocu-  
los illorum statuenda sunt, qui ad inferos se-  
stinant. Quid eos his terreas, qui assidue cœ-  
lum suspirant; qui peccare omittunt non for-  
midine poenæ sed Numinis amore. Quid hos  
juverit æternos ignes contemplari? Pluri-  
mum. Eamque ob causam triplex hoc docu-  
mentum statuimus, quò sapius in hac scri-  
ptione respiciendum.

II. Primum: Ex hac inferorum contem-  
platione sanctissimis quibusque hominibus  
gaudium ingens nascitur. Dum enim spe cer-  
tâ his sese incendiis subtractos cogitant, cor  
illis gaudio subsultat. Hinc gratiarum actio  
amantissima, hinc despicientia sui maxima,  
& divinæ bonitatis amplissima depradicatio.  
At quia etiam bonæ mentis homines erran-  
& labuntur, mox cogitata recurrit Æterni-  
tas, & aurem pervellit: Attende tibi, non-  
dum extra teli jactum es. Nescis enim, an ad  
ultimum usque halitum perseveraturus sis.  
Merissima est gratia, perducta ad tumulum  
perseverantia. 4 Nullis actionibus hanc gra-  
tiam emereri possumus. Deum hîc debito-

rem

*Scilicet, De condigno, ut Theologi loquuntur.*



rem appellare non licet. Nulli dat syngrapham. Neget tibi Deus perseverandi gratiam, & periisti æternum.

Hoc optimo cuique potens est frenum. Nec enim ignoramus fuisse qui quadraginta, quinquaginta & pluribus annis Deo servierint; omnem denique priorem sanctimoniam turpi epilogo corruperint, quemadmodum ille apud Cassianum Hero. Hæc qui mente seriâ expendit, optimos quosque affectus in se concitat.

Alterum: Ubicunque attenta Æternitatis meditatio præcedit, ibi non potest non sequi studium ingens, ardor animi, & mira in rebus gerendis omnibus accuratio. Hæc una cogitatio præclarè docet, Deo ut supremo Domino omnia deberi; nec parem utquam aut dignam hoc famulatu diligentiam adhiberi; nihil tantæ Majestati respondere; infra illam esse omnia. Eadem Æternitatis meditatio præsentem vitæ statum assiduè ingerit, monetque, jam laborandi ac promerendi tempus esse, longissimas sine fine ferias, æternos sine exitu annos secuturos, quibus nec laborare, nec promereri quidquam licebit.

Memini me legere, nec sine admiratione, fuisse hominem, qui Æternitatem animo sic prospexerit: Quis mortalium est, aiebat ipse secum, qui quidem sanæ mentis sit, & ratione utatur, qui regnum Galliæ, Hispaniæ, Poloniæ, regna sanè opulentissima sibi vendicet eâ pactione, ut quadraginta continuos annos in lectulo rosis strato, eoque mollissimo resupinus jaceat? Et licet forsitan non defuturus sit, qui ad hanc conditionem descendat, & sic decumbere incipiat; is tamen non totum

## 6 DE DAMNATOR. ROGO

triennium (res certa) sic decumbet, quin ab-  
rumpat & dicat: Sinite, surgam; malo ca-  
rere regnis, non dicam tribus, sed omnibus,  
quàm sic continuè, licet mollissimè jacere,  
vel decem tantum annis; necdum viginti,  
aut triginta, vel, uti pactio fiebat, annis qua-  
draginta.

Itane res se habent, ut nemo sanus repe-  
riatur, qui, ut triplici regno donetur, trigin-  
ta vel quadraginta annis dictâ lege decumbe-  
re velit? quàm ergo cœca, quàm furiosa est  
insania, ob lacerum rete, ob tres aciculas, ob  
strepundia vilissima, illud petulanter subire  
periculum, & tale designare facinus, ob  
quod in candente crate, in feretro flammeo,  
non solis quadraginta, non quadringentis,  
nec quatuor millibus, sed nec quater cente-  
nis millibus, sed æternum torquearis. Fu-  
riis, ô mortales, intemperantissimis agimur,  
nisi jam maturè, & in rem nostram sapimus.

3. Tertium hîc documentum: Utinam ab  
iis omnibus, qui hæc lecturi, unum hoc im-  
petrem, ut \* duplici conspiciolorum genere  
uti assuescant. Unum quidem caruleum, pur-  
pureum vocari potest alterum. Carulei vitri  
conspicilia sic usurpanda. Quotiescunque no-  
bis bene est, cum corpus vel animus, vel u-  
traque pars hominis in voluptate est, quo-  
tiescunque vel amœna pulchraque oculis, vel  
auribus suavia, vel gulæ delectabilia, vel o-  
dorandi & palpandi sensibus grata sese inge-  
runt, qualiscunque demum jucunditas, quæ-  
cunque nos delitiæ afflent, mox conspiciolis  
caruleis ita utamur, ut pro se quisque ratio-  
cinetur hunc in modum: En, hoc tibi pla-  
cet,

\* Zwan gar nutz: paar Augenspiegel:

cet, hoc sapit, hoc juvat & melli est : sed quæso quid hoc omne ad æternitatem beatorum ? quid hæc mellis guttula, ad illud mellis mare in cœlo ? quid frustra hîc lambo & lingo ? quid famelicis his linctibus meipsum ab æternis voluptatibus distineo ? Illam, inquam, illam cœlitum æternitatem suspice, eò aspira, ubi abundanter est, quicquid uspiam voluptatum est, aut esse potest.

Atque hæc talis cogitatio medios inter convivas, ipsa inter tripudia, in ipso delitiarum vigore locum habet, si velimus. Hoc artis arcanum in omni delectatione adhibendum. Atque hoc est conspiciis uti cæruleis : animum erigere, ad futura transferre, cœlestes delicias velut prælibare. Ita moderatè, ac sine damno amœnitatibus fruemur.

At verò cum nobis malè est, cum vel corpus dolor, vel animum ægrimonia exedit, cum est quod vellicet, affligat, cruciet, mox ocularium specillum purpureum ita suffigendum, ut apud se quisque dicat : Hoccine ita te vexat, istud adeò te torquet, ut pœnè in rabiem agat ? Quid hoc autem, obsecro, quid istud ad æternitatem damnatorum est ? Demitte oculos, & inferos contemplant. Quicquid hîc te urit, fabula est, jocus est : quicquid hîc pateris, merissimus ludus est : ignium umbra sunt ignes nostri ad illa inferorum incendia ; pœnæ, quas hîc dependimus, delicta sunt ; ad illa nunquam desitura tormenta.

Quid ergo vanissimis querelis cœlum terramque oneras ? Impatientiam hîc tuam, imò tuam & stultitiam ( ignosce verbo ) hîc nimium prodis. Tu certè, quid gehenna sit, ignoras, alioqui tot querelas non sparsurus.

8 DE DAMNATOR. ROGO

Sed miseras ac arumnas mihi tuas objicis. Quanam tandem illæ? Num stabulum habitare cogeris? At illic extremi fœtoris haras igneas habitant damnaei. idque æternum. Crebra te fames cruciat? At illic nec mica fami, nec gutta siti succurrit; sititur, & esuritur, idque æternum. Videris tibi lætissimis natari? Hæc gaudii materia est, si velis: ibi erit fletus, sed siccus; ibi erit stridor dentium, sed nil profuturus, idque æternum. Inimici te tui fatigant, invidi obrectatores te lacerant? Quid hoc ad inferos, ubi exosissima damnatorum & diabolorum omnium societas toleranda est, idque æternum. Mœrores & curæ te angunt? Illic continua cor desperatio discerpit, idque æternum. Hic forsan humi jaces, aut asseri rigidoque strato indormis? Illic ignis pro lecto est, ubi nunquam dormitur, idque æternum.

Si his talibus conspiciis hac ratione utamur, de gravissimis etiam malis nil conqueremur: & quicquid alias durum & intolerabile visum est; jam facile momentaneum ac leve videbitur. Fateri cogemur: Hæc omnia, O mi DEVS, quæ suo fine clauduntur, tolerabilia sunt, jucunda sunt, cœlum sunt, ad damnatorum æternitatem collata.

IV. Duplici hoc conspiciolorum genere optimi quique hominum semper sunt usi, & etiamnum utuntur. Beatus Gregorius his se plurimum adjutum non dissimulans: Dum, inquit, recognosco Job sedentem in sterquilinio, Joannem esurientem in eremo, Petrum pendentem in patibulo, Jacobum decollatum Herodis gladio, Cogito, qualiter

DAYS

DEVS in futuro cruciabit quos reprobat, qui ita durè affligit quos amat? Si cum intimis amicis sic agitur tempore gratiæ, quid hostibus fiet tempore iustitiæ ac vindictæ?

Erodite a Chrysostomus: Ab experimento, inquit, rerum tenuium fieri potest, ut accipiamus de magnis aliquid conjecturæ. Si quando in balneo fueris nimium effervescente, tum gehennæ recordaberis: & rursus si quando febre acriore conflagraveris, ad flammam quæ illic est, progredere: tum probè intelliges, quia si balneum & febris adeo nos affligunt & teritant; quo animo futuri sumus, quando in fluvium ignis inciderimus, qui ducitur ab illo horrendo tribunali? profectò frendemus dentibus propter labores illos & cruciatus indicibiles; nemo suppetias feret.

Et quæso, ut conspiciat hæc discamus ritè applicare; sumamus noctem unicam, quam à curis alijsve fodicantibus cogitationibus insomnem, aut quam infestante calculo, urente podagrâ, torminibus aut dentium doloribus in nos sævientibus turbatam exigimus. Quam hæc talis nox longa, & instar hebdomadis aut mensis est! Quid si anno toto sic inter dolores jacendum, quid si annis centum, quid si mille annis, si sex aut decem millibus annorum? quid si æternum, & sine fine?

Pari modo potest quis sibi repræsentare, quicquid unquam illatabile, luctuosum, crudele, miserandum, horribile vidit & audit, quicquid ab Orbe condito sæva tyrannorum crudelitas excogitavit, quicquid ad usque Mundi occasum sævissimorum hominum immanitas invenire poterit; hoc autem omne

B s si vel

si velut in fascem colligatum cum æternitate damnatorum componere, & quasi per conspicilia mentis oculos ad imos Erebi sedes demittere voluerit, cum a Chrysoſtomo proclamabit: Hæc omnia quæ hîc patimur, merus ludus ac risus sunt, si cum illis suppliciis in contentionem veniant. Et cauſam jungens orator Græcus: E enim hæc tormenta, inquit, temporaria sunt: illic autem nec vermis moritur, nec ignis extinguitur. Pone, si libet, ignem, ferrum, & bestias: & si quid his difficilius: attamen nec umbra quidem sunt hæc ad illa tormenta. Nonne videmus terrenos milites principibus seruietes, quomodo criminosos trahunt, quomodo ligant, quomodo flagellant, quomodo perfodiunt costas, quomodo faces tormentis adhibent. Sed hæc omnia ludicra & risus ad illa supplicia. Nam & temporanea sunt hæc pœnæ: illic verò neque vermis moritur, neque ignis extinguitur.

His omnino conspiciliis utendum in rebus omnibus tam acerbis & tristibus quam suavis & iucundis. Alioquin nobis id solum videbitur magnum, quod oculis erit proximum; dolor præsens aut voluptas nos afficiet, futura omnia tanquam eminus sita vix cernentur. Ideò ex iis omnibus quæ aspiciamus, audimus, olfacimus, gustamus, tangimus, aptandum conspicilium, ad remotiora illa plenius cernenda.

V. Chrysoſtomus hæc amplissimè confirmans: b Quando, inquit, videris aliquid bonum

a Chryſ. tom. 4. hom. 9. in epist. 2. ad Cor. & tom. 5. hom. 49. ad pop. Antioch. fin. b Chryſ. hom. 2. in 1. epist. ad Theſſalon.

bonum & magnum in præfenti vitâ, cogita  
 coelorum regnum, & id nihil esse existima-  
 bis: quando terribile, cogita gehennam, &  
 irridebis. Quando te invaserit cupiditas cor-  
 poralis, reputa & ipsius peccati voluptatem,  
 quod nullius sit pretii, quod ne habeat qui-  
 dem voluptatem. Si enim legum, quæ hic  
 sunt latæ, metus tantam vim habet, ut nos à  
 pravis abducatur actionibus, multo magis futu-  
 rorum memoria, supplicium immortale, pœ-  
 na sempiterna. Si metus regis terreni à tam  
 multis nos abducit malis, quanto magis me-  
 tus æterni regis? Quomodo ergo poterimus  
 assiduè metum habere? Si perpetuò audia-  
 mus Scripturas. Nam si mortuus, si solum vi-  
 deatur, animum nostrum ita reprimat, quan-  
 to magis gehenna & ignis qui nequit extin-  
 gui. Si gehennam semper cogitemus, non  
 citò in eam incidemus.

Phalaridis Taurus supplicium olim fuerat  
 horrendum. *a* Origo illius inde. Phalaridi  
 Agrigentinorum tyranno bovem opifex fa-  
 bricavit æneum, quo inclusi subditis ignibus,  
 longo & abdito cruciatu, bovis instar mugie-  
 bant. Teterimum artis suæ opus primus ar-  
 tifex inclusus imbuat. In hoc æneum, igni-  
 tum ergastulum generosissimus martyr Eu-  
 stachius *b* cum conjugē Theopiste ac liberis  
 conclusus, inter immanissima tormenta glo-  
 riosè finiit, omnibus post sæculis mirandum  
 Constantiæ exemplum. Hos cruciatus verè  
 dixeris infernum, sed ò infernum mitem &  
 minime diuturnum? Et licet hunc cogitatio-  
 ne non difficile sit assequi, ea tamen quæ nos  
 ipsi

*a* Valer. Max. l. 9. C. 2. *b* Roma die 20. Septemb.  
 Vide Lipomannum, Surium, Lippeloo, Haraum.

12 DE DAMNATOR. ROGO  
ipsi sentimus. facilius intelligentiâ, citius vo-  
luntate ac memoriâ complectimur, ideo in  
rebus omnibus, ut demonstratum est, quæ  
vel amœnè ac suaviter afficiunt, vel urunt  
mordent, ac pungunt, specilla sic adhibenda  
ut identidem dicamus: Ecquid hoc ad æter-  
nitatem, quid istud ad inferos? Pergamus  
& patiamur. Quæcunque patimur, jocus &  
umbra sunt ad Æternitatis immortale tor-  
mentum.

Hæc in antecessum Lectori scienda duxi.  
Primæ artis est, futura illa sapius recte me-  
ditari.

## C A P U T I I.

*Primum Æternitatis Tartarea  
tormentum*

### T E N E B R Æ.

**H**ieme in nostris regionibus longissima  
noctes sunt: æstare multo breviores.  
At verò fieri potest, ut alicui nox  
longior videatur æstate, quàm quæ longissi-  
ma est hieme. Quàm ea nox longa sit neces-  
se est, quæ horis non multis canitiem antea  
non visam adfert. Id fieri, certis testibus, &  
vel ipsâ docemur experienciâ. Nec docti ne-  
gant, fuisse qui nocte unicâ canuerunt. Di-  
dacus Osorius à rege Hispaniæ in carcerem  
conjectus Hispali, à mœrore nocte unâ inca-  
nuit: Bilbilitanus vates mirabundus cecinit:  
*O nox quam longa es, quæ facis una senem!*  
*a Rectius dixerim; O nox quàm longa es,*  
*quæ*

*a Martialis l. 4. epigram. 7. In castigato recte de-  
est hoc epigramma.*





quæ cogis una non senescere, sed mori mil-  
 lies, & sæpius! Ejusmodi noctes apud in-  
 feros sunt, quibus vel millies, & crebrius, mo-  
 riuntur damnati, nec tamen ullus moriendi  
 finis est. Heu longa nox, quæ longior videtur  
 anno, quæ longior olympiade vel lustro, quæ  
 longior vel sæculo. At verò longissima nox  
 est, quam nullus unquam sequitur dies; hor-  
 ribilissima nox est, quæ tenebris involvitur  
 æternis. Tali nocte, talibus & tenebris Deus  
 in hostes suos vindicat. Sole procul & lunâ,  
 procul omnibus astris damnati degunt, a No-  
 æm illorum tenebrosus turbo possidet: non com-  
 putatur in diebus anni, nec numeratur in mensi-  
 bus. Obscurant eam tenebræ, & umbra mortis,  
 occupat eam caligo, & involvitur amaritudine.  
 Dammati conditorem suum non tantum non  
 vident, sed nec unquam in omnem æternita-  
 tem videre illum poterunt, ad quem tamen  
 videndum conditi sunt. Et hoc primum apud  
 inferos supplicium est TENEBRÆ. Du-  
 plices inferorum esse tenebras, & quàm in-  
 explicabile sit tormentum, quod theologis,  
*Pœna damni*, dicitur, ostendemus.

I. Tenebræ apud inferos, duplices. Illas  
*Corporis* voco, & exteriores, has *Animi*, &  
 interiores. Illæ Corporis, tenebras Ægy-  
 ptias, horribiles, crassissimas, manu palpan-  
 das longè superant. Ignis apud inferos ardere  
 potest, lucere non potest. Quod Sapia-  
 tia de tenebris Ægyptiis asseruit, idem de Or-  
 cinianis dicendum: Unâ catenâ tenebrarum  
 omnes erunt colligati.

—— *Clausi tenebris & carcere ceco.* b

De hac tenebrarum pœnâ Chrysosto-  
 mus:

a *Iob. c. 3. vers. 5 & 6.* b *Virgil. l. 6. Æneid.*

mus: *a* Plorabimus omnes tristissimè, inquit, flammâ nobis vehementius incumbente. Neminem videbimus præter condemnatos nobiscum, & immanem solitudinem. Quis potest verbis consequi, quam formidabiles pavores à tenebris exorientur, quæ in animis nostris extabunt? Quemadmodum ignis illic non habet vim resolvendi, sic nec lucere potest: alioqui non essent tenebræ. Hujusmodi igitur pavorem à tenebris, tremorem, solitudinem, membrorum attonitum stuporem adducere sufficit una illius temporis ratio.

At tenebræ interiores illæ, longè horribiliores sunt, quas Theologi *Pœnam damni*, seu, *Divina visionis privationem* vocant. Hoc omnino suppliciorum summum est, quo Deus hominem punire potest. Nam uri, *videre Deum*, ipsissima beatitudo est, & summa beatorum felicitas: ita, *Deum videre non posse*, maxima damnatorum pœna est, è quâ inexplicabilis in eorum voluntate nascitur tristitia. Explico.

Falco avis dum scorteo \* pileolo testos habet oculos, nec picas, nec anates, nec ardeas insectatur: at ubi pileolo detracto avem conspicatur ad quam consecrandam natura fertur, jam non amplius retineri potest nisi violentissimè: abrumpet lorum & vincula, atque si aliter non possit, aut sibi ipsi pedem, aut venatori brachium, dum luctatur, graviter læder, tanta vi naturæ rapitur, ad illam quam eminus cernit volucrem.

Non

*a Chrys. tom. 5. Paranesi priore ad Theodorum lapsus, mihi pag. 842,*

\* Venatores vocant *Hauben*.

Non absimilis est cum homine ratio. Dum in Orbe hoc agimus, oculos cucullo \* reclusos gerimus; in tenebris sumus. Hinc mirum non est, nos ad videndum Deum vi nullâ rapti; velamen oculis ac vultui prapansum impedit. At ubi Animus corporis exuviis abjectis, cucullo per mortem detracto, jam in Æternitate constitutus liberè circumspiciet, tantâ vi ad conditorem suum rapietur, ut inter supplicia omnia, hoc ei futurum sit summum maximumque, à Conditoris aspectu vel brevi morulâ distineri. Si jam ab eodem exclusus sit æternum, hoc illi tormentum erit infandum prorsus & inexplicabile. Beatitudinis summa est, *Videre Deum*. Rex David sapienter animadvertens, nullis voluptatibus, re nullâ satiari posse hominem: Satiabor, inquit, a cum apparuerit gloria tua. Hinc calamitatum omnium apex est, ab aspectu Dei arceri.

II Quodvis damnum tantò majus est quantò plus bonorum eripit. Gravis multa est, cogi decem millia philippeorum pendere; gravior est, viginti, aut triginta. Centum millium inter gravissimas censetur. Sed hanc ipsam longè superat, multis auri millionibus, imò thesauris omnibus in omnem vitam spoliari. Tale omnino est Tenebrarum hoc supplicium, quod bona simul omnia rapit, nec in omnem tantummodo vitam, sed in omnem, eheu, æternitatem.

b Hinc attonitus Chrysostomus: Nam si mille, ait, dixeris gehennas, nihil illius par dices

\* Mit einer Nebeltappen.

a Psal. 16. Vers. 15. b Chrys. tom. 5. hom. 49. ad pop. propius finem, mihi pag. 283.

dices doloris, quem sustinet anima. Intolerabilis gehenna est, confiteor, & multum intolerabilis : tamen intolerabilior hæc regni amissio. Hoc cogitate. Hoc ipsum sæpius repetens & inculcans : *a* Si mille aliquis ponat gehennas, inquit, nihil tale dicturus est, quale à beatæ illius gloriæ honore repellere, exsumque esse Christo, & audire ab illo, *Non Novi vos.*

Omnis *b* arbor, quæ non facit fructum bonum, excidetur, & in ignem mittetur. Duplex hæc arboris supplicium : Excindi, & in ignem mitti. Arbori mitior poena foret, ignibus ustulari, quàm sic eradicari, ut ab eâ nec frondes nec flores unquam amplius sperari possint. Ita prorsus homini supplicium foret mitius, in ignibus esse, quàm à conspectu Dei æternum exclusum esse.

Imaginem aliquam hujus supplicii, vel umbram, etiam in hac vita videre est. Qui Deum gravius læserunt, dupliciter quandoque puniuntur. Primò doloribus & mœoribus. Sic Antiochus & Herodes etiamnum vivi vermibus ebullierunt, velut cadavera, aut putres casei, verè percussi à Deo. Hæc prima poena. Altera, solatium omne subtrahitur, ut ita punitus nihil amœni reperiât in Deo. Atque hoc gustulus & promulsis \* inferorum est. Quamvis & sanctissimi quique hominum hac promulside subinde initientur. Ideò sæpe vociferatus est David : Ne projicias me à facie tuâ : Non avertas faciem tuam à me. Quemadmodum igitur tam vir-

C

tutum

*a* Idem tom. 2. in cap. 7. Matth. hom. 24. mihi pag. 203. *b* Match Cap. 3. Vers. 10.

\* Hôllisch Boreffen.

tutum quam vitiorum cultores, aliquantulâ tam sensûs quam damni poenâ mulctantur dum vivunt, ut gustent quid legis & moris sit apud inferos: ita qui illuc præcipitantur, illam non sensus tantum, sed & damni poenâ tota mole incumbentem perpetiuntur, & usque in æternum non videbunt lumen.

III Beatissimum hunc supremi Numinis intuitum perdimus quovis letali peccato. Nam, uti theologorum Magister docet, quis letaliter delinquit, voluntatem à supremo fine avertit, & eo ipso meretur, hoc fine, ad quem conditi sumus, excidere. In hos jam dudum lata est sententia: *a* Discedite à me omnes qui operamini iniquitatem. Hæc poena non solum in se gravissima & maxima, sed hominis culpa plurimum augetur. Ab exemplo res patebit.

Est qui decem millia Philippearum assidue qui potuisset adeundâ hæreditate, sed ille ignavissimus causæ suæ indormiit, \* itaque hæreditatem tam opulentam neglexit, jamque talibus feræ poenitentia furis agitatur, ut ipse sibi immineat, velut seipsum discerpiturus. Et nonnunquam mors inde violenta sequitur. Haud aliter damnatorum quilibet seipsum sic allatrat: Potuissem; auxilia non deerant; vocabar: potuissem; cheu, potuissem, sed nolui. A summo Bono exclusissimus sum in omne ævum, & usque in æternum non videbo lumen, quia nolui videre.

Sentire tanto se bono privatum esse, & quidem sua culpa, inexplicabilis infandus erit dolor, mœrorque. Nec mirum, hæc explicari

*a* Matth. Cap. 7. Vers. 23.

\* Hat sein recht verschlafen.

cari non posse. Cum enim cœli gaudia cogitando non penetremus, Numinis aspectum non capiamus, quid miri, si tanti boni privationem non satis æstimemus. Infantulus, cum parens illius moritur, ignorat quid in hoc uno homine perdat, ideo nec gemitus ducit, nec lacrymas fundit: Simillime nos agimus, cum peccamus; ignoramus heu miseri quantum bonorum amittamus.

Neque verò hic unquam tot tantisque malis obruimur, quin subinde respirare liceat; accedit quod Orbis alterius statum nesciamus. Hinc non neminem videas, qui sub ingenti malorum mole, cum rege Vandalorum Gilimere rideat. Risus omnis ab Orco procul exulat.

In omni noxa letali, singulariter spectanda sunt duo hæc, *Aversio* & *Conversio*. Sic loquamur cum Theologis. Avertit se à creatore qui peccat; Convertit autem se ad rem creatam. Hoc velut duplex in Deum injuria est. *Aversioni* proinde *Pœna damni*, *Conversioni Sensus pœna* respondebit, quæ licet multiplex sit, ab illa tamen priore multum superatur. Et certe procul omni risu esset, quem sola Damni pœna torqueret; gehenna satis sentiret, qui hoc uno supplicio afficeretur.

Gravissime olim questus Cain a impius: Ecce, inquit, ejicis me hodie à facie terræ, & à facie tua abscondar. Et tamen etiamnum spes erat recuperandæ gratiæ. Quid de inferiorum captivis dicendum? Ejecti sunt à facie terræ, & à vultu divino absconditi. Vere Deus, quod diu minabatur, b dereliquit eos, & abscondit faciem suam ab eis: sunt

C 2

in

a Gen. cap. 4. v. 14. b Deut. 6. 31. v. 17.



in devorationem; inveniunt eos omnia mala & afflictiones. Illud malorum maximum Projecti sunt à facie Dei. Quod unice actus tuis deprecatus est David, à facie Dei non projici, hoc illis jam contigit: Projecti sunt nunquam amplius recipiendi.

Quam acerbi doloris est, si is qui jam iam in regem fuisset ungendus, capiatur, & in furorem ergastulum detrudatur. Videte Orbis terrarum Nabuchodonosorem in ipso gloriae culmine constitutum, subito præcipitem rueret, & in saltum ad feras ablegari, ut qui male hominem egisset, disceret jam agere bovem. Videte Hebraeorum regem Sedeciam à folio in carcerem raptari, neque solum fortunis omnibus, sed & oculis privari. Tunc verissimè, quod Boëthius dixit, miseriarum maxima erat, meminisse felicem se fuisse. Non aliter damnati omnes eo tempore in Aeternitatis antra raptabuntur, quo inter ceteros beatos fuissent attollendi in reges, non minimum unquam sensuri malum, summum semper possessuri Bonum. Hoc unum recte damnum dixeris, & quod satis dici, quod satis deseri non potest, irreparabile.

IV Orbus oculis quid aliud quam illud cæci a postulet: Domine, ut videam. Si quid damnato fieri posset gratia, ut unam aliquam ex universis cœli voluptatibus peteret, utique id unum rogaret: *Videam Deum*. Amœnorem locum non cupio, suaviorem societatem non desidero, nec in ignibus esse detracto, modo *Deum videam*. b Verum id nulla lex permittit.

Sed obsecro, modo post mille annos id im-



petrem. *Non permittit hoc ulla lex.*

Modo post decem millia annorum id consequar quod peto. *Nec istud leges ulla patiuntur.*

Saltem post quinquaginta millia annorum hoc obtineam. *Omnes Dei leges reclamant.*

Ah, vel saltem post centena millia annorum Deum videam. *Aque hoc abnuunt divina leges.*

O si demum vel post centies centena millia annorum exaudiar. Actum est; Nihil hic impetrabile est; Janua gratiæ jam clausa est. Porta cœli jam obserata est. Deum nunquam videbis, a Et usque in æternum non videbis lumen.

Hoc cogitate, inquit Chrysostomus. Cogitemus, obsecro, cogitemus, & hæc tam seria vel à nugis nostris æstimemus. Si quis molitur omnia, & nullum non lapidem moveat, ut vel desideratos honores, aut optatas opes, vel expetitam sponsam impetret, nullisque laboribus vel sumptibus parcat, jamque pane votum suum spe certa devoret, paretque nuptias; Alius tamen ex inopinato præveniat. Hoc miserum ad insaniam redigit. Hic damnum cum pudore ferendum. Hinc amentia & furor, hinc cades & mala plurima.

Sed comparate mihi hominem spe sua falsum, & alium æternis tenebris involutum. Grande nimis discrimen est. Ille alio migrare, alios honores, sponsam aliam ambire potest. At iste nec locum mutare, nec supplicium effugere valet; spe omni excidit, æternum desperatissimus. Nihilominus fateri

22 DE DAMNATOR. ROGO  
cogitur, quod Deus pro se sollicitus in viam  
varie vocarit, ipse verò venire ac sequi con-  
tempserit. Non nescit eo se conditum, Chri-  
sti sanguine redemptum, salutis fonte ablu-  
tum, à Deo millies invitatum: Veniret mo-  
do, regnum occuparet, conditore suo atern-  
um frueretur. Sed ego, dicet ipse sibi, in  
culpa sum, ego neglexi, ego me in has flam-  
mas præcipitavi. Hic pudor, dolor, furor mi-  
serabilis, immensus. Isaias clamat: *a* Tene-  
bræ & palpatio factæ sunt super speluncas us-  
que in æternum.

Hoc vel ipsi cacodæmones fatentur, cum  
illis corpore in seffo latitantibus exprobratur:  
*O miseri, Deum nunquam videbitis.* Tum illi  
fremere, sævire, furere, gestu motuque cor-  
poris horribili ostendere, ea una re incredi-  
biliter se torqueri.

V Beatissimam hanc Dei visionem Chri-  
stus Dominus compendio explicavit, cum  
omnem Angelorum felicitatem in eo sitam  
docuit: *b* Semper vident faciem Patris. Cum  
verò illam de regiis nuptiis parabolam pro  
concione exponeret, sub finem addidit à re-  
ge dictum: *c* Mittite eum in tenebras exte-  
riores. Hebræa phrasi carcer longe teretri-  
mus, tenebræ nimium formidabiles desi-  
gnantur, quale nihil in Orbe hoc nostro. De  
hoc Augustinus differens: *d* Ut penitus, in-  
quit, extra Deum sit, quisquis dum tempus  
est, corrigi noluerit.

Ea vitæ istius ratio est, & tanta subinde  
mœstitia nos incessit, ut unum hoc lubeat,  
*Lugere*; nulla Sir. nam carmina, nulli Cha-  
ritum

*a* Isa. c. 32. v. 14. *b* Matth. c. 18. v. 10.

*c* Matth. c. 22. v. 13. *d* Aug. in psal. 6.

ritum lepores , nulla Voluptatis blandimen-  
ta pristina nos hilaritati restituere possunt ,  
adeo nonnunquam in mœrorem obstinavit  
animus. De superioris ævi Imperatore publi-  
cæ litteræ produnt , eum tantis mœroribus  
confectum fuisse , ut illum nulla vocum &  
fidium harmonia , non equestres ludi , nulla  
locorum amœnitas , nulla gratissimorum ho-  
minum colloquia ad hilaritatem potuerint  
traducere ; frustra erant omnia. Quid hoc ,  
obsecro , Deus sibi vult ? Quid eruditionis  
sacræ hic ingerit ? Hoc ipsum : An videtis ,  
ô mortales , quam humana omnia inane ma-  
gnum , & picta vanitas sint ? Num tandem  
sentitis , quantum à me uno , omnia vestra  
pendeant ? En , nec omnium quidem volu-  
ptatum congeries animum mœrori datum ,  
absque me , hilarare potest.

Ira prorsus est : habes , ô Deus , consiten-  
tes reos. Quod si huic tam mœsto homini  
cuicunque divina facies vel momento se  
conspiciendam præbeat , mox omnes tristi-  
tiæ nubes evanescant necesse est , perinde si  
quis è tristissimo somnio evigilet repente ,  
somniaque sui vanitate damnata , in palatio  
nobilissimo , inter charissimorum gratulatio-  
nes seipsum circumspiciat.

Porro Deum videre tam immensæ volu-  
ptatis Oceanus est , ut , etiamsi quis vel in  
igne sit , si Deum tamen videre possit , præ  
tanti gaudii dulcedine ignem sensurus non  
sit. Cogitationes hic nostras , obsecro , mitta-  
mus ulterius , & paullo altius divinos hos in-  
tuitus expendamus. Inde profectò liquebit ,  
quantum hæc una summi Boni jactura tristi-  
tiam ac dolorem omnem , calamitates o-

24 DE DAMNATOR. ROGO  
mne malum ac supplicium infinitis partibus  
excedat.

V I Atqui hæ tenebræ, seu, divini aspe-  
ctus privatio primum est tormentum Ater-  
nitatis damnatæ, qua iustissime punitur hu-  
manæ mentis cæcitas, quæ primum in hæ  
vita malum & ultimum malorum est. Ubi  
quequaque is miser est, quem cæcitas ista  
corripit. Hunc talem nec admonitiones, nec  
exempla, nec correptiones, nec instructio-  
nes, aut conciones ullæ corrigunt. Cæcitas  
& animi furor hominem jam occuparunt.  
Qua data porta ruit in vetitum, amentia cæ-  
cus. Huic sobrios castosque mores commen-  
dare, est colores laudare cæco.

Hujus erant farinæ duo nequissimi senes  
illi, alienæ pudicitæ subseffores, Susanna  
a judices, qui everterunt sensum suum, &  
declinaverunt oculos suos, ut non viderent  
cælum, neque recordarentur judiciorum ju-  
storum. Hos lascivus amor adeo in transver-  
sum egit, & dementavit, ut conscientiam  
voluntatem ac rationem illorum foedæ tene-  
bræ involverint. Sicut autem qui in alta no-  
cte ruere incipiunt, non vident qua ratione  
sistant ruinam: ita illi prout labi cœperunt  
sic ad grande nefas prolapsi sunt.

Hinc nemini mirum videatur plurimos in-  
turpissimis flagitiis quæta statione persiste-  
re; caligo mentium illos exercet. Priora vi-  
tia diem illis eripuerunt, inde jam securi  
pergunt scelerata nocte defensi; Evertunt  
sensum suum, & declinant oculos suos ne  
videant cælum. Job pepigit foedus cum ocu-  
lis suis, ne virginem aspiciant; illi cum suis

ne cœlum videant, ab eo forsitan terrendi aut  
alliciendi ad meliora.

Hoc mentis est tenebris ac sordibus op-  
pletæ, quam ideo *Pœna damni* cruciat æquis-  
sime. Noluistis videre Deum; non videbitis  
æternum. Quapropter Hieremias a vates hor-  
tatur: Date Domino Deo vestro gloriam, an-  
tequam contenebrescat.

Græcus ecclesiastes Chrysostomus, nobi-  
lissimam totius Christianæ philosophiæ regu-  
lam tradit, rebus omnibus sic applicandam:  
Suave hoc quidem est, sed non immortale.  
Epulari & cuticulam curare, *suave quidem,*  
*sed breve.* Indulgere genio, & delitiis se de-  
dere, *suave, sed non diuturnum.* Carnis petu-  
lantias sectari; *suave, sed non perpetuum.* Ab-  
undare divitiis; *suave, sed non immobile.* Ho-  
norari ac laudari passim ab omnibus; *suave,*  
*sed non æternum.* Petere ultionem ex hosti-  
bus; *suave, sed heu quam non stabile!* Stoma-  
cho suo vivere, pleraque omnia ex voluntate  
sua facere; *suave ac jucundum, sed heu non*  
*sempiternum.* At verò divinis obtutibus pri-  
vari, acerbissimum simul & perpetuum; lu-  
gubre nimis & immortale. Ne igitur, inquit  
b Chrysostomus, segnes simus, ut uno mo-  
mento delitiamur ( hoc enim est præsens vi-  
ta ) & infinitorum sæculorum accersamus  
nobis supplicium: sed momento laboremus  
ut perpetuo coronemur. Videtis quod etiam  
in sæcularibus sic plerique homines faciunt,  
& parvum laborem pro longa quiete eligunt,  
tametsi diversum eis eveniat. Nam labor sæ-  
pe immensus, fructus verò parvus, & sapius

C 5 ne

a Hier. c. 13. v. 16. b Chrys. tom. 4. in epi. 2.  
ad cap. 5. hom. 9. fine, mihi pag. 617.

ne parvus quidem. Considera agricolam per totum laborantem annum; & sub ipsum finem sæpius excidit spe fructus multorum laborum. Item gubernator ac miles usque ad ultimam ætatem in bellis ac laboribus agit, & sæpius uterque moritur, & ille quidem sarcinas divitiarum, hic verò cum victoria etiam vitam amittit. Quam igitur habebimus excusationem, in rebus secularibus laboriosa perferentes, ut parum refocillemur, vel ne parum quidem, spes enim incerta est: in spiritualibus autem contrario modo facientes, & propter parvam ignaviam, ineffabilem poenam nobis accersentes? Ideo oro vos omnes, vel sero ex hoc stupore evigiletis. Nullus enim nos liberabit in illo tempore, non frater, nec pater, nec puer, nec amicus, nec vicinus, nec ullus alius: sed si operibus destituti fuerimus, omnia transibunt, omninoque peribimus.

VII Rectissime igitur hortatur Isidorus Pelusiota: In æternitatem tanquam in scopum intenti simus, & prudentiam indies divinis oraculis acuere debemus. Hoc scilicet unum terreat, hoc soletur unum: Terreat quidem, dum quisque sibi dicat: Perdo Deum hoc vitæ momento? Omnes unà voluptates, omnia simul bona perdidi, idque æternum. Promereor Dei faciem hoc vitæ punctulo? Gaudium omne, bona simul omnia acquisivi.

Gregorius id affirmans; Omnia etiam retinendo, inquit, relinquitis, si sic temporalia geritis, ut tamen tota mente ad æterna tendatis. Si cupis, inquit a Chrysostomus,

his

a Chrys. in 1 epist. ad Tim. hom. 11 fine, mihi p. 1332.

his quæ in Mundo sunt, frui, coelum quære : Si vis etiam præsentia consequi? toto illa studio despice.

Erminigildus juvenis sanctissimus Hispani Regis filius, cum ei pater Levigildus jussisset dici, aut eucharistiam Arriano ritu sumendam, aut moriendum esse. Ille religionis veræ tenacissimus Arriano patri renunciari jussit : Facilem esse jacturam regni, quod diu retineri non posset : illud à se regnum ambi-ri, quod reges faceret immortales.

Non aliter nobis ratiocinandum : Rebus omnibus quæ à summi Boni aspectu detinent, Vale longissimum dicamus. Plurima enim perduntur cum lucro; nec æstimandum est damnum illud, quod fœnore pensatur amplissimo.

Cum rex Demetrius Athenas cepisset, Lachares Atheniensis philosophus vultum atramento tinxit, rusticam vestem induit, & calathum multa fronde opertum tulit. Qua ratione per portam omnium minimam furtim egressus est. Ut verò Tarentinos equites summo studio insequentes falleret, equo & ipse conscenso, numos Daricos in via velut neglectim sparsit. Hos dum illi studiosius colligerent, ipse in Boeotiam elusis insecutoribus pervenit. Lucrum est, perdere ut lucraris, abjicere ut serves. Abjiciamus ergo ut servemus, perdamus ut lucremur. Hoc unum perdere metuamus, æternum Dei aspectum : illudque jam assidue pro se quisque roget : a Ne projicias me à facie tua. Tibi dixit cor meum, exquisivit te facies mea, faciem

DOMI

28 DE DAMNATOR. ROGO  
tuam Domine requiram. Ostende mihi fa-  
ciem tuam, Domine. Ostende nobis Patrem,  
& sufficit nobis. Domine, paratus sum om-  
nia, quæ jusseris, aggredi; quæ immiseris,  
pati; quæ volueris, facere; quæ prohibueris,  
cavere. Tu modo, Ne avertas faciem tuam  
à me. Domine, jam sim in tenebris, jam  
vilipendar, jam infimis accensear. Tu modo,  
Domine, Tu modo ne avertas faciem tuam  
à me. Malum etiam levissimum, si semper  
duraturum sit, immensum ab æternitate  
pondus accipit. Quid ergo de malorum om-  
nium malo gravissimo dicendum?

### C A P U T III.

*Alterum Æternitatis Tartarea tor-  
mentum*

### F L E T U S.

**S**I vinitor incurius botros in vite jam  
maruiros negligat, ac tum primum ad  
torcular deferat exprimendos, cum jam  
putrescunt, vinum effluet tam ignobile & in-  
suave, ut id nulli nec ebrio quidem propinari  
possit. Lacrymæ piæ, pretiosus liquor, &  
vinum sane generosum sunt, vel Angelis  
propinandum, si tempori fundantur.

Bernardus certe asserit, nostras lacrymas  
Angelorum esse delitias, si tamen eas expres-  
serit vel dolor sanctus, vel amor divinus.  
Quod si lacrymæ fundantur tempore non  
suo, aut causa non laudabili, in vinum acescens  
& marcidum degenerant; potus miserabi-  
lis, nemini profuturus.





Illæ regum monstra Herodes & Antiochus lacrymas fundebant, sed non serias, & nimium feras. Venator Esau, a Paulo teste Non invenit poenitentia locum, quamquam cum lacrymis inquisisset eam. Vinum ignobile atque fugiens, lacrymæ intempestivæ.

Tempus vivendi, tempus flendi est: Qui *b* seminant in lacrymis, in exultatione metent. Euntes ibant & flebant, mittentes semina sua. Hac quidem ratione fragrans Angelorum vinum, aromatites, conditum funditur.

Elephas quandoque noctu triste murmurat, suam velut servitutem deflens. In nocte degimus, dum vivimus, & heu vitis crebro servimus; cur servitutem hanc miserrimam non jure defleamus? Uvas ad vitem putrescentes negligit, qui cum Petro & Magdalena flere renuit. Seræ nimis sunt lacrymæ in Orbe altero; Hic flendum est, Væ miseris qui domum luctus subeunt æterni: illic quidem incipitur fletus, sed non finitur. Æternitas perennium pincerna lacrymarum est.

Atque hoc alterum apud inferos supplicium est, *F L E T U S*, de quo Servator explicatissime: *c* Ibi erit fletus, & stridor dentium. *Tenebra oculorum*, *Fletus aurium* tormentum est; de illo, capite priori, de isto, capite sequenti nos plura.

I Damnatorum lacrymas Christus in divinis suis concionibus sapius ingessit, ne memoria elaberetur maximi doloris testimonium. Hinc illæ voces crebrius repetita: *d* Ibi erit fletus, & stridor dentium. \* Fletus

*a* Hebr. c. 12. v. 17. *b* Psal. 125. v. 5. *c* 6.

*c* Matth. c. 13. v. 42. *d* Matth. c. 13. v. 42. *e*

quidem, inquit \* Bernardus, ob ignem qui non extinguitur, stridor verò ob vermem qui non moritur. Plane fletus ex dolore, stridor dentium ex furore. Fletum nempe tormentorum immanitas, stridorem dentium vehementia ipsa tabescentis invidiæ, & obstinata malignitas extorquebit.

De tempestivo fletu Veritas dixit: *a* Beati qui lugent, quoniam ipsi consolabuntur. Hic nonnunquam voluptatis est flere: *b* Æternus illic fletus solatii omnis est expers. Notum Nasonis illud:

*Sedatur lacrymis, egeriturque dolor.*

At illic tormenta omnia incrementum à fletu capiunt, perinde ut flamma oleo aut bitumine vegetatur.

Quod si damnati singulis diebus vel unicam solum lacrymulam stillarent, atque hæc unius diei guttulæ cum secuturis ceteris (quod Deo facile) asservarentur, demum ingens lacrymarum Oceanus inundaret, maria omnia superaturus. Verum damnati licet acerbissime plorent ac ejulent, nullas tamen lacrymas fundunt, quemadmodum perfrixiæ frontis pueri, qui quamvis acriter à parentibus cadantur, nec unicam tamen lacrymulam extillant; obduruerunt contra plagas: Ita damnati, quorum voluntas est obstinatissima, horrendum quidem vociferantur & exululant, fremunt, ac furunt, sed pias oculorum pluvias non mittunt. Omnes suas cævas confusissimis ejulatibus, velut pecudes

jàm

cap. 22. v. 13. Luc. c. 13. v. 28. \* Bern. serm. 8.  
in Psalm. Qui habitat, circa med. a Matth.  
cap. 5. vers. 5. b Æternitatis Considerat.  
4. 5. 2.

jam jam jugulanda complent. Ah, quam musica æternum non sopienda! <sup>a</sup>

Quod Paulus de cœlestibus delitiis eloquutus: Nec oculus vidit, nec auris audivit & id sane de damnatorum etiam furioso fletu asserendum: Tam lamentabiles questus, tam horribilas vociferationes, tam terribiles rugitus edunt, ut verissime dici possit, nemo simile quid unquam audivit.

In memoriam, obsecro, revocemus crudelissimos Neronis hortos, in quibus ipse cenare solitus, dum Christiani circum circum suffixi palis, <sup>b</sup> lento igne cremarentur in usum nocturni luminis. Quam lugubres ac miserandi horum ejulatus fuerint? Cogitemus vel mille solum hujusmodi crucifixos flammarum medios, & mille alios jam fractis cruribus, rotis implexos etiamnum spirare & luctuosissimis lamentis cruciatus maxime testari. Quam hæc miserabilis ejulatio? Sed quid mille subjectis ignibus crucifixi, qui mille rotis inserti rei sunt ad tot millies milena millia, ad tot millionum milliones cum damnatorum, tum demonum, quorum omnium formidabiles vociferatus, unusquisque ut malum sibi proximum distincte percipiet.

II Istud Deus sapientissime decrevit, ut quod beatos omnes mirifice oblectabit, ejus contrarium damnatos incredibiliter excruciet. Cœlestes modulos ac beatorum musicam commendant sæpius divinæ pagine, quippe

<sup>a</sup> Theologis notum post supremum judicii diem nullam nec generationem nec corruptionem fore

<sup>b</sup> Transfigi palis, simplex crucis genus, Tacit. lib. 15. Annal. post med.

quippe omnes etiam exteriores sensus sua quisque voluptate perfunderetur: sic apud inferos singularissimum erit tormentum, perpetim audire tot centenorum millium horribilissimos mugitus, planctus, rugitus, pœ inde si meri boves assentur vivi, aut si rabidi canes catenas rumpere ludentur, nec possint.

Quam insuavis est musica, si vicinus atrium canibus plenum habeat, qui noctu assiduus latratibus pervigilis ægroti aures obtundant? Sed ô quam dulcis est canina hæc musica! ô quam mitis est, & minime diuturnus hic Orcus, ad flammeos inferorum specus æternis ejulationibus exsonantes!

Ita nimirum amatoriarum impurarum cantiuncularum, ita lascivi moduli; sic carmina saltatoria, & spurca choreumata \* expiantur; illorum loco Væ, Væ, Væ sempiternum insonabit! Dammati Deum divosque, imo & seipsos, omnesque sceleris socios assiduus execrationibus devovebunt: parentem filius, filium parens, matrem filia, hanc mater execrabitur, omnes vitæ dies annosque, & ipsam quam quisque natus est horam maledictis onerabit.

Nil æque tamen siccissimis illis lacrymis defleebunt, quam turpissimam temporis jacturam: tot optimas horas, tot opportunissimos dies, tot hebdomades ac menses, tot ipsos etiam annos tam otiose tamque turpiter consumpsisse, dolor erit vehementissimus, sed heu nimium serus.

Narrat Petrus Reginaldus, Homini religiosissimo, dum preces funderet, allapsam ad aures vocem lugubrem. Quæsit ille quis

D

efflet;

\* Dang Stedten.

34 DE DAMNATOR. ROGO  
esset, quid ploraret, quid peteret? Ad quem  
vox iterum: Unus è damnatis sum. Quid lu-  
gubre ploras, ajebat alter. Cui denuo vox il-  
la: Ego, damnatique ceteri nil adeo acerbè  
deploramus, quam vitæ tempus inter flagitia  
perditum. Eheu, vel horula unica impetrare  
licuisset, quod omnis deinceps æternitas ne-  
gabit.

O dictum verum, sed heu nimis etiam se-  
rum! Hinc optimus plurimorum mos est,  
singulis horis animum calo attollere ejusce-  
modi verbis: O Dominus meus, & Deus  
meus, iterum consumpsi horam, cujus erit  
reddenda ratio: Miserere mei Deus, nunc &  
in fine vitæ meæ. *a*

III Jam igitur utilissime gēimus, jam  
lacrymæ, si velimus, gemmæ sunt, jam op-  
portunissime flemus, ne semper gēendum,  
ne flendum sit æternum.

Cum Macedonum regi *b* Alexandro, mul-  
ta de matre scripsisset Antipater, quibus per-  
lectis: Ignorat Antipater, ait rex, unicam  
maris lacrymam, multarum calumniarum  
epistolæ esse deleturam. Idem ego pane de  
noxiiis inferorum capitibus dixerim: Damna-  
ti suaviter ignorare voluerunt, unica lacry-  
mula sed seria & matura noxas omnes abo-  
leri posse.

Eam ob causam Bernardus: *c* Quis, in-  
quit, dabit capiti meo aquam, & oculis meis  
fontem lacrymarum, ut præveniam fletibus  
fletum, & fridorem dentium, & manuum  
pedumque dura vincula; & pondus catena-  
rum

*a* Vide Horologium Angeli Tutelariorum Hora 2. Diei

*b* Plutarchi, ap. Alexandro, *c* Bern. Jerem. 16.

*in Cantica.*

rum prementium, stringentium, urentium, nec consumentium. Ibi erit fletus. Unius Matthæi ore hoc quater repetitum: Filii autem regni ejicientur in tenebras exteriores, Ibi erit fletus & stridor dentium, Idem ingeminatur: Et mittent eos in caminum ignis, Ibi erit fletus & stridor dentium. Inter nuptialia gaudia in male vestitum pronunciat: *a* Mittite eum in tenebras exteriores, Ibi erit fletus & stridor dentium.

Non caret fletus solatio, cum mortuus, qui defleretur, etiamnum in adibus est, sed ubi effertur non rediturus, cum in scrobem dejicitur ante judicii diem non emersurus, hic nimbi lacrymarum fluunt, hic mœstissimum ultimumque Vale dicitur: Sic omnis in Orbe hoc ploratus suum habet solatium. Imo, quemadmodum qui flere se somniant, finito somnio siccas deprehendunt genas, & triste ludibrium mirantur: sic ubi post fallacia vitæ somnia ad æternitatem evigilaverimus, nostras ipsi sterilissimas lacrymas & mirabimur, & damnabimus. Vere somniantium hic planctus est, nam, ibi, Ibi erit fletus & stridor dentium, idque ob infandos dolores.

Libeat, oro, experimentum ejus rei vel levissimum subinde fumere: digitus ardenti sed gracili cereo admoveatur per partem horulæ. Prò quanti quiritatus, ejulationes quantæ audientur? Totum hominem putabis rogo injectum, cum solum extrema pars digiti uratur. Quid quæso hac ludicra, hæ pictæ flammulæ ad gehennam? Ibi erit fletus, ibi stridor dentium erit. Fletus ab igne, dentium stridor ab inexplicabili frigore proveniet.

D 2 Sed

*a* Matth. cap. 8. v. 12. & c. 13 v. 42. & 50.



Sed & illud hîc significatur, damnatos interrimis semper sensibus pati.

In febrientibus id observare est, in quibus quia vivacior etiamnum doloris sensus, ideo hoc dentium concussu vim morbi frangendam putant: ita damnati suos cruciatus vivacissimo sensu percipiunt, ideo illos velut mitigaturi, & flere dicuntur & stridere, dentemque in dente fatigare.

Jure flebunt, merito ejulabunt, dum enim viverent, coram eis Christus crucifixus toto flebat corpore, & sanguinem membris omnibus efflebat, sed frustra; Tutelaris Angelus aures illorum monitis obtundebat, sed frustra; coelites omnes ad meliora provocabant, sed frustra; Deus ipse triginta, quadraginta, quinquaginta, sexaginta, pluribusque annis clamabat & invitabat ad honestiora, sed frustra omnia. Noluerunt flere brevissimo tempore: fleant igitur omni ævo, fleant æternum. Clamores monentium neglexerunt audire, clament igitur, & non audiantur.

IV Fit nonnunquam, ut viator in montis fistigio videat quosdam, qui in subjecta valde periculossimam glaciem tentent trajicere. Hos ille non tantum videt, sed & periculi monet, ne pergant in præsens ituri exitium. Siquidem non raro rigente bruma stagnans aqua, vel annis mitissimus, sed profundus tenui glacie velut crusta obducitur. In glaciem injectæ nives tutissimum iter viatori sentiuntur.

Huc ubi viarum ignari deferuntur, amnem tacitis meatibus serpentem, & glaciem fallacissimam ingrediuntur, tanquam si solidis campis incederent, periculorum securi.



At glacies moli corporum impar vestigium fallere, subito hiatu discedere, & ita mergere incautos.

Hoc ubi in colle futurum praevidet periculi gnarus viator, mox vociferari ab alto & monere, ne illac porro eant, exitio ire proximorum; dolosam glaciem declinent, iter alio flectant.

Fidelissimum hunc clamorem si viatores in valle, aut non audiant, aut contemnant, in suum ipsi properant interitum. Fallit glacies? haurit annis? frigus perimit? Sibi culpam impudent, Moniti sunt; sed audax temeritas sprevit monita: Suo perit vitio, qui sic perit.

Haud aliter Deus, divique coelites ab alto clamabant olim, sed etiam nunc clamant: Fallacissima glacies est Voluptas, recedite; fragili superficie decipit oculos, ne fidere; rumpetur subito fraudulenta hac via, ne pergit, certo submergendi. At illi protervo risu monita eludentes, in pericula certissima nimis quam animosi securo pede pergebant, in glacie tam insidiosa non tantum viam reperturi, sed etiam choreas ducturi.

Ita ibant, ridebant, jocabantur, saltabant: subito rupit glacies, submersi miseri, heu non amplius emergsuri; sepulti semper, nunquam mortui, nunquam morituri, & tamen morituri semper. Jam lamentantur & plorant: frustra. Non audierunt moniti, jam nec monentes nec fientes audiuntur. Pereant, quos tam pertinax pereundi libido tenuit.

Amantissimus Deus satis diu satisque vali-

38 DE DAMNATOR. ROGO  
declamavit: nemo audiit. Vocavi, & ait, &  
renuistis, extendi manum meam, & non fuit  
qui aspiceret; despexistis omne consilium  
meum, & increpationes meas neglexistis,  
Ego quoque in interitu vestro ridebo.

Christus quamdiu, & quam contente clama-  
bat? Beato Luca *b* teste, Ipse iterfaciebat  
per civitates & castella, prædicans & euan-  
gelizans regnum Dei. Et hæc dicens clama-  
bat, qui habet aures audiendi, audiat. Quid  
obsecro clamabat? Væ vobis, qui ridetis  
nunc, quia lugebitis & flebitis. Perinde  
dixisset: En, vaticinor, hæc glacies, quam  
insistitis, fallet vestigium; mergemini; bre-  
ves cachinni fletu finientur nunquam finien-  
do. Sed surdis cantabatur fabula; jam non  
surdos cruciant tormenta.

V Hic monitum in illo saluberrimum.  
Hoc agamus, cum in miseria sumus & adver-  
sis premimur, saltem, hoc unicum cogite-  
mus: Si miseria hæc duret æternum; si istud  
semper sentiam, in quantum id excresceret  
tormentum vel sola diuturnitate? Ah, vel  
muscæ, vel culicis punctiuncula, si tamen sit  
æterna, quam inexplicabilis cruciatus pro-  
nunciabitur? Quis igitur horror exercebit  
damnatos vel ob unam hanc, sed assiduam  
cogitationem: Hic ignis æternum ferendus,  
hic ululatus æternum audiendus, hic foetor  
æternum olfaciendus. Atque hinc fletus mul-  
to quam amarissimus; hinc horror sempi-  
ternus.

Terror, tremor, ejulatus, angor undique  
opprimet Stygis *c* ergastulos. Quia verò hæc  
suppli-

*a Proverb. cap. i. v. 14. b Luc. cap. 6. v. 25. c Sic  
olim vocati servi, qui in ergastula conpangebantur.*

supplicia nullæ annorum centuriæ, non Olympiades, non lustra, non sæcula, nullæ sæculorum myriades exhaustient, rectissime Jobus & Sempiternum horrorem nominat.

Ægro subinde nox unica censetur anno longior: quot ergo annos, quot sæcula unicuique damnatorum annus includet, cuius nullum designare sit momentum, quod non occupet mors acerbissima. Æternus mœror æternæ mortis comes est.

Narrat Joannes Climacus, b in obeundis monasteriis hominem religiosum à se visum, qui continuis fere lacrymis madebat. Hunc ipsum super ea re placuit interrogare. Mi frater, aiebat Climacus, quid obsecro causæ est, quod adeo uberes tibi sint oculi, ut pene nunquam non aquas stillent? Ille diutule cunctatus, id demum responsi dedit: Ego Pater, persuasissimus sum, non cœnobitis, sed Christo & Apostolis me servire. Et quia ad focum & ignem mihi hærendum (cœnobii cocus erat) assiduis cogitationibus ignes illos æternos volvo. Hoc lacrymas ciet.

Cogitatio prorsus saluberrima, inferorum rogos, damnatorum fletus animo versare. Illic, inquit Cyrillus, ingemiscunt assidue, nec ullus miseretur; clamant de profundis, & nemo fleatitur; lamentantur, & nullus eripit. Hæc lamenta præcogitando caventur.

VI. Miserunt olim è monte c Nitriæ religiosissimi viri complures, junctisque precibus Macarium rogarunt, ingenti plurimum desiderio id daret, & in Nitriam veniret, alio-

D 4 quin

a Job. c. 24. v. 19. b Io. Clim. gradu 4. de Obediencia, post initium. c Pelagius interpret libel. 3. n. 9. apud Rysvold.

quia sciret, subito plurimorum adventu se obruendum, si venire cunctaretur. Persuaderi se passus Macarius non distulit venire. Hic omnes primum aspectu tanti viri oculos pascere, dein & aures satiare velle. Itaque una omnes Macarium rogant, adderet hanc gratiam, & audiendi avidissimos ad virtutem hortaretur. Expectabantur grandia. At Macarius non verbis sed lacrymis orsus dicere. Floremus, inquit, & lacrymas, o fratres nostri oculi producant, antequam hinc emigremus, ubi lacrymæ comburunt corpora. Hoc orationis exordium, hoc narratio, & confirmatio, hoc epilogus fuit. Quæ quidem brevis, sed seria cohortatio sic omnium animos percelluit, ut cuncti lacrymis perfusi, in terram procumberent, dicerentque: Pater ora pro nobis.

Rem dixit Macarius: Lacrymæ, dum vivimus, lavant; post mortem, cruciant; his fordes abstergunt, illic fontes amburunt. Ibunt exit fletus, & acerbissima cum damonum tum damnatorum comploratio. Fingamus quoscunque aurium cruciatus, clamores hominum, latratus canum, luporum ululatus, mugitus boum, rugitus leonum, aliarum bestiarum tremitus, fragores nubium, dejectus aquarum, & quicquid in amœnum auribus fingi potest, ah quam id omne nihil esse ad Orcinianæ plebis desperatissimum fletum, cujus auctarium est stridor dentium.

Huc adsint qui odio invidiaque æstuant, qui leviter læsi ringuntur, qui dentes veluti apri acuunt, & dentibus infrendunt: hæc in damnatis suos agnoscant mores. Vates regius monet: *Observabit peccator ju-*

stum, & stridebit dentibus super eum.

Vitam nostrum inspice, & videbis quomodo alter in alterius exitium attentissimis oculis collineet. Sed quas demum utilitates hinc sequimur? Unum hoc spectamus, ut qua parte patet adversarius, ea istum inferamus certissimum: laedere, obesse, perdere conamur. Hoc inexplebile odium, hoc insatiabilis agit invidia. Et velut canes, cum rixantur, dentes retegunt; ita nos canini homines, aut inhumani canes inter nos agimus, & nonnunquam de osse calvo altercamur.

O Invidi, odiisque exacerbati, quid Stygios canes æmulamini, cur mores damnatorum induitis? Ibi, ibi erit fletus, ibi stridor dentium. Quisquis æternum illud Væ capit, invidiam omnem ac odium ponit; illud mente memori volutans: Nec oculus vidit, nec auris audivit, quæ Deus præparavit deferentibus se. In Tartaro fletus, in Paradiso concentus erit, quem nulla unquam auris audit. Tui arbitrii nunc est, aut illum fletum, aut hunc concentum incipere. Aut hunc, aut illum nunquam finies.

## CAPUT IV.

*Tertium Aeternitatis Tartarea tormentum*

## FAMES.

**E**Rhetorum schola optimus magister Quintilianus a dicere non est veritus: Felix pestilentia, felix præliorum strages, denique omnis mors facilis. Fames aspe-

D 5

42,

a De clum. 12. §. 21. med.



ra, durissima necessitatum, deformissima malorum. Infandum malum sit necesse est ad quod mala maxima in pretio haberi possint: Talis est Quintiliano fames, inter maxima mala, non indignum scepro malum. Nec sine ratione hoc asseritur. Siquidem tam è veteri quam recenti historia liquet, extrema & letali fame hominem eo furiarum subinde redigi, ut suas ipse carnes avidissimis dentibus discerpat, & corpus infelix alat minuendo corpus. Zeno Imperator a hoc fecit, prius sepultus quam mortuus.

Itane vero novemdialis Fames, tam acerbum leti genus, ut ad illud mors omnis inter mitiora supplicia referri possit? Quid igitur fames decennalis, quid sæcularis; quid fames mille, aut millies mille annorum erit, cui nec micula, nec guttula solatio erit, nec esse poterit, cui res & spes omnis est adempta? De hac verissime dixerim: Durissima necessitatum, deformissima malorum Fames.

Hoc furibundum malum, Æternitatis illius luctuosissimæ Tertium est Tormentum. Minatus jam olim hoc supplicii Propheta: Famem, inquit, *b* patientur ut canes. Ille quidem miserrimus est, qui cum cupit edere, quod edat, non habet: sed ille longe miserior est, qui semper cupit edere quem furibunda stimulat fames, sed quod edat, nec habet, nec habebit unquam. Atque, quod amplius, quem non tantum fames extrema, sed & sitis vehementissima cruciat. Tales est fames sitisque damnatorum. De his hoc capite differendum.

## I. Mina-

a De quo Cas. Baron. ad Ann. 491. Ex Euno-  
dio, Zonara, &c. *b* Psalm. 58. vers. 7.



I Minatur Chrillus a serio: Vx vobis, qui saturati estis, quia esurietis. Ea vos fame opprimer, quæ non unius diei, aut mensis aut anni sit; nec cui plurima, sed cui defuncta omnia. Nemo miculam, nemo dabit guttulam, nec dare poterit. Priorum delictorum memoria tormentum erit, & accendet flammam, ut gulæ noxam comitetur gulæ poena & suum delicto respondeat supplicium. Teste *b* Sapientia, Per quæ peccat quis, per hæc & torquetur.

Varie prorsus delinquit gula. Primo quidem cum nimium cibi potusque ingeritur vel reclamante stomacho, qui sapissime non in ediam queritur, sed in iniam sagemam. Super autem & stomacho sua verba, sunt & clarescentes mores. Quoties is indignatur, & ructu frequentius clamat: Obruor, inccumbo, destruo, pereor. Nimiis beneficiis enecor: refoecillari vellem, non farciri; ali, non opprimi. Non ego cibo, ut calcitra tomento implendus sum. Hæc mihi benevolentia magis officit, quam odium & inedia. Hæc stomachi querelæ sunt. Chrysostomi dictum est *c* Quod necessitatem in edendo excedit, non alimentum sed pestis est. Satietas morborum omnium origo Hæc prima gulæ noxa est, nimium refeciri.

Altera, cibus adeo delicatis aut pretiosis inhiare, ut necesse sit, omne perscrutari profundum, & conchylia ultimi maris ex ignoto littore eruere. Ultra Phasim capi volunt, quod ambitiosam popinam instruat. Quod dissolutus delitiis stomachus vix admittat, ab

*a* Luc. cap. 6. v 25. *b* Sap. v. 11. v. 17. *c* Chrysostom. 3. in c. 2. Ioan. hom. 21. finè, mihi p. 91.



ultimo portatur Oceano. Gulæ omnia nota fastidienti undique convehitur; Orbe toto conquiruntur epulæ, & quanto quid carius est, tanto magis sapit, uti Alagabalus Imperator, mari vicinus nunquam piscem comedit. Hi famem longe majorem habent quam ventrem. Vomunt ut bibant, bibunt ut vomant, & epulas quas Orbe toto conquirunt, mox eadem viâ rejiciendas ingerunt.

Sed notes velim, illud etiam delicatum ac pretiosum censeretur, licet in se vilissimum sit, quod à gula plurimum desideratur. Hinc fieri potest, ut iste gravius delinquat fungis edendis, quam ille perdice aut \* Phœnicopteri lingua. Esau non ob alkilem gallinam, aut spadonem capum, sed ob lentis edulium avide nimis appetitum reprehensus est.

Tertia gulæ noxa, symposiis ac conviviiis nimium & temporis & nummorum tribuere. Apud plurimos in Orbem eunt convivia, ut inter Jobi filios; & hi vix ullos per annum dies à comestationibus liberos numerant; mera vivunt bacchanalia.

Solent subinde liberis parentes vaticinari: Væ tibi puer, ubi in exterarum regiones amissus, deliciis domesticis carebis: quam insuetus eris laboris & penuriæ? Haud secus his obijciendum: Væ vobis, qui quotidie saturati estis, quam insolentes eritis famis & jejunii?

Quartum gulæ vitium, jejuniorum leges temere violare, aut certe ad arbitrium suum explicare. Hinc sæpius quadragintadiæle jejunium, in decem aut viginti dierum temperantiam mutatur. Multi jejunos se credunt, cum non sunt ebrii. Eo rerum devenimus,

ut

\* Bremder cherner Vogel:

46 DE DAMNATOR. ROGO  
ut solis pane religiosis familiis jejunii leges  
videantur latae. Cateri, benignissimi harum  
legum interpretes, semper aliquid causarum  
habent, ut exleges sint. At medicus, inquit  
& confessarius jejunii legibus me solverunt.  
Nimirum tuis verbis persuasi; aliter, puto  
judicaturi, si minus disertum, aut magis ino-  
pem haberent reum.

Quintum gulæ crimen, Ebrietas, plurimo-  
rum vitiorum origo, & omnium vitiorum  
periculosissimum, idque ob hanc rationem.  
Ebrius si subito lapsu aut morbo (quod non  
infrequens) mortem habeat vicinam, miser  
nec de noxis dolere, nec animum ad condi-  
torem erigere potest; ita letali culpa oppres-  
sus, & fati sui ignarus ad Æternitatem rapi-  
tur, Ah, Mortis & demonis mancipium.

II. Væ igitur, væ vobis qui saturati estis,  
quia esurietis. Non immerito dixit Reginal-  
detus a Hoc peccato gulæ infiniti homines  
damnabuntur. Gula imperii est amplissimi,  
omnibusque vitiis felicissime patrocinator.  
Nimirum, Hæc fuit iniquitas Sodomæ, pro-  
clamat Ezechiel, b satura panis, & abun-  
dantia, & otium ipsius.

Eam ob rem vigilantissime monet Serva-  
tor: c Attendite vobis ne forte graventur  
corda vestra in crapula & ebrietate. Hæc  
enim vitii hujus nequitia est: non corpus so-  
lum prægravare, sed & animum humo affli-  
gere ac calcare, imo & Orco præcipitare.  
Hic fames, hic sitis, hic longissimum jeju-  
nium, quia esurietis.

Sed videte quam nos nec assimare, nec  
capere

a *Regin. in speculo finalis Retribut.* b *Ezech.*

c. 16. v. 49. c *Luc. c. 21. vers. 34.*

capere possumus res Orbis alterius, quod miseræ nostræ pars maxima est. Quis nostrum extremæ famis experimentum sumpsit? Inde nec nostræ quidem, nedum Stygiæ famis scivitiam expendimus. In obsessis civitatibus, aut in saxis carceribus ejus rei specimen præbetur. Eo enim rabies famis adigit, ut non solum canes, equi, feles, sed & mures, glires, imo & serpentes ac bufones in cibum lixentur ac vorentur. Gramen agris evellitur, corium scuiis detrahitur, & cibus est: columbarum pecudumque aliarum excrementa in hominum alimenta transeunt, fame rabida cogente, quæ nec charissimorum quidem corporibus parcat.

Cambyses rex, quod Annæus a refert, ingentem bello turbam per invia perque arenaria in Æthiopiam trahebat. Sed commensibus non provisus, nec itineribus exploratis intra primum iter necessaria deerant, nec quidquam subministrabat sterilis & inculta, humanoque vestigio ignota regio. Sustinebant famem primo tenerrima frondium, & cacumina arborum; tum coria igne mollita, & quicquid necessitas cibum fecerat: postquam inter arenas herbæ quoque & radices defecerant, apparuitque inops etiam animalium solitudo, è militum numero decimum quemque, alimentum habuerunt fame savius.

Parum hoc: multo saviora fames dedit spectacula. Quot matres suum sanguinem, liberos suos, velut pullos gallinaceos jugularunt, suis ausæ dentibus membra convellere vel propriis membris chariora. Parum & istud videri possit ad immitiora collatum.

Quo-

Quoties in carceribus reperti qui seipſos & ſuas ipſi carnes dentibus fame adaſti lacerarunt? Quacunque morſus ſeu brachiis ſeu humeris inſigi poterat, eo dentes properarunt quantumvis irrita crudelitate. <sup>a</sup>

III. Ad rem : Hanc famem quam vel oculis eſt cernere, non ſatis capimus, & quomodo illam inferorum atrociffimam, æternam famem capiemus? Quo furioſior eſt fames noſtra, hoc & brevior; illa vero licet ſit furioſiſſima, eadem tamen etiam eſt æterna. Væ vobis, quia eſurietis.

Heu qualis eſt iſta regio, quæ crudas carnes equinas, mures & buſones, ſtercus columbinum, pro delitiis appetit, & ea impenſare nequit: quæ mori poſſe, ſummi beneficii loco ducit, & mortem nuſquam invenit. <sup>b</sup> Deſiderabunt mori & fugiet mors ab eis. Inexplicabilis, æterna fames; intolerabilis æterna ſitis.

His tormentis, & illud eſt annexum. Adjungunt Theologi cœleſtes delitias adeo futuras uberes, ut omnia beati hominis membra omneſque ſenſus ſuam ſibi beatitudinem finiſſe habituri. Hinc guſtaviſſus & lingua tanta Ambroſiæ ſuavitate, tamque divino imbuentis ſucco, ut aſſidue beatorum quiſque lautiffimo epulo videatur reſciri, idque ad omne, & ſupra omne votum.

Sic & damnatorum maledictiſſima lingua meriffimo natabit felle, ſed ipſa merum. Prædixit Hebraeus vates: <sup>c</sup> Fel draconum vinum eorum, & venenum alpidum inſanabile. Huic ſani, huic felleo liquori dulcedo

nulle

<sup>a</sup> Vide theatrum crudelitatis Hugonotica,

<sup>b</sup> Apoc. cap. 9. verſ. 5. <sup>c</sup> Deus. c. 32. verſ. 32.

nulla poterit mederi; cruciatus insanabiles.

His aliqui accessuros putant savissimos dentium dolores. Quisquis eos dum vivit, experitur, illos obsecro post vitam cruciatus cogitet. Et nunquid si apud inferos nulla penitus alia sint tormenta, quam vel vehemens capitis, aut dentium, aut saevus podagrae vel calculi dolor, si tamen hic dolor futurus sit æternus, quantis sumptibus, quantis laboribus ac doloribus non redimendus sit? Sed hæc timemus, & non timemus, dum maxime timenda hilariter perpetramus.

In hospitiiis quandoque genialiter estur, large bibitur, late canitur, saltatur & tripudiat: at ubi caupo calculum cum hospitibus ponere, & rationes \* duplicare, tum hospites harere, & alternis aspectibus sese intueri, in eas demum voces prorumpere: Utinam huc nunquam ingressi simus! Adeo \* caræ sunt symbolæ.

Nos etiamnum, quamdiu vivimus, in hospitio degimus, & symbolarum incogitantes genio indulgemus, ad vesperum perpotamus, canimus, saltamus, tripudiamus. Quis vero solvet symbolas? O male securi! Nos solvemus symbolas non iniquas, sed heu percaras! Edimus, bibimus, lusimus; valetudinem decoximus, ætatem & aurum in compositiones istas insumpimus: demum terret & urget cauponis calculus; æs alienum persolvendum, creditori satisfaciendum, vel de tergo, si aliter nequeas.

Edimus, sed nimium, sed delicata nimis

E

&

\* Wan der Wirth mit zwösfacher Treiden schreibt.

\* Thewre zech.

50 DE DAMNATOR. ROGO  
& pretiosa convivium struximus, sed nimis  
crebra & lauta; jejunia forsitan inivimus, sed  
nimis rara & profana: vino nos sepelivimus,  
nunc edormienda erit crapula. Vae, quia esu-  
riemus. Aeterna fames, sitis sequitur aeterna.  
O qualis coena, post lautiusculum, sed breve  
prandium! Dum viverent damnati, merum  
linxisse salem videntur, ita furiose in Oreo  
sitiunt.

Quam horribile sitis tormentum sit, nemo  
facile aestimaverit, nisi certum ejus rei sum-  
pserit experimentum. A grotis in hoc habenda  
fides, quos sitis nonnunquam adeo exer-  
cet, ut eam inter morbi gravissima nume-  
rent.

I V. Hebraeus purpuratus gulo linguam in-  
flammatam ejiciens: Crucior, exclamat, in  
hac flamma, & vel digituli stillam in refrige-  
rium peto. En, modestas preces! Non  
aquae labrum, non olei guttam, non vini do-  
lium postulat. Quod rerum vilissimum est,  
vel guttulam aquae rogat, nec tamen impe-  
trat. Eo inopiae devenit opulentus hic helluo,  
ut non calicem crystallinum, sed digiti extre-  
mum, non generosum Creticum, sed aquae  
minimum, non nobilem pincernam, sed La-  
zarum mendicum flagitaret.

Sed quid ais, ô purpurate, Lazarus sca-  
biosas manus habet; horrebis utique ab illius  
digitis stillantem aquam. Ah vel guttula  
vel Lazari manu detur, & instar \* rosati no-  
bilissimi excipiam.

Nihil tamen impetrat, nemo audit; & au-  
res, & januae sunt clausae. Sed cur Hebraeus  
huic epuloni, in extrema fame sitique, cur  
obse-

\* Rosenwein.

# C A P U T I V. 51

obsecro negata guttula? Dixisset hospitalitatis amantissimus Abraham: Detur illi guttula; non juvabitur: à rore tantillo non intesceat tam vehemens flamma.

Sed longe alia vivendi ratio est in Orbe altero. Nam uti cœlum gaudia & voluptates offertissimas propinat, sine ulla vel minima mœroris mixtura: ita Tartarum tormenta ingerit sine ullo vel minimo lenimento, sine solatiolo aut laxamento ullo. Hinc elegantissime simul & verissime dixit Hipponensis Præsul: *a* Nulla major & pejor est mors, quam ubi non moritur mors. Ita nulla fævior letaliorque fames ac sitis est, quam ubi fame sitique lerum inferri non potest.

V. Duo fratres, uti narrant: *b* sapiens & fatuus iter una ingressi ad bivium devenere. Fatuo via placebat amœnior: Sapiens asperiores præferebat ut tutiorem. Litigatum est diu. Demum cedere maluit sapiens quam pertinacius contendere. Ita in prædonum insidias delati ambo, & in vincula, sed separatim tracti. Inde ad tribunal evocati. Hic sapiens fatuum accusare, & omnem illi culpam impingere; Fatuus in sapientem omnia regerere, omnemque illi errorem adscribere. Denique iudex ita statuit: Uterque reus est; & fatuus qui sapientiori debuisset credere, & sapiens qui amentiori cedere non debuisset. Sic omnino vivimus. Animus & Corpus fratres sunt, sed valde dispares. Animus origine sua nobilissimus, & sapiens, viam asperiores ad cœlum non horret, ten-

E 2

peran-

*a Aug. l. 6. de Civit. c. 12. b Vide Trifregium meum lib. 3. c. 4. Sa. 2. Ubi hæc facta narrantur.*

perantiam amat, esuritiones non odit, quantum hæc sibi profint, non ignorat; Spiritus promptus est. At verò Corpus ab ortu factum cum viam variis amœnitatibus ridens tem conspicatur, mox illuc properat; edere bibere, ludere; bene dormire, labores fugere, otium sectari & ferias, delicias ambire, sui putat esse officii; hæc Corpori capiunt. Laborare, esurire, vigilare, ut pestem odit fugique.

Animus contra nititur, & prolixè suadet non esse mollem ad astra viam, sed asperam & confragosam; docetque varie non ei fugiendas esse spinas qui cupiat rosas. At Corpus ad imperia languidum, ad monita tardum, nihil minus vult quam parere & frangere. Ita demum cedit Animus, & suo Corpus lubitu permittit ire, sequiturque mancipium herus. Sic itur & peritur, sic in medicum devenitur laqueos, vitia, cacodæmones.

Hic gemini fratres separantur, diversis carceribus assignandi: terra Corpori, Animus gehenna est habitanda. Supremi iudicii die ad tribunal ambo sistentur, hic alter alteri culpam impinget. Quia ergo fatuū Corpus Animi consiliis parere noluit, & quia prudens Animus petulantiam Carnis coercere non sustinuit, uterque sceleris damnatus supplicio addicetur æternus. a Sententia hæc decretoria, inevitabilis, gladius utraque parte acutus per Animum & Corpus transfodgetur. Atque ideo Christus: b Time eum, inquit, qui potest & animam & corpus perdere in gehennam, tibi tot suppliciorum velut condimentum est fames sitis que



que æterna, nec aliud fami sitique lenimentum quam sulfureum Falerium, a ignis & sulfur pars calicis eorum.

V1. At nos ambitiosissimæ gulæ homines, his plerunque parum terremur. Dapes & delirias, † cœnas & calices sectamur, quicquid de futura fame sit. Consideratius, obsecro Christiani, consideratius. Edere, bibere non vetamus, sed edendum & bibendum dicimus, ratione ac conscientia non obluſtante, divinis legibus non neglectis. Spernimus, & audemus, ac in jura divina delinquimus? In foribus stat patibulum: Væ, qui saturati estis, quia esurietis,

— furet ardor edendi.

Ubi culpa, ibi poena. Plurimas, ut supra demonstratum est, à gula noxas trahimus fame sitique acerbissima luendas. Erisichthon (ut in fabulis est) horribili fame correptus

— b quod pontus, quod terra, quod educat aer

Poscit, & appositis queritur jejunia mensis: Inque epulis epulas quarit, quodque urbis esse

Quodque satius poterat populo, non sufficit uni, Plusque cupit quo plura suam demittit in alvum.

Utque fretum recipit de tota flumina terra. Nec satiaur aquis, peregrinosque ebibit amnes:

Utque rapax ignis non unquam alimenta recusat,

Innumerasq; faces cremat, & quo copia major

E 3

Est

1 Ps. 10. v. 6. b Ovid. metamorph. lib. 8. fine.

1 Es muß gessen seyn / wann schon der gathen vor der thür stünd.

*Est data, plura petit, turbaque voracior ipsa est.*

Sic epulas Erisichthon rapit & absumit. Sed favio-rem hac famem fingamus, & illam apud inferos non æquabit. Somnium est omnis esuritio nostra, ad illas damnatorum esuritiones æternas. Hæ jam monent omnem caveri Intemperantiam.

Convivæ olim ritu veteri partem cœnulae in mensa relinquebant, quo docerent rebus humanis utendum, non consumpta voluptate, nec ad omnigenam saturitatem. Et Germanorum vetus verbum est: \* Hilaritas cum maxime calet, claudenda. Sic è conviviis abeundum, antequam convivii epilogus finiatur. Nec verò quisquam tam fatuus est, qui si sciat tribus quatuorve horis edendi libidinem substringendam, aut certe anno toto esuriendum, nihilominus statim & quam primum cibos afferri velit.

At verò tam fatui nos sumus, qui licet sciamus abstinentiam & jejunia non multis vitæ horulis duratura, nihilominus pertinaciter volumus, ut modo bene sit, ut jam curricula mulceatur, hinc voces illæ: a Venite, sumamus vinum, & impleamur ebrietate, & erit sicut hodie, sic & cras, & multo amplius.

O miseri & fatui! paullo post non eris sicut hodie; lætitiæ hodiernam tristissimum *Cras* excipiet; saturitatem fames comitabitur, temulentia iustissime sibi torquebitur. Brevi occinetur vobis luctuosum illud carmen:

\* Wann der muth am besten ist / soll man aufhören

a Isa. cap. 56. vers. 12.

men: Recepistis bona vestra in vita vestra; ite nunc, nil vobis amplius debetur. Olim epulati estis, jam dies sunt jejuni: nunc epulantur alii, qui quondam jejunarunt.

Propter hoc, hæc dicit Dominus: Ecce servi mei comedent, & vos esurietis: 4 ecce servi mei bibent, & vos sitietis: ecce servi mei latabuntur, & vos confundemini: ecce servi mei laudabunt præ exultatione cordis, & vos clamabitis præ dolore cordis, & præ contritione spiritus ululabitis. Vobis olim, sed surdis, prædicebatur centies, sexcenties, delicias suppliciiis persolvendas. Nemo audiit, 6 Vocavi, & non respondistis; locutus sum, & non audistis; & faciebatis malum in oculis meis, & quæ nolui, elegistis. Nunc longa, nunc æterna fame hilaris sed brevis infania digerenda est; voluptates fugacissimæ siti perpetua piandæ sunt. Nimis jam serum est huic fami sitique mederi velle. Post tale prandium talis cœna sequitur.

Ergo, Sobrii estote & vigilate. Nam, 7 Fornicatio, & Vinum, & Ebrietas auferunt cor. Qui famem horret æternam, famem modo toleret nec longam, nec savam. Beati, qui nunc esuritis, quia saturabimini. Tolerantiæ Christianæ convivium illud paratum est, quod nullo claudetur epilogo. Lasciviæ & Intemperantiæ supplicium illud decretum est, quod nullo finietur termino. Quisquis gehennam sæpius cogitat, gehennam profecto evitat.

E 4

CAPUT

a Isa. c. 65. v. 13. b Ibid. v. 12. c 1 Pet. cap. 5. vers. 8. Osee cap. 4. vers. 11. Luc. cap. 6. vers. 21.

## C A P U T V.

*Quartum Aeternitatu Tartarea  
Tormentum*


## F O E T O R.

**S**Uave quidem est vivere, non raro tamen morte ipsa insuavior est vita. Orator atque reus a id observans: Nemo non ex iis inquit, qui liberaliter sunt educati, hic in carcere conjectus, foetorem solum, & jacere in tenebris, & in vinculis esse cum homicidis, quavis morte dicit esse gravius.

Inferos contemplare, & , Nullus unquam (dices) tam teret ac savus fuit carcer, nec subterraneus Messenicorum, cui nomen *Theſaurus*, nec horribilis Persarum, cui nomen *Lethe*; Nec *Latomia* Syracusanæ, nec Cretensium *Labyrinthus*, nec Atheniensium *Domus* aut *Barathrum*, nec Romanorum *Tullianum*, nec Cypriorum *Ceramon*, nec Spartanorum *Decas*, nec *Gilimeris Ancon*, nec nominatissimus *Adiolini* carcer, quem omne suppliciorum genus infamavit: Neque verò in ullis unquam ergastulis tot rei tenebantur captivi, quot supremum Numen in grandi suo carcere punit damnatos.

Hic Dei subterraneus carcer, si locum spectes, profundissimus; si carceris praefectum, crudelissimus; si loci squalorem, foetidissimus; si carceris inquilinos, amplissimus est; innumeros coërcet: si porro innumerabilem reorum multitudinem cogites, angustissi-

a *Chrif. hom. 1. in opi. ad He.* b *Quem carcerem fuisse putant aliqui,*



stissimus est; si carceris diuturnitatem, æternus est; omni egressu caret, ostiis omnibus & januis obstructis. Et quia in hunc carcerem totius Orbis coiluvies derivatur, claustra est multo faculentissima, spelæum est longe graveolentissimum. Et hoc Quartum Aternitatis luctuosa supplicium est, intolerabilis *Fœtor*. Quam vero infandas hic cruciatus opinione nostra longe sit major, nunc explicandum.

I. Inferorum fœtorem intolerabilem sapientia paginæ sapius cogitandum ingerunt. David psalmes: *a* Pluet super peccatores laqueos, inquit, ignis & sulfur, & spiritus procellarum pars calicis eorum. Quemadmodum verò pluviarum guttæ in numerum cogi non possunt, ita nec improborum poenæ; *PLUET*. Instar imbris aut torrentis vehementissimi præcipitabunt in eos tormenta. *PLUET* laqueos, sic enim vincientur, ut horum captivorum nullus elabi aut effugere, nullus hæc vincula rumpere, parietes perfodere nullus queat; profundissimis specubus claudentur. Pars illorum *b* erit in stagno ardentis, igne & sulfure.

Hic in rem præsentem venire sic licet; Animum quæso advertamus. \* Sulfurati vel uni fœtor quantus est? Jungantur centum, jungantur mille, quam acrem spargent graveolentiam? Hæc tamen nihil est ad Orcinum sulfur. Atque hic Avernalis fœtor à variis causis erit.

Prima, post Orbem uno quasi funere elatum, post supremi judicii diem, omnia ter-

*a* Tsal. 10. vers. 6. *b* Apoc. cap. 21. vers. 8.

\* Ein stinztiges schwebelthöltzlin.

ra purgamenta in illam inferorum sentinam defluent, ea enim ratione Orbis purgabitur. Psalmographus prædixit: *a* Ignis ante ipsum præcedet, & inflammabit in circuitu inimicos ejus. Hoc vaticinio nixi theologi ajunt, Ignem ante Orbis judicem, velut apparitorum ac satellitem præcessurum, & ad tribunal substiturum, dum judicium omne peragatur. Ubi demum decretoria sententia fuerit prolata, ignis ille fulminis ritu præcipitabit, & velut licitor noxium gregem invaderet, vinciet, involvetque, ut nec minimum vel ulli pateat effugium. Sic una omnes velut catenatos canes in antra destinata rapiet, *Inflammabit in circuitu inimicos ejus.* Cum hac ingenti damnatorum ruina; cum hoc igne simul omnis eluvies & cænum & Orbis in cloacam illam defluet. Nam inferi vere sentina terræ, omnis inquinamenti receptaculum.

Altera foetoris causa, sulfur; de quo Domini ocellus Joannes: *b* Pars, inquit, illorum erit in stagno ardenti igne & sulfure, quod est mors secunda. Tablinum cœlestis, seu volumen sacrum, quam omnium vularum observans est! In stagno, ait, quod immobiles & foetidas alit aquas, non decreseit, non emittitur, non siccatur. Post mille annos hoc stagnum sibi simillimum erit; post triginta, post sexaginta annorum millia nihil sui amittet; post centum millia, post mille myriadas seu milliones annorum, stagnum illud nec una quidem guttula inaruisse sentietur. Sicut erat in principio, ita tunc, & in sæcula sæculorum erit.

Deinde

*a* Psal. 56. vers. 3. *b* Apoc. cap. 21. vers. 8.



Deinde hoc stagno mergentur, qui prius suum ipsi animum cupiditatibus ac libidinibus miserunt. His demum thernis, sulfureo hoc natabulo, his sudatoriiis lavabuntur. Atque hos foetores ab experientia melius discemus. Si piscina emissis plerique omnes pisces morui, diebus aliquot non amoveantur tam incredibilem undequaque spargunt foetorem, ut eo loci nullus quamvis sub dio quamvis non toto die, perdurare possit.

Quod igitur tormentum erit apud inferos tetricam Mephitim habitare, nec inde vel pedem efferte posse in omnem aternitatem. Sordidissima foetidissimaque opificia longior assuetudo reddit facilia. At verò cruciatus Avernales nulla unquam assuetudine poterunt mitigari.

II. Tertia foetoris illius causa, ipsa damnatorum corpora, omni cadavere foetidiora. Prædixit Isaias: *a* De cadaveribus eorum ascendet foetor. Unius foetore omnes & unus omnium foetoribus torquebitur. Caro verminans & putrida in prunis, ô quale thus! In Luciferi regno innumera damnatorum cadavera, velut putridæ carnes, inter primas assidue jacebunt.

Libidini quidem furiosa vis inest, quæ ipsam etiam rationem calcitrat; sed effrenes hi impetus coerceri possunt, præsertim si frenum libido pati mature discat. Eam ob causam in eremo Scythica vir religiosissimus libidinis impetum sic repressit, Sæpius ei *b* recurabat feminae olim non ignotæ forma. Hanc ille memoriam, has & cogitationes de

pecto-

*a* Isa. cap. 34. vers. 3. *b* Lib. sententiarum patrum §. 10.



pectore penitus eliminandas censuit. Diu la-  
 boravit, animose certavit, & non uno tantum  
 ariete seipsum fregit, nec tamen aliud sibi  
 profecisse videbatur, quam ne victus esset.  
 Submisit interim divina providentia homi-  
 nem ex Ægypto, qui mentione temere in-  
 jecta, feminam illam forma præstantem fato  
 concessisse narrabat. Excepit dictum hoc at-  
 hleta Chitisti, & in rem suam super eo deli-  
 berans, id demum reperit consilii. Tugurium  
 suum Superis committit, & ad defunctæ fe-  
 minæ sepuchrum properat. Hic ille foedum  
 Cupidinem triumphaturus, rem sic aggredi-  
 tur. Noctu à tumultu saxum amolitur. ter-  
 ram egerit, & ad cadaver penetrat. Ubi se-  
 ipsum affatus: En, inquit, thesaurum tuum:  
 en tuas delitias: quin aufers rem tibi charis-  
 simam? Pars certe de hoc auro, quod effo-  
 disti, asportanda erit. Dixit, & fecit, furto-  
 que religiosissimo partem mortualis velami-  
 nis sancte ac tabo bene saturatam abstulit. Re-  
 gressus in c. sam suam, bene olentem hanc  
 pradam sub ipsos oculos posuit assidue aspi-  
 ciendam. Hic seipsum iterato scommate la-  
 cessens: En, inquit, habes quod appetisti;  
 fruire, satiare. Exple oculos, pascere nares,  
 imo totus hic nasus fias: cogita hoc esse stro-  
 phium à chara tibi femina missum: quin ori  
 ac naribus propius admoves tam pretiosum  
 linteum? Ita generosus hic athleta tamdiu  
 foetore se cruciavit, dum sordidas cogitatio-  
 nes victor ab omni animo extirparet. Ita li-  
 bido quantumvis potens ac furibunda cessit  
 sœtori. Ita certissimus ille jaculator, nequis-  
 simus Cupido graveolentia victus fugatus-  
 que.

Cogito-

Cogitemus hic obsecro non partem sepulchralis lintei, non cadaveris unius membrum, sed cadavera damnatorum innumerum Mephitim exhalare graveolentissimam, neque id pauculos dies, sed in omne ævum.

Divus Bonaventura ausus est dicere: Si vel unius damnati cadaver in Orbe hoc nostrum sit, Orbem totum ab eo inficiendum.

III. Quarta foetoris causa, daemones ipsi qui licet spiritus sint, hanc tamen corporum graveolentiam secum trahunt, estque tanta Averni quam diabolorum ita proprium foetore, ut prisca usitatissima vox fuerit *Graveolens Avernus*.

Narrat Severus Sulpitius Turonensi praefuli Martino cacodæmonem diademate ad purpura prænitentem sese exhibuisse, & haec insuper dixisse: Scies, Martine, qua ratione me venereris; Ego sum Christus. At Martinus, ne mendaciorum patri crederet, monitus ab alto: Non hoc schemate, inquit, venturum se Dominus meus promissit. Christum cruentum, spinis redimitum, in trabe pendentem novi; peregrinum hunc regem non novi. Vix ea dixit, & personatus hic Christus evanuit. Et ut sciretur, quis ille rex, & è quo regno fuisset, cubiculum tam horribili foetore implevit, ut Martinus jam apud inferos se habitare crederet, & secum ipse ratiocinatus diceret: Si vel diabolorum unicus sic foeteat, quis oro tam diabolorum quam damnatorum hominum foetor erit?

Rex Antiochus Epiphanes, seu Illystris, a scelesti hominis pulcherrima effigies, cum tandem Nemefin in tergo sentiret, jamque

que membra illius vermibus ebullirent, adeo foetebat infelix, ut omnis exercitus hanc narium pestem extreme averfaretur: Imo, quod divina oracula testantur, nec ipse jam foetorem suum ferre poterat. Et quomodo tandem inquilinus Tartari, tam dæmonum quam sociorum omnium foetores perferet? idque in æternum?

Mezentius rex Tyrrenus, Antiocho non impar, hominum divumque contemptor, eo ingeniosa crudelitatis progressus est, ut plurimos non securi, non cruce, non rogo, sed foetore jugularet. Nam homini mortuo jamque tabescenti vivum colligabat, dum vivus astricti cadaveris putore exstingueretur. Ma-  
xo asserit: a

*Mortua quin etiam jungebat corpora vivis,  
Componens manibusque manus, atque oribus  
ora*

*(Tormenti genus) & sanie taboque fluentes  
Complexu in misero longa sic morte necabat.*

Supplicium horrendum, ingens, & tanto immanius, quanto lentius. Sed quid hoc ad inferorum supplicia comparatum, quid pauculorum dierum foetor ad Erebi cloacam foetoribus sempiternis execrabilem? Cum igitur nostros ignes, cum rotas crucesque nostras, cum nostros pædores ad illos tartareos expendimus, jure proclamamus:

*O mites Diomedis b equos, Busiridis c  
Aras clementes!*

O mite Mezentii tormentum, uni duntaxat cadaveri alligatum mori! Sed ô mortem omni

a Virgil. lib. 8. *Anei.* b Qui hospites suos suis equis devorandos objecit. c Qui Iovi eos immolavit.

omni morte horribiliorem, tot demonum  
totque damnatorum teterimis sceleribus  
torqueri; & semper mori, nec tamen unquam  
finire, nunquam emori.

IV. In Japonum ergastulis hodieque Christiani  
generositas sic exercetur, ut plures  
foedissimam caveam compingantur: nullus  
illinc egressus nisi ad gladium, aut ad crucem  
aut ad ignem. Quicquid hic edunt captivi  
quicquid ingerunt egeruntque, secum re-  
nent, incredibili narium tadio ac cruciati.  
Hinc Japonius ille carcer, & ergastulum, &  
stabulum est, Augiæ regis stabulo a longum  
immundius, & ipsa morte tetrius.

Et quia carcerum in Japonia mentionem  
injecimus, en ergastuli Japonii vivum ac re-  
cens paradigm.

Carolus Spinola Patria Genuensis, stirps  
Marchio, è Societate Jesu sacerdos, an-  
tequam pro Christi fide vivos combureretur  
hunc in Japonia carcerem quadriennio ha-  
bitavit.

Latus erat hic carcer palmos \* sedecim  
altus non nisi duodecim, longus viginti qua-  
tuor, prorsus ad instar caveæ factus. Nam  
neque muro nec pariete ligneo constabat, sed  
contextus erat è palis quorum singuli duo-  
bus digitis à se invicem distabant. Hinc ca-  
ptivi omnibus injuriis cœli patebant. Nam  
etsi hac cavea regulis esset tecta, quia ta-  
men pali erant disjuncti, sicut in \* corte

viarii

*è In quo tria millia boum; quod annis triginta  
nunquam purgatum.*

\* Spann / nit schritte.

\* Wie in einem vogelhäuslein oder hen-  
nentorb.

varia videre est, non frigus tantum aut æstus, sed ventos, pluvias, nives, omnemque tempestatem admittebant. In hac cavea triginta duo captivi erant conclusi. Fores carceris istius sera claudebantur, erantque adeo angustæ, ut vix transitum darent corpori humano. Alatere patebat fenestella, lancis unius magnitudine, qua captivis cæcum satelites inferebant. Circuibat carcerem via lata octonos palmos, atque hanc duplex obibat seps, depacta ex arboribus densis longisque, & in cuspidem acuminatis, quas spinæ superne induebant. Unico aditu, seps ista ingressum dabit. Erant præterea duabus in partibus ædificatæ domus, una pro statione vigiliæ, qui diu nocturne excubabant; altera in usum Decurionis, qui crebro circuitores jubebat circuitionis fungî munere. Reliquum denique loci includebatur septo bene munito, in quo princeps porta, & via quæ ad interioris seps januam ducebant. Hujusmodi facies custodia fuit, in qua tot annis illustris ille pugil vixerat, ex ea nunquam, ne quidem intra septa expatiatus, satellitio egressum prohibente. Alia vero quæ custodia huic accessere sæva, vix cogitatione, nedum verbis explicari queunt. Singuli corporis sensus propriis confictari doloribus cogebantur.

Magna erat imprimis loci angustia, ut neque procumbere nisi ægre, neque ambulare vel ad passus spatium possent. De hac Caroli litteræ ita testantur: *Anguste admodum habemur, neque enim quisquam plus habet spatii quam duorum palmarum & trientis. Hinc nos non potuerunt sese ad capiendam quietem extendere.*

Jam victus parcitas respondebat angustis carceris. Vita illorum perpetuum erat jejunium, adeoque asperum, ut satis quidem cibi suppeteret ad arcendam mortem, sed nunquam ad comprimendam famem. Ordinaria epulæ erant duæ lances oryza frigida, aqua pura cocta: præterea paropsis una Xiri. Sorbitio est herbis ingratis mixta, tamque amara ut hauriri vix potuerit. Ad hæc exiguum quid radicis crudæ ac salsa, aut par utrum halieularum calida frigidave salitarum. Hinc captivos tanta vexabat fames, ut cum satelites aliquot frustilla obtulissent panis male ac sine fermento cocti, jamque indurati, quisque illorum comederit, ac si collyra vel panis \* saccharites foret.

Quia verò hic carcer in edito colle positus erat, ventorum vim omnem excipiebat. Ac licet per æstatem spirantibus undequaque ventis molestia nonnihil leniretur, ferventissimi tamen ardores, solaribus radiis omnex parte penetrantibus, ipseque numerus captivorum adeo incommodabant, ut affirmarit Carolus, diurnis nocturnisque se sudoribus maduisse. Hieme autem id omnino reddebatur intolerabile, cum neque gelidus ær excludi, neque pluviae & imbres arceri, neque nives, quæ vento per omnem partem ingerebantur, intercipi possent. Tanto autem acerbior erat frigoris sensus, quanto gravior vestimentorum, quibus tegebantur, inopia, quorum nullam facultatem supportari satelites permittebant. Hoc Carolus ad Patrem provincielem perscribens: Assi vero, inquit, Reverentiæ vestrae, neminem esse è nobis,

qui

\* Cauten oder marzjejan.

qui, æstimato inferioris appetentiæ sensu, non mallet vivus concremari quam hunc carcerem ferre. Nam omnes à vestibulis pæne nudi sumus. Neque vigiles vel tegetem concedunt statibus, imbribus, nivibusque arcendis, plane ut immane sit frigus.

Loci frigore affectus interiit Ambrosius Fernandez, annos novem & sexaginta natus, Caroli in custodia comes, qui paralyti gravissima correptus, ob copiam, ut aiebant, nivium, duodecim horarum spatio & morbum & vitam finiit.

Ne verò deesset suus quoque cruciatus oculis, noluerunt milites lumen in carcere per noctem accendi, ut in tenebris fuerit exigenda. Qua in re tanta vigilum exitiit pertinacia, ut ne lucernulam quidem ea nocte, qua Ambrosium repentina vis morbi invadit, Carolo quantumvis obtestanti concesserint.

Sed gravius omnibus hos Christi pugiles vexabat continuus Fœtor, de quo nobis jam sermo, cujus mentionem Carolus in epistola injiciens: Incitat me, inquit, gravitas odoris, ut ad cœlum suspirem. Nascebatur hæc graveolentia ex multitudine hominum tam angusto loco clausorum, ex flatuum ærisque corruptione; ex præfente cloaca, in quam exonerare alvum cogebantur; ex sudore corporum quæ æstate nunquam siccabantur. Cum nimirum veraret miles, aut recentibus linteis mutare obsoleta, aut lavare jam inquinata: ut de Carolo speciatim scibatur, quod triennio toto neque indusium, neque vestem commutarit. Hinc tanta pullulabat animalculorum sordiumque vis, ut morsibus aculeisque captivi miserrime confixi, nullam

unquam caperent partem quietis. Atqui ut experirentur vivi, quod mortui nullo doloris sensu post vitam tolerant, à summo vertice ad imos usque pedes omni genere vermium è corrupta materia natorum erant cooperti quæ materia (quoties pluebat) exundante latrinarum cloaca, pavementum custodiæ inundabat. Tormenti genus multo atrocius quam prima sui facie aestimari possit. Adversus hos cruciatus non aliud illis suppeditabatur remedium quam patientiæ, vivæque in Deum fiduciæ. Patientiæ certe illorum tanta erat, ut Carolus in litteris *a* affirmet; Hoc erga stulum mihi paradisus esse videtur. Et revera hic talis carcer, quamvis ipsa morte atrocior, si tamen ad inferorum carceres comparetur, paradisus est.

Ideo beatus etiam Hieronymus de seipso *b* Ob gehennæ metum, inquit, tali me carcere ipse damnaveram, scorpionum tantum socius & ferarum. Qui carceres flammeo contemplatur, nullas habitationis angustias accusat, omnem carcerem paradisi æstimat.

V. Hic obsecro in rem nostram ita rationemur: Sint inferi nil aliud quam foedus frigidusque carcer, ubi uno sub fornice captivi mille inter sordes & vermes nec sedere commode, nec jacere possint; ubi cibus oryza nigra, potus aqua sæculenta; ubi fomes, foetor, dolor vix quidquam somni ad-

mit

*Littera ad P. Sebastianum Viera 20. Febr. Anno 1620. Scripta. P. Hermanus Hugo in vita P. Caroli Spinola c. 14. mihi pagina 111. h. Tom. 1. epist. 22. ad Euseb. cap. 3. mihi pag. 56.*



mittant, idque vel mille duntaxat annis tollerandum sit: Nil aliud, inquam, sint inferis quam talis, ut dixi, carcer. Nihilominus quis non tremat, vel audito tantum hoc inferorum nomine? Verum, si rem hanc omnem ad æqui verique, & ad sacræ paginæ libellam placeat expendere, id luculenter deprehendemus, foedissimos Japonum aut quorumcunque barbarorum carceres ad Tartarum collatos, viridarium & delirias, paradisum & amœna tempe censendos. Ratio luculenta est. In nostris carceribus saltem aliquid & cibi & somni est; sunt quiescendi horulæ: in Tartaro, nec cibus, nec somnus, nec quies ulla est; illic oryza nigerrima, foret ambrosia; nectar esset coenosa aqua. In nostris ergastulis, nemo mille hiemes numeravit unquam, in inferorum sedibus, quod omnium luctuosissimum, centum millia annorum nec unum quidem punctulum Æternitati demunt; post mille milliones annorum eadem est, integerrima est etiam tunc Æternitas.

Deinde nostri carceres quamvis multum formidandi, sunt tamen extra flammæ, & in solatium habent Mortis sagittas. Damnatorum specus & flammis pleni sunt, & à Mortis futuræ jaculis defensi non sunt. Siquidem apud inferos mors semper præsentissima est, sed mors sine morte; mors assidua sine fine duratura.

Heu quam hæc non cogitamus, quam non expendimus omni hora cogitanda, omnium solertissime expendenda! Bernardus hæc in re longe consideratior: « Totus tremo, inquit, atque horreo ad memoriam hujus regio-

F 3

Bis,

a Serm. de 5. regionibus.

nis, & concussa sunt omnia ossa mea. Locum in quo vermis immortalis, foetor intolerabilis, mallei percutientes, tenebrae palpabiles.

O evigilate non iusti tantum, sed & iniusti, & vos maxime luxuriosi; evigilate & luxuriosorum pramia praevidete; gustate scelerem quam amarus sit Orcus, si gustare recusat, quam suavis sit Christus Dominus, quam amoenus paradysus.

VI. Hic Avernalis foetor non importune submonet, quam varie vel hac una in re delinquamus. Non enim solum oculos, & linguam, & aures in officio continere decet, sed & nares. At nos odoris gravioris plerumque nimis impatientes sumus. Viles captivi & pauperes agros ideo saepe averfamur, qui potius allium quam crocum, aut moschum obolent. Idcirco iudex ab iride delicatulis his exprobrabit: *a* Infirmus, & in carcere eram, & non visitastis me. Nimirum tam delicata est impatientia, ut ubi vel suspicio foetoris, illuc eam vel albis quadrigis nemo pertraxerit. Eos amamus, illorum familiaritatem amamus, qui cinnama spirant; qui crocum habent & balsama. Sed brevi mutabunt vices, &, quod Isaias *b* vaticinatur, Erit pro suo odore foetor.

Dein olfactu peccant, qui sua omnia peregrinis odoribus imbuunt, vestes, conclavia, lectos; quicquid crebrius contingunt, odoribus prius inficiunt, nec unguentis parant, ut semper sit quod nares mulceat. Hoc quidem tam grande nefas non censetur, at tamen Deus olim capitali poena sanxit: Ta-

lem

*a* Matth. cap. 25. vers. 43. *b* Isa. cap. 3. vers. 24.

*c* Exodi. cap. 30. vers. 38. fine-

lem compositionem (odoris) non facietis in usus vestros, quia sanctum est Domino. Homo quicumque fecerit simile, ut odore illius perfruatur, peribit de populis suis. Ergo etiam odoris intemperantia peccamus. Sic plurima quæ nobis videntur minuta, & nullius ponderis, ea divinus Oculus ille observat, & inter punienda numerat.

Porro illud accuratius atque frequentius perpendendum, quid sibi velint divinæ paginæ, cum nidores sulfureos proponunt. Exemplo quod dicitur, demonstretur. Dominus pluit a super Sodomam & Gomorrhæam sulfur & ignem à Domino de cælo, & subvertit civitates has, & omnem circa regionem, universos habitatores urbium, & cuncta terræ virentia. Sulfureus hic nimbus ac foetor, libidinis ardores & luxuriæ foetores puniunt. His pluviis extinguendus erat Cupidinis æstus.

Summus ardor igni, maximus foetor inest sulfuri. Quando igitur lasciva carnis concupiscentia foetebant, igne & sulfure peribant, ut ex animadversione iusta discerent, quid spurca libidine commeruissent. Homo libidinolosus & impurus supplicium meretur duplex: dum vivit, seipsum magis ac magis luxuriæ cœno inficit; cum vivere desinit, in balneum sulfureum transit.

VII. Ergo in lasciviam potissimum Avernalis ignis ac sulfur grassabitur. Quod b Gre-

F 4

gorius

a NB. Dominus à Domino pluit, hæc est, à seipso, & non à causis naturalibus. Non enim naturalis, sed cælestis & divina fuit hæc sulfuris & ignis pluvia b Greg. lib. 4. mor. c. 17. & lib. 5. cap. 8. initia.

72 DE DAMNATOR. ROGO  
gorius erudite asserens: Tunc, inquit, eda  
flamma comburit, quos nunc carnalis dele  
ctatio polluit. Omnis impius habet flammam  
ignis proprii, quem in corde suo ex fervore  
desideriorum temporalium accendit, dum  
modo istis, modo illis cupiditatibus afluat  
& cogitationes suas per multiplicia blandi  
menta sæculi amplius inflammat. Ideo nun  
quam fletus expiet quicquid delectatus per negli  
gentiam animus deliquit. Credibile pro  
est paucissimos in flammeas voragines detru  
di, qui nihil libidinosi fœtoris secum dese  
rant.

Hic quivis mortalium bono suo & sapere  
discat, & cavere, ne hac libidinis \* Camer  
na submergatur. Vinum quidem & ebrietas  
Osea a teste, cor auferunt, sed omnium ma  
ximè Fornicatio. Hæc ita sibi cor rapit, ut il  
lud, non facile restituat.

Sed illud obstupescendum prorsus, & ni  
mis quam horrendum, sub cogitatione unica  
(quam Theologi delectationem morosam  
nominant) innumeras pœnas, supplicia in  
finita, mortem æternam delitescere. Res in  
aperto est: b Qui viderit mulierem ad con  
cupiscendum eam, jam mœchatus est eam  
in corde suo. Hic jactus oculorum unicus, u  
nica hæc cogitatio, hic latentissimus in libi  
dinem assensus innumeros infinitos annorum  
milliones continet, quibus ille oculorum ja  
ctus, illa cogitatio, assensus ille vindicandus  
est, nec tamen unquam satis expiandus. Ob  
stupescendum hoc, inquam, & nimis quam  
horrendum.

Rem

\* *Stindender* sumpff.

a *Cap. 4. vers. 11.* b *Matth. cap 5. vers. 29.*

Rem dicam: hæc etsi forsan cogitemus certe non perpendimus, non examinamus. Inde est, ut Isidorus a Clarius loquitur, quod malum esse ad momentum fucati, quam in sempiternum splendidi; ad horulam libidinosi, quam in æternum gloriosi. Hæc nostra est incogitantia, & (liceat dicere) excors temeritas. Tuto quis vel \* capite suo dimicet, ab eo æternitatem minime cogitari, qui vel invidiæ, vel libidinis, vel avaritiæ sordibus etiamnum involvitur. Nunquam delinquet gravius, quisquis æterna supplicia cogitaverit frequentius.

Ergo, In omnibus b operibus tuis memorare novissima tua, & in æternum non peccabis. Tua, inquam, novissima memorare, non aliorum, neque raptim aut perfunctorie id facito. Nam hic error plurimorum est, quibus ista velut ad se non perventura cogitantur. Tua igitur novissima memorare, & Avernales foetores inter memoranda respice. Quid ei proderunt delitiæ, quem inferorum sepelient flammæ. Ah, sapiamus, dum licet ne dulce momentum amarissima comitetur Aternitas.

## C A P U T VI.

*Quintum Aternitatis Tartarea  
tormentum*

## I G N I S.

**R**omanus scriptor, c ubi suum diversis suppliciis discrimen assignasset, demum pronuntiat: Ignis suppliciorum ulti-

F 5 mum

a Isid. Clar. tom. 1. orat. 33.

\* Golt einer den kopff verwelten.

b Eccl. cap. 7. vers. 40. c Curt. lib. 6. c. 12.



num. Humana crudelitas, in poenas ingeniosa, exquisitissima invenit supplicia, nullum tamen acutius, nullum vehementius est igne. Romanus Cæsar Valerianus qui Decii crudelitatem perpetuavit, si flammis atrocius tormentum excogitare potuisset, eo utique Laurentium affecisset. Tyrannis prisca vix acerbiores cruciatus ullos reperit, quam vivum flammis tradere, lente exurere, assare. Ignis, suppliciorum ultimum, gravissimum.

Quod si fieri posset hominem lasæ Majestatis, aliorumque scelerum plurimorum reum millies ita comburi, ut hoc supplicium semper æquaret horam, recte diceretur, Ignis suppliciorum ultimum. Cruciatu sane acerbissimus est, comburi vivum. Sed ô mitem gehennam, ô temperatas flammæ, vel millies vivum comburi! Feralis hæc sententia ( mille horis tolerare flammæ ) captivis inferorum longe clementior videretur, quam si reo jam jam plectendo vitæ fiat gratia.

Sed firmum fixum est decretum, decretum immutabile, irrevocabile : Verba Christi judicis planissima sunt, & apertissima : *Ite in ignem æternum. Omnia Christianorum templa docent improbos æternis, nunquam defuturis ignibus cruciandos.*

Atque hoc Quintum Æternitatis luctuosissimæ supplicium, Ignis æternus, de quo, quantum in re tam seria humani oris paupertas permiserit, verba facere conabimur.

I. Mos fuit priscae poësi subinde intercalaribus uti versibus. Ita crebrius repetito versu princeps poëtarum canit.

*Incipe Manalios mecum meætibia versus. a*  
*a Virgil. Eccl. 8.* Nec



Nec poësis sacra hunc morem antiquavit  
 Hinc ille sacrorum carminum intercalari  
 cantus: Regem venturum Dominum, Veni-  
 te adoremus. Idque sapius repetitur: Veni-  
 te adoremus Regem venturum Dominum, Ve-  
 nite adoremus. Pari modo sapius interposi-  
 to versu ad inferias cantatur: Regem cui o-  
 mnia vivunt, Venite adoremus. Hunc ipsum  
 morem in divinissimis concionibus suis ob-  
 servavit Servator Orbis. Sic, Marco a teste  
 perorans ad populum: Bonum est tibi, ai-  
 bat, debilem introire ad vitam, quam duo  
 manus habentem ire in gehennam, in ignem  
 inextinguibilem, *Ubi vermis eorum non mori-  
 tur, & ignis non extinguitur.* Non piguit haec  
 eadem uno loco ter dicere. Nam paullo post  
 repetens id ipsum: Bonum est tibi, ait, cla-  
 dum introire in vitam æternam, quam duo  
 pedes habentem mitti in gehennam ignis in-  
 extinguiibilis, *Ubi vermis eorum non moritur  
 & ignis non extinguitur.* In eadem omnino  
 concione dictum hoc intercalare tertium in-  
 gemans: Bonum est tibi, ait, luscum in-  
 troire in regnum Dei, quam duos oculos ha-  
 bentem, mitti in gehennam ignis, *Ubi vermis  
 eorum non moritur, & ignis non extinguitur.*

Hoc canticum Christus, hunc intercala-  
 rem versum præcinuit rex noster. Perinde  
 si dixisset: Me voce præeuntem sequimini.  
 & accinite: *Ubi vermis eorum non moritur, &  
 ignis non extinguitur.* Ecquem non terreat oris  
 divini tam tremenda comminatio? Profecto  
 quisquis hoc illatabile carmen, quisquis tri-  
 flissimum hunc lesson sapius & attente can-  
 taverit, in Orbe meliori *Alleluja Latissimum*  
 sem-

a Marci cap. 9. vers. 43. b Ibid. vers. 46. & 48.



semper cantabit. Satis hoc, abundantissime satis est testimonii, etsi altum alibi divina oracula silerent.

Sed ignis infernalis, & noster, nimium quantum differunt, & primo quidem *Vrendi sensu*. Noster ignis Augustino pictus videtur, sed ille alter, verus. Discrimen ingens, imo vix ulla similitudo veræ ac pictæ flammæ. Hic quæso tacitis progressibus in rem præsentem veniamus.

Quanti & quam acres dolores, per unam duntaxat horulam, unum tantummodo & vel extremum digitum gracilis cerei igniculo admotum uri? Quanto majores, sic uri manum integram? Sed quanto vel maximis majores erunt dolores sic uri totum brachium? Quam verò infandus erit cruciatus sic uri totum corpus? Licet ignis, qui urit, pictus videri possit. In Japone hoc ævo lentis ignibus dirissime torquentur Christiani. Inter hos Carolus Spinola fuit, cujus superiori capite facta mentio. Hic cum aliis viginti tribus a tam immane supplicium hoc modo subiit. Ignis struebatur eminus, viginti quinque palmorum spatio, à columnis Martyrum remotus, ut tanto acerbior ac savior esset cruciatus, quanto prolixior, atque ita prius lente assarentur quam arderent. Quin si qua parte luculentior erumpebat flamma, protinus coërcebatur. Vincula verò non ferrea erant, sed viminea, quibus Christiani, laxè, obiter, ac fere in speciem ad palum ligabantur, crudelissimo astu dæmonis, qui eo  
specta-

a Combusti sunt Anno 1622. die 10. Septemb. sabbato. Ita Hermannus Hugo in vita Caroli Spinola. cap. 18. pagina 175.

ſpectabat, ut Chriſti athleta doloris acerbitate compulſi & vinculis facillime ruptis expedire ſe, atque flammis eripere nullo negotio poſſent. Hoc autem indicio conventum erat, ut Chriſtum ejuraſſe cenſeretur, quiſquis ſe incendio eripuiffet. Interim igitur dum languido flammarum ardore, ignis in viscera penetraret, corpore immoto ſtabat Carolus, oculis in cœlum fixis, ubi poſt pauculas horas deſideratiſſimis Chriſti amplexibus frueretur, cui corporis ſui victimam in holocauſtum deſtinabat. Duravit acerrimus ille cruciatus ignem ad duarum vel trium horarum ſpatium. P. Sebaſtianus Chimura, patria Japon (uti certis tabulis teſtatum) manibus ante pectus in crucem decuſſatis, oculiſque in cœlum ſublatis, tres horas vivus ſtetit in ardente rogo.

Tormentum horribile prorsus, nec verbis eſſabile, hominem igne eminus ac lente ad-moto tribus horis torreri vivum. Quodnam igitur tormentum, ô Deus, quam infandum, quam incomprehenſum, non duas treſve horas, non unum alterumque diem, non annum annosque mille, ſed æternitate tota (quæ tamen nunquam tota erit) & corpus & animum uri, nec unquam comburi?

Hic vox & verba deficiunt. Nemo, non dicam ſatis eloqui, ſed nec ſatis cogitatione complecti poteſt infinitam illam doloris acerbitem, Divinam iram perhorreſcens David: *a* Devorabit eos ignis, inquit, Dominus in ira ſua conturbabit eos. Sicut in uſtina ferrum candens ira ignem imbibit, ut merus ſit ignis, & ferrum tamen maneat, ſic infero-  
rum

rum flamma, ipsis damnatorum ossibus, & ossium medullis implicabitur.

II. Altera tartarei & nostri ignis differentia, splendor est & lumen. Ardet noster, & lucet; at tartareus, prout iustitia divina sanxit, ardet sed non lucet, nisi in gravius tormentum, ut qui dum viverent societatem coierunt in nequitiis, socios sese agnoscant in tormentis: ita fur adiutorem forem, lutor collusorem, adulter adulteram cernet & tabescet, mallerque cæcus esse, quam dolores alienos videndo facere suos.

Optime dixit a Isidorus: Ignis gehennæ lucebit miseris ad miseriæ augmentum & ad damnationem, ut videant impii unde dolent, & non ad consolationem, ne videant unde gaudeant.

Tertia utriusque ignis differentia: noster consumit omnia, ille nihil. Qua in re locupletissimus testis Augustinus: b Si Salamandra, inquit, in ignibus vivit, & notissimi Siciliæ montes, tota diuturnitate temporis atque vetustate usque nunc, & deinceps flammis astant atque integri perseverant, satis idonei testes sunt, non omne quod ardet, absumi: & anima indicat, non omne quod dolere potest, posse etiam mori.

His docemur, qua ratione hominum sempiterno supplicio punitorum corpora, & in igne animam non amittant, & sine detrimento ardeant, & sine interitu doleant. Quis nisi Deus creator omnium dedit mortui pavonis carnibus, ut vel in annum solidum

a Isid. sent lib. 1. cap. 31 initio. b Aug. tom. 5. lib. 21. de Ci. cap. 4. pluribus locis. & cap. 7. initio. & c. 9. ac 10.

dum asservatu sint faciles? Quis palex dedit vel tam frigidam vim, ut obrutas nives fervet, vel tam fervidam, ut poma immatura maturet? Jam verò quam mirum est, quod cum calx extinguatur, tunc accenditur? Cur itaque facere non possit Deus, ut & resurgant corpora mortuorum, & igne aeterno crucientur corpora damnatorum, qui fecerunt Mundum in coelo, in terra, in aëre, in aquis innumerabilibus miraculis plenum: cum sit omnibus, quibus plenus est, procul dubio majus & excellentius etiam ipse Mundus miraculum. Cur non dicamus quamvis miris, tamen veris modis etiam spiritus incorporeos posse poena corporalis ignis affligi? Quod igitur de sempiterno supplicio damnatorum per suum prophetam *a* Deus praedixit, fiet, omnino fiet: Vermis eorum non morietur, & ignis eorum non extinguetur.

Quarta differentia: Noster ignis ad pabulum, vivit, augefcit, vel deficit, augefcit vel deficiente pabulo. At ignis aeternus divina justitia nutritur, nullo sopiendum mari, inextinguibilis est. Hæc una vox, *inextinguibilis*, à Domino ter repetita, aut vitianobis dissuaserit, aut nos esse pecudes demonstrabit.

III. Hic verò inferorum ignis cujusvis noxis ac sceleribus attemperabitur Justitia divina eo ut flagello utetur. Pro mensura peccati, erit & plagarum *b* modus. Quem admodum è pluribus reis uno eodemque flagello alter altero acerbius puniri potest.

Hinc liquet insania quorundam hominum vix sibi aliud quam inferos promittentium.

Eorum

Eorum voces sunt : Cum in via simus ad fur-  
væ a regna Proserpinæ, plenis eo velis invehī  
placet : Curemus ut nobis bene sit , dum li-  
cet plagas meribimur , mereamur illas insi-  
gniter.

Ite furiosi , ite , & delitiis affluere supre-  
mam felicitatem credite ; hodie vino & plu-  
mis vos mergite , cras forsitan mergendi  
flammis. Omnes in Orco captivi dirissime  
cruciantur ; cæteris ii dirius , qui Numen &  
gravius & crebrius offenderint : Dabit enim  
ignem & vermes<sup>b</sup> in carnes eorum , ut uran-  
tur & sentiant in sempiternum.

Hoc ignis æterni supplicium , optime o-  
mnium , sensu meo , tamque succincte quam  
nervose divus Prosper cogitandum subijcit.  
Illius verba cedro digna , hæc sunt : Conti-  
nuus gemitus , pœnalis sensus , dolor sum-  
mus , cruciatus æternus torquent animas ne-  
que extorquent , puniunt corpora , neque fi-  
niunt. Quemadmodum vero nullum est apud  
nos supplicium quod igne acrius torqueat ,  
sic nullum est quod citius torquere desinat ,  
& consumat. Quis ergo ignis ille , qui & a-  
cutissime cruciat , & cruciari nunquam cessat ?

Moses cum vices divinas fungeretur , vo-  
cem reperit qua significanter admodum æ-  
ternitatem vindicantis flammæ ingerens :  
Ignis , inquit , c succensus est in furore meo ,  
& ardebit usque ad inferni novissima. Hand  
aliter Hieremias d. vates : Ignem , ait , succen-  
distis in furore meo ; usque in æternum ar-  
debit. Pulvis tormentarius quo æternus i-  
gnis succenditur , est Furor Domini. Dam vi-  
G vimus ,

a Horat. lib. 2. oda 13. b Iudit. cap. 16. vers. 21.

c Deut. c. 32. v. 22. d Hier. cap. 17. v. 4.

vinus, non tam furorem, quam iram Numini-  
 minis experimur. Machabææ historiæ scri-  
 ptor: Alienatus mente a Antiochus, inquit,  
 non considerabat quod propter peccata ha-  
 bitantium civitatem, modicum Deus fuerat  
 iratus. Profecto modice Deus irascitur, licet  
 magna vi brachia tollat, videaturque non  
 perfunctorie si gellaturus: modica prorsus  
 etiam ira est, nam & clementiæ conjun-  
 cta est. Cum verò hæc ira spernitur, clemen-  
 tia videtur, tandem patientia læsa fit furor, &  
 in furore hoc ignis accenditur, arsurus æter-  
 num. Ignem hunc vos ipsi succendistis, in-  
 quit Deus, sceleribus namque toties repeti-  
 tis clementiam meam ludibrio habuistis, iram  
 meam tamen modicam impatientissime  
 tulistis, exleges, & omnis disciplinæ con-  
 temptores in vetitum corruistis. Jam tem-  
 pus vindicandi est: horribilibus, inauditis  
 vos suppliciis afficiam: Succendistis ignem  
 in furore meo: Jam ardebit furor meus us-  
 que ad inferni novissima.

Natura quidem, quod Annaus asserit, aut  
 tolerabilem facit dolorem aut brevem. At  
 naturæ opifex Deus in rebelles ac contuma-  
 ces subditos suos, & longo & intolerabili  
 dolore animadvertit: Longo certe, quia æ-  
 terno; intolerabili, quia igne savissimo.

IV. Hic omnes quotquot Christiani san-  
 guinis sunt rogo atque obsecro quam maxi-  
 me, si quid agrimoniæ aut doloris urat, si  
 podagra, si calculus, si quis alius morbus aut  
 molestia infestet, prima omnium cogitatio  
 sit ista: Molestia hæc aut dolor si annis de-  
 cem, si centum, si annis mille duret, an non  
 ad

ad inferos dejectum te credas? Ad eum vero amoliendum quid facias? Fac illud jam ad evitandos dolores æternos. Et scito moleſtiam quam pateris, licet graviffimam, dolorem quem ſentis, etſi maximum, nec umbram quidem inferorum eſſe. Hic Deus una tantummodo manu, eaque parcente ac lenta leniter ſerit, illic utraque & quidem ferrea rigidiffime & acerrime cædit: hic uno ſæpe digito tantum impellit, omnibus illic digitis, tota manu flagellum vibrat.

Chriſtianus heros Euftachius (cujus ſupra mentio) cum uxore ac liberis in candentem æneum bovem inclufus diriffime cruciatus eſt; ingens nihilominus hoc illi ſolatium erat, & finis brevi adfuturus, & præmium beatitudinis nunquam finiendum. Hæc cogitemus.

Ignes æternos religioſiffimi quique viri aſſidua cogitatione velut contrectabant. Narrat aè Græco Paſchalins Diaconus Anachoretas duodecim velut in ſenatum ventiſſe, & pro ſe quemque diſſe, quid ſibi videretur ad id temporis profeciſſe, & quid poſiſſimum contemplatione, expendiſſe. Ubi ſuam ſinguli ſententiã diſſent, duodecimus, & in dicendõ ultimus, quid animi ſui eſſet expoſuit. Verba illius integre ac bona fide admetiar, ut ſuis religioſæ ſimplicitati ſtet color. Ita dixit: Vos quidem Patres, coeleſtem habentes converſationem, coeleſtem & ſapientiam poſſidetis. Nihil mirum. Ego verò me his indignum judicans, video quod peccata meæ, ubicumque iero, præcedunt me ſemper ad dextram, & ad ſiniſtram: in in-

G 2 fer.

84 DE DAMNATOR. ROGO  
 fernum verò adjudicavi meipsum, dicens:  
 Esso cum his quibus dignus es, istis post mo-  
 dicum annumeraberis. Video igitur tibi pa-  
 res gemitus, & incessabiles lacrymas, quæ à  
 nullo referri queunt. Aspicio quosdam stri-  
 dentes dentibus, & salientes toto corpore,  
 & trementes à capite usque ad pedes: Et  
 jactans me super terram, & amplectens cine-  
 rem deprecor Deum, nunquam casuum me-  
 illorum experimenta accipere. Video & ma-  
 re ignis bullientis immensibile, & circum-  
 fluentes, & mugientes, ut putent aliqui us-  
 que ad coelos attingere fluctus ignis, & in tre-  
 mendo illo mari innumerabiles homines de-  
 jectos; & una voce omnes clamantes & ulu-  
 lantes simul, quales nemo super terram ulu-  
 latus & voces unquam audierat, & sicut a-  
 rentia omnis virgulti premare: misericordia  
 autem Dei averte se ab illis propter justi-  
 tiam. Et tunc lamento genus hominum,  
 quod audeat loqui, vel cuilibet attendere,  
 tantis in Mundo repositis malis. Et in his te-  
 neo mentem meam, luctum meditans, quod  
 ait Dominus, indignum me coelo & terra ju-  
 dicans reputansque quod scriptum est: *a* Fa-  
 ctæ sunt mihi lacrymæ meæ panes die ac no-  
 cte.

Hunc apud se calculum complures posue-  
 runt: En, agebat quisque sibi, poenas immor-  
 tales jam pridem meritus es, neque id semel  
 duntaxat. At verò Deus tuam omnem cul-  
 pam aboleverit, \* (hiographo testari non  
 potes: abolitam speras, aut certe abolen-  
 dam, & recte facis. Sed vide, cautus *b* esto,

&

*a* Psal. 41. vers. 4. *b* Mich. cap. 6. vers. 8.

\* Hast wahrlich kein brief dar für.



& sollicitus ambula cum Deo tuo, hoc enim Dominus requirit à te. Et hoc est mature sibi sapere.

V. Sed quam multi alia omnia faciunt ! Nummos tam anxie corradunt, perinde si eos illaturi sint cœlo. Honoris & existimationis furum, ut rem sacrosanctam summo studio uentur; mori mallent quam despici. Nonnunquam tamen hi ipsi aliorum famam variis obtestationibus lacerant, & tanto acerbius de aliis, quanto de seipsis benignius loqui solent. Multorum ea una cura est, curare cuticulam, & genium non facile frangere ulla, quam appetierit, voluptate.

Ita ad æternitatem tendimus futurorum improvidi, immemores præteritorum, in præsentia pronissimi. Sic plerique mortalium vivunt: aliis cum arca, aliis cum ventre negotium est: nemo non serius sibi videtur, cum maxime nugæ agit. Vitia tam ubique obvia secundis progressibus, ut cœlum & inferi vix inter seria habeantur.

Vesani mortales ! Discamus obsecro nostros impetus objecto igne hoc æterno restringere. Furiosissimis ignibus non male conferuntur Ira & Libido, affectus impotentissimi; nec ulla fere vitia tam concitato impetu, qua data porta, ruunt. Libido velut infrenis equus, aut \* mannulus indomitus rationem omnem excutit. De hoc monstro eleganter Gregorius Nazianzenus a poëtices non ignarus :

*Quæ ruit in vetitum damni secunda libido.*

G 3

Iracun-

\* Jungo unguemulo fylli.

a Naz. in sacr. carm.

Iracundiam Paulus Orosius <sup>a</sup> egregie depingens: Furor, inquit, consilii expers, dolorem & vindictam putat esse virtutem; quantumque meditatur \* ira, tantum promittit audacia. Iram, tyrannicum affectum recte nominat Chrysostomus. Etenim nihil æque tranquillitatem animi turbat, atque ira impatiens freni. Hos ignes æternis ignibus domemus.

Medicorum scitum est: Ignis igni remedio est. Nam cum digitus aut manus ustulatus, remedium vicissimum est ustulatum membrum aut ardenti ceræ, aut gliscendi foco, aut viri carbonibus admoveo. Sic ignis ignem sui similitudine attrahit. Eandem causam incendia tormentis æneis petuntur. Ut lentioram flammam violentior domet. Heu quoties cor nostrum cupidinibus malignis ardet? Ergo in hoc incendium bis terve emittatur illud ingens tormentum bellicum (*He maledicti in ignem æternum*) Quid agis miser, perire vis? facillimo istud impendio fiet: horula una, imo vel unica parte horulæ, imo momento vel unico per iram aut libidinem patras, quod æternum doleas. Atque sic ignem iræ superet ignis gehennæ, flammæ libidinis expugnet flamma Stygis. Et sunt quæ horum subinde moneant.

VI. Qui originem familiæ Carthusianæ considerarit, neminem ex ea facile unquam aspiciet sine gemitu. Histo-

riam

<sup>a</sup> Oros. lib. 2. contra paganos c. 16.

\* Was der zorn spint / das haspelt die vermessenhait ab.

riam notam in compendium conféro.

Vir litteratus Parisiis, morte obita, cum inferiæ canerentur in templo, è feretro affurgens, voce horribili exclamavit: *Iusto Dei iudicio accusatus sum.* Dilatum ergo funus in posterum diem. Iterum eadem cantantur, cum de functus iterum vociferatur è tumba: *Iusto Dei iudicio iudicatus sum.* Necdum, quid eo factum, liquebat. Dies ergo tertius expectandus. Eadem fiunt quæ diebus prioribus. Et mortuus tertium è findapila proclamat: *Iusto Dei iudicio condemnatus sum.* O vere ter miserum, qui æternum erit! It quod nemo non contremiscat: Vir iste omnium calculo vitæ sanctus & vitæ integer habebatur. Adeo fallunt humana iudicia. Urbs Parisiorum universæ rei gestæ testis. Hoc Brunonem cum sociis exegit urbe, hoc in avia nemora rupesque desertissimas expulit, ubi coelum potius habitare discerent quam terram. Hæc Carthusianæ familiæ origo.

Hic serio cogitandum: Itane homines eruditi, & humano sensu sancti accusantur, judicantur, damnantur? Quid me fiet misero? Ergo animum quantis possum industriis curabo. Alii se suamque cuticulam curent æternitatis obliti; vigeant, floreat, cras forsan cinis & favilla. Hos ego mores nil moror, hanc ego viam non ingredior, nam & alium viæ terminum quero. Si ego Carthusianos, asperissimos montes habitare non possim, illas saltem latebras, ubi estur, ubi potatur & luditur, declinabo; si non

88 DE DAMNATOR. ROGO  
carnium esum, saltem carnis petulantias  
jurabo; si non aeternum filere queam, ab  
obtestationibus saltem & lascivis colloquiis  
abstinebo; si non dies noctesque, religio-  
samente, in templo sim, hoc certe agam ut nul-  
la mihi libatur hora, qua Dei non memine-  
rim. Et quaecunque in posterum mihi fue-  
rint perferenda, non tantum exigua, sed  
nulla esse dicam ad aeternitatis ignes collata.  
Quo quidem sensu Augustinum a verissimo  
locutum veneror: Quæ quisque, aiebat il-  
le, gravia valde patitur in hac vita, in com-  
paratione aeterni ignis, non tantum parva  
sed nulla sunt.

Sic est omnino; omnes dolores nostri lu-  
dicrum quid & leves morsuunculae sunt a  
aeternitatis supplicia. Minimum apud inferos  
tormentum majus est quam sit maxi-  
mum in Orbe hoc nostro. Morborum cru-  
ciatus tolerabiles faciunt intervalla, quæ in  
Orco nulla. Dolorem sentire tunc nos defici-  
mus, si nimium sentimus. Nemo potest  
valde dolere, & diu, nisi apud inferos. Sic  
enim mitis natura disposuit, ut dolorem  
faceret, aut brevem, aut toleratum non ad  
eo difficilem. In gehenna & intolerabilis est  
dolor, & longissimus, quia aeternus.

a Aug. tom. 10. serm. 109. mihi pag.  
298.



## CAPUT VII.

*Sextum Aeternitatis Tartarea  
tormentum*

V E R M I S C O N -  
S C I E N T I Æ.

**G**emma priscorum Patrum & Antistitum fidus Augustinus a experientie convenientissime dixit : Inter omnes tribulationes humanæ animæ nulla est maior tribulatio, quam conscientia delictorum.

Grande supplicium est patri, si filii supplicio capitali debeat interesse spectator ; sed multo majus est, si ipse pater cogitur esse carnifex ; longe maximum, si patibulum, cui filius suffixus, ante ades statuatur, quotidie aspiciendum. At hæc omnia, & ludicra, nulla sunt, ad illud supplicii genus, cum suus ipse carnifex est reus, cum seipsum dentibus commordet, dilaniat, laceratque moribus conscientie perpetuis.

Et hoc Aeternitatis luctuosissimæ sextum est supplicium, quod Christus concione unica, imo unicæ concionis epilogo ter itidem repetiit: Vbi vermis eorum non moritur. Moxidem ingeminat : Vbi vermis eorum non moritur. Sed & tertium hoc inculcans : *b* Vbi vermis eorum, ait, non moritur. Nec aliter Isaias, qui & ipse conciones suas non alio clausit epilogo quam eodem *c* isto : Vermis

*a Aug. in Psal. 45. mihi pag. 170. b Marc. cap. 9. v. 44. 46. & 48. c Isai. cap. 66. fine.*

mis eorum non morietur. Ingens, inexplicabile hoc supplicium fit necesse est, de quo nos plura.

I. Quantum turbata conscientia tormentum sit vel prisci idololatra satis exploratum habuerunt. Rhetor è Latio Quintilianus : *a* O tristis recordatio, exclamat; ô tormentis omnibus gravior Conscientia! Eadem omnium sapientum vox est. Sanctissimus Pontifex Gregorius : *b* Inter multiplices, inquit, humana animæ tribulationes & innumerabiles afflictionum molestias, nulla est major afflictio quam conscientia delictorum. Vere, nihil *c* est miserius, quam cum quis hominis male sibi conscius. Hic contentiamus, ait Seneca, *d* mala facinora conscientia flagellari, & plurimum illi tormentorum esse, eo quod perpetua illam sollicitudo urget ac verberat. Malitia ipsa maximam partem sui veneni bibit, ipsa sibi supplicium est; Nemi bene est nocenti.

Hæc suo quoque calculo consignans, quem dixi, Augustinus: Seipsum, inquit, quo fugiturus est homo? quocunque fugerit se, talem trahit post se, & quocunque talem traxerit se, cruciat se. Ipse est pœna sua, quem torquet conscientia sua. Deus scit tantam pœnam animæ, tantas cruces, tantas gehennas, tanta tormenta. Quot hominis vitia, tot animæ tormenta, tanto autem acerbiora, quanto interiora.

Et in promptu ratio est: Cum undique omnia

*a* *Quin. decl. 12. §. 38.* *b* *Greg. in Psal. 143.* *c* *Suetonius in Tiberio Sen. epi. 97. fine* *d* *Aug. in Psal. 45. mihi. pag. 170. & in Psal. 36 pag. 117.*

omnia sunt adversa, cum cœlum & terra infestant, etiamnum superest suffugium ad Deum: etsi nemo scietur, satis solationum est Deus. Sed si conscientia sit inquinata, nihil opiam nec in rebus conditis, nec in conditore solatii est reperire; omnia acerba, fellea omnia. Et quo profugias? ad Deum? hostis est. Ad conscientiam? Carnifex est. Ad divos cœlites? Offensi sunt. Ad socios? Augebunt cruciatus. Ad delicias & voluptates? Conscientiam magis inquinabunt. Vere, non est poena gravior prava conscientia.

At dum vivimus hoc conscientia macellum suas habet ferias. Subinde hos oblatrantis conscientia morsus nonnihil distinemus, aut arte fallaci eludimus, aut certe delinimus nunc legendo, nunc laborando, nunc colloquendo, modo hilarius comessando, modo huc illucque commigrando, & saltem dormiendo hos angores fallimus: At verò in illa Crudelitatis arce, in regno diaboli nulla quietis intervalla, interspirationes nulla, non somnus, non quies, nulla lectio, nulla comestiones, consolatio nulla, dies noctesque conscientia vipera laniatum undique pectus perrodet. Vermis eorum non morietur.

I I. Plurima sunt, ob quæ singulariter illos aternæ noctis inquilinos torquet conscientia. Primum omnium, *Amisio aternæ gloriæ*. Obseratum est Cœlum, obseratum est Tartarum, nullus hinc transitus illuc. Actum est; epulæ coelestis neglectum est, neglectu irreparabili. Spes nulla beatitudinis.



Eſau homo rudis , & qui à feris quas infeſtabatur. fertitatem hauſerat, nihilominus indigniſſime tulit fauſtam parentis precationem à fratre ſui præreptam. Nam auditis ſermonibus patris , irrugit clamore magno, & conſternatus ait : a Benedic etiam & mihi, pater mi. Ut verò rugient damnati, conſcientia cuique eorum opprobriante : Benedictionem patris perdidisti, ſus & ſpem cœli omnem amiſiſti, pro lenticula viliffima vendidiſti regnum. Maledictus es, exclusus, excluſiſſimus es à cœlo in omnem æternitatem. Vermem qui te cœpit rodere , non excuties à te amplius. Tuis ipſe auribus decretum iudicis audiſti : Ite, diſcedite à me maledicti in ignem æternum , qui paratus eſt diabolo & angelis ejus.

Hoc regnum Satanæ deſtinatum , hos vermes impiorum lanienæ paratos poëta vetus , b Chriſtianus , non ineleganti metro ſic ob oculos ponit :

*Præſcius inde Pater liventia tartara plumbo  
Incendit liquido , piceasque bitumine ſoſſas  
Infernalis aqua ſurvo ſuffodit Averno ,  
Et Phlegethontao ſub gurgite ſanxit edaces  
Perpetuus ſclerum pœnus obrodere vermes.*

Inter hæc vermium examina cernent damnati, ut divus Gregorius c arbitratur , beatorum gloriam : Ut peccatores , inquit , in ſupplicio amplius puniantur , & eorum vident gloriam quos contempſerunt , & de illorum

a Gen. cap. 37. v. 34. b Prudentius contra Marcionitas. c Greg. tom. 3. hom. 40. in Euan. mihi pagina 139. Utrique ſolo intellectu , non oculo. Gregorius dicto loco alium addit videnti modum. Pſal. 18. verſ. 7.

lorum etiam poena torquentur, quos inutiliter amaverunt. Ita calitum felicitatem damnati vident, sed velut eminus: perinde si quis è turri præalta qua clausus, & in qua fame diuturna confectus, inter foetores & vermium acervos despiciat in hortos amoenissimos, ubi complures inter se amicissimi voluptatibus affluant; ah, quam cruciabilis est hic aspectus! Hoc cernere, est suas sibi poenas augere.

Famelicus si mensam cernat epulis refectam, nec tangere audeat, plus esurit, præsertim si ipse sua se culpa paratis epulis privavit. Non aliter damnati: Famem patientur ut canes. Itaque illos conscientia sic torquebit, ut quicquid oblectare potest, cogitare non possint. Rea conscientia velut rabidus canis assiduo larratu & morstu in desperatissimam rabiem ager miseros. Sic ulcisci se solet conscientia, cum moneret, non audita.

III. Alterum, quod damnatis conscientia exprobrabit, est *Virtutis neglectus*, & *Noxarum cumulus*. Omnia ordine conscientia velut è syllabo recitabit, quæ perperam facta, quæ socorditer omissa. Inde omnes illi sceleratæ stultitiæ seipso accusabunt; sua cuique conscientia socordiam exprobrans: Et quoties, dicet, precari debuisses, cum aut somno aut lusibus vacares: preces tuæ & raræ, & ignavæ, ac somniculosæ: jam luis. Quoties jejunium tibi servandum, cum gula malles quam sacris legibus parere: jam luis. Quoties sine rei familiaris dispendio stipem erogare potuisses, cum tu avaritiæ potius quam misericordiae pueres: jam luis. Quoties monitus, quoties rogatus es, ut inimicis

veniam

veniam dares, ut injurias oblivione Christiana digereres, & noluisti: jam luis. Quoties in rebus adversis patientia tibi commendata est, & noluisti esse patiens: jam luis. Quoties Humilitatis & Charitatis actiones, quæ solius voluntatis sunt, exercere potuisses; non hic laborandum, nec currendum, nec sudandum aut algendum fuisset; sine flagris, sine ciliis, sine rigoribus aliis hæc facillime fecisses, & noluisti: jam luis. Ad sacramenta percipienda quoties invitatus, tractus, rationibus impulsus es, & venire noluisti: jam luis. Occasio tibi nunquam defuit, tu semper occasione. Potuisti, & noluisti: lue jam, lue nequicias. En tua tot tamque gravia flagitia; cum tamen longe suavius virtuti licuissent operari quam vitiis.

En perditissime, inter jocos & lusus perdidisti regnum: potuisses esse felix æternum, modo voluisses: brevi ac levi labore beatam immortalitatem tibi parasses, modo voluisses. En, stultissime, pro carnis voluptatula, pro spurca & momentanea oblectatiuncula immensas vendidisti voluptates. Nimirum tua tibi caro quam calum, carior erat. Sentis jam, quas delicias sectatus fueris? Prædixi, monui, vellicavi. Sed actum egi, nihil profeci, oleum & operam perdidisti. Nunc vindico, nunc spes & res abs te segregant, sed tua solius culpa.

En impurissime, ut delectatiunculas sordidissimas paucillulo temporis retineres, perdidisti omnia. Procul nunc à te honores, thesauri, voluptates beatorum, ad quas omnis tibi via intercepta est. Hæc tibi tormenta libidines tuæ pararunt, in hos ignes tua

tua te præcipitavit incontinentia; tuam illam hilarem sed brevem insaniam, nunc luctu æterno luctu. Desperate ploras paradisi gaudiis te privatum? tu ipse te privasti. Acerbissime doles perenne cœlestis epulum neglectum? tu neglexisti. Obsecratam tibi cœlesti januam lamentaris? tu eam ipse tibi obsecrasti. Ex toto beatissimus jam esses, modo esse voluisses. Facili opera cælum emereri licuit, sed differendo & negligendo huc sponte irruisti cæcus & amens, hinc nunquam exiturus amplius. Nulla hic libertas, nulla salus. Despera centies, sexcenties, despera millies æternum desperaturus, æternum moriturus, & ad mortem nullis sæculis perventurus. A vultu Dei projectus es, quia te ipsum ab illo avertisti. Non aliena, sed tua culpa peris, æternum periturus.

Hæ conciones erunt conscientia, sed sero nimis & acerbæ. Ad irritum spes omnis cecidit.

Earum virium est poenitentia tempestiva, ut culpas omnes deleat, & poenas culparum reliquis pariter tollat, aut certe minuat, nec non divinos favores augeat. Idcirco ille eremi angulus Joannes hoc unum assidue concurrentium auribus instillabat: *a* Poenitentiam agite; appropinquabit enim regnum celorum, agite poenitentiam. Nil horum potest Poenitentia in Proserpinæ culina, culpam nec minimam eluit, nil poenæ demit, nil gratiæ divina reddit. Hostes Dei sunt, quos tunc primum poenitet, nil impetrant, sero nimis sapiunt hi Phryges.

Hæc omnia illi calo proscripti non ignorant,

rant, hinc vermis eorum non moritur. Scelera quæ patrarunt, velut in tabula descripta vident, & exhorrent. Ridiculam pompam, vestium luxum, & omnem vanam gloriam detestantur: iudiciorum suorum temeritatem, & invidentiæ labem: avaritiæ sordes, & omnis luxuriæ coenum execrantur furiose. Cernunt infelices lascivarum cogitationum suarum immensos aggeres oculis oppositos. Intemperantiæ suæ turpitudinem, desidii suæ molliem & veterum, voluptatum suarum fallacias, impurissimæ Veneris blanditias abominantur, sed hæc omnia sero nimis. Acerbissimo planctu sed irritò vociferantur. Transierunt omnia illa tanquam umbra, & nos in malignitate nostra consumpti sumus. Potuimus cavendi fugere, exercenda facere potuimus, & nolimus. Hoc æternum occentabit conscientia. Vermis eorum non morietur.

IV. Tertium quo præcipue Conscientia domesticos cacodæmones torquebit, est *Aspernatio divinæ gratiæ*. Jobus b calide optans: Quis mihi tribuat, inquit, ut sim juxta menses pristinos, quando lavabam pedes meos butyro, & petra fundebat mihi rivos olei? Hoc nimium quantum urit, à summis opibus ad incitas devolvi. Non nesciunt damnati quantis olim divitiis affluerint. Illis juxta transcriptum erat: hæredes regni potuissent esse, modo voluissent. Recordantur divinæ gratiæ butyrum copiosissime sibi fluxisse, quo lavari licuisset, id tamen à se repudiatum esse. Meminerunt olei rivos è petra, divini amoris & misericordiæ fontes è Chri-

H

Ro

sto sibi emanasse, hæc omnia tamen suo vitio à se neglecta. Jam clamant, sed frustra: Quis nobis tribuat, ut simus juxta menses pristinos, quando lavabamus (certe lavare poteramus) pedes butyro, & petra Christus fundebat nobis rivos olei, sanguinis sui. Jam nec olei nec butyri guttula fuit amplius. Divina misericordia sens exaruit: divini favoris rivuli sunt exiccati. Cœlestis agni sanguis pro nobis frustra fusus est; cruciatus & mors Christi nobis non profunt amplius: incassum recidit omnis impensa. Eheu, actum est de nobis.

Atque hoc lacerabit cor damnatorum, quod opera levissima, quod sola robustiore voluntate calo se asserere potuerint, & tamen noluerint: quod gratiam millies oblatam recusarint milliès, Inde in seipsos furenter exardescunt miseri, & assiduo sibi ipsis lugubrem hanc cantilenam occinent: O tempus rerum omnium preciosissimum! ô dies, & ô hora plusquam aurea, quo evanivisti æternum non reditura! Nos cœci & excordes, obstructis oculis & auribus libidine furebamus, & mutuis nosmet exemplis trahabamus ad interitum. Huc properavimus infelicissimi, & monitis omnium spretis currimus ad mortem, heu mortem æternam! Quid nunc omnia quæ fallacissimus Mundus offerebat, juvant? Obledationum priorum meminisse mors est. Voluptas omnis avolavit & evanuit. Et quamvis aliquot annorum centuriis ea licuisset frui, quid illa gaudia fuissent ad hæc tormenta? Ah, umbram solum captavimus amaræ voluptatis. Quis nos tam crudeliter fascinavit?

O si annis singulis aeternitatem vel semel serio perpendissemus! O vel dieculam, o vel horulam unicam impetrare liceat!

Sed frustra sunt hæc vota: actum est, spes omnis præcisa est. Maledictus ergo dies quo nati, maledictus Deus à quo conditi sumus.

Hic stylam pono, & impias voces illuc remitto, unde proruperunt. Mature sapiat & caveat, quisquis hanc conscientiae lanienam formidat.

V. Incredibile videretur, nisi testes loquerentur oculi, quam in rebus fluxis curandis industrii ac solertes, quam attentii & assidui, quam vigilantes & acuti, quam scientes & gnâvi, quam cati cautique simus: nimirum cum corporis negotium agitur, nemo non sapit, nemo non vigilat, nemo non impiger ac sedulus est; hic vivimus, hic volamus. Videte mihi vestes elaboratissime & exquisitissime factas, videte picturas, ædificia, sculpturas, videte candidissimam sindonem, tenuissimam byssum velut aranearum operas, videte artificii s. horologia, exactissimam Musicam, laboriosissimam mercaturam; quam in artibus tractandis, in negotiis conficiendis, in opibus struendis, in honoribus obtinendis acres & indefessi simus; at hæc omnia caduca sunt, fluxa sunt, momento transeunt.

Cum autem pro cælo laborandum, heu quam inertes & stupidi, quam desides & supini, quam frigidi sumus & somno pleni! Hac una in re solute ac negligenter agimus, languemus, cessamus, jacemus. Verissimè dictum: Pro modica præbenda longa via

H. 2

curri-

100 DE DAMNATOR. ROGO  
curritur, pro vita æterna vix pes semel à terra levatur. Hic plerique omnes torpemus; vigilat daemon, nos dormimus. At ubi demum serio evigilaverit conscientia, non amplius sopiri poterit; uret, mordebit, anget, torquebit in omne ævum. Vermis eorum non morietur.

Hic vermis infandis doloribus, & tristitia pascitur inconsolabili. Dolent damnati amissam beatitudinem, & quidem sine spe ulla reparandi tam immensam jacturam: in dolorum mare præcipitados sua se stultitia indefinenter cogitant: Neque mœstissimam hanc cogitationem alia unquam latiore fallere licebit.

Hæc Bernardus attentiore animo contemplatus: Quid tam poenale, inquit, a quam semper velle quod nunquam erit, & semper nolle quod nunquam non erit. In æternum non obtinebit quod vult, & quod non vult, in æternum nihilominus sustinebit. Nullus de tanta numerositate spectantium molestior oculus suo cuiusque. Non est aspectus sive in celo, sive in terra, quem tenebrosa conscientia suffragere magis velit, minus possit. Non latent tenebræ vel seipsas. Se vident quæ aliud non vident. Opera tenebrarum sequuntur illos, nec est quo se abscondant ab illis, ne in tenebris quidem. Hic est vermis qui non moritur memoria præteritorum. Semel injectus vel potius innatus per peccatum hæret firmiter, nequaquam deinceps arcellendus. Nec cessat rodere conscientiam, eaque patius, esca utique inconsumptibili perpetuat vitam



vitam. Horreo verinem mordacem, & mortem vivacem. Horreo incidere in manus mortis viventis, & vitæ morientis.

Itaque durante anima durat & memoria. Sed qualis? Fœda flagitiis, horrida facinoribus, vanitate tumida, contemptu hispida & neglecta. Quæ priora transierunt, & non transierunt. Transierunt à manu, sed non à mente. Quod factum est, factum non esse non potest. Proinde etsi facere in tempore fuit, sed fecisse in sempiternum manet. Non transibit cum tempore, quod tempora transit. In æternum ergo necesse est cruciet, quod perperam te egisse in æternum memineris.

VI. E divi Dominici familia theologus & proëpiscopus, historiarum avi sui fidelis scriptor rem miram narrat in hunc modum. Præsul in Germania fuit, princeps sanguine, moribus vitæque degener. Hic primo quidem verecundius inhiare auro, libidini furtive indulgere; ita sensim progredi, nec mores emendare, effusis demum habenis in vetitum ruere; rapinis & luxuriæ libere vacare. Varia in illum Deus animadversione usus est; modo morbis, modo miseriis aliis invitans ad meliora. Sed frustra. Tandem prout vitam egit inquinatam, sic mortem obiit non piam. Ea ipsa hora Conradus Hildemensis episcopus ad preces matutinas surrexerat. His finitis ad suos sese libros contulit, in diem sequentem ad dicendum se paraturus. Hic ille à sensibus aliquantisper abductus videre sibi visus est Præsulem tiara insignem, sed velata facie ad tribunal judicis rapi. Mox aderant qui accusarent, rapinis potissimum & libidinibus infamem reum. Hic iudex confessori-

bus : Examine , inquit , causam , & dicite sententiam . Examinarunt , dixerunt . Nec mora : satellites adsunt & iudicum sententiis damnatum , mitra , annulo , veste sacra , ceterisque ornamentis exuunt , eaque ad pedes supremi iudicis abjiciunt . Assessores loco confurgunt , & illud unum , dum obeunt , in iudicii clausulam pro se quisque dicunt : Ergo

*a dum tempus habemus opererum bonum ad omnes.*

Hac Hildemensi episcopo spectata , qui ubi ad se rediit , secum ipse inquirere coepit , quis praesul ille miserabilis eo tempore obisse credi possit . Dum hac animo versat , en ad portam adest qui flens nuntiat , priori vespere suum dominum ( nominavit ) in proximam villam venisse , jam morte subita extinctum . Cernadus ad fatum tam lacrymabile altum ingemiscens , non sine lacrymis illud secum repetebat noctes & dies toto animo cogitandum : Dum tempus habemus , operemur bonum ad omnes . Conscientia impura , jam male quieta , aeternis furiis agitabitur .

VII. Incredibilis vis est conscientiae , maxime vero post actam huius vitae fabulam . Nam coram Deo ad suas quisque labe s sic erubescet , ut , quamvis panderetur caeli ostium , & illotus ad ingressum invitaretur , suas tamen ipse maculas & perhorrescens & fugiens recusaret ingredi , dum sordes omnes expiasset . Adeo suam ipsa foeditatem erubescit & averfatur Conscientia .

Ergo , dum tempus habemus , operemur , bonum ad omnes : Nam , ut Augustinus ratiocinatur : Quisquis nulla se adulatione seducit ,

*a Gal. cap. 6. vers. 10. b Thom. Contiprat lib. 1. cap. 3. n. 1.*

cit, satis intelligit, cum quanto periculo mortis aeternae, & cum quanta penuria perfectae iustitiae peregrinetur à Domino.

Hoc jam agamus, & loquentis conscientiae monita non repugnanter accipiamus. Nunquam muta est Conscientia, si sedant & attentum habeat auditorem. Et revera hoc unice prodest, hunc vermem animo inharentem ita jam sentiri, ne sentiat aeternum. Bernardus id asserens. Optimum est, *a* inquit, tunc sentiri vermem, cum possit etiam suffocari. Itaque mordeat nunc ut moriatur, & paulatim desinat mordere. Mordendo rodat interim putredinem, ut rodendo consumat, & ipse quoque pariter consumatur, ne foveri incipiat in immortalitatem.

Ergo satius est jam monitricem, quam illic jugulatricem pati conscientiam. Nam (quod idem Bernardus *b* cogitandum subijcit) Extorres caelo in carne cruciabuntur per ignem, in spiritu per conscientiae vermem. Ibi erit dolor intolerabilis, timor horribilis, foetor incomparabilis, mors animae & corporis, sine spe veniae & misericordiae. Sic tamen morientur, ut semper vivant; & sic vivent, ut semper moriantur.

Quid agimus mortales? vita brevis, via longa, terminus viae dubius, tempus exiguum; nil certius morte, nil mortis hora incertius, supplicii & praemii aeterna duratio, & à momento utraque pendet Aeternitas. Quid, ô mortales, quid ergo agimus?

H 4

C A-

*a* Bern. *serm. de Convers. ad Clericos. cap. 6.*

*b* Idem. *lib. de Anima cap. 3. med.*



*Quales Choreae, Tales et Choraule*

## CAPUT VIII.

*Septimum Aeternitatis Tartarea  
Tormentum*

## LOCUS &amp; SOCIETAS

**V**ir censorius notissimæ virtutis M. Cato, eos qui empturi erant agros, monere solitus est, viderent ante omnia, num bonos habituri essent vicinos. Grande malum, vicinus malus

*Mantua va misera nimum vicina Cremona. a*

Proinde scitum est illud Themistoclis apud Plutarchum, qui prædium venditurus, hoc quoque præconem addere iussit: *Quod vicinos haberet bonos.* Domus incommoda & ruina proxima, si vicinos insuper malos habear, emptorem habebit neminem.

Omnes coelo proscripti eas habitationes incolunt, ad quas haræ nostræ, & canum cavæ, palatia & regum conclavia videri possint. Accedit, quod veteri verbo ferebatur, vere falsuginosa vicinia, diabolorum & damnatorum hominum rot centena milia, tot inyriades ac milliones, Dei capitales hostes omnes, qui vel paradisum adducant in fastidium.

Atque hoc septimum est Aeternitatis luctuosissimæ supplicium, Locus & Societas, ille miserabilis supra omnem modum, ista nimum detestabilis. Iudex sententia decretoria utrumque complexus: Domus hac ignea, dicit, hic carcer funestissimus,

H 5

finis,

*a Virgil. eclogâ nona post init.*

simus, qui a paratus est diabolo & angelis ejus, non vos initio spectabat: Sed quia hostium meorum familiaritas gratior vobis fuit quam omnis favor meus, Ite nunc, ite, & illorum vobis habitatio non displiceat, quorum olim societas tantopere placuit. Ite in ignem æternum, qui paratus est non vobis, sed diabolo & angelis ejus. Fit nonnunquam ut magister in schola in unius noxam jubeat ligari virgas, sed quoniam eadem deinceps culpa plures involvit: Hæ virgæ, inquit, non in vestrum ligatæ sunt caput, sed quia in eandem cum immorigero illo incurritis noxam, eandem cum illo subibitis poenam.

Ita Christus suis hostibus: Angelorum societate vos frui volebam; paradysus vos expectabat, sed quia omni excussa disciplina non mihi obtemperastis, sed diabolo: Ite jam, ite, ite, & diaboli spelæum habitate; in societate, quam ipsi conflastis, perdurate. De hoc loco, atque de hac Societate nunc porro agendum.

I. Antequam locum subeamus, loci custodem videamus. Olim b Trimalcionis domum ad sinistram intrantibus non longe ab ostiarii cella, canis ingens catena vinctus, in pariete erat pictus, superque quadrata littera scriptum CAVE CAVE CANEM.

Ad ingressum balnei Avernalis prisci affingebant canem Cerberum. De hoc vates Cordubensis: c

*Posthæc avari Ditis apparet domus.*

*Sævus hic umbras territat Stygius canis,*

*Qui terna vasto capita concutens sono*

*Regnum*

a Matth. cap. 25. vers. 41. b Arb. Sat. mibi  
pag. 19. c Seneca Hercules furens.

*Regnum tuetur; sordidum tabo caput  
Lambunt colubri, viperis horrent juba,  
Longusque torta sibilat cauda draco.*

*Par ira formæ* —————

Non unus talis apud inferos canis est.  
Tot Cerberi quot diaboli, Cerberis omni-  
bus terriores. Hic scribo, hic vociferor:  
CAVE CAVE CANES. Sed ipsum jam lo-  
cum inspiciamus.

E priscorum Patrum & Theologorum  
placitis est, illætabiles illos inferorum re-  
cessus medio terræ sinu latere. Affirmant id  
sacræ paginæ. Nam ubi rebelles Mosi à Dei  
populo secessionem fecissent: a Dirupta est  
terra sub pedibus eorum, & aperiens os  
suum devoravit illos cum tabernaculis suis,  
& universa substantia eorum, descende-  
runtque vivi in infernum, operti humo.  
Jure suo hic improborum carcer loco infi-  
mo est, uti beatorum sedes amœnissimæ  
loco summo ac nobilissimo.

De carceris illius capacitate sic ratiocine-  
mur: Si æternæ mortis b damnentur trige-  
sies aut etiam centies mille miliones homi-  
num, sive, 100000000000. Flammeus au-  
tèm hic carcer, secundum omnem altitudi-  
nis, latitudinis, ac longitudinis dimensio-  
nem unum milliare Germanicum comple-  
ctatur, satis omnino spatii habebit, ad obstu-  
pescendum illum numerum hominum  
complectendum. Carceri conveniunt an-  
gustia. Pars libertatis est laxè habitare. At-  
qui grex damnatorum, canes illi ac porci in  
arcto habitabunt, eruntque sicut uvæ in  
tor-

a Num. cap. 16. v. 32. b Vide *Æternitatem  
meam* Consi. 2. §. 1.

108 DE DAMNATOR. ROGO  
torculari, aut salsa haleces in \* orca, aut sic  
ut lateres in fornace calcaria, aut sicut  
igna in rogo, aut sicut prunæ in igni abulo  
aut sicut oves iugularæ in macello; arde  
scilicet & compresse vincuntur. Angustia  
carceris, & murmur eorum compressio  
poenarum acerbitatem facit. In exiguum  
hunc Orbem contrahet Deus sentinam  
faciem Orbis.

In Orbe hoc nostro vel maximum gau  
dium turbat loci foeditas. Quis in officina  
liquati sevi, aut macerati ceri; quis in Au  
gix stabulo, aut in antro putrescentium co  
daverum pleno voluptatem sentiat, præ  
fertim si dies noctesque illic hærendum.  
Tam inamænus loci squalor ac foetor o  
mnem ex pectore lætitiā expellunt. Quis  
ergo in illa divini furoris officina, in horri  
fico illo Atramentis antro amœnitatis sit,  
unde omne gaudium, voluptas omnis exu  
lat, ubi meri merissimi dolores. Et quan  
tum iis augmentum erit locus ipse profun  
dissimus, tenebricosissimus, foetidissimus,  
& quod lugubre cogitatu, remotissimus  
coelo, mille clathris ac feris, repagulis ac  
claustris mille obsecratus?

Clamat ex alto Abrahamus: a Inter nos  
& vos chaos magnum (chos flammeum)  
firmatum est, ut hi qui volunt hinc transire  
ad vos, non possint, neque inde hac trans  
meare. Et tamen Abraham in coelo nondum  
degebat.

In ergastulis nostris amœna laxitas est, si  
illam sceleratorum foveam spectemus. Se  
pulchra b eorum, domus illorum in ater  
num.

\* In der Thonnen.

a Luc. cap. 16. v. 26. b Psal. 48. v. 10.



num. Principes ac Reges, Imperatores & Pontifices claudit hæc domus: nec aliter illic habitant vel opulentissimi Coersi, vel strenuissimi Alexandri. Beatus Lucas *a* asseverat. Mortuus est autem & dives, & sepultus est in inferno. O sepulchrum nimis profundum! Hoc illius nunc ades & arces, hoc æneï fontes & arcus triumphales, hoc viridaria & horti penfiles, hoc tepida balnea, hoc magnifica theatra, hoc laxissima palatia: tota domus, sepulchrum est angustissimum. Nec tamen hic soluti & liberi, sed vincti habitant & ligati. Rex Magnus imperans: Ligatis, inquit, *b* manibus & pedibus ejus, mittite eum in tenebras exteriores. Non ambulare, sed nec movere se poterunt hi rei quo volent: manus pedesque vincti, & velut infixi verubus ardebunt, miserandum ignis pabulum.

II. E veteri historia liquet, complures nec tantum infimæ sortis homines, velut peregrinas aves, cavea inclusos.

Rex Macedo Alexander Callisthenem Olynthium insidiarum insimulatum, vel quod regi suavisset ne affectaret ab Atheniensibus. Dominus appellari, auribus, labris, ac naribus abscissis, cæterisque membris crudeliter truncatis deforme ac miserandum spectaculum reddidit, & cum cane, ferrea clausam cavea circumferri jussit. *c* Dum Lysimachus tanti viri misertus, & antea illius etiam auditor, venenum ei præbuit, ut poenam quam non culpis sed libertati penderet, finiret. O beatam Callisthenis caveam, ad flammeam tot sceleratorum carnificinam!

Quæ

*a* Luc. c. 16. v. 22. *b* Matth. c. 22. v. 13. *c* Seneca.

Valerius, Justinus, Suidas, Curtius, alii.

Quæ Callisthenem , eadem & alios fortè involvit. Tamerlanes *a* Orbis terror, Bajasiten Turcarum Imperatorem victum , & cavea ferrea inclusum , spectaculo & ostentui cunctis circumduxit triennio.

Rex Daniæ Christiernus , Anno millesimo quingentesimo vicesimo secundo, à propria religione defecit. Tribus deinde regibus ob crudelitatem exactus , misere tandem perpetuis vinculis addictus, & Anno millesimo quingentesimo trigesimo secundo, tanquam indomita bellua in clathratam caveam conjectus , nec ante mortem inde liberatus est. Verum ô mites Bajasitæ & Christierni caveas , ad illas damnatorum comparatas !

Sed nec Valerianus Imperator Romanus à Sapore Persarum rege suavius est habitus. Nam cavea pariter inclusus, nec ea unquam egressus, nisi cum Saponi equum ascenturo, tergum prabere , scabelli loco coactus est. Demum Valeriano cutis detracta, & carceris fale conditus fuit. Eodem modo *b* Renzius Friderici filius in caveam contrusus vitam finiit.

Sic & *c* Marcus Arethufiorum episcopus eloquentia sanctisque moribus ornatus, martyr patientissimus, impio Juliano imperante, primo pueris, ut aciculis compungeretur , expositus : dein garo ac melle perunctus , cavea inclusus , æstuante sole sub dio suspensus , crabronibus , vespis , culicibus,

*a* Seu, Temirlancus. Seu, Bajazetem. Lipsius l. 2. Monit. Polit. cap. 5. Mo. 2. Gen. 16. Hadriano VI. ex Iovio. Baronius ad ann. 262. *b* Suevica Goldasti. *c* Suidas. V. Marcus, mihi pagina 587.

bus, muscīs lacerandus est objectus, ut diu se mori sentiret.

Sed, o blanda hæc supplicia, o caveas voluptate plenas, si flammeis inferorum caveis conferantur. Pictura est, umbra est, quicquid cruciatus hic tolerandum. Nam sua & his tormentis jucunditas est: solatur temporis præsentis brevitās, quo hæc ferenda; excitat futuri gaudii perennitas inter superos obtinenda: Scimus id quod in præsentī est tribulationis nostræ, leve ac momentaneum esse.

Ita duramus inter athletas Domini, & quo plus doloris sentimus, hoc majus præmīum speramus. At illi Orcinis caveis circumclusi, nec à præsentī tempore, quod neglexerunt, nec à futuro quo semper in tormentis erunt, quidquam habent levaminis. Sed hæc divinæ justitiæ lex est, ut tortores illos & hostes sentiant improbi, quos suosores & amicos ante fuerant secuti; & quia a luxuriæ suæ præda quærebant, nunc carceres habitent, & caveas. Ab ævo in ævum sic erit.

III. Revera si mortis æternæ reos non alia ulla exerceret pœna nisi hæc una, tam foedo carcere inter tot hostes æternum claudi, pœnarum satis foret, abunde satis. Quid jam cruciatus alii, conscientię vermis, fames ac sitis, perpetuus ignis, & quod prorsus inexplicabile, tormentorum nullus finis.

*Hic status in barathro multos durabit in annos.*

Vere multos, quia universos, nec tamen

a Sapi. cap. 2. vers. 8.

112 DE DAMNATOR. ROGO  
men universos quos numeratur est Æternitas. Quæ & numerabilis simul & innumerabilis est. Qua parte cœpit, numerabilis; qua finis cogitatur, nec tamen erit penitus innumerabilis est.

Isaias *a* hunc æterni exilii locum graphicè describens: Et convertentur, inquit, torrentes ejus in picem, & humus ejus in sulfur, & erit terra ejus in picem ardentem. Joannes *b* hunc locum stagnum ignis & sulfuris vocat, *c* Christus caminum ignis. Jobus *d* terram tenebrosam, & opertam mortis caligine, terram miseriæ & tenebrarum, ubi umbra mortis, & nullus ordo sed sempiternus horror inhabitat.

Sed qua ratione, dices, hæc Aeternalis Æterna, hoc omnium miseriarum receptaculum animo ac mente concipiendum ut imago ejus in animum sapius incurrat.

Subit memoriam colloquium, quod inter deos fuit amicicia conjunctissimos, quorum alterum Orestem, Pyladem dixisset alterum. Quarebat Pylades (sic nomen minus) quomodo ante oculos animumque proponendus damnatorum carcer. Tum Orestes: Putem, inquit, rem hæc ita docendam. Demictatur quispiam Verus aut Autumno, frigidiore anni tempore, in profundam subterraneam foveam, ubi nec focus, nec mensa, nec lectus. Huc semel duntaxat de die frustillum mucidi & pane saxei panis, cum pocillo seu caliculo foetentis aquæ, submissus funis tenuissimam hanc annonam porrigat. Addatur tam opiparæ mensæ schedula, qua hominem

*a* Isa. c. 34 v. 9. *b* Apoc. c. 19. 20. 21. *c* Matthe. cap. 13. vers. 42. *d* Job. cap. 10. vers. 21. & 22.

minem in ima fovea jacentem moleat, non aliud opus ab eo exigi, quam ut aternitatem dies noctesque perpetim meditetur. Ad quæ Iylades: Optimus, inquit, modus Aternitatem efficaciter cogitandi, eamque in animum penitissimum velut transfundendi. Et quæso, si non ingratum, hic paullo liberalius de hoc tali homine philosophemur in rem nostram.

IV. Principio quidem huic homini, tres hebdomades, tres omnino anni videbuntur: & ubi in auras emerferit, dirissima se passum dicet. Sed quæ illa tandem? Famem, sitim, frigus, defectum somni, & omnis solatii penuriam. Rem dicit. Sed videte, obsecro, quam tolerabilis ac mensuetus hic carcer sit: imo diata, seu, \* viridarium aircænum, si cum aterni barathri custodiis conferatur. Nam ille ipse in eam scrorem dejectus homo, tantillum saltem alimenti ac potus habuit quo vivere liceret: Apud inferos nec cibus nec potus est.

Deinde hominem illum nemo irruit, nemo illi insultavit, nemo flagris eum cecidit: Apud inferos hæc non quotidiana solum, sed assidua sunt.

Tertiò, illi homini quiescere interdium, non sibi dormire licuit; tamen si quies turbator, & somnus nonnihil fuerit contraxior: At verò apud inferos nullus somnus, quies nulla, nec unico quidem momento.

Quarto, hominis illius animum nulla discerpit agrimonia; absuit mœror, pavor, stupor, ejulatus, angor, horror, desperatio: Apud inferos hoc nullum omnibus, etiam nolentibus ingeritur.

I

Quinto,

\* Eusthaus.

Quinto, corpus omne illius hominis à cruciatibus immune fuit; nec alius cum morbus, quam fames, sitis, ac frigus infestavit: Apud inferos omnia & singula damnatorum membra torquentur; Animus undequaque afflictiſſimus in igne & ſemper vivit, & ſemper moritur. Omni morte acerbior eſt mors iſta.

Sexto, ille in cavum ſubterraneum demiſſus, eſi procul voluptatibus fuerit, extra ſolem, ſine ſociis, extra convivia, ſine luſu animique relaxatione, in ſpem tamen ingredi potuit redeundi ad ſolem, & ad ſocios, & ad convivales epulas, & ad voluptates ceteras: At verò apud interòs ſpes peritiſſime decollavit; ſpes omnis hic abſciſſa eſt, hic ſpei nihil eſt. Ad primum loci ingreſſum ſciunt, nec ad ſolem, nec ad ſocios, nec ad ullam amplius voluptatem fore regreſſum. Conſpectus Numinis, ſocietas Angelorum, delicia caeleſtes ſic erepta ſunt, ut eas recuperandi ſpes nulla, heu nulla ſit, nec eſſe poſſit. Deſperatio illic æterna domi ſuæ eſt, & damnatorum nemini parcit.

Videte Chriſtiani, quàm levi impendio, in Æternitatis notitiam venire liceat.

V. E. divi Dominici familia vir eruditus a narrat, quod jam dicta firmet. Homo jocular, & dicax ſcurra, in virorum nobiliſſimæ corona. Eccleſiaſtica verba, quæ eo rane auget. Iudo cavillari cogitaverat, & quo magis ſocietate placerent, ut maxime ſerius exorſus: Scitis, inquit, vos mei domini, quam concuſum faciam in ſympoſiis, conviviis, balneis, choreis, triquidus omnibus, & deliſſimus

*in ſcala cali.*

simus comes ad omnem hilaritatem. Sed audite , obsecro , quid mihi nuper evenierit. Plumis jacebammersus , & ut somnum invitarem , cogitare mecum cœperam : Si jam alligeris hic , ut annis viginti aut triginta nec loco te movere possis , quid facias ad liberandum te ? Quid si aliter libertas non detur , nisi ea lege , ut nuntium remittas & sociis , & omni comessationi. Ego vero , dicebam ipse mecum , Jovem lapidem jurabo ( si sic opus ) & ejurabo socios , symposia , convivia , lusus , choreas , tripudia omnia , modo mea restituar libertati. Sed quid facias , oro , si sis in aula Divis , non plumis sepultus , sed flammis , non compotorum medius sed diabolorum , ubi vetitum solari & colloqui , ubi atque guttula non minus pretiosa , quam cella generosissimo Falerno plena. Ubi ingressus , qualis animantium ad leonem agrum , quorum omnia vestigia introitum spectabant , nulla cernebantur redeuntium. Subire Orcum facile ; sed revocasse gradum quis unquam visus est ? Tu ergo si hic sis , dic amabo , quid facias ?

Dixit , & hac oratione sua ita subito mutatus est , ut videri potuerit minus Juliani Caesaris Porphyrius , qui dum gesticulatur in theatro , & Christiana sœra imitatione nimica irridet , repente seipsum exuens jamque alius Christianum se proclamavit constantissime. Et vero etiam ut Christianus martyr gladium excepit fortiter. Ita res nata è joco. Nec aliter ille cavillator , in serium convertit , quicquid per jocum dixerat. Ita sibi aliisque plurimum profuit.

Optima est hæc & minime fallax ratiocinatio ,

116 DE DAMNATOR. ROGO  
natio, à levi brevisque molestia cruciatus æ-  
ternos æstimare. In eam rem Hieronymus  
monet: An putamus, fratres, quod jocan-  
do propheta prædicent, ridendo loquantur  
Apostoli, Christus infantiliter comminetur?  
Joci non sunt, ubi supplicia intercedunt.

VI. Sed præter locum apud inferos omni  
genere cruciatuum infamem, est etiam so-  
cietas omni modo detestabilis. Quemadmo-  
dum verò beatis calitibus inexplicabilem af-  
feret voluptatem, Orbis Salvatorem Chri-  
stum, beatissimam Christi matrem & disci-  
pulos, tot millia totque myriadas generosis-  
simorum martyrum suis oculis aspicere, An-  
gelorum choris medium esse: Sic & reprobis  
tormentum erit horribile, societate tam  
execrabili æternum liberari non posse. Quid  
sentias, si cogaris, dum sanus es, inter ulce-  
rosos, morbosos, cadaverosos homines in  
eodem hypocausto noctes diesque agere,  
crura sanie taboque fluentia cernere, fœto-  
res ferre, lamenta eorum & complorationes  
varias audire, cum ille ingemiscit, hic que-  
ritur, ille tussit, hic pane pulmones ejicit,  
alius plorat, prope expirat alius. O qualis in-  
fernus est, dices, inter hos vivere? Sed, ô  
bone, quam hoc ad infernum nihil est! Bal-  
samum est, quod fœtorem vocas: Musica  
est, quod lamentationes dicis; ludus est quod  
cruciatum appellas; paradus est, quod in-  
fernum credis. Nam si grave ac molestum  
sit inter paucos versari quibus odi osis: quid  
ergo molestius, quid acerbius, quam illic  
esse ubi nemo alterum amat, ubi omnes æl-  
ternis flagrant odiis?

Hi



Ei mores sunt in aula Satanæ, omnes sic mutuis ardent odiis, ut alter alterum, si posset, dentibus laceraret. Nam hi ardentes incolæ & in aliis & in seipsis imaginem Dei extreme oderunt. Sicut enim Deum, sic quicquid est Dei, summo præsequuntur odio: at inter tales domesticos semper vivere, acerbissimum vitæ genus est. Et hic illud præsci poë. & verissimum:

*Nec possum tecum vivere, nec sine te.*

Oculos verò potissimum torquetur eorum præsentia, quia causa (quomodocunque demum) extiterunt condemnationis, seu parentes, sive uxor, sive liberi, cognati, socii, familiares fuerint. quibus annumerandi & ipsi diaboli, qui à supremo iudicio, tortores erunt hominum (è theologorum mente) ut sentiant eo præcipitati, quibus se dominis olim subjecerint. Ab hac societate nunquam posse liberari, gravius supplicium est, quam in foveam serpentibus plenam conjici, nec inde unquam educi; à colubris assidue morderi, nunquam emori.

Hæc societas minime socialis, id facile à quovis impetret, ut pravas illas societates potantium, ludentium, pejerantium, obscœna crepantium, vitia communicantium quam studiosissime fugiat, & quicquid mali exempli est caveat religiosissime. Nam in omni novarum genere, cum primis cavendum, ne aliis malo exemplo simus. Proclamat Christus: *b* Væ Mundo à scandalis; Qui scandalizaverit unum de pusillis istis qui in me credunt, expedit ei ut suspendatur mola asinaria

I 3 — — — — — ria


a Marti. lib. 12. ep. 47. b Matth. cap. 18. vers. 6. & 7.

XI8 DE DAMNATOR. ROGO CAP. VIII  
ria in collo ejus, & demergatur in profundum maris. Væ Mundo à scandalis. Væ homini per quem scandalum venit. Mali exempli noxæ (scandala vocamus) Ditis aulam longe diuissimam faciunt.

Ergo, melius est *a* ire ad domum luctus, quam ad domum convivii, in illa enim finis cunctorum admonetur hominum, vivens cogitat quid futurum sit.

Unusquisque rem suam agat, idque mature. Omnis gens humana gemino ad Æternitatem ducitur ingressu, sed egressus inde nullus. Ingressus es in cœlum? Securus esto, hinc nemo amplius exturbatur. Ingressus es in Orcum? Certissimus esto, nulla dabit egressum janua, nulla patebit vel rimula. Jam civis es; domicilium collocasti, sedem stabilem fixisti: hic habitabis æternum. Illud Ecclesiastæ *b* nostri: Si ceciderit lignum ad Austrum, aut ad Aquilonem, in quocunque loco ceciderit, ibi erit.

*a Eccl. cap. 7. vers. 3. b Eccl. cap. 11. vers. 3.*



## CAPUT IX.

*Osarum Aeternitatis Tartarea  
Tormentum*

## D E S P E R A T I O.

**M**irabantur olim Thebani , Rempublicam Lacedæmoniorum adeo florere , cives in officio contineri , rara in eorum civitatibus vitia grassari. Miserunt ergo Philonium philosophum qui singula observaret curiosus arbiter , leges & quicquid civici juris esset , scripto ad se perferret. Philonius omnibus exacte observatis Thebas rediit , & ut publice de legationis suæ munere responderet , horrificam suppellectilem per theatrum explicans , virgas , laqueos , taureas , flagra , fidiculas , catastas , equuleos , secures , rotas , cruces proposuit , & aliquandiu altum siluit ; demum in vocem erumpens : En , inquit , vel oculis spectate , ô cives Thebani , quid Laconum disciplinam fanciat : Nemo apud ipsos vitiosus est impune. Sunt sua virtuti præmia , sunt & sua sceleri supplicia , eaque seria. Hinc mores illorum nostris emendatiores.

Orbis legislator Deus , sapientissime munus suum administrans , ne disciplina libatur , non furcas , non secures , non rotas , sed gehennam , sed rogi semper arsurum intentat. Nihilominus (prô nefas hominum!) Orbis etiamnum in divinas leges audacissime delinquit : quid , oro , non auderet , si Deus unius horulæ aut dieculæ supplicia , vel

carceres anno bienniove tolerandos minaretur? At verò cum iis omnibus, qui divinas leges everunt, Æternitatis carcer, & immortale supplicium sit decretum, est quod vehementissime miremur Legiruparum innumeros etiamnum reperiri.

Unde, obsecro, incredibilis hæc temeritas plurimorum? Non est a timor Dei ante oculos eorum. Cum mirissimus Deus non mox toties sui mittat solmina, & ad inferos præcipitet, quoties peccant homines, ideo vitia incredibilem induunt impudentiam; hinc plurimi metu securi vivunt, leges perfringunt, & qua data porta ruunt in vetitum. Spes falsa plurimos sensim ac blande ducit in ipsum desperationis barathrum. *Desperatio* Æternitatis luctuosissimæ octavum est supplicium, de quo hoc capite differendum.

1. Spes, omnium in hoc Orbe molestiarum, laborum, miseriarum admirabile lenimentum. Unguentum eam esse dixeris, quod omnes reficit l. flitudines. Spes, duo præcipue spectat, & *Frustrum* & *Finem*. Quicquid lacrymarum est, his velut spongiis duabus facile siccatur. Generosos Christi athletas, invictos martyres, plurima passos, plurimum tamen solabatur patientiæ Frustrum. Idem solatii habent, quicunque bona agunt, ut Bernardus loquitur, & mala patiuntur.

Est qui pradium multis millibus philippeorum emat, dicatque ejus emptionis se minime poenitere, cum omnes expensæ temporis, nec sine honesto fœnore sint redi-

122 DE DAMNATOR. ROGOTURÆ. Hoc apud inferos omne supplicium vehementissime accendit, acerbissima quæque sine omnitamen emolumento pati. Apud nos lacrymula vel unica, modo seria gravissimas noxas delere potest: Apud inferos nec levissimam quidem culpam quanticunque cruciatus expiant, sed nec aquæ guttam imperrant.

Quam grave est paganæ ac paupertinæ plebi, cum vecturæ, aliæque \* opera gratuita imperantur. Durissimus scilicet labor est sine spe mercedis. Sic mœncipia quæ suis dominis, nil sibi lucrantur, altero tanto gravio-rem putant laborem, cum *Fructus* desit: restat tamen quod soletur *Fins*. Sic laborantibus peroptato Mors intervenit. Sed hoc etiam negatum est illis captivis. Quærentes mortem, & non invenient eam; & desiderabunt mori, & mors fugiet ab eis. Habebunt, inquit *b* Augustinus, impii in cruciatibus vitam. Sed qui vivunt in tormentis, cupiunt (si fieri possit) finire talem vitam, sed nemo dat eis interitum, ut nemo auferat cruciatum. Poenæ illic non tantum sine fine, sed recrudescentes perpetim & novæ. Astuabunt, *c* & omnis dolor irruet super eos. Atque hinc furiosa desperatio, desperatio, desperatissima. Reçeprisci:

*Ultima omnium malorum dira desperatio est.*

Sunt qui desperent, sed semel duntaxat, nam desperationem mors excipit. At in gehenna, uno die, imo vel hora una millies de-

\* *Scharwerck. Jurisconsultis, Angariorum exhibitio.* a *Apoc. cap. 9. v. 6.* b *Aug. serm. 112.* c *Iob cap. 20, v. 22.*

desperant, imo vero continua est eorum desperatio, velut febris hectica, febris continua. Quicquid cogitant damnati, rabida desperatio est. Seipsum, modo possent, suismet dentibus discerperent, per omnia membra cultros immergerent, mortem parulis ulnis ad se traherent; *sed mors fugiet ab eis.*

II. Qui adversis calibus succumbunt spe destituti, ad aquas currunt, aut ferrum in se condunt, aut sibi laqueum induunt, aut venenum hauriunt, aut per præcipitia ruunt, ut simul & vitæ, & mali, ut putant, finem inveniant: In Orco nec vitæ, nec malorum, nec mortis ullus finis inveniri potest. Non hic aquæ, non ferrum, non laqueus, non venenum, non præcipitia sunt ut extinguant, hæc tamen illic omnia sunt ut torqueant; simul hic desperatio assidua, interminata. In hanc potissimum conjicit supremum judicis decretum: Discedite à me maledicti, in ignem æternum. Hic nulla causæ repetitio, nulla sententiæ revocatio, retractatio nulla est speranda. Hoc ultimum & irrevocabile decretum. *a* Augustinus *Incommutabilitatem divinæ sententiæ recte nominat.*

Angelus à Joanne visus *b* jurabat per viventem in sæcula sæculorum, quia tempus non erit amplius. Sed erit æternitas & remuneratio eorum quæ gesta in tempore. Hoc angeli incommutabile iusjurandum, hanc Domini fatalem sententiam damnati omnes tam certa fide aurium percipient, ut hæc verborum procella, hoc tonitru horribilissimum.

*a* Aug. tom. 4. l. 2. Euang. quæst. q. 37. *mihipagina* 151. *b* Apoc. cap. 10. vers. 6.

124 DE DAMNATOR. ROGO  
finum, in auribus eorum, perpetuis frago-  
ribus insonet: In ignem æternum, In ignem  
æternum, In æternum, heu, in æternum ig-  
nem. Horum verborum nec syllabula qui-  
dem audientes scillet. Hæc damnati audient &  
cipient; nos audimus, sed non capimus.

Quemadmodum vero sedes beatorum,  
complexus ac compendium est omnium  
gaudiorum; ita sedes inferorum, epitome  
ac summarium est omnium dolorum. Quic-  
quid uspiam acerbum, lacrymabile, horri-  
cum est, apud inferos sentiunt; quicquid us-  
piam amœnitatis, deliciarum, gaudii, volupta-  
tis est, apud superos plenissime percipitur.

In Orbe nostro bellum est tam grande  
malum, cui non sunt etiam si pharmacum.  
Omnis aggrauatio lenimuris aliquid habere  
potest si velit. Solatium præbet nunc ratio,  
nunc somnus, nunc mensa, nunc colloqui-  
um, nunc ipsum tempus; modo amici, modo  
cognati, modo alii similia experti, de-  
num ipsa spes finis afflicto plurimum refri-  
gerationis affundit. At verò in regione Pla-  
tonis portæ omnes occlusæ sunt solatiis, o-  
mnes hic aditus vel minimis levamentis sunt  
intercepti. Nihil auxilii, solatii nihil nec è  
coelo, nec è terra; nec à rebus præsentibus,  
nec à futuris, nec à præteritis sperandum.  
Quocunque oculos vertunt, Æternæ mor-  
tis spicula in se torqueri cernunt. Undi-  
que luctus & angustia, undique moeror &  
dolor, undique & undique cruciatus innu-  
meri. *a Vere Circumdederunt eos dolores mortis,*  
& angores desperationis. Vere, *Tribulationem*



& dolorem invenerunt, & ideo nomen Domini maledictis assidue incessunt.

III. Hanc sceleratorum desperationem incredibiliter augebit, certo scire, tot ac tantis suppliciis nec minimam quidem labe-  
culam & culpam expiari posse. Tam enim letalis noxæ venenata vis est, ut etiam mi-  
nora ac leviora piacula, capitali tamen cri-  
minis conjuncta puniantur æternum. Exem-  
pli gratia: Sunt quotidiana sordes, otiosa  
dicta, supervacuis risus, copiosior cibus,  
incautior oculus, remissior in precando ani-  
mus. Hæc talia, dum vivimus, non diffi-  
culty expiamus. Bolus unicus genio sub-  
tractus, gemitus aut suspitium unicum, le-  
vis patientia, facilis seu manus sive oculi con-  
tinentia minores ejuscemodi navos eluit. Si  
verò mortiferum facinus noxæ minimæ in  
Orco junctum sit, utrumque vindicabitur æ-  
ternitate tota. Arque hoc desperationis gran-  
de incrementum est.

Vere Deus in hoc Orbe mitissima & par-  
cente dextra castigat, in altero plumbeam  
forteque manum ad feriendum extendit,  
nec revocat extentam.

Porro hæc desperatio è spe nascitur, sed  
nimia, quam Præsumptionem dicimus. Huic  
fugienda Sircides monet: Ne dixeris, pec-  
cavi, & quid mihi accidit triste? Altissimus  
enim est patiens redditor. De propitio pec-  
cato noli esse sine metu, neque adjicias pec-  
catum: Et ne dicas, Misericordia Domini  
magna est, multitudinis peccatorum meorum  
miserebitur. Non tardes a converti ad Do-  
minum, & ne differas de die in diem; sub ito è-  
nim

126 DE DAMNATOR. ROGO  
nim veniet ira illius, & in tempore vindic-  
tæ disperdet te.

Optime Gregorius : De a omnipotentis  
Dei misericordia ordinate confidit, qui hoc  
quod peccando deliquit, poenitendo (& non  
repetendo) corrigit. Quisquis aliter, non  
spe, sed temeritate impellitur.

I V. Credibile prorsus est, vix ullum  
Christiani sanguinis ad Erebum detrudi, qui  
non, dum viveret, protractus vitæ spatium  
sperarit, arbitratus mortem multo serius ad  
se accessuram. Ex hac tam fallaci spe, despe-  
ratio demum nascitur æterna.

Nec illud minus credibile inter illos despe-  
ratissimos captivos vix ullum esse, qui dum lu-  
paret, non sæpius occulte desperarit hoc  
modo: En, actum ago; nunquam alios mores  
induam; assueta relinquere nimis durum est;  
nihil proficiunt conatus mei; frustra sum; san-  
ctior non ero, nisi ad Calendas Græcas. Sic  
igitur pergamus, & fruamur b bonis quæ sunt.  
\* Mors properat; ibimus brevi, ibimus omnes.  
Valedicamus ergo maturis gaudiis, & apitum  
nostrum voluptate celebremus. Hoc revera  
desperare est.

Obsecro vos, Christiani; per vos, perque se-  
lutem vestram, perque Domini nomen, hoc  
modo scopulum vitæ: naufragium certum  
est, si navis hac allidatur. Dum vita est, nun-  
quam sera nimis emendatio est. An, si nunc  
lies prolapsi sumus? Resipiscendo nunc lies sus-  
gamus. Nunquam serum est, velle tolli ore  
fieri. Quovis die, vel quavis etiam hora, pro-  
quisq; dicat cū Plaque regio: c Dixi, Nunc coepi.

a Greg. in l. 1. Reg. c. 3. b Sap. c. 2, v. 6. c Ps. 76, v. 1.

\* Wellen uno legen.

Quisquis ad eam redigitur imbecillitatem , ut nec conari amplius , nec sui ipsius emendationem urgere velit , sed habenas laxet naturæ quocunque anhelanti , is demum in omne vitiorum genus prolabetur. Hunc jure suo vocabimus *Desperatum*, cui venale calum est , cui gehenna tolerabilis carcer videtur , qui nihil minus cogitat quam Æternitatem , homo perditus.

Verissime dixit Bernardus : a Desperatio sibi omnem malitiæ consummationem vendicat. Desperationi plurimum facit ignorantia Dei. Est qui resipiscere cogitet , & hominem Christianum agere , si autem quam bonus sit Deus , ignoret , sua ei cogitatio dicet : Quid facis ? Et vitam istam vis perdere , & futuram ? Peccata tua & multa nimis , & gravis sunt : Pelle exue , nec tamen satis facies. Delicate hætenus vixisti , jam subito mutas ? Consuetudinem non vinces ; quicquid agas , in eadem atque eadem recides. Permite hæc igitur suis ire passibus.

Ita miser in voraginem sensim abducitur. Bernardo b teke , Portæ inferi , caca desperatio.

V. In nostris carceribus reos reperias tam projectæ vitæ homines , ut in ipso carceris loco ( quod ipse meis oculis vidi ) furcas & patibula parieti appingant , tanquam sibi gratulentur de futuro sepulchro tam sublimi. His scilicet patibulum jocus est. Nec defuerunt ex eadem nebulenum tribu , qui , dum socii attollerentur in furcam , ipsi sub furca præciderent plurimum crumenam , non tam

spesta-

a Bern. serm. 37. in Cant. post med. b Bern. in-senten. mibi pag. 497.

128 DE DAMNATOR. ROGO  
spectatores quam actores. Simillime pro-  
sus nos agimus (sit venia dicto) & Aeterni-  
tatis aleam ingenti temeritate tentamus.

In carcere sumus, incerti quo die, qua ho-  
ra producendi ad supplicium simus. Nos in-  
terim ridemus & jocamur; nil metuimus,  
nugamur, fabulamur, tempus perdimus, de-  
litiamur. De gehenna differentes quidem  
audimus, aut ipsi de ea differimus, sed sine  
sensu, perinde si hæc nihil ad nos. Quoti-  
diana & sæpe immatura spectamus funera,  
vix tamen, nos etiam morituros, cogitamus.  
Aternitas nobis identidem inculcatur. Quis  
mouetur, aut quamdiu hic motus durat?  
Calamitates Orbis, iusta delinquentium sup-  
plicia cernimus, nec resipiscimus, atque ita  
sub ipso patibulo animose delinquimus. Hoc  
sane tacita est desperatio, & ad furibundam  
illam ac aternam planissima via.

Miles Romæ, quod beatus Gregorius  
a narrat, accepta letali plaga, aliquanto tem-  
pore in mortuum jacuit. Sed ubi ad se rediit,  
tanquam redivivus, quæ in Orbe alio vidis-  
set, recensuit hunc in modum: Ad amœnis-  
sima præta pons extensior ducebat. Pontem  
subtermeabat fluvius teterrimi foetoris ne-  
bulam exhalans. Ponte transmissio primæ  
mœnitatis viridaria, & in iis non exiguus  
candidatorum numerus occurrebat. Locus  
hic onarium gratiarum, longe gratissimos  
floribus odores illic ambulantibus afflabat.  
Domicilia hic complura elegantissime stru-  
cta. Huc per pontem evadere conabantur  
plurimi, sed irritò conatu. Nam quisquis  
minus religiose vixisset, pontem superare  
neque-

nequaquam poterat: soli transibant integri morum, scelerisque puri; qui verò vitam sceleribus inquinassent, in foedissimum illud flumen præcipites abibant.

Dum in vita sumus, extra hunc pontem ambulamus, spe pleni. Nunquam tam turbidum est mare, nec cælum unquam tam ferreum & inexorabile, quin speremus meliora. Remedium denique malorum omnium est finis. At verò qui è ponte jam excussi sunt, jamque pleno ore Cocytum bibunt, spe omni destituti sunt. Nimirum ubi spei finis, illic desperationis est initium, sed sine fine. In Eumenidum regno mera merissima desperatio est. Procul illinc, procul jam pridem spes omnis exulat. Quidquid eo præcipitati cernunt, audiunt, intelligunt, desperationis plenissimum est. Æternus dolor, æternus luctus, æterna mors. Fine scilicet, malorum omnium remedio carent.

VI. Igitur, ô damnati, æquissimus iudex congregavit *a* super vos mala, & sagittas suas complevit in vobis. Insanabilis est fractura vestra, *b* pessima plaga vestra; plaga inimici percussi estis, castigatione crudeli. Insanabilis est dolor vester, propter multitudinem iniquitatis vestræ.

Quæsiuit olim ex vate Hieremia Deus: Quid tu vides Hieremia? Cui vates: Virgam vigilantem ego video. At Dominus secundum: Quid tu vides? Ad quæ Hieremias: Ollam, inquit, succensam ego video. Nostræ omnes, dum vivimus, poenæ quid nisi virgæ sunt minime atroces & savæ? His optimi

K

qui-

*a* Deut. cap. 32. v. 23. *b* Hier. c. 30. v. 12. 14. & 15. *c* Hier. cap. 1. vers. 11. & 13.

130 DE DAMNATOR. ROGO  
quique filiorum castigantur, & gratias agunt  
ob tam mite supplicium.

Hebraus rex David : *a* Virga , inquit, tua,  
& baculus tuus ipsa me consolata sunt. Vir-  
ga *b* directionis, virga regni tui. Quamvis e-  
nim seu baculo seu virga hac feriamur , non  
ideo miseri sumus censendi. Hac verbera in-  
diciū amoris, hac vulnera principium sani-  
tatis sunt. Olla verò illa succensa , non dire-  
ctionis aut solatii, sed perditionis, sed exiti-  
sed desperationis est. Hanc ita metuamus , ut  
eam caveamus. Mature jam discendum, qua  
ratione tam temeritas seu Præsumptio, quam  
dissidentia & desperatio declinanda.

Deus velut gigas ingentia duo brachia  
diducit, Justitiam & Misericordiam : utrum-  
que porrigit volenti. Qui solam apprehen-  
dit Misericordiam , Temeritati ac præsum-  
ptioni se exponit ; qui solam complectitur  
Justitiam , in dissidentiam pronus ac despe-  
rationem abit. Certe Deus grandia statuit  
Justitiæ suæ documenta in hoc alteroque  
Orbe , qui hac sola considerat , è facili de-  
sperat : qui sola cogitat Misericordiæ invita-  
menta , plus æquo sperat. Medium tenere  
beati. Inter Misericordiam & Justitiam me-  
dius tutissimus ibis. Hoc omnes sacræ pa-  
ginæ proclamant : *c* Universæ viæ Domini  
Misericordia & Veritas.

Hoc geminum Dei brachium assidue con-  
templatus David : *d* Misericordiam , inquit,  
& iudiciū cantabo tibi Domino. Ita pro-  
spes , ita duos inter parietes istos Justitiam &  
Misen-

*a* Psal. 22. vers. 4. *b* Psal. 44. vers. 8.  
*c* Psal. 24. vers. 10. *d* Psal. 100. vers. 1.

Misericordiam transeundum : sic nimiam  
spem, sic & desperationem evitabimus. U-  
trumque vitiosum, & nihil, & nimium spe-  
rare. Utrumque tamen, dum vita est, me-  
dicinam patitur. Avernalis desperatio imme-  
dicabilis est & aeterna.

## C A P U T X.

## Æ T E R N I T A S

*Piorum jure suspirium.*

Solymæus rex Salomon, idemque sacer-  
scriptor Ecclesiastes, varie quamvis te-  
ste, Æternitatis inexplicabilem circu-  
lum describens : Generatio, inquit, præte-  
rit, & generatio advenit, & terra autem in æ-  
ternum stat. Oritur sol, & occidit, & ad lo-  
cum suum revertitur. Lustrans universa per-  
git spiritus, & in circulos suos revertitur.  
Omnia flumina intrant in mare, & mare non  
redundat. Ita prorsus in Avernalem Æter-  
nitatem omnia poenarum ac suppliciorum  
genera perinde ut flumina corrivantur, ipsa  
tamen Æternitas, velut immensissimus Oc-  
ceanus, sibi semper simillima, non exten-  
sior, sed nec contractior fit, immutabilis  
semper & infinita.

Ubi in hac sæculorum voragine centena  
sæcula b fuerint absorpta, alia centena absor-  
bebuntur; his pariter absorptis, alia atque  
alia, iterumque alia centena sæcula, in ean-  
dem voraginem descendent, idque sine

K 2

ullo

a. Eccl. cap. 1. vers. 4. 5. 6. 7. b. Sen milite-  
anni.

ullo saeculorum termino. Nam ubi grex damnatorum tot saeculis gehennam habitaverit, ut ab omni retro aeternitate in flammis se fuisse arbitretur, nihil tamen Aeternitatis, nec punctulum quidem prateriisse dicendum est. Aeternitas post tot saeculorum tractus, nec quadrante quidem unico decrevit; tota semper simul est. Post evoluta millies millena saecula, Aeternitatis circulus aequè amplius adhuc & totus, aequè inextricabilis est.

Hoc nonum atque summum, hoc ineffabile, hoc incomprehensibile in Dei carcere supplicium est. Et quandoquidem aeternitas vivorum etiam cogitationibus interest, eam triplici hoc discrimine assignamus. Aeternitas piorum jure suspirium: Aeternitas impiorum formidabile somnium: Aeternitas damnatorum immortale supplicium est.

De triplici hac differentia differendum. Et de primo quidem ejus membro, scilicet Aeternitatem piorum jure suspirium esse, hoc caput decimum loquetur.

I. Divina è coelo sponsa humanitatem sui sponsi commendans: Lava ejus, inquit, a sub capite meo, & dextera illius amplexabitur me. Mysterium hic tegitur, quod evolvendum. In lava sponsi honores, opes, rerumque abundantia; in dextera vero longitudo dierum, seu, Aeternitas est. Hic sponsa velut prudenter, & sponte ceca: Lavam, inquit, non video, nam capite eam premo: ita res fluxas, & quicquid honorum ac opum est, non curo. Dextram, qua me com-

a Can. cap. 2. v. 6. Ita hoc explicat Paulus de Palatio.



plexurus, aspicio, sed nondum attingo. Quicquid mihi oculorum domi est, in æternitate defixum habeo, æterna curo. Quia vero beatorum æternitatem nondum obtinui, hoc mihi nihilominus promitto: a *Amplexabitur me*. Æternitas dilata cruciat. Nam, Salomone teste, spes quæ differit, affligit animam. Æternitas piorum iuge suspirium.

Bonifacius Romanus civis, aliquanto tempore cum Aglaë matrona nobili consueverat. Ejus rei Bonifacium adeo pœnituit, ut hoc unum agere cœperit, maculam istam cluere, quacunque vel ardua virtute. Hinc fortunarum & capitis etiam periculum neglexit, ad martyrum carceres revisit, catenas osculatus, vinctos ad constantiam exhortatus, extremo supplicio affectos sepelivit. His studiis intentus, Tarsum peregrinatus est, quo loco idem obsequii Christianis athleticis præstitit. Assidua ipsius adhortatio erat: Supplicia constanter ferrent; Brevem esse laborem, præmium fore sempiternum. His ille vocibus, & alios & seipsum, ad mortem animose subeundam mirifice accendit. In his pietatis officiis comprehensus, & ferreis unguis laceratus est; acuti è ferro calami carnem inter & ungues infixi, liquatum plumbum in os infusum. In his ille tormentis constantissime durare, brevem laborem, præmium sempiternum vere credere, suam sibi exhortationem occinere, illudque sæpius ingeminare: *Gratias tibi ago, Domine J E S U*; & ita gloriosissime finit. Æternitas piorum iuge suspirium.

II. Franciscus Assisias, avi sui gemma, ex oculis laborare cœperat ob juges lacrymas

K 3

134 DE DAMNATOR. ROGO  
mas. Cumque ei à pluribus suaderetur, à  
fletu tam crebro abstinere; alium ille su-  
spirans dixit: Ob amorem luminis, quod no-  
bis commune cum muscis, æternæ lucis ra-  
dios nequaquam excludendos censeo. Idem  
interrogatus, quâ sævitiem hiemis amictu  
tam tenui arceret! Si flamma, inquit, æter-  
næ patriæ calesceremus, facile nos ab hoc  
frigore tueremur. Francisco vita hæc in pa-  
tientia, æternitas in desiderio fuit.

Dominus JESUS, ut doceret suos, æter-  
nitatem jugi suspirio desiderandam esse: No-  
lite, inquit, & timere eos qui occidunt cor-  
pus. Occultum sed artificiosissimum argu-  
mentum: Hanc ob causam, ait, non time-  
te, quia occidunt. Si quem in igne similive  
supplicio detinere possent non occidendo, jure  
timerentur. At jam quo plus torquent, hoc  
citius extorquent animam; ubi gravior crucia-  
tus, ibi celerior finis. Non est ergo quod  
illos metuatis, qui corpus jugulare non nisi  
semel possunt, quod sæpe plaga fit unica.  
Eum metuite qui plagas etiam letales iterat  
assidue, & semper occidendo nunquam oc-  
cidit.

En antitheses divinissimi oratoris è cælo:  
Mortis brevissimæ metus, mortis æternæ me-  
tu superandus est. Vult ergò Dominus probe  
intelligi animos hominum esse immortales,  
soli Dei arbitrio subjectos; corpora vero  
in vitam revocanda ad præmium, vel suppli-  
cium æternum.

En quam artificiosa verborum brevitate  
Christus maxima complexus sit mysteria,  
immortalitatem animi, reditum à morte ad  
vitam

vitam, tam pramiorum quam suppliciorum  
 aternitatem. Aternitas piorum iuge suspi-  
 rium.

Thomas Morus a vir undequaque exactis-  
 simus, in vinculis erat ipsi minime ignomi-  
 niosus, sed quæ sanctitatem ipsius tellaren-  
 tur Orbi. Hujus viri uxor in carcerem pene-  
 travit flecendo marito. Sed frustra. Dupli-  
 cem illa masculo pectori arietem admovit;  
 precibus & lacrymis suam peroravit causam,  
 illudque unice ac per tori fidem rogavit ma-  
 ritum; Vellet diutius vivere. Ecquid ego,  
 ajebat, quid liberi, quid cognati, quid fa-  
 milia omnis adeo peccavimus, ut te, mari-  
 te mi, tam cito perdamus? Nostrium omnium  
 vita tuo stat capite. Ego quidem centies mo-  
 ri malim, quam extincto te superesse. Quia  
 propter, mi More, assentire regio decreto,  
 \* & annos plurimos tuæ nostrumque omni-  
 um vitæ adjecisti. An adeo exosam habes  
 hanc lucis usuram, ut obstinate pertendas  
 mori! Veniet Mors sui non ignara temporis:  
 quid illam ultro accersimus, velut nostri ob-  
 litam? Ut plurimis tuorum parcas, parce ti-  
 bi, & quod optimum ætatis tuæ erit, ne  
 sperne. Nil ambigo; complures tibi annos  
 optimus Deus indulgebit, modo tu ipse tibi  
 non inideas vitam.

Audiit hæc Morus patienti silentio. Ac ubi  
 finit conjunx: Et quot ergo annis, inquit,

K 4 me

a Hoc repetendum videbatur, quod in prima  
 Aternitatis editione omissum. In aliis edi-  
 tionibus mentio hujus fit. Consi § 2. De Thoma  
 Moro Sanderus l. 1. Schif. Angli. & Stapleton.  
 in vita Mori cap. 16. \* Sed iniquo.

me superstitem futurum censes. O mea Aloysia? Cui illa prompte: O mi optime marite, ait, ipsis facile viginti annis & amplius. Ad quæ subiungens Morus: Hoc igitur agis, inquit, ut æternitatem totam vicenis annis commutem: næ tu \* scrutaria fores imperitissimæ, nobilissimas merces triobolo venditura. Si viginti annorum millia dixisses, videri posses non imprudenter furere. Sed hæc ipsi viginti vel triginta millia annorum, quid oro sunt ad æternitatem? Punctulum, fumus, umbra, momentum, nihilum. Hanc ob causam ego vincula, & omnes vitæ calamitates latus perpetiar, quamdiu Deo visum, modo mihi solum sit Æternitatis præmium. Illius iacturam vel minimam fecisse, est, omnia perdidisse. Dixit, & verba generosa morte firmavit.

III. Joannes Godefridus, inter præfules si-  
 dus clarissimum, Herbiopolensis Pontifex tan-  
 to majoris, quanto rectioris sanctitatis: Hic,  
 inquam, antistes dictum jecit auro & cedro  
 exarandum: *Omni momento*, agebat, *ad os-  
 sium æternitatis sto.* Hinc in omni adium sus-  
 rum conclavi craneæ, calvas, mortuorum  
 ossa tum picta, tum argilla, vel ligno fi-  
 cta disponi iussit, ne æternitatis unquam  
 oblivisceretur. In ejus exequiis latina fu-  
 nebris oratio, plurima in eo jure me-  
 rito commendavit, illud singulariter: Ad-  
 eo illum æternitatis perpetuo cogitanda  
 studiosam fuisse, ut libellum de Æterni-  
 tate non obiter, sed presso vestigio ter  
 perlegerit. Hic fervere opus necesse est,  
 ubi

\* Wardest ein böse tramerin abge-  
 ben.

ubi tam recens semper æternitatis calet memoria. Hic optimorum semper quorumcumque animus erat, æternitatem dies & noctes secreta æstimatione pensare.

Non omittendum hic illud, quod certa fide constat. Vir religiosus *a* & sacerdos, omni litteratura excoltissimus, tam ardente studio ferebatur æternitati, non minus quam altissime demittendæ, ut hinc inde Æternitate septies cum curâ evolveret; sapius id facturum, ni eam Mors maturior ad æternitatem citaret.

Pachomius suus prolixè exhortatus, hunc demum epilogum attulit. Ante omnia, inquit, præ oculis habeamus æternum diem, & momentis singulis æternorum dolorum supplicia formidamus.

Norat profecto, vir iste sanctus, quo aditu quærenda virtus. Æternitas piorum jure, sed & triste nonnunciat. Saspirium. Cum enim duplex nobis tamineat, beata & luctuosa æternitas, nec ullo chirographo certi beatitudinis sumus, non mirum formidinis aliquid & horroris tunc magis sentiri ab iis, qui jam viciniore sunt æternitati. Deinde, licet spe sumus maxima cælestis æternitatis obtinendæ, quia tamen hanc necdum obtinemus, hoc ipso non sine dolore sospiramus. Tanti boni dilatio gemitus excitat & lacrimas.

Herminigildus *b* rex (cujus supra mentionem fecimus) Levigildi Visigothorum regis  
K 5 filius.

*a* P. Hermannus Hugo, qui *Pia desideria*, & *Bredanam Obsidionem* &c. scripsit; demum in castris mortuus. *b* Alii Ermigildus.

filius, Arriano dogmate repudiato ad Catholica mysteria se vertit, animoque tulit æquissimo sui parentis injurias, qui necem filio minabatur, nisi denuo Catholica sacra defereret. Cui filius generosissime: Poteris, aiebat, in me statuere, Pater, quod lubet. Regno privas? Sed perituro tantum: immortale illud eripere non potes. In vincula me rapis? At cœlum certe patet; ibimus illuc, ibimus. Vitam eripis? Restat melior & æterna. Vox rege dignissima. Non est dispendium sed lucrum, æternis bona caduca commutare. Æternitas piorum jure suspirium.

IV. Dixerat olim Jezonias Ezechieli: Fili hominis, hi sunt viri, qui cogitant iniquitatem, & tractant consilium pessimum in urbe ista, dicentes: Nonne dudum ædificata sunt domus? hæc est lebes, nos autem carnes. Idcirco vaticinare fili hominis. Putabant homines scelerati, se in civitate sua, suisque delitiis, perinde ut carnes esse in lebetæ, à nullo facile extrahendas. Bene nobis est, aiebant, urbs nostra & domus nostræ defendunt nos; tuti sumus: nihil in nos hostes poterunt. His ipsis rigide vaticinatus, & vices Numinis functus Ezechiel: a Ejciam vos, inquit, de medio lebetis, daboque vos in manus hostium, & faciam in vobis judicia. Gladio cadetis.

Sic & illis prorsus evenit, quibus mortalis hæc vita tantopere sapit. Carnes se putant esse in lebetæ; bene illis est, vestitum mol-

a Ezech. cap. II. vers. 2. & 3. Ib. vers. 9. & 10.

mollem, opiparam mensam, crebras voluptates pro calo numerant; Æternitatem quam non cogitant, eam nec etiam desiderant, lebetes suo contenti. Sinamus hos fure. Brevis aliter erit. Ejicientur, gladio cadent, in lebetes alios abripientur, lizandi & effandi æternum. Interea temporis, dum hilare momentum carpunt impii, bonæ mentis homines sursum enituntur, velut adeps in olla bulliente summum petit, carnibus in imo residentibus. Hanc optimam pinguedinem Mundus velut sedulus, sed stultus coctus, olla ejicit perinde ut spumam; tanquam purgamenta hujus Mundi a sunt optimi quique. Sed hæc pati jucundum illis est: prædulci Æternitatis beatissimæ amore jam inescati sunt. Æternitas piorum iuge suspirium.

Ex Israël's populo nonnulli magnis desideriis æstuabant terræ fertilioris contingendæ. Sordere illis cœperat eremus tot annis habitata. Maxime verò cum uberrimæ regionis delicias, ficus dulcissimas, mala granata optima, & ingentis uvæ molem suis ipsi oculis spectarent, potiundæ terræ cupiditate accensi: Quid facimus, ajunt, b ascendamus & possideamus Terram, quoniam poterimus obtinere eam.

Hæ piorum quotidianæ voces sunt: Quid hic agimus inter funera, quid fluxarum rerum momentis carptim pascimur? Ascendamus & possideamus Terram fertilitatis æternæ. Augustinus c hac ipsa cupiditate flagrans, librum tertium, quem de libero arbitrio con-

a 1. Cor. cap. 4. v. 13. b Num. cap. 13. v. 13.

c Aug. tom. 1. lib. 3. de lib. arb. cap. 25. & ult. mibi pagina 299. Tsal. 83. vers. 11.

140 DE DAMNATOR. ROGO  
conscriptit, in hæc verba finiit. Tanta est  
pulcritudo iustitiæ, tanta jucunditas lucis æ-  
ternæ, ut etiam si non liceret amplius in ea  
manere, quam unius diei mora, propter hoc  
solum innumerabiles anni hujus vitæ, pleni  
delitiis & circumfluentia temporalium bo-  
norum recte meritoque contemnerentur.  
Non enim falso aut pravo affectu dictum est:  
Quoniam melior est dies unus in atriis tuis  
super millia. Æternitas piorum jure suspi-  
rium.

V. Augustus Imperator, Orbis monarcha  
noctes subinde traxit insomnes. Ærarium  
habebat opulentum, Orbem tributarium,  
Provincias paratas, domi forisque plexusque  
omnia secunda & prospera. Nihilominus  
sensit deesse aliquid; quidnam deesset, ex-  
plicate non scivit. Optimus quisque Christia-  
ni sanguinis, quid sibi desit, distinctissime  
novit, & hoc est quod ingemiscit, hoc ei  
quandoque somnum avertit: Omnia licet  
possideat, nihil se habere putat, dum bea-  
tissimam æternitatem non possidet. Qua-  
cunque cetera in vili habet, modo æternita-  
tis in cælo compos fiat. Hoc votis & studiis  
omnibus, hoc animo cupit. Æternitas pio-  
rum suspirium.

Quid obsecro sensus fuerit vati Hebræo  
Jonæ, cum vivus in immani ceto, velut in  
ambulante ac volubili carcere latitaret? Mo-  
mentis pæne singulis sibi ipse videbatur mo-  
ri. Immo prius sepultus quam mortuus, eun-  
dem piscem, & carcerem, & carnificem  
suum expertus est. Navio vivo inclusus,  
millies naufragatus est. Hinc è ventre ce-  
ti velut ab interis exclamans: Et projecisti  
me,



me, inquit, *a* in profundum in corde maris,  
& flumen circumdedit me; omnes gurgi-  
tes tui, & fluctus tui super me transierunt.  
Circumdederunt me aquæ usque ad animam;  
abyssus vallavit me, pelagus operuit caput  
meum. Ad extrema montium descendi, ter-  
ræ vectes concluderunt me in æternum.

Quam ardens hujus viri desiderium fuit,  
ex hoc ergastulo evadendi: Hoc unum uti-  
que versabat animo: Modo extra hanc bel-  
luam sim, modo in sicco littore item, modo,  
ah modo ex hoc volatili sepulchro *b* in auras  
liceat emergere: Quæcunque vovi, reddam  
pro salute Domino.

Non aliter æternitatem anhelant pii. Dum  
vivunt, cum fluctibus luctantur. Idcirco hoc  
unum effictum desiderant, esse in portu. Æ-  
ternitas piorum jure suspirium.

Catholici ritus est, diebus poenitentiae di-  
ctis, Hebræam vocem gaudii nuntiam *Alle-  
luja*, sacris cantionibus non \* miscere, re-  
stando luctui; ejus loco audire est voculas  
illas, *In æternum, in æternum*. Hunc cantandi  
morem obsecro discamus, & istud nobis ipsi  
assidue occinamus: *In æternum, in æternum,  
in æternum*. Tunc autem maxime hæc can-  
tio iteranda, cum carnilascivire lubuerit,  
& viam ingredi latam ac voleptuariam. Hic  
carmen illud maximarum virium identidem  
ingeminandum: *In æternum, in æternum, in  
æternum* ardebunt impii, in æternum gau-  
debunt Numinis amici. Et uti nullus gaudio-  
rum, sic nullus suppliciorum finis erit.

Augu-

*a* Iona cap. 2. vers. 3. & seqq. *b* Ibid. vers. 10.

\* In der fasten schweigte Alleluja.

Augustinus *a* occasione nata: Hæc ego, inquit, mihi ipse canto quotidie. Imitemur, & pro se quisque dicat: Hæc ego mihi ipse canto assidue: Non incendium Trojæ, sed Gehennæ; gyros æternitatis inextricabiles, infinitos contemplatione quotidiana expendo. Hæc cantemus, Christiani, hæc cogitemus. Post triste Cinerarium tempus, latissimum sequetur Pascha. Suaviores modulos celestis Hierusalem suggeret; per vicos ejus *b* cantabitur Halleluja.

## C A P U T XI.

## Æ T E R N I T A S

*Sceleratorum formidabile somnium.*

**P**Riscæ sapientiæ antistes Bion dicere solebat: Viam ad inferos planissimam profecto, facillimam & tritissimam, ac prorsus inoffensam esse necesse est, cum illuc plerique omnes clausis eant oculis. Ipsissimam veritatem, mi Bion, & oracula loqueris; sic est omnino. Facilis descensus Averni, facillimus; itur eo ac curritur, clausis & compressis oculis. Imo sunt qui dormientes ac somniantes ambulent, ab hac tamen via non aberrant: *c* Evertunt sensum suum, & declinant oculos suos, ut non videant cœlum. Hi sane dum iter faciunt dormiendo, æternitatem subinde cogitant, sed somniando. Atqui formidabile somnium est. Idcirco illi hoc excutere conantur: Perinde

*a* Aug. tom. 2. ep. 64. *b* Tob. cap. 13. v. 22.

*c* Dan. cap. 13. vers. 9.

ut ii faciunt, quibus mœsta species per somnum oblata est, eam proximæ diei hilaritate moluntur expellere, mœstumque somnium symposio læto digerunt. Non aliter impii, è quibus sunt, qui dicant: Ubi hæc viderimus, credemus. Ita cæci eunt; vix unquam sibi vigilant; Aternitatem raro, nec nisi obiter cogitant, aut potius somniant, atque sic in Orbem alterum migrant. Aternitas impiorum formidabile somnium. Quod jam explicatius trademus.

Aternitatem aliquibus somnium esse diximus, sed terrificum. Quis enim adeo in saxum obrigit, ut ei Aternitas vel per quietem visa terrorem non incuriat? At vero quia hæc talia ut somnium habent, idcirco ea non capiunt, non æstimant, cum animo suo non volunt, non suis hæc momentis ponderant. Hinc ista oblivione celeri sepefiunt. Hoc Siracides a-notans: Somnia, inquit, male facientium vanitas est.

Die quo Christus crucifixus in vitam rediit, piæ aliquot matronæ, ad Domini conditorium exierunt, mortuum uncturæ: at ubi eum candidati calites vivere ajebant, regressæ à conditorio, omnia quæ vidissent & audissent, ut lætum nuntium ad Apostolos pertulerunt. Et visa sunt, inquit b Lucas, ante illos sicut deliramentum verba ista, & non crediderunt illis.

Hic simillimum fit. Nunquid enim aternitas & crebro satis, & aperte satis, satisque distincte concionibus, picturis, exhortationibus, colloquiis, libris, & auribus & oculis ingeritur? Sed quo effectu? Videntur hæc

ante

144 DE DAMNATOR. ROGO  
ante multos sicut deliramentum , aut som-  
nium. Timent aliquantulum , sed cum som-  
nio desinit & timor.

Vates Hebræus Jonas, divina iussa fugitans  
commisit se mari. Orta tempestate horribi-  
li, nautæ de vicino periculo trepidi deum  
suum invocarunt, & allevando navigio, quic-  
quid vexerunt oneris, exturbarunt in mare.  
At Jonas ad ima navis descendit, & peri-  
culorum securus, *dormiebat sopore gravi*. Hic  
gubernator hominem accedens, & è somno  
expergefaciens: Quid a tu, inquit, sopore  
deprimeris? Surge, invoca Deum tuum,  
si forte recogitet de nobis, & non perea-  
mus. Mox inito consilio fors ducta, & Jo-  
nas sortito ejectus est in undas, salvis cæteris,  
qui sua ejecerant in mare.

Dum vivimus in navi vulnerata, & rimo-  
sa, in mari turbido, & furioso degimus, tam  
autem vicini sumus Aternitati, quam navi-  
gantes mari: tribus à morte digitis distamus,  
sæpe non totidem; uno si halitu quod tota  
non eluat aternitas. Periculi monemur sæ-  
pius. Est non nemo qui dicat: Quid tu so-  
pore deprimeris, surge, invoca Deum. Cui  
salus cordi est, somnum excutit, loco con-  
surgit, nocitura onera in mare dejicit: hoc  
ajo, hic talis in preces sese effundit, je-  
juniiis frangit, stipem largam tribuit, omnia  
paratus dare, ut peccati pœnas serio luat.

Quam verò aliorum multi divinæ volun-  
tatis ac Dei fugientes, dormiunt sopore gra-  
vi, nec audiunt tempestatis minas; Aternitas  
eis somnium est, & fabula. O somnum  
periculosum! dum enim surdis hæc auribus  
trans-

transmittunt, fors mortis in eorum caput trahitur, & illi semisomnes in Aeternitatis mare subito excutuntur.

II. Narrant a fuisse hominem stirpe ac sanguine, non item moribus nobilem. Erat is ad Mundi leges examussum factus, & quod inter vitia eminebat, egenis rigidus. Hic una cum famulo ad quietem iit in utramque aurem dormiturus. Medio noctis per quietem famulo hæc species objicitur. Herus ad tribunal Dei rapitur, accusatur, condemnatur. Inde à cacodæmonum globo, non sine triumphi specie in flammeos gurgites abducitur. Varia sed luctuosa hic ludibria representantur. Lucifer novum hospitem salutans: Solitus est, inquit, hic amicus noster delectari thermis, & inde lecto quam molliissimo foveri: consuevit spumantes pateras modis musicis ac symphonia exhilarare: igitur ut hæc omnia ad nutum sint, curare. Hic miser vociferari, & diem natalem suum, superos omnes, Deumque ipsum execrationibus deterrimis devovere. Dum ejulat infelix, in paratam ignis puteum præcipitabatur fragore ingenti. Hic evigilans famulus surgit, revisit ad herum, sed jam mortuum invenit.

Eheu! fors moriendi ducitur occultissime; vix miseri, quos subito designavit dormientes. Ibunt hi in domum æternitatis suæ, non redituri ad epulas & delicias suas. Deus indignationis plenus severissime munitur: Inebriabo eos ut sopiantur, & dormiant somnum sempiternum, & non consurgant. Satis ubique exemplorum est.

L

Rex

a Messr. *serm. 3. in Dom. 2 post Epiph. mihi pag. 221.* b *Hier. cap. 51. vers. 39.*

Rex Chaldaeus Balfasar epulum regale accumbens, dextram in pariete scribentem vidit & exhorruit, quamvis scripturam non intellexerit. Danielum peritissimum ejus interpretem purpura & torque donavit, eique tertios à se honores decrevit. Poenitentia tamen nulla prorsus merito. Sed eadem nocte rex Balfasar interfectus est.

Hac omnium fors est, quibus Aeternitas somnium est. Hi namque licet infinita cogitent, cogitationem tamen seriam in Aeternitatem nunquam defigunt; licenter & impie vivunt. His sapius, quemadmodum Balfasari regi, paucorum verbulorum scriptio monstratur talis: *Momentum vita est, sed pendet ab hoc momento aeternitas.* Terrentur hic quidem, non nihil trepidant, horrent aeternis ignibus cremari, obstupescunt post mille millions annorum Aeternitatem nec minimo quidem minuendam: veritatem hanc laudant, sed non sequuntur; mysteria hæc venerantur, sed mores non emendant; mysteriorum interpretes & audiunt & colunt, sed poenitentiam non agunt, aut nimis instabilem: Hæc credimus, ajunt, sed à consuetis vitiis non abeunt. Post terrorem non longum ad suos calices, ad Veneres suas, ad numos suos, ad livorem & simulates suas redeunt tam vitiosi quam antea, subinde vitiosiores quam antea.

His pariter, quod regi Daniel dixit, in os obijciendum: Tu quoque Balfasar, non humiliasti cor tuum, cum scires hæc omnia. Tu quoque, Christiane, avaritiam & injustitiam tuam non emendasti, cum scires hæc omnia. Tu quoque maledicam & mordacem linguam

tuam, amarulentam & crudelem invidenti-  
am tuam non correxisti, cum scires hac om-  
nia. Tu quoque tuas libidines freno non  
coërcuisti, lusciviam & has sordes non fugi-  
sti, cum scires hac omnia. Tu quoque co-  
messationes & potationes tuas non omisisti,  
cum scires hac omnia. Tu quoque ludendi,  
& tu jurandi consuetudinem non cavisti, cum  
sciretis hac omnia. *Æternitas* vobis perfun-  
ctorie cogitata, formidabile visum est esse  
somnia; *Æternitatem* nunquam toto cogi-  
tastis pectore, nunc è vivorum numero re-  
pente in immensum *Æternitatis* mare præ-  
cipitami. Hac praevidere potuissetis, imo  
debuissetis, si Christianum nomen tueri vo-  
luissetis. Sua culpa perit, qui exitium vel  
monitus non caver.

III. Saul Israël's populo gravem incussit  
merum. Nam, quod Regum facti testantur,  
insiluit spiritus Domini in Saul, & iratus  
est furor ejus nimis, & assumens utrumque  
bovem concidit in frustra, misitque in o-  
mnes terminos Israël per manus nuntiorum  
dicens: Quicumque non exierit, & secutus  
fuerit Saul & Samuel, sic fiet bobus ejus.  
Constabantur quidem Hebraei cives militiae  
se dare: Sed audito tali nuntio, Invasit ti-  
mor Domini populum, & egressi sunt quasi  
virgines, trecenta & triginta millia virorum.

Coeli terraque dictator Christus, & Saule  
longe major rex seria comminatione procla-  
mans: Timete, inquit, b eum qui postquam  
occiderit, habet potestatem mittere in ge-  
hennam: ita dico vobis, hanc timete. Non  
boves, sed homines minatur in ignem

L 2

rapien-

a 1 Reg. cap. 11. v. 6. & 7, b Luc. cap. 12. v. 5.

rapientos. Sed quid plurimis hæc minæ sunt? Somnium. Divinas leges nihilominus audacissime perfringunt.

Vos ipsi dicite: Quanta viatoris illius temeritas est, qui fessus de via parietem videt, sed fatilentem & rimas agentem, jam jamque ruiturum, sed quia fatigatus & somnolentus, acclinat se dormiturus secure. Mox adest qui hominem suimet negligentem excitans: Heus tu, ait, quid hic agis temerarie? Surge propere, quam primum, & in tutum te recipe. Hic paries ruinam meditatur in singulis momenta, & tu hic dormire audes? A tutum abi. Quid si viator illinc abire velit, dicatque monitori: Ne mihi molestus sis; tu tua age: ego somnum quem cepi, pertexam. Ergo pereat, perire qui vult. Hic in tumultum, ruinam muri elegit: Habet ergo sepulchrum quod ambiit.

Vita hominum paries sane ruinosus est; quodie, qua hora, qua parte horæ collapsurus sit, à nemine sciri potest; incertissimum est: esse certum sit diu stare non posse tam male meritorium opus. In singulos dies, in horas, & in horæ partes singulas ruina est expectanda. At nos, audax Jæpeti genus, homines proflus temerarii, hæc acclinamus, & securissime dormimus. Suo quisque sopore torpet. Hunc avaritia, illi in crapula, istum libidinis, alium invidiæ, aut superbiæ somnus dejicit. Rex Hebraeos & plurimos ita dormientes vidit, & miratus dixit: Dormiunt somnum suum.

Ita suo quisque indulget somno\*, gravi & arduo. Sed adsunt qui dormientes evigilant jubeant. Clamat Christus, clamant discipuli

Chri



Christi, clamant prisci Patres, clamant è cathedra oratores Christiani, omnes una voce monent, ne parieti fidamus tam ruinoso, jam vitium fecisse, brevi, & subito ruiturum. Quinimo vitium ac ruinas monstrant, jubentque periculum protinus exire. At sunt quos somnus adeo altus complexus est, ut monitorum nihil audiant. Sunt quos voces tam crebro iteratæ expergesciant quidem, sed frustra, paullo post iterum in somnum relapsuros. Id illi tales, quod viator, respondent: Sinite, finiamus somnum quem cœpimus: nobis hic bene est.

Neque tamen monitores desinunt mone-re, idque tanto contentius ac constantius, quanto certius graviusque periculum imminet. Neque enim de unius corporis, sed de corporis animique salute agitur æterna. Æterna mors premit, quos paries iste dormientes opprimit.

At multi nihilominus post plurimorum monita tam frequenter repetita in somnum declinant, parieti jam fere ruenti fidunt, dormiunt securi, & Æternitatem somniant; terrentur, sed ut somniantes solent, qui terrorem excutiant cum somnio.

Ita vivimus, ita dormimus, ita somniamus, ita perimus. Subito namque paries, qui minabitur, ruit, & opprimit sopitos. Mox tota in oculis est Æternitas, non jam breve somnium, sed immortal supplicium. O viatores nimium temerarios! O soporem tam arctum quam exitiosum! Et quæso, num ista nimis quam certa creditis?

IV. Credibilissimum est, quod, si damnatorum aliquot ab inferis redivivi emergerent,

qui sic dormientes vellent, monerent, ruinam proximam prædicerent, eos tamen non expergefacerent. Tanta est humanae mentis & cæcitas, & socordia. Ideo Abrahamus a negat se facturum, quod in flammis purpuratus epulo rogat de mortuorum aliquo ad fratres suos mittendo. Et repulsæ rationem assignans: Si Moſen, inquit, & prophetas non audiant, si monita vivorum spernant. neque si quis ex mortuis resurrexerit, credent. Ita proſus est. Eam ob cauſſam Chryſoſtomus b dixit: Gehenna non videtur incredulis; credentibus est perſpicua.

Cum de reorum ſuppliciis mentio injicitur, quoties audiuntur iſta: Hic in exilium pulſus, hic virgis cæſus, ille ad remum datus, ille capite plexus, iſte in patibulum ſublatus, iſte in rotam actus, hic rogo extinctus. Hac etiam facinoroſi audiunt, neque tamen ad frugem ſe corrigunt. Multi capitulum reorum, licet eis \* vitæ fiat gratia, de- nuo tamen eadem patrant, aut pejora.

Nos tales ſumus, modo rei fatentes ſimus. Quoties enim gehennæ condonationem pœnitentiæ impetramus, & omnia facturos promittimus: Brevi tamen ad ingenium redimus, & deteriores ſimus licentiâ. Iracundiæ & invidiæ valedicimus; avaritiâ & ſuperbiam procul à nobis relegamus; ſic furtâ ejuramus, libidines deteſtamur, temulentia hoſtes nos proſitemur. Paulo poſt & iraciſcimus, & invidemus; iterum ſuperbi, avari iterum; nec furtis nec libidinum nequitiiis

a Luc. cap. 16. verſ. 31. b Chryſ. orat. 4. de Lazaro.

\* Schenkt ihnen das Leben.

tiis abstinemus ; vino ac poculis suavissime reconciliati, eadem quæ ante, & sæpe pejora facimus. Num istud non est Æternitatem somniare, & interim æternis ignibus dignissima patrare ?

In Ægyptio Pharaonis carcere, duo ex aulico famulatio rei servabantur, quibus diversum obtigit somnium, neuter tamen illius interpretandi rationem norat. Ideo ad Josephum una captivum versi : Somnium vidimus, ajunt, *a* & non est, qui interpretetur nobis. Æternitatis somniatores multi, interpretes pauci. Juvemus & interpretemur.

V. In prima, quam de Æternitate dedimus, scriptione, varia eam imagine spectandam proposuimus. Addimus nunc ista, non legenda solum, sed etiam expendenda.

Rogus sit è vivis ac candentibus carbonibus qui magnitudine urbem hanc Monachium æquet, tribus quatuorve cubitis in terram penetret. In rogam hunc tam amplum homo unicus injiciatur, hac lege. Non prius illum ex ardenti hoc lecto liberandum, quam singillatim ac particulatim carbones omnes subtrahantur : singulis autem centenis annis advolaturum vulturem, qui carbonem unum, nec plures, auferat.

En, homo iste è novemplici Æternitatis, non nisi uno ignis supplicio, cruciatur, & tamen intolerabilis hic cruciatus æstimatur, ob diuturnitatem. Nunc ergo pronuntiet Arithmetica, quot millia, quot milliones annorum transaturi, dum homo iste liberetur è rogo tam vasto. Tam inexplicabile hoc videtur, quam intolerabile.

L. 4.

Sed.

*a Gen. cap. 40. vers. 8.*

Sed, ô boni, ô mortales cæci, ad inferos hoc nihil est. Nam homo iste à novemplici æternitatis supplicio liber, non nisi unicum ignis tormentum patitur. Accedit spes finis quantumcunque sero venturi.

Sed ut damnatos in tumbis flammis jacentes attentioribus oculis contemplerur, spectaculum imaginationi hoc effingendum.

Unus aliquis in profundissima subterranea cella lecto ferreo catenis arctis affixus est; manus, collum, ac pedes annulo chalybeo alligati. Infra lectum hunc prunæ & ignis, sed nec aliud lecti operimentum. Solatium hic unicum est istud. Cum miser iste primum alligaretur (ita ponimus) hoc illi denuntiatum est, millesimo quoque anno venturum aliquem, qui è candentium carbonum strue, ea quidem vice unicum sit ablaturus. Post mille tamen annos hunc ipsum reditum, & alterum è carbonibus ab eo auferendum. Atque hac ratione singulis millenis annis aliam atque aliam è prunis tollendam, dum tandem omnis prunarum congeries auferatur.

Cogitemus, ah, cogitemus quot annorum millions seu myriades sint transituræ, dum igneus hic lectus sic minutim ablatus cesserit urere. Sed ô mitissimum hunc infernum ad desperatissimam, & cruciatibus plenissimam æternitatem! Durante hac, ejuscemodi flammæ lecti decies, vicies, centies, sed & milles, dicta ratione, auferri poterunt, & necdum finis erit ullus Æternitatis nunquam heu nunquam terminandæ.

In rebus gestis divorum admiranda plurima:

ma: Vere enim mirabilis *a* Deus in sanctis suis. Ego nil minus mirandum putem quam quod multis mirissimum videtur. Aternitatem praeter ceteris expendisse censendus est ille, de quo Climacus *b* narrat, anachoreta. Vixerat is in monte Choreb, sui & arduae virtutis negligens. In extremis horam jacuit velut jam exanimis. At ubi ad se rediit, omnes quotquot moribundo aderant, rogavit, loco cederent, sibi jam deinceps serio agendum. Ita tugurii sui ostium, quam licuit, arctissime obstruxit, uno solum foramine, quo panis & hydriola inferretur, relicto. At ille totis duodecim annis cum nemine, nisi cum Deo & angelis locutus, praeter panem & aquam parcissime sumpta gustavit nihil. Hic ille perdius & pernox velut attonitus sedere, Aternitatis rotam animo assidue volvere, interminata tam gaudia quam tormenta pensitare, certissimae Mortis jaculum nunquam non praevidere, caelum suspicere ac suspirare, inter haec tacitis sed poene continuis lacrymis fluere, hoc vivendi tenore annos duodecim exigere, denique ad extrema denuo devenire. Quod ubi ceteris innouit, vi obstructam januam emoliti, certatim in moribundi cavum se infundentes rogarunt, daret abiturus sui monimentum. At ille ingemiscens altum: Date veniam, inquit, meisque erroribus, Patres, gratiam facite: Quisquis Mortem, quae ad Aternitatem janua est, mente seria consideraverit, non peccabit.

Hunc ego hominem, ut dixi, ex omni

L 5 fan-

*a* Tsal. 67 vers. 36. *b* Clim. gradu 6. de Mortis memoria.

154 DE DAMNATOR. ROGO CAP. XII.  
sanctorum numero ideo minus admiror, licet vitam egerit prorsus admirandam, quia quicumque cogitationes in Aeternitatem intenderit, non multum his ab similia praestabit. Et sane melius est seipsum, vel centum annis muro includere, & rigoribus extremis corpus exercere, quam vel minimum Aeternitatis beatæ periculum subire. Unusquisque sibi, quod Lotho, dictum credat ab Angelo: *Salva animam tuam; festina, & salvare. a*

## C A P U T XII.

### Æ T E R N I T A S

*Damnatorum inexplicabile, ac Novum  
supplicium.*

**P**Haraonem regem & incolas Ægypti Deus non simplici solum flagello castigavit: Cruentos fontes, Ranas, Ciniphes, Muscas, Pecorum mortalitatem, Ulcera, Grandinem, Locustas & Tenebras immisit. Graves ictus, & magno brachiorum pondere incussit, at ubi decimus accessit, hic decimum fracta est pertinacia, hic plurimorum secutus interitus. Factum est *b* autem in noctis medio, percussit Dominus omne primogenitum in terra Ægypti, nec erat domus in qua non jaceret mortuus.

Cum gravissimis novem suppliciis hostes suos afficiat Deus, nunquam addit decimum, quo eos de medio tollat. Nullus finis, mors nulla, nullus interitus. Imo, ut Gregorius lo-  
*a Gen. c. 19. v. 17. & 22, b Exodi c. 12. v. 30.*





a loquitur, mors sine morte, & finis sine, fine, quia & mors vivit, & finis semper incipit, & deficere defectus nescit. Quod Aegyptiis maximum fuit supplicium, hoc damnatis summum esset solatium, scilicet jugulari, & tandem funditus tolli.

Qualis hæc regio, Deus bone, quæ mortem inter gaudia summa numerat, qualis hæc regio? Jobus eam, Terram miseriae jure merito vocat. Vere miseriorum omnium sentina est. *b*

Octo inferorum supplicia percensuimus. Addimus Nonum, omnium multo gravissimum, quod non solum oratione non explicari, sed nec intelligentia comprehendendi, nec cum ullo aliorum suppliciorum conferri potest. Aternitas damnatorum inexplicabile supplicium. Quod quidem nunc verbis non explicare, sed nonnihil adumbrare conabimur.

Aternitas damnatorum inexplicabile prorsus supplicium. Fingamus hoc ipsum supplicium quadruplicem tantum hac molestia constare: Apicula pungat manum dexteram; lævam sugendo infestet culex; genam in vultu dexteram \* scarabeus Lucanicus presset, lævam suppurans spinula pervellet. Hæc solum apud inferos toleranda sint, non aliud quidquam, aut horum duntaxat unicum. Fingamus solam manum ab † astro aut tabano fodicari, hoc tamen supplicium fiet infandum, si fiat æternum, tametsi alius dolor accedat nullus.

Quid

a Greg. l. 9. Mo. c. 49. b Beatus Thomas nominat statum omnium malorum aggregatione perfectum.

\* Ein Schröter. † Rospuck.



Quid quæso † urens calceus, si omni vita  
perferendus? Quid, oro, doloris ciet unicus  
scarabæolus, aut \* cantaris rubea, si per au-  
riculas illapsa, cerebrum incipiat scrutari?  
Dolor quicumque alius vel levissimus desi-  
gnetur, si vita tota idque assidue tolerandus  
sit, gravissima poena censetur; si semper  
perferendus, si æternus sit, tormentum erit  
infandum.

Quid mihi jam verborum supererit, si no-  
vemplex Æternitatis supplicium conjunxe-  
ro? Hic vox, hic sensus omnis deficit. His  
tamen quomodocunque tandem adumbran-  
dis rem mirissimam recenser beatorum cæ-  
litum notus panegyristes.

Lydwina Schiedamensis virgo a religiosis-  
sima, patientiæ omnisque sanctimoniam spe-  
culum, triginta & octo annis morbos per-  
tulit savissimos, non minor tamen patientia  
illius fuit quam dolor. Ad hanc ut reviseret,  
agre persuaderi se passus est homo flagitio-  
sus, quem nemo unquam eo potuit pertrahere,  
ut apud sacerdotem crimina sua accusaret.  
Hoc demum ab eo, quamvis agerrime in-  
petratum, ut apud Lydwinam tumbæ proxi-  
mam conscientiam suam vulnera nonnihil ape-  
raret, & iis medelam peteret. Ille, quod e-  
jusmodi pecora solent, id jocum inter-  
pretatus, ad agrotam virginem visit, atque  
ut promissis staret, scelerum suorum ingen-  
tem catalogum ridendo percensere orsus  
est. Illa per omnes cælites rogare homi-  
nem,

† Wan ein der schuch truckt

\* Brachläferlin / oder unser Bräwen  
Kühlin.

a Surius tom. 7. die 14. April. mihi pag. 256.

nem, sibi ea narrare omitteret, has tales conscientia labes sacerdoti aperiendas, ab aliis ea audiri nefas esse. At ille, prout coepit, narrationem pertexuit, & longam flagitiorum seriem explicavit, cum etiam inter sodales de his gloriari non ei fuerit insuetum. Lydvina cum negare aures non posset historiae tot sceleribus contextae, demum quaesivit, an cum ejus venia hac sacerdoti, velut interpreti, aperire possit? Cui ille subridens: Veniam do, inquit, modo ego ipse harum virtutum mearum non cogar esse praeco. Lydvina homini juvando prudenter hoc executata, narratas sibi noxas non aliter quam suas ingenti dolore animi expiavit. Ille ad agram revisens: Puto te, inquit, mea pro me scelera sacerdoti exposuisse, quid jam poenarum injungis? Hoc unum, ait illa, ut nocte una, sed tota, in tuo lectulo cubes supinus, nec in ullum te latus moveas. Fac hoc & mihi committe caetera. At ille latum cachinnans: Nil amplius, ait, imperas? hoc tota moles meae poenitentiae? Aures tuas laudo, tam clementes mihi iudices. Si tam facile est vitae maculas eluere, faciam quod jubes. Sed vesperi vix in lecto se collocavit, cum nescio quid molestiae sentire, grave erat in neutrum se latus vertere, itaque putare nunquam tam rigidum habuisse lectum, & quia movere se veritum, supina haec quies visa est difficillima. Dum ita cubat, secum ipse cogitans: En, aiebat, sanus sum & incolumis, lectus mollissimus est; modo liberum esset meo more huc illuc versare. Sed quid hoc curas? dormi tu, dormi, dum clarum

mane

mane fenestras intret , dormi secure , & in utramque aurem. Non potest. Alia super aliam cogitatio subnascitur. Quid deest, ait ipse sibi , nox unica sic dormienda est , & fidem tuam liberaſti. Verum , quid ſi tres pluresve noctes sic dormiendum ? Mori malim. Mori ? Tantam certe moleſtiam huic rei ſubeſſe non credidiſſem. Pro me miſerum , quam exigua , quam nulla in me patientia , quem tam leve vincit tædiolum ? Lydvina in quantis doloribus , quam patiens ? Quid ſi aſſeri ſit indormiendum , idque multis hebdomadibus ? Quid ſi colica , vel podagra , vel calculus aut dolor capitis accedat , uratque angatque ? Hæc ad inferos ſpectant. Et quo tu ſpectas ? quo tua te ducent ſcelera , tot tantaque ? ſexcenties aut millies capitalia es auſus , jam pridem meritis gehennam. Sed quis lectus illic jacentium , quod ſtragulum , quæ lodicula ? an tantum eis libertas adempta , in utrumque latus ſe vertendi ? quæ illos veſtiunt plumæ ? an non loco plumarum flammæ ſunt ? Et quot menſibus , quot annis cruciatus illi durabunt ? Aeternum ( ſi fides Evangelio ) ita proſus , æternum. Ergò ſine fine ? Revera ſine omni fine. Ergò poſt centies millies millena millia annorum , non tantum non ſinem hi cruciatus invenient , ſed nec ullam ſpem finis ? Quid ergo agimus , qui cum æternitate ludimus ? Imò non ludere hoc eſt , ſed inſanire. Agedum , deinceps alius ero , aut nullus ero. Dixit & fecit : & ô quantum mutatus ab illo ? Ad ſacram confeſſionem jam paratiſſimus , cui antea mors viſa , ſeipſum accuſare.

IV. Sed hoc ipsum, quæso, & nos cogitare perpendamus. Vere & in molissimoleto jacere, sed semper jacere, & æternum jacere, supplicium foret inexplicabile. Quid jam omnium apud inferos suppliciorum erit cumulus, ac congeries formidabilissima?

Febriens sic quandoque ardet, ut arbitretur siti suæ vel dolium fontana frigida non suffedurum. Heu quis damnatorum siti medebitur? Ardebunt & sitient, sed nec omnes Orbis rivi, non fontes universi, non omnia flumina, nulla maria illorum ardentissimam sitim extinguunt, idcirco etiam nec eis guttula stillabit.

Mi Deus, quam molestus nobis est calor æstivas, ut languemus, ut fatiscimus, ut anhelamus? Ventres abjicimus, lecti operimentum excutimus, huc illuc impatientissime nos volvimus; urit lectus, nec quidquam amabilis præbet frigoris. Sed quid hoc, o Deus, ad sulfureum Aternitatis \* vaporarium, ubi non solum refrigerationis nihil est, sed nec fore sperandum est? Non frigidulus vespër, non gelida nox, non rorans mane ardores illos temperat. Una, sed ignea, sed doloribus plena, sed æterna nox est. Ah! velpœnæ saltem nos terreat, si non invitam præmia. Aternitas damnatorum inexplicabile supplicium.

Quicquid apud inferos est, tormentum est. Undequaque undique in doloribus sumus. Supra damnatos paradysus est, sed æternus clausus. Abyssus infra, sed nunquam referendus. Ante ipsos tormentorum omnium aternitas. Ponè ipsos amissæ voluptatis amarissimus

ma memoria. Dextra tortores diabo Læ-  
va poenarum socii. Intra ipsos angor, vermis,  
terror, desperatio.

Hæc, Christiani, credimus, & ita vivimus?  
Quis a credidit auditui nostro, & brachium  
Domini cui revelatum est? Hæc esse cre-  
denda novimus, sed credimus languidissime.  
Nostrom *Credere* vix quidquam habet animæ;  
non vivit. Perinde si cui digito monstrero  
pictam tabulam, dicamque: Hic est Abraha-  
mus filium immolaturus. Abrahamum dico,  
utique non vivum, sed pictum. Talis omni-  
no est fides nostra, non viva, nil ardoris spi-  
ritus, non animata, sed picta. Credimus, &  
non credimus.

Eam ob causam Æternitatis quotidie me-  
ditandæ modum hic brevibus perstringo.

Pater locupletus si ias elocarar honestissi-  
me. Hæc persuaserunt seni, ut eas opes vivus  
liberis non subtraheret, quas daturus esset  
post mortem: id unum sancte pollicitæ, de  
alimentis patri à se laute prospiciendum. Et  
primo quidem anno liberaliter ab iis habitus  
est. Cum vero præter spem ipsarum diutius  
viveret, senis pertasa, pietatis & patro-  
rum immemores, tenacius ac durius coepe-  
runt patrem tractare. Ille ut imprudentiam  
suam emendaret astu; capaciorem cistulam  
sed saxis & arena plenam cubiculo suo infer-  
ri clam curavit. Hanc noctu aperuit, & quic-  
quid modica pecuniæ reliquum habuit, re-  
petitis identidem iactibus diu multumque  
numeravit, submissa voce ponens grandem  
calculum, ita tamen ut à genero facile au-  
diri posset. Demum obferavit divitem ar-

M

cam

762 DE DAMNATOR. ROGO  
cam. Postero mane filia parentem blandias  
affata interrogarunt quid nocte proxima som-  
num tamdiu distulisset? Quibus pater. Remo-  
tis, inquit, arbitris, thesauri mei calculos sub-  
duxi, filia: Quæ vestrum melius de me vivo  
fuerit merita, eo potietur. Hic porro ingens  
æmulatio, & utraque omni officiorum gene-  
re parentem prosequi cœpit. Eo mortuo, re-  
clusa cista, cum saxis & arena repertus fuitis,  
cui inscriptum:

*Quod pietas non potuit, avaritia extorsit. a*

Nos pane pari sed longe sanctiore confi-  
lio cistam replebimus arena vel minuto se-  
mine, ut quod persuadere nequiverit pietas,  
possit æternitas. Sic ergo rem aggrediamur:  
Quisque proximam sibi cistulam, aut arma-  
riolum, aut riscum, vel arculam loculatam;  
aut si etiam aliud ad manus sit, suos loculos,  
suum pileum, *b* suum poculum, aut chirothe-  
cas suas papavere, vel lapillis, vel cicere,  
vel tabaci, aliove semine minuto impleat,  
& æternitatem meditaturus sic numerare in-  
cipiat, ut unum papaveris, vel alterius se-  
minis granulum vel lapillus, vel pisum uni-  
cum centum aut mille annos valeat.

Ergo unum granum, mille anni; duo gra-  
na, duo millia annorum; decem grana, de-  
cem millia annorum; centum grana, centum  
millia annorum; mille grana, millies mille  
anni, & sic deinceps. Hoc primum.

Alterum: etiam si ex armario cistula, pileo,  
patina vel vase quocunque alio sic impleat  
decem aut centum grana subtrahantur, pa-  
ne nihil subtractum videbitur. Inter-

cer.

*a Ioannes Taulus in jocoscriis. b Vas, aut ve-  
sulum quodcumque.*

certissimum, durante Æternitate tot mille annos transituros, quot papaveris, vel ciceris, vel alterius feminis granula in vas illud vel arcam sunt congesta. Nil certius. Nam omnishic numerus suum habet finem, etsi dicto modo hypocaustum, etsi capacissimam domum papavere vel alio semine repleamus, & grana singula mille annos valeant.

Tertium: Ubi Æternitate stante, tot mille anni abierint, quot in grandi arca ejuscemodi grana sunt, nihilominus Æternitas adhuc erit integerrima, nulla sui parte minor; non vel minima pars uliæ, sic loquar, Æternitati adempta est. Et quamvis arca illa tertium, quartum, quintum, sic evacuetur, ut ad grana singula mille numerentur anni, nihilo tamen secius æternitati nihil penitus ademptum est, tam tota & tam longa est, quam fuit cum coepit.

Quartum: Hæc talis cogitatio, si seria sit & attenta, non nihil anget animum, non propterea tamen excutienda illa, sed progrediendum ulterius. Seipsum homo meditabundus hortetur: Age porro tu; numeremus amplius.

Quintum: Hæc tali meditatione sic sensim calefiet animus ut exclamet: Quid facimus? terræ quisquilias & crepundia insano amore quarimus, & negligimus æterna. Nimis verum? annos æternos in mente non habemus.

Sextum: Ita paulatim erudiendus est intellectus, ut arcana illa capiat per ista quæ oculis subjiciuntur. Aristotelis scitum est: Oportere phantasmata speculari. Quemadmodum

164 DE DAMNATOR. ROGO  
verò scalas uno saltu ascendere non licet, sed  
gradatim; & sicut in angusti colli tagenulam  
non subita fusione vinum descendit, sic æter-  
nitas strictim & obiter cogitata intelligentiæ  
ac voluntati non imprimitur. Sensim à mi-  
noribus eundum ad majora: Et sicut pileum,  
poculum, cistam, cantharum, pluteum im-  
plemus & inde singulis ductibus mille annos  
educimus, sic etiam totum aliquod concla-  
ve aut hypocaustum erit replendum, & ex eo  
pariter instituenda numeratio.

Septimum demum est, seipsum alloqui:  
Quid obsecro est omnis in Orbe hoc affli-  
ctio, ad infinita millia annorum, quibus  
Æternitas durabit, & non tantum non finie-  
tur, sed nec minimum imminuetur. Hic  
nemo non fateri cogetur: Etiam si me unum  
omnis Orbis calamitas premeret, quid hoc  
ad supplicia æterna? Et etiam si ego unus o-  
mnium voluptatibus fruerer, idque centum  
annis, quid hoc ad æternitatem beatitu-  
dinis? Quid ergo ego insanus ago, quod non  
aliter agam? Ergo imposterum saltem sa-  
piam.

Quod si quem animi corporisve dolor, aut  
uterque simul cruciet, si morbus in corpo-  
re, agrimonia & luctus in mente hæreat,  
tunc potissimum pro se quisque sic cogitet:  
Si hic dolor aut mœror aliquot menses, si  
annum, si decennium, si quinquaginta, si  
centum, si quingentos, si mille annos, si  
decem annorum millia duraret. O Deus  
quam hic dolor aut mœror inexplicabilis fe-  
ret? Quid verò decem millium annorum  
maximus & mœror & dolor est ad acerbis-  
simos Æternitatis cruciatus, ubi nullus finis  
pos



post decies ; centies, millies mille annos, Ubi tota semper permanet Æternitas ?

En succinctam Æternitatis meditandæ formulam. Porro ad alia.

III. Longe verissimum est, quod non nemo ab a Orbe altero redux proclamavit, Nemo credit, quanta tormentorum apud inferos sit acerbitas : Nemo capit quanta sit diuturnitas ; Nemo satis perpendit, quam, longa sit Æternitas.

Heu nugis nostris immoramur, & sæpe immorimur ; ob lanam caprinam litigamus, Æternitatem ludibundi, aut somniantes cogitamus. Hinc rara morum, aut pæne nulla emendatio.

Ego, qui hæc scribo, cum illis omnibus, qui Æternitatis tradunt monita, libere proclamam : *b Curavimus Babylonem*. Voluerit, noluerit curari, in ipsius erat arbitrio. Via arcta, angusta porta est, & pauci inveniunt eam. Multi quidem vocati, pauci vero electi. Idcirco Hieremias vates *c* contentissime clamat : Salvete unusquisque animam suam. Si aliter nequeat, seipsum perpetuo claudat carcere, & vivum se sepeliat. Satius est ex ergastulo in cælum migrare, quam è palatio ad inferos descendere.

Sed hæc auribus dici, in animum autem iniundi non possunt. Nisi quis ipse meditetur

M 3 ista.

a De quo infra. b Hier. cap. 51. vers. 9. c Hier. Ibid. vers. 45. Sunt qui putent ex omni humana gente partem tertiam calo adscribendam, duas alias Orco submitendas, ut scilicet pars Angelorum tertia, calo præcipitata, restituitur. Hæc Deo nota, nobis incerta. Supra ejus mentio, cap. 1.

ista, & studiose intueatur, verbis parum proficitur. Hæc profunt accuratius expensa.

Non ignarum hoc priscae philosophiæ. Annæus Seneca: a Juvabat, inquit, de animarum æternitate quærere, imo credere. En, æternitatis arcanum pensiculant, qui luce veritatis carent. Quid Christianis faciendum? Sed idem, quem dixi, Annæus sapientissime pronuntiavit: In malis optimum est, supplicii finis. Finis malorum omnium remedium.

Est qui lamentetur domum suam incendio haustam. Alius nullum sibi uspiam factorem aut amicum, nullum esse adiutorem luet. Alius corporis dolores: Ille animi angores queritur. Ille paupertatem suam deplorat. Ille contemni se ac abjici morte gravius putat. Quid, ô viri, hæc lamenta juvent? In malis optimum est, supplicii finis: finis malorum omnium remedium. Hoc remedio penitissime destituta est Æternitas luctuosa. Omnia habet suppliciorum genera, solum non habet finem. Hinc rectissime asserimus: Æternitas damnatorum inexplicabile supplicium.

Rem miram optima fide venerabilis Beda b memorat, avo suo contigisse. Fuit in provincia Nordan Humbiorum paterfamilias ex asse pius, qui Drithelmus audit. Hic vehementia morbi ad extrema deductus, sub noctis principium mori videbatur. Ea nocte jacuit in mortuum. Ubi diluxit, subito ad se rediens, omnibus attonitis vitam sibi concessam affirmabat, sed longe alia ratione quam prius ducendam. Siquidem extemplo

a Sen. epist. 101. post med. b Beda lib. 5. hist. Angl. cap. 13.

is prolixiores sese preces abiecit, mox facultates suas omnes liberis, conjugii, & egenis assignavit, ipse profanis curis omnibus exutus acerrime ac severissime seipsum habuit. Et satis austeritas vitæ loquebatur quam horrenda in Orbe altero vidisset. Nec ea passim omnibus narrabat, sed iis solum quibus Æternitatem unice cordi esse sciverat. Inter hos Rex Alfridus fuit vir litteratissimus, qui Drithelmum studiose ac crebro audiit de Thermis stygiis narrantem: Pars narrationis explicabat horribiles tenebras, incomparabilem foetorem, acerbissimos ejulatus ac fletus, ebullientes colubros, insultationes caco-dæmonum, flammarum globos, & grandinem savissimam, quando scilicet damnati vicissitudine miserabili ex ignibus in glaciem rapiuntur. Hæc talia cum paradisi delitiis exponebat Drithelmus. Sed ipse narrationis suæ fructum maxime capiebat. Nam in cœnobio secretum mansionis locum, ad fluminis ripam habitavit, ubi hunc sibi unicum laborem sumpsit, inhærere Deo, votis perambulare calum, assidue preces iterare, corpus affligere, Æternitatem continuis gemitibus cogitare. Et ut liqueret omnibus quam serio ageret, solebat creberrime ad carnem macerandam proximum flumen ingredi, ad umbilicum aut collum usque in eo tamdiu perstare, dum hieme glacies corpus raderet; egressus inde vestimenta madida non ad solem aut focum siccabat, sed vexando corpori retinebat, non tam vestem quam glaciem indutus. Intervenere aliquoties huic spectaculo, qui hominem miserati quærebant: Qui tandem fieri potest, Drithelme, ut tantam frigoris

168 DE DAMNATOR. ROGO  
immanitatem tolere? Quibus ille promp-  
te respondit: Frigidiora vidi & acerbiora.

Quisquis æternitatis supplicia serio medi-  
tatus fuerit, idem de sanctorum martyrum  
tormentis quibuscunque pronuntiabit: *A-*  
*cerbiora vidi.* Jacobus nobilis Persa *a* ab Isde-  
gerde rege jussus est membratim à capite ad  
calcem secari, singulis juncturis & articulis  
separatim præcisis. Immane tormentum. Sed  
Æternitatis contemplator dicet: *Acerbiora*  
*vidi.* Serapioni *b* omnes membrorum articu-  
li confracti sunt. Nicephorus martyr post  
candentes craticulas minutatim concisus est.  
Sed redeunt voces: *Acerbiora vidi.* Jona  
martyri *c* non sine acerbo joco præcisi digiti  
quasi feminandi, cutis capitis abstracta, lin-  
gua evulsa, ipse in pice bullienti coctus, de-  
nique in cochlea membris omnibus contu-  
sus & contritus. Socius ejus Barachisus spi-  
nis flagellatus, & fœde disceptus, dein  
ossa omnia convulsa & fracta. *Sed acerbiora*  
*vidi.* Saturninus *d* feroci tauro alligatus, fe-  
ra stimulis agitata, ipse per avia devia tractus  
& laceratus. Horrendum supplicium. *Sed*  
*acerbiora vidi.* Martina nobilis virgo, quatuor  
palis affixa, fustibus & flagris cæsa, ungulis  
lacerata, bestiis objecta, demum ad flammam  
damnata. Emmeramo Ratisponensi Pontifi-  
ci *e* post digitos præcisos, oculos effossos,  
nares ac aures resectas, manus etiam & pe-  
des truncati sunt, dein & lingua præcisa.  
Augustodunensi Pontifici Leodegario *f* pari-  
ter

*a* Zach. Lippel. 27. Nov. *b* Baron. tom. 2. An-  
no. 252. n. 5. *c* Idem Anno. 284. n. 20. Lip-  
pel. 29 Mart. *d* Idem 29. Novemb. 1. Janu.  
e. 22. Septemb. *f* 2. Octob.

ter post famem & carceris squalorem oculi effossi, plantæ pedum laceratæ & avulsæ, labra præcisa, lingua extracta. *Sed acerbiora vidi.* Alexander R. manus Pontifex a creberrimis punctis confossus: Cassianus è Braxien- si Antistite Christi causa Imolensis ludimagister stylis & graphiis puerorum confixus est: quorum quanto infirmior manus, tanto gravior martyrii poena fuit. Marcus Arethulius præsul, b lanceolis ondequaque compunctus, melle oblitus, in junceam sportam impositus, apum, vesparum, culicum moribus in laniam obiectus est. *Sed acerbiora vidi.* Beatus Maximus c post ungulas, equuleum, fusces toleratos, lapidibus obrutus est. Antimus d martyr subulis candentibus, fractis testis, crepidis ignitis, tensis fidiculis excruciatu- est. Zoe Exuperii martyris e. conjux post sex dierum inedia in tenebricoso carcere toleratam capillis suspensa, & fumo è stercoribus necata. Glycerius, f postquam casus ut extrarent ossa, in rogam conjectus est. Petrus Exorcista Marcellini martyris socius g primo flagellis concisus, in hiantia deinde vulnera acutum sale mixtum infusum, ita sauciatum corpus lento igni assatum est. Christiana virgo pariter assata, oleo desuper infuso; serpentes in eam immissi, lingua illi evulsa, demum sagittis confixa finiit. Maxima & Donatilla h virgis acriter casæ, dein vulnera viva calce exulcerata, ambæ in crati-  
cula

- a 13. August. b Baron. Anno 362. n. 34.  
c Idem Anno 254. n. 24. d Idem Anno 392. n. 42. e Anno 286. f Anno 301. n. 18.  
g Anno, 302. n. 29. & 30. h Lippeloo 24. Julii.

170 DE DAMNATOR. ROGO  
 rricula tostæ , & ad bestias damnatæ sunt.  
 Theonillæ insuper caput novacula cum cute  
 abrasum, rubis ac vepribus coronatum, ipsa  
 ad quatuor palos extensa , loris immaniter  
 cæsa, venter illius prunis perfusus est , In his  
 tantis suppliciis expiravit. Horrendi sane  
 cruciatus , acerba supplicia *sed acerbiora vidi.*  
 Pantaleon *a* diu ustulatus , denique in plum-  
 beum fervens balneum conjectus est. Paulus  
 & Juliana frater & *b* soror , equuleum & ca-  
 tastam, picem bullientem , ferreas candentes  
 & virgas, & sellas, lectulos erectis clavis in-  
 stratos , acerbum inter serpentes triduum,  
 flammæ denique & rogum pro Christo tole-  
 rarunt. Beata Barbara cacibus , flagris, fer-  
 reis unguibus dirissime laniata , ubera ei am-  
 putata, caput malleolis contusum. Auxen-  
 tio *d* plantæ ferro terebratæ , ipse in rota sus-  
 pensus , candentibus subulis dum exhalaret  
 animam, laceratus est. *e* Quintinus Romanæ  
 nobilitatis , senatorii ordinis , inaudita per-  
 tulit supplicia ; nam postquam bullienti o-  
 leo , pice, adipe perfusus, latera facibus adu-  
 stus , toto corpore catenulis cæsus, oriejus  
 sinapi, calx, & acetum infusum est ; (ô qualis  
 potus ! ) ipse deinde binis ferreis sudibus à  
 cervice ad usque crura transfixus , omnes  
 ejus digiti inter ungues & carnem clavis te-  
 rebrati sunt. Hæc nimis atrocia videntur ;  
 sed longe atrociora habet Acheron supplicia,  
 & insuper æterna, præ quibus illa ludus & jo-  
 cus sint: *Acerbiora vidimus.*

Sed nec nostro ævo ingeniosa defuit tyran-  
 nis. Alicubi sacrorum hominum ventres  
 aper-  
*a* Lipp. 27. Julii. *b* Lipp. 17. August. *c* 4 De-  
 cembr. *d* 13. Decembr. *e* 31. Octob.

aperti ferro, & pabulum porcis aut equis of-  
fufum. Nudis etiam ventribus vivi glires in-  
jecti, obverfis pelvibus detenti ac coacti  
dentibus effugium quærere, negatum à fu-  
peritructis ignibus, intra viscera concessum.  
Disce quod imiteris Caligula. Jam corpora  
quoque membratim lacinata, ardentes tædæ  
axillis totique pectori submotæ, ungulæ vi-  
sceribus immerfæ, & quo lentior mors iret,  
ignes subtructi. Aliqui urforum pellibus ve-  
stiti, & laniandi molossis objecti. Alii acu-  
tissimis injecti saxi, tabula tecti, librarum  
mille superjecto pondere, in frustra commi-  
nuti; eo crudelius & acerbius, quo lentius.  
Acerba hæc, acerbissima sunt, sed quis-  
quis inferorum tormenta contemplando vi-  
dit, de universis omnium Martyrum cru-  
ciatibus constantissime pronuntiabit: Vi-  
di multo acerbiora, vidi, vidi; longe hor-  
ribiliora spectavi. Exigua sunt, nulla sunt  
omnium tyrannorum supplicia, ad tormen-  
ta inferorum heu æterna, eheu æterna.

I V. Ab Ezechiele a Deus promulgari  
jussit: Ut sciat omnis caro, quia ego Do-  
minus eduxi gladium meum de vagina sua  
IRREVOCABILEM. Ubi gladius iste  
vel semel extra vaginam abierit, nunquam  
rediturus est, irrevocabilis est. Ut hoc in-  
telligentiæ nostræ instillemus, sessui nos ob-  
secro recipiamus, sed prout ille in rupe Cho-  
reb, Æternitatis attentissimus contempla-  
tor: Sedeamus, inquam, & numeros in  
chartam aut digitos mittamus hac ratio-  
ne: Damnati ad inferos mille annis tor-  
quebuntur: Non sufficit. Duobus millibus  
an-

172 DE DAMNATOR. ROGO  
annorum : Non sufficit. Tribus millibus annorum : Non sufficit. Quatuor millibus annorum : Non sufficit. Quinque millibus annorum : Non sufficit. Decem millibus annorum : Non sufficit. Viginti millibus annorum : Neque hoc sufficit. Quinquaginta millibus annorum : Neque istud sufficit. Centum millibus annorum : Hoc ad æternitatem nihil est ; nequaquam sufficit.

Quam tandem subducemus summam , si dicta ratione ad dimidium duntaxat diem promoveamus calculos ? Quis rationarius codex computationem hanc capiet ? Exacto demum ad umbilicum die obtupescendus numerus calculatorem suum obrueret. Id demum pronuntiandum foret ? Æternitatis mensura non venit ad digitos ; nullis includi , nullis comprehendi calculis potest , innumerabilis est. Nam quoscunque numeros in immensum acervemus , quantumcunque grandem subductionem effingamus , excedit eam Æternitas. Quocunque tandem ? In infinitum , in id quod computationem omnem transgreditur , in tremendam sæculorum innumerabilitatem.

Ah, ô mortales, ô Christiani, ah, ah, quam non cogitamus ista, quam raro ad hos calculos sedemus ? Vere, Nemo credit, Nemo credit, Nemo credit. Et hæc non somnia , non figmenta , non Rhetorum colores ; nullæ hic amplificationes , exaggregationes nullæ sunt. Æternæ Veritatis oraculum est : <sup>a</sup> Discedite à me maledicti in ignem Æternum. Non sol  
ipse

<sup>a</sup> Matth. cap. 25. v. 41. Luc. cap. 13. v. 27. Parte  
I. Æternit. Consi. 4. §. 2.





174 DE DAMNATOR. R O G O  
rebus duris se dent, cœlumque solum suspi-  
rent, hinc illud verissimum, Nemo credit,  
Nemo credit. De repetitis his vocibus, infra  
te, Lector, instruam.

Et Ah, saltem eo nos adducerent hæc Æ-  
ternitatis cogitata supplicia, ut iis abstinere  
non nollemus, quæ Deo displicitura novi-  
mus. Hætenus, quod Isaias *a* queritur, Ini-  
quitates nostræ diviserunt inter nos & Deum  
nostrū, Nunc igitur appropinquemus *b* Deo,  
& appropinquabit nobis.

Sed coronidis loco addimus, quod Æter-  
nitati explicandæ faciat. Ponimus Orbe to-  
to unicum esse mare ( quod eruditorum fert  
opinio ) illudque nec augeri nec minui,  
quod certe post supremum iudicii diem ob-  
tinebit. Concedat ergo Deus per benefi-  
cium & gratiam ( sic fingimus ) & ad Æter-  
nitatis captivos submittatur Angelus quila-  
tum nuntium promulget hoc modo : Bono  
animo estote, Euangelizo enim gaudium  
Magnum, quantumvis sero percipiendum.  
Præcepit Deus ut ego singulis annorum cen-  
turiis ad mare descendam, unamque ex eo  
guttam auferam : Vbi mare totum ita gut-  
tatim fuerit siccatum, omnia tormenta ve-  
stra desinent; & vos in libertatem calitum  
asserendi, hinc emigrabitis. Solatium hoc  
foret ingens, tametsi post pæne innume-  
ros sæculorum tractus promissa libertas ob-  
ringeret. Nos quidem tam tardum beneficii  
genus non capimus, neque hunc finem  
assequimur, perinde ac si sponsio hæc nun-  
quam in opus exitura. Quot enim Oceanus  
guttæ sunt? quis eas in numeros digerat?

nostro sensu numerari non possunt, ita nec inferorum supplicia finire. At certe damnati hanc gratiam probe caperent: Norunt illi onne quod finitum est suis claudi finibus, rerum omnium mensuras, præterquam Æternitatis, colligi, mare ipsum stillatimet-jam vel tandem exhauriendum. Adeoque illam Angelipromissionem ut optatum nun-tium audirent. Sed hoc ipsum illis negatum est: tam beati nuntii ad illos nunquam veni-ent. Nil horum sperari potest. Tam exten-sum quidem temporis spatium transibit, quo mare vel sic guttatim exhauriri possit, sed post omnem illam durationis intercapedi-nem damnati & ardent & ardebunt: nullus hic finis, nullus terminus; non exitus, non clausula ulla; nihil hic ultimum, extremum nihil, æterna omnia: a Vt sciat omnis caro quia Dominus eduxit gladium suum de vagi-na sua irrevocabilem. Æternitas damnato-rum inexplicabile supplicium. Inde vel ipsi mortui cæcitatem nostram complorantes clamant, Nemo credit, Nemo credit, Ne-mo credit. Ergo, quod b Hieremias identi-dem inclamat. Salvet unusquisque animam suam.

## C A P V T XIII.

*Conclusiones tres in præmissa capita:*

A Urelius Prudentius, vetus poëta Christianus, avo Theodosii majoris, & duos in Symmachum libros vulgavit, in

a Loco supra cit. b Hier. cap. 51. vers. 45.

c Anno Christiano 390. l. 2. contra Sym.

176 DE DAMNATOR. ROGO  
in eorum altero arctam ad coelum semitam  
eleganti versu sic depingit :

*Prima via facies inculta , subhorrida , tri-  
stis ,*

*Difficilis, sed sine sui pulcherrima ———*

*Et quae praeritos possit pensare labores.*

Amplam planamque ad inferos viam ita  
describit :

*Devia , picta \* bonis brevibus ; sed sine sub  
ipso*

*Tristis. & in subitam praecipit immersa charyb-  
dim.*

Quam eleganter his Jobus & accinit : Du-  
cunt in bonis dies suos , & in puncto ad  
inferna descendunt. Nunc cuique nostrum  
solata est optio eligendi. Elige ; Vtra placet ?  
Elige.

Josephus Christi Domini educator , ex  
Aegypto in terram patriam rediit , duas  
sibi vias habuit propositas : liberum ei erat,  
quo vellet , aut in Judæam , aut in Galilæam  
eundi. Angelus namque id unum jusserat :  
b Vade in terram Israël. Hic aut ista vi-  
iveris , tui arbitrii est. Josephus pruden-  
ter deliberans , cum audiisset quod An-  
tichlaus regnaret in Judæa pro Herode pa-  
tre suo , timuit e illo ire. Et ad Coelum  
nobis , & ad Orcum via patet. Potestas  
optionis est : eligamus mature , Vtra pla-  
ceat Centies , sexcenties , millies inge-  
tur nobis , Apud inferos regnare diabo-  
lum cum apostatis angelis ; apud supero  
regno

\* Botriechende Pomerantzenbäumelein /  
auff beiden seiten.

a Job. cap. 21. v. 13. b Matth. cap. 2. vers. 10.  
c Luc. v. 22.

regnare Christum cum sui cultoribus & amicis. Eligamus, quo ire lubeat. Electionem hanc juverit, sequentia considerasse, una cum tribus conclusionibus, quas apponemus.

1. Si quis è Persici Regis Assueri convivis super lautitiis epuli regii interrogatus fuisset, ad omnem quaestionem respondere potuisset, summas fuisse lautitias, idque anno medio. Exempli gratia cujuscemodi quaestiones illi sint positaë.

1. Quinam ad hoc epulum invitati? Cuncti Principes, fortissimi Persarum & Medorum incluyri, & praefecti Provinciarum. Atque hi omnes invitati, *Ad annum medium.*

2. Convivium quale? Hortense, omnium amoenitatum refertissimum. Nemus cultu regio confutum omnia tempe, paradisum omnem superabat, *Idque medio anno.*

3. Quis convivii locus? Non aureus solum, sed & gemmeus. Nam lectuli aurei & argentei super pavementum Smaragdino & Pario stratum lapide dispositi erant, quod mira varietate pictura decorabat; & hoc in oculis erat, *anno medio.*

4. Quæ convivas umbracula tegebant? Pretiosissima. Nam pendebant ex omni parte tentoria aërei coloris, & carbasini ac hyacinthini, sustentata funibus byssinis atque purpureis, qui columnis marmoreis fulciebantur, *idque anno medio.*

5. Qui cibi ponebantur? Selectissimi, regii, *idque anno medio.*

6. Quis in mensa potus? Vinum, magnificentia regia dignum, abundans & præcipuum, *idque anno medio.*

7. Quæ pocula aut patera, quæ chrysendeta adhibebantur? Aurea. Bibebant a enim qui invitati erant, aureis poculis, & aliis atque aliis vasis cibi inferebantur, *idque anno medio.*

8. Quæ Musica convivas hilarabat? Nobilissima: Omnes Gratia & Charites, ipsa Sirenium concordia videri potuisset concinnere, *idque anno medio.*

9. Omnesne conviva lati? Latissimi, *idque anno medio.* Hæc unus aliquis ex Aflueri convivis dixerit. Hæc eadem de calo, jure multo potiore dicentur, si pro anni dimidio, æternitatis duratio substituatur:

Sed interrogetur quis è damnatorum numero, similem in modum: Ecquæ maximæ damnatorum pœna? Tenebræ, diceret, seu Intuitus divini privatio, *idque in omnem æternitatem.*

Quæ altera sceleratorum pœna? Fletus & stridor dentium; hæc Plutonis musica est, *idque in omnem æternitatem.*

Quæ tertia? Fames ac sitis incredibilis, *idque in omnem æternitatem.* Si fames hæc sitisque tantum decies millies centenis millibus annorum esset duratura, minus id grave videri posset, quam visum sit olim jejunium in sacra confessione injunctum.

Quæ quarta? Fœtor intolerabilis, è tot cadaverum acervo, è sulfuris Oceano, à tot diabolorum consortio. Fœtor omnis in Orbe hoc nostro cinnamomum & balsamum est ad illos Erebi fœtores. Prædictum illi sapius: Expectat vos triste balneum, si hæc via pergitis. Sed surdis canebatur fabula. Pergebant. Jam balneum ingressi sunt, non egres-

egressuri amplius. Quam id foret tolerabile, tot annis, foetore hoc torqueri, quot ab Orbe condito in hanc usque horam momenta transferunt: sed heu cruciabit hic foetor sine fine, *idque in omnem aeternitatem.*

Quæ quinta damnatorum poena? Ignis horribilissimus, ad quem flammulae nostræ possint videri pictæ. Illud inexplicabile, quod ignis ille sit inextinguibilis, quem nulla flumina, maria nulla, nullum diluvium extinxerit, quem nec ipsa sopiverit Aeternitas. Judex præmonuit; fixum est decretum, sapius legendum: Ite in ignem æternum. Ureniur, non comburentur, *idque in omnem aeternitatem.*

Quæ vero sexta? Vermis conscientia; tanto gravius, quanto abstrusius supplicium. Ut res oculis subjiciatur, non aliud cogitandum, quam igneam felem cujusque pectori inharere semper, illudque unguibus fodicare ac lacerare, ita tamen ut pectus ita vulneratum, in novam identidem lanienam recre-scat, *idque in omnem aeternitatem.*

Quæ septima? Locus & societas execrabilis. Hæc peccatorum fuerunt illicia, quæ caveri poterant, nec cavebantur; nunc pro diæta sepulchrum igneum: pro amicorum familiaritate sodalitas est diabolorum & damnatorum hominum execrabilissima. Hic locus semper habitandus, hoc sodalitium nunquam abfuturum, *idque in omnem aeternitatem.*

Et quæ octava numeratur poena? Desperatio plane furiosa, quæ momentis singulis sceleratos illos jugulat, nec tamen jugulat, perinde si culter aut pugio alius super alium

180 DE DAMNATOR. ROGO  
adigatur in præcordia, *idque in omnem æterni-  
tatem.*

Et quæ tandem nona inferorum poena?  
Ah, ah, ah, inexplicabilis, immensa, incom-  
prehensibilis Æternitas, hæc tormentorum  
omnium tormentum maximum. Tolerare  
Tenebras, Fletum, Famem, Foetorem, I-  
gnem, Conscientiæ vermem, Desperatio-  
nem, Diabolorum convictum, hæc, inquam,  
omnia tolerare annis mille, aut bis mille,  
vel etiam decem aut centum millibus, aut  
tot annorum millibus, quot in quaternione  
chartæ peritissimus scriba posset exprimere;  
numerus foret nullius Arithmetici lingua ex-  
primendus, sed tamen finitus, & ob hoc u-  
num acceptatissimus damnatæ plebi, quod  
tandem post pæne innumera millia millio-  
num annorum finis futurus esset tormento-  
rum.

Sed sententia lata est, nec revocari potest.  
Illa octo supplicia toleranda, *idque sine fine,*  
ardendum *idque sine fine*, æternum, *in perpe-  
tuas æternitates*, ut vates Hebræus loquitur.

Atque hoc est quod nunquam satis dici,  
sed nec cogitari satis, quod nunquam capi,  
intelligi nunquam poterit. Æternitas pio-  
rum jure suspitium; Æternitas impiorum  
formidabile somnium; Æternitas damnato-  
rum inexplicabile supplicium. Restat ut ad  
septenas in prima Æternitatis parte positas  
conclusiones, adjiciamus tres alias istas.

II. Conclusio prima. *Omnia Orbis pretio-  
sa, fungi sunt, umbra sunt ad Æternitatem  
collata.* Argentum omne aurumque, gemmæ  
omnes si in geminos conflentur globos; o-  
mnia honorum nomina, omnis triumpho-  
rum



rum gloria; omnes Salomonis & Sardanapalli delitiæ, omnis illecebrarum dulcedo, voluptatum omnis omnino suavitas fungi vilissimi, titivilitium, & revera umbræ merissimæ, aut rectius, omnia hæc scarabæi umbra sunt, quo nihil esse potest vilius, si ad Æternitatem conferantur.

Quis convivium illud æstimet, in quo raptim unus alterve bolus \* ingeritur, & abitur. Quis illud præmium laudet, quod venire aufertur? Talia sunt vitæ istius bona; buccæ & micæ, medicari boli, vanitas & umbra.

Ad rem præclarissime dixit Augustinus: Non nobis sufficit, quicquid longum est in tempore, si habet finem, & ideo nec longum dicendum est. Et si avari sumus, vitæ æternæ avari esse debemus. Cætera hic omnia puerorum nuces sunt, † bracteolæ & matreolæ, crepundia & pupæ. Hinc illæ divini Pauli b generosissimæ voces: Existimo omnia detrimentum esse, propter eminentem scientiam J E S U Christi, propter quem omnia detrimentum feci, & arbitror ut stercorea.

Conclusio altera: Nullus religiosorum hominum tam parce ac duriter seipsum habet, nemo tantis rigoribus exercet corpus, atque liberati è pœnis alterius Orbis facerent. Quod nos severissimam vitam interpretamur, vitâ voluptuaria est, ad illam seu vivendi seu moriendi perpetuam necessitatem in Tartaro. Nos vi-

N. 3

deri

\* Ein Maul voll / darnach auff und dar von.

† Glendergold und Dockenwerck.

a Aug. in psal. 61. b Phil. cap. 3. vers. 8.

182 DE DAMNATOR. ROGO  
deri possumus suavissime dormire, etiamſi  
complures neſt traducamus inſomnes: Nos  
inter ipſas calamitates delitiamur; illi vere  
cruciantur, & vel una hora millies moriun-  
tur.

Scriptor fide dignus a commemorat Theo-  
dorico Trajeſtenti Præſuli fuiſſe famulum,  
qui Eberbach audiit. Hic hero ſuo ab inſigni  
prudencia & fideli proſus industria commen-  
datiſſimus, æmulorum invidia ſic exagitatus  
eſt, ut demum velut in rabiem actus cacoda-  
moni ſe manciparit, ut vel inde præſidii ali-  
quid alluceret contra tam malevolos inſidia-  
tores. Annis aliquot evolutis fato conceſſit  
Eberbach; animus corpore ſolutus in Euri-  
pum flammeum abjeſtus eſt. Ab hoc igne  
tantos percipiebat cruciatus, ut redivivus di-  
ceret, Si ex omnibus Orbis arboribus & li-  
gnis roguſ ſtrueretur unicus, malle ſe in eo  
uſque ad ſupremum judicii diem ardere,  
quam hora unica illis prioribus ignibus tor-  
queri. Sed & Avernale frigus, & tenebras,  
cæteraſque pœnas ex ordine percenſuit. Dum  
autem his ſuppliciis afficeretur, adfuit è cœ-  
lo nuntius qui miſerum affatus: En, inque-  
bat, hoc præmium iis debetur qui diabolo  
ſerviunt. Sed dic, ſi tibi ad vitam redire li-  
ceat, an ob commiſſas noxas, vitam ſuſci-  
pies expiabilem? At ille: Pœnarum, inquit,  
nihil reſuſo, modo hinc exeam. Hac demum  
lege voluntariæ mulctæ ſubeundæ rediit ad  
vitam, & quia nondum terræ mandatus, in  
feretro ſeſe erigens, omnes adſtantium in  
fugam egit. Mox ingenti ſpiritu ſclerum  
pœ-

a Caſarius Heiſterbacenſ. l. 12. mirac. cap. 23.  
qui hæc copioſe narrat.

pœnas à seipſo expetere aggreſſus, Othoni præſuli in ſacram militiam eunti ſe adjunxit. Sed jam ea vitæ ſeveritate ſe afflictauit, ut juxta equum nudis pedibus curreret, nec curaret ſpinis ac ſaxis tibias plantasque varie vulneratas cruentari. Tecuniam pâne omnem in pauperes erogavit. Panis & aqua quotidianum illius jejunium parciffime reficiebant. Erant qui ſummam hanc vitæ aſtutiam mirarentur, mitiora perſuaſuri. Quibus ille: Non eſt, inquit, quod miremini; longe graviora paſſus ſum. Vos ibi ſitis, aliter ſentiat. Atque ubi ſacrum hoc iter conſecit, una cum uxore religioni ſe addixit, quod vitæ reliquum eſſet, rigidiffimis piaculis acturus. Hæc ipſe de ſe Joanni Xantenſi enumeravit, à quo ea ſcriptor accepit.

Hic illud moniti nobis opportuniſſime ingeratur: *Graviora paſſus ſum.* Et tu, mi Chriſtiane, graviora patieris, niſi hæc levia tolereſ patienter. Eſt cum apud nos ipſos graviſſime injurias aliorum querimur: hic quiſque ſibi recte dixerit *Graviora patieris.* Eſt cum aliorum aures querelis opplemus: idem optime reſpondebitur *Graviora patieris.* Idem in omnibus moleſtiis ac miſeriis uſurpandum, Quid malum tuum impatientia exaſperas? Ni caves; *Graviora patieris.* Nil eſt quod pateris, nihil eſt ad thermas illas non Neronis ſanguineas, ſed Plutonis flammeas collatum. Ergo, ne *Graviora patiari*, patere hæc levia.

III. Concluſio tertia. *Non tantum vanus ſed plerumque noxiuſ eſt omniſ labor, qui æternitatem non ſpectat.* Qua de re Chriſtuſ a luculentiffi-

N 4

me:

a Matth. cap. 16. verſ. 25.

184 DE DAMNATOR. ROGO  
me : Quid prodest homini , ait , si Mundum  
universum lucretur , animæ vero suæ detri-  
mentum patiatur ? Non solum non divitias ,  
valetudinem , delitias , sed nec Mundum uni-  
versum adipisci juvat , si quis seipsum interim  
perdat. Vtere & fruiere divitiis , valetudine ,  
delitiis quantum vel optare potes ; fungi &  
umbræ sunt hæc omnia , si post vitam hanc  
palo infigaris flammæ. Contemplemur ob-  
secro , qui ratione usitato apud nos supplicio  
per medium hominem adactus sipes per os  
emergat. Spectaculum horrendum. Pendet  
miser \* affixus palo , & subinde auctarii lo-  
co substructus est ignis lentus , pedes ad pa-  
lum catenis colligati , manus affixæ clavis.  
Heu dirissimum suspendium ! Si anno medio  
si decem , si centum , si mille , si decem mil-  
libus annorum , si semper , si æternum ita  
pendendum sit ?

Heu quid prodest homini , si Mundum u-  
niversum lucretur , animæ vero suæ detri-  
mentum patiatur ! Utcunque capimus hoc  
oraculum , sed , quod theologus <sup>a</sup> dixit : Ple-  
rosque sensus carnis excæcat. Hinc verissime  
Chrysostomus : <sup>b</sup> Quamvis , inquit , ignis ille  
exafluët , fluvius flamma accendatur ; nos ta-  
men ridemus & delitias amplectimur , & li-  
centiose peccamus. Quid ergo hic aliud in-  
clamem , quam illud Hebræi vatis : Salvete u-  
nusquisque animam suam. Æternitati pro-  
pinquamus , & illa nobis. Brevi una erimus.

Josaphatus rex Indorum <sup>c</sup> à Barlaamo  
Christiana sacra edoctus , velut per somnium  
vidit

<sup>a</sup> Lucas Burgenfis. <sup>b</sup> Chrys hom. 55. ad pop. <sup>c</sup> Da-  
masceus hist. de Barlaam & Josaphat cap. 30.  
sub finem.

vidit inferos , & diversorum tormentorum seriem , audiitque vocem : Hæc sceleratorum sedes est , qui sese flagitiis contaminarunt. Ubi triste hoc visum deliit , totis coepit artubus tremere ; rivulorum instar lacrimæ fluxerunt , omnia malesuada voluptatis illicia evanuerunt ; alium induit hominem Josephatus.

Deus bone , quam nos praefractæ malitiæ sumus ! Non somniamus inferos , sed esse credimus , fide minime fallaci. Verum qui nostri nihilominus sunt mores ? Nos quidem alium atque alium hominem induimus , sed semper malum , adeoque ipsam variamus malitiam , & velut priorem pertæsi , novum subinde nequitia vultum sumimus. Ideo vel sanctissimus quisque cum Bernardo roget : Subveni mihi Deus meus , priusquam sine termino crucier in inferno. Ideo vel impiissimus quisque cum Manasse a id unice deprecetur : Ne simul perdas me cum iniquitatibus meis , neque in æternum iratus , reserves mala mihi , neque damnes me in infima terræ loca. Quia tu es Deus , inquam , poenitentium. Et quid ego non homo , sed jumentum , ad te , mi Deus , vociferer , quam illud unum : *Parce , ignosce , miserere ; ne reminiscaris iniquitatum mearum.*

Cum Christus<sup>b</sup> Dominus postridie palmiferi sui triumphi è Bethania in urbem Hierosolymorum tenderet , in via esuriens ficum adiit , inde petiturus fami solatium , at ubi nihil in ea invenisset , præter folia : Nunquam , ait , ex te fructus nascatur in sempiternum. Et arefacta est continuo ficulnea. Tales omnino

N 5

sunt

a 2 Paral. cap. 36. & ult. fine. b Matth. c. 21. vers. 19.

sunt omnes Acherontis incolæ, ficus maledictæ, semper infecundæ, stirpitis eradicatæ, in flammæ abjectæ, in flammis semper arsuræ. Nunquam ex illis nascetur fructus in sempiternum. In regnis Behemoth ignota penitus est patientia; nulla submissionis notitia; nulla illic hospitatur virtus; solum est sterilissimum, ubi nullæ arbores nisi ad ignem natæ. Nunquam ex illis nascetur fructus usque in sempiternum.

Postquam protoplasti parentes nostri primum vetitum admorderunt, protinus illo amœnissimo horto sunt exclusi, & ad hori custodiam admotus est non sine armis Angelus. Divinæ paginæ id testantur: Ejecitque Adam, & collocavit ante paradisum voluptatis Cherubim, & flammeum gladium, atque versatilem. Illustrissimum hoc erat divinæ misericordiæ argumentum, illic famulum duntaxat collocasse, non ipsum Paradisi dominum stetisse cum gladio ad prohibendum omnem ingressum. At vero judicii supremo die, nulli famulorum gladius permittetur: ipse dominus eum arripiet, stringetque in damnata capita, *Discedite a me maledicti*. Paucula verba sunt, sed librum & volumen ingens faciunt, nunquam satis evolendum.

Nunc igitur rerum nostrarum satagamus. Tanto quisque minus miser in Orbe altero erit, quanto misérias suas in isto patientius tolerarit.

a Gen. cap. 3. v. 24.

## CAPUT XIV.

*Quæ tigna, quodve pabulum ignis sit æterni:  
Ubi de peccati mortiferi inexplicabili  
gravitate.*

**V**erissime dictum à prisco philosopho:  
*Initium salutis, notitia peccati.* Revere-  
ra non peccabit unquam gravius,  
quisquis mente seria cum gravitatem  
peccati, tum foeditatem inspexerit. Pecca-  
tum ex Orbe tolle, & malum omne sustu-  
leris. Unum atque unicum Orbis malum, &  
cæterorum omnium malorum seminarium,  
miseriarum omnium pelagus profundissi-  
mum, suppliciorum est abyssus Peccatum.  
Hinc illæ Chrysostomi voces: Peccatum  
spontanea insania, voluntarius est dæmon.  
Eam ob causam beato Ludovico Galliarum  
regietiannum adolescentulo mater altissime  
impressum cupiebat: Potius vitam perdere,  
quam letalife culpa obstringere. Rectissime  
prorsus Joannes Climacus dixit: Etsi mille  
annis continuam in ediam pane solo & aqua  
tolerarem, etsi totum Mundum ut nobis-  
cum pro nobis lugeret commoverem, etsi  
Jordanem stillatim & guttatim lacrimando  
per oculos educerem, nunquam tamen  
pro commissis peccatis satisfacere posse-  
mus.

Inde Sapiens Hebraeus à tanta contentione  
vociferatur: Quasi à facie colubri fuge pec-  
cata. Quis tangit poculum, in quod mors ru-  
staverit, uti Tertullianus loquitur, & in quo  
vene-

venenum minitetur bibenti? Nil habet Orbis formidabilius peccato. Quade re dicta scriptaque sunt innumera: nos compendio quintuplicem hanc assertionem statuimus. Quisquis letaliter delinquit:

1. Deum gravissime offendit, eumque sibi adversarium & hostem constituit.
2. Divinam gratiam omnem amittit.
3. Omne genus miseriarum & calamitarum sibi ultro accersit.
4. Coelum in omnes æternitates perdit.
5. In sempiternos inferorum rogos precipitem se mergit.

Divinus Paulus a rem verbo absolvit: Stipendia peccati mors, & omnis Mortis comitatus, Luctus, Dolor, Morbus, Mœror, quos velut anteambulones sequitur æterna mors. Hoc omne ut exactius, prout quoniam par est, consideremus, assertionem illam quintuplicem ordine explicabimus.

I. Primum est: *Deum gravissime offendit eumque sibi adversarium ac hostem statuit, quisquis letaliter delinquit.* Peccato summum bonum læditur, ita quidem ut neglecto creatore finem suum in re creata constituat homo. Quod summæ injuriæ est, & simillimum idololatriæ. Hinc toties in divinis oraculis peccata idololatriæ nomine designantur. Ista in omni peccato graviore temeritas quovis supplicio dignissima est. Cum enim Deus ubique locorum præsentissimus sit ante ipsius reclamantis oculos patratur nefas, fitque injuria & cernenti, & audienti. Ita summum regem coram & in os contumeliis afficimus. Et quod foedius, beneficiis abutimur in offensam beneficiæ



neficia conferentis. Auxilium enim quod nobis Deus in omnibus omnino actionibus præstat, contra ipsum convertimus: perinde si filio parens gladiolum porrigat, ut ad se defendendum eo uti discat, simul etiam imbecille filioli brachiū regat, at vero nequissimus puer optimum parentem, dum is ferientis manum sustinet, conetur configere. Hoc agit quisquis peccat. Dum Deus actiones illius & adjuvat & dirigit, has ipse in Deum injuriose convertit. Atque ut summa hæc in Deum contumelia magis elucescat, rem oculis ita subjicimus.

Quotiescunque homo in deliberatione seu ipso peccati aggressu est, medius inter Deum stat atque diabolum, velut judex & arbiter, pro qua parte pronuntiet. Deus legem à se latam explicat, & una filium cruci suffixum monstrat, ut hominem à peccato avertat. Diabolus escam malorum voluptatem objicit, suadet, invitat, ut ad peccandum illiciat: quisquis jam peccat, hoc ipso diabolum Deo præstare pronuntiat, nam averfus à Deo, causam diabolo adjudicat iniquissimus judex. Quid hoc aliud est quam reipsa dicere: quicquid leges jubent vetentque, quicquid crucifixus filius moneat, roget, suadeat, imperet, quicquid è coelo minetur Pater, diabolus tam suaviter me invitat, mulsam tam dulce propinat, ut persuadeat, ut vincat; Eo, sequor diabolum, ab illo me trahi sino: placet hic capto, quamcunque tandem \* symbolam pescat. Verissime hoc facit, quisquis letaliter delinquit.

Ita in unam lancem Deus mittitur, in alteram voluptas. Accedit homo velut libripens,

\* Obs schon ein theure Zech.

190 DE DAMNATOR. ROGO  
pens, atque ubi peccare decrevit, malle se di-  
vinæ amicitia, quam voluptatis jacturam face-  
re apertissime statuit. Et ita Christo Servatori  
latronem Barrabam anteposit.

Quid horrendum magis, quid indignius su-  
prema Majestate, quid turpius quam hoc  
conditori fieri à re condita? Obsupectate cali-  
super hoc, & portæ ejus desolamini vehe-  
menter, dicit Dominus. Duo enim mala fecit  
populus meus. Me a dereliquerunt fontem  
aquæ vivæ, fontem limpidissimum, & impu-  
ros rivulos sectati sunt.

Atque ut hoc ipsum explicatius tradamus:  
Hominem peccaturum partes diversæ tra-  
hant, ut diximus; hinc trahit Deus, hinc  
diabolus. Penes hominem stat, à quo velit at-  
trahi. Codamon filo aut culmo ligat ho-  
minem (nec enim aliter potest) & ostendit  
quod vel carnem mulceat, vel crumenam au-  
geat, aut certe famam extendat. His filis, his  
ille culmis quoque vult pertrahit, quem li-  
gavit. Ut igitur homo vel suæ libidini, vel a-  
varitiæ suæ, vel arrogantia satisfaciatur, contra  
expressissimam Dei legem in vitium ruit.

Deus quidem vinculis haud facile rumpen-  
dis ligat hominem, beneficia sua proponit, de-  
bitum sibi servitium exigit, proscriptionem e  
coelo, & æterna inferorum incendia minatur.  
Sed nihil agit, quicquid promittat, aut mine-  
tur Deus: vincit diabolus, & Deo, sic volen-  
te homine, antefertur. Hoc enim præstabi-  
lius putat homo, blandientem Satanam se-  
qui, quam præcipientem Deum. Ideo vincu-  
la omnia quæ ipsi Deus injicit, contumaciter  
abrupit.

Dicite

Dicite jam vos ipsi, qui in malum scientes ruitis, qui hinc & illinc tracti victorem diabolum facitis; dicite, quibus hoc gehennis, quibus aternitatibus hac in Deum injuria possit elui?

Hoc ipsum Deus jam olim gravissime querens: Rupisti, ait, a vincula mea, & dixisti: Non serviam. Ad rem est propriissime querela ista. Hoc certe facit, quicumque scelus in se concipit; abruptis vincula, dicitque, *Non serviam*. Hinc vel ipsi Christo Deo insultans Satan dixerit: En, hoc tibi tui faciunt; sic homines à te conditi te amant, ita te honorant ii pro quibus mortuus es, quibus te ipsum das & omnia. Quid à me habeant non ignorant, nihilominus sequuntur me; voluptatula vilissima trahi se sinunt à me; ego illos obsequentissimos habeo; me suum esse hostem non nesciunt, & tamen diligunt, modo eis aliquid vel pecuniæ, vel lasciviæ, vel inanis gloriæ monstrem. En, quantos numerem in meis castris. Ego pro illis nec colaphos tuli, sicut tu Christe pro tuis; nec flagella sustinui, nec crucem pertuli, nec mortem obii, sicut pro tuis tu Christe. Sed neque illis cœlum promitto, neque paradysum offero, sicut tu Christe tuis, quos monitis doces, exemplis instruis, minis terres, preceptis dirigis. Sed frustra. Te spreto me audiunt. Malunt æternum ardere quam brevi tempore tuis legibus vivere. Volentibus non fiet injuria: peribunt quia perire cupiunt. Quia conditorum suum repudiant, me dominum, imo tyrannum habebunt.

Quid ad hæc, inquit Cyprianus, responde-

192 DE DAMNATOR. ROGO  
demus fratres? An non igitur videtis, ô mortales, & palpatis, quanta hæc in Deum sit injuria? Atque hoc est quod nullis inferorum ignibus, nullis sæculorum tractibus expiari possit. Nos anxie quandoque quarimus: Ecur Deus unicam letalem noxam, quæ vel momento committitur, æternis ignibus punnit? Varia super ea re Theologi respondent. Vix ullum satisfacit responsum: & nos sequenti capite hæc de re plura. At quisquis illud, quod modo diximus, enucleatius perpendit, ultro fatebitur capitale crimen omne, non posse non infinite Deo displicere, tamque inexplicabilem esse injuriam quæ Deo inferitur peccando, ut ea nullis unquam cruciatibus satis elui possit.

Res in aperto est: Quanto persona, in quam peccatur, nobilior ac sublimior, tanto noxa est gravior. Qui sibi æqualem lædit, noxam contrahit, hæc tamen multum augeatur, si sacerdotem profanus læserit. Vtraque hæc culpa gravior ea est, si episcopum offenderit. Longe gravior, si episcoporum Antistitem, aut purpuratum patrem; gravissima si Regis aut Caesaris majestatem spreverit; longe gravissima, sic homines censent, si ipsam Pontificis tiaram ausu temerario violarit. Hæc incrementa sunt culparum, prout nimirum dignitas crescit, sic & culpa. Hinc cum Deus qui læditur, sit infinitæ dignitatis, offensa etiam gravitatis sit infinita.

Quare quo penitius quis Numen divinum nosse incipit, eo exactius infandam peccati malitiam & agnoscit & odit. Certe Deus tanto fertur odio in peccatum, ut theologus d. vi Dominici familia celeberrimus diceret

fit ausus: Certissimum est, quod si quis omnes creatos intellectus in unum conflaret, & ex omnibus linguis unam fabricaret, nec intellectus ille comprehendere, nec lingua ista explicare posset illud, quod Deus in peccatum gerit, odium. Cum enim a Deus infinite bonus sit, amore infinito bonitatem, odioque infinito prosequitur malitiam. Atque hinc illam pramiis æternis, hanc æternis suppliciis remuneratur. *b* Ibunt hi in supplicium æternum, iusti autem in vitam æternam.

Ut autem istius, quo Deus in peccatum fertur, odii magnitudinem paullo altius in animum admittamus, consideremus obsecro, quantum supplicii æquissimus iudex vel unico peccato sapissime irrogarit. Animus ab actione innotescit; pœnæ à Deo inflictæ odium divinum explicabunt. Et quod illud, oro, supplicium Angelorum? Lucifer, omnis elegantix ac venustatis miraculum multo quam nobilissimum, cum tot centenis millibus, rectius dixerim, cum tot millionibus Angelorum subito in flammeas voragines præcipitatus est. Ecquod ab eis facinus est designatum? Unica superba cogitatio. Ah, ô Deus, Ah! Tantus numerus tantorum regum (ad quorum vel unicum vel mille reges collati exiguæ sint potentix) in æternum damnatus sit? Nec ulla pœnitentiæ aut misericordiæ, nulla recuperandæ gratiæ facta sit mentio? Ergo ipsissima, ergo omnis æternitas unicam superbam cogitationem non exhauriat? ergo sæcula infinita pro unica unius momenti noxa nequeant satisfacere? Jure

O

Deus

a Ludo. Gran. Par. i. Memori. l. 2. c. 7. b Matth. cap. 25. vers. 46.

Deus Angelo apostata ceterisque ejus angelis dixerit. Extinguere vos penitus, & in nihilum possem redigere, sed eritis Majestati meae, beatis Angelis omnibus, hominibus universis prodigium, portentum, nequitiae spectaculum, justitiae testimonium, aeternum mei in vos furoris barathrum.

Si quis mille Regum ac Imperatorum filios capite damnari & securi subjici videat, ingemitur utique dicetque: Atrocissimum plane facinus hic sanguis regius commiserit necesse est, quod omnes una eaque inexorabilis sententia feriat; obstupefendum prorsus, adeo nec precibus, nec numero, nec sanguini, nec clementiae quidquam dari. Idem omnino hic cogitandum, & plus quam obstupefendum, tot Angelorum milliones ad aeternos rogos dejici, & nullum veniae, nullum gratiae, misericordiae nullum dari locum; non genus & originem caelestem, non maximam multitudinem, non delicti, ut videri poterat, exiguitatem spectari, sed pariter uno omnes turbine involvi, laesa Majestatis universos damnari, morti sempiternae addici.

Ah, o mi Deus, ah quae tandem peccati nefanda est atrocitas, ut divinos furores, eoque tam implacabiles in se provocet, ita quidem implacabiles, ut nullis unquam saeculis mitius savituri sint, nec ullis se suppliciis mitigari sinant. Hinc omnis venia veniaeque spes exulat. Deo rebelles, caelo extorres erunt in omne aevum. Effusa est omnis gratia; spes libertatis nulla. Frustra preces, frustra libelli supplices. Conclusum est; Decretum est. Quondam Angeli, nunc diaboli; olim Deo

Deo amicissimi, nunc hostes capitalissimi, ardebunt aeternum. Et quod delicti genus fuerat? Jam diximus: Cogitatio superba unica. O Rex gentium, quis non timebit te?

Hic nemo se fallat, & Angelorum delictum longe alterius fuisse ordinis putet quam sint humanae noxae. In protoplastis idem est cernere, quod in Angelis. Primi parentes nostri cum universis posteris divina gratia exuti, innocentiae veste spoliati, paradiso exclusi, aeternum exulare jussi sunt, addita fatali hac sententia, *Moriendum esse*. Nec satis fuisset morte una defungi, Mors aeterna jam triumphabat, jam immensum populum sui juris & census numerabat, & vero etiam omnem humanam gentem in sua regna traxisset, nisi Altissimi filius humanam sortem miseratus hominem induisset, expiraturus in cruce. Jam perieramus omnes, ni perire voluisset, qui perire non potest. Nam inharentis peccati contagio ab uno in omnes transit. Et quod illud tam immane fuit Adami flagitium? Pomum unicum leviter admorsum.

Eheu tantis lacrymis, tanta funerum strage, tantis suppliciis luendus est pomi morsus? Quid querimus? Hæc peccati ratio est: infinite Deo displicet, infinitis suppliciis acerri-me vindicatur, nec tamen unquam expiatur. Furit Deus cum in peccatum excandescit.

Sed huc magis oculos ad humanae gentis excidium. Et Orbis terrarum universus, unius loco sepulchri est, in quo totum genus humanum aquis sepultum est. Ex omni hominum numero vix octo servati sunt ab inundatione diluvii. Quæ causæ tam prodigiosi funeris? Quis tot centena millia

196 DE DAMNATOR. ROGO  
hominum in iratum hoc mare deturbavit?  
Peccatum, praesertim Libidinis. Quis am-  
plissimas Gomorrhæ, Sodomæ, cæterasque  
urbes incendio delevit? Peccatum, praesertim  
Libidinis. Quis Sichimorum urbem evertit?  
Peccatum, praesertim Libidinis. Quis Benja-  
mitarum viginti quinque millia, Israëlitarum  
quadraginta millia in pralio interfecit? Pec-  
catum, praesertim Libidinis. Hic Dei mos  
est, hoc illius in omnia peccata odium; ni-  
hil hoc in parte dissimulare potest. Nullam  
peccatum sine poena. Et quamvis multa im-  
petrent veniam, nulla tamen non subeunt  
poenam.

Quæ sacerdotis Heli ob solam in castigandis filiis negligentiam? quæ Saulis propter inobedientiam? quæ Davidis propter incontinentiam? quæ Nabuchodonosoris ob superbiam? quæ Ananiæ & Sapphiræ ob avaritiam? quæ plurimorum aliorum ob culpas, ut videbatur, levissimas poena fuit? *a* Achan hostium spoliis aliquid subducit, & id morte luit. *b* Pauperculus ille colligit ligna sabbato, & lapidatur. *c* Oza nimium sollicita manu contrectat Arcam, & vi subita necatur. *d* Obsequens, sed paululum incautus propheta finit se decipi, & à leone suffocatur. *e* Israëlita contra Moysen murmurant, & ab ignitis colubris interimuntur. *f* Betsanita parum reverenti oculo salutant Arcam, & supra quinquaginta millia hominum jugulantur.

*a* 1. Isf. cap. 7. vers. 25. *b* Num. cap. 15. v. 33.

*c* 2. Reg. cap. 6. vers. 7. *d* 3. Reg. cap. 13. v. 24.

*e* Num. cap. 21. vers. 6. *f* 1. Reg. cap. 6.

vers. 19.



cur. *a* Elisaum irident pueruli, & eorum quadraginta duo ab urfis lacerantur.

Non parcit Deus delinquentibus. Pereat *b* Samari (pereat anima) quoniam ad amaritudinem concitavit Deum suum. Sit alicubi mare mellis, & unica fellis gutta in hoc dulcissimum mare immissa universum illud in extremam motet amaritudinem, quid quæso de hoc felle. quid de hac fellis guttula sentiendum? Fel itud inexplicabilis & infiniti amaroris esse diceretur. Et recte diceretur. Atque hæc est ipsissima peccati amarities. Est quidem divinæ pietatis ac misericordiæ dulcedo infinita, velut mare mellis immersum. At vero peccatum mortale quodcumque vel unicum amaritudinis est tantæ, & fel abdit tam maligne potens, ut Deum suavitatis ac dulcedinis inexhaustæ pelagus, in pavendam indignationis ac furoris amaritudinem convertat. Atque hoc est quod Oseas clamat: Ad amaritudinem concitavit Deum suum, Anima peccatis suis. Non hæc vel id eo pereat? Deus ipse id questus: *c* Ad iracundiam, inquit, me provocavit Ephraim in amaritudinibus suis. Hieronymus exponit: Sceleribus suis amarum me fecit, quia dulcissimus eram. Idcirco non parcit Deus delinquenti.

Non jam miror amplius, dixisse Jobum: *d* Verebar omnia opera mea, sciens quod non parceres delinquenti. Adeo certe non parcit Deus delinquentibus, ut vel in filio suo aliena etiam delicta acerbissime puniverit. Revelata mors Christi funestissima satis luculente

O 3. docet

*a* 4 Reg. cap. 2. v. 24. *b* Osee cap. 14. v. 1. *c* Osee. cap. 12. v. 14. *d* Io. cap. 9. v. 28.

198 DE DAMNATOR. ROGO  
docet quanto Deus odio peccatum prosequatur.

Cum ergo pharmacum è fusili auro, aut è margaritis liquidis, aut è lapide Bezoar misceatur, primum est dicere, gravissimum esse morbum, & praesens vitae discrimen: Ita hic proflus nimia fuerit necesse est peccati gravitas ac foeditas, quam eluere non potuit nisi dominicus, nisi regius infiniti pretii sanguis. Agnosce igitur, ô homo, inquit Bernardus, quam gravia sint vulnera illa, pro quibus necesse fuit Christum Dominum vulnerari.

Imo Christus cum sub cruce duceretur ad crucis supplicium, sua vulnera suamque mortem deferri vetuit, ut scilicet illae lacrymae impenderentur peccatis, quae mortis tam infamis fuerunt causa. Enimvero solis Christi lacrymis satis elui potest peccatum. Nam si Angeli omnes, quotquot in caelo sunt, corpora humana induant, & multis saeculis vel unius mortalis peccati nequitiam plorent, ne sic quidem tot lacrymarum nimbis peccatum illud unicum sufficienter deploraretur, quod solius Christi lacrymae, eaque sanguineae satis expiant.

II. Alterum assertionis nostrae caput est: *Gratiam divinam omnem amittit, quisquis lealiter delinquit.* Facinus quodcumque mortiferum omni penitus gratia divina spoliatur. Nil pulchrius animo quem ornat Dei gratia; nihil foedius quam animus divina gratia exutus, & scelere pollutus vel unico. Coluber est peccatum venenatissimus, vulnus ab hoc colubro est mortiferum, licet suaviter & cum voluptate infligitur. Et ô si oculis vide-

videre liceat, quanta peccati sit deformitas ac foeditas, quam sedulo peccatum fugerent qui modo sectantur. Deformius est atque terribilius ipso cacodamone peccatum. Princeps Angelorum Lucifer, multo formosissimus fuit Angelus, sed peccati unius fuligine ita omnis ejus pulchritudo defoedata est, ut jam teterrimum ac spurcissimum sit prodigium, adeoque horrendum, ut negent eum diu posse superstitem agere, cuius oculis suam Angelus Apostata foeditatem objecerit.

Porro divinae gratiae pretium illud est, ut verissime dicatur, in Orbe nihil esse pretiosius. Explico. Dixerit quis de auro potabili, aut de aqua vitae, Unicaliquoris hujus guttula majoris est pretii quam sint vel centum plaustra generosissimi vini. Hoc ipsum ad amissum de gratia divina dixeris: Pars hujus minima pretiosior est omni favore humano, omnibus Orbis opulentiis. Sit totus terrarum Orbis aureus, nihil pretii est ad divinam gratiam, collatum. Peccatum vero letale quodcunque sic omnem adimit divinam gratiam, ut ejus nil penitus remanere possit admissio peccato.

Quicquid meritorum plurimis annis collectum est, id omne momento effundit vel unicum peccatum. Ecclesiastica vox est: Qui in uno peccaverit, multa bona perdet. Et etsi quis quinquaginta, etsi centum annis in omni virtutum genere se Deo probarit, etsi maximis rigoribus & quotidianis jeuniis vitam omnem exercuerit, pane solo & fonte vixerit, lumbos ferro strinxerit, in dies se flagris

200 DE DAMNATOR. ROGO  
cecidit, sui omnia in stipem erogarit; si  
demum letaliter delinquat; universa vitæ  
prioris promerita perdidit, omnem Dei gra-  
tiam effudit, ex amicissimo jam profellus  
Dei factus est hostis.

Res certa; testes luculenti. Ezechielia hoc  
credamus: Si averterit se justus, inquit, à  
justitia sua, & fecerit iniquitatem, omnes  
justitiæ ejus quas fecerat, non recordabun-  
tur. Letaliter vel semel peccasti? Anâsisti  
omnes labores tuos, amissisti gratiam, amisi-  
sti cælum, amissisti Deum, adeoque amissisti  
omnia. Aut igitur quæ amissisti recupera, aut  
æternum amissia flebis.

Inter supplicia quæ Deus Israëlî minatur  
illud tanquam omnium maxime formidan-  
dum ingerit: *b* Væ eis cum recessero ab eis.  
Hic Dei ab animo recessus atque abitus,  
mors animi est, malum cui revera nullum,  
par, malum quod omnes vel acerbissimos di-  
vorum Martyrum cruciatus, quod perpetua  
damnatorum omnium tormenta superat. Et  
videte hominis, quem Deus ob peccatum  
deserit, miseriam. Quidquid agat, quicquid  
patiat *c* hic homo, divina gratia destitutus,  
montes transferat, ignes intiliat, stellas ex-  
tinguat, fontes accendat, omnibus sæculis  
admiranda faciat, nec minimum quidem cæ-  
lestis beatitudinis promerebitur, dum apud  
Deum in offensa est. In liquido caussa est.  
Fons omnium meritum divina gratia est,  
qua iste peccando seipsum spoliavit. Aut er-

go

*a* Ezech cap. 18. vers. 24. *b* Osea cap. 9. vers. 12.

*c* Disponere se tamen poterit ad recipiendam  
gratiam: ideo à bonis actionibus nunquam  
cessandum.

go gratiam repararet, aut calum desperet. Ad-  
do quod æquè miserum.

Is q. III. à Deo descivit, suomet quidem  
impulsus potuit cadere, suomet conatu sur-  
gere non poterit: seipsum in foveam abjecit,  
sed nunquam revocabit gradum, nisi Deus  
porrigat manum singulari ope. Echo non re-  
spondet nisi voce provocetur: qui peccavit,  
non respicit, nisi à Deo excitetur. Sed ne-  
mo veniam desperet vel in illies lapsus. Pec-  
casti? animos resume. Firmior non raro post  
lapsum gressus est, certe cautior.

Quando igitur tam atrox peccati genius  
est, tam detestabilis malitia, generoso pror-  
sus spiritu proclamans Anselmus: Si hic, in-  
quit, peccati pudorem & illic cernerem in-  
ferni horrorem, & necessario uni illorum  
haberem immergi, prius me in infernum  
mergerem, quam peccatum in me immitte-  
rem. Mallem enim purus à peccato & inno-  
cens gehennam intrare, quam peccati sor-  
de pollutus, calorum regna tenere, cum  
constet solos malos in inferno torqueri, &  
solos bonos in caelesti beatitudine foveri.

Hanc ob causam, idem sanctissimus scri-  
ptor: *Aperi oculos, inquit, anima misera,*  
& vide quid fuisti olim, & quid nunc es:  
quo loco fuisti tunc, & quo nunc es. Eras  
sponsa Altissimi, eras templum Dei vivi, e-  
ras vas electionis, eras thalamus aeterni re-  
gis, eras thronus veri Salomonis, eras sedes  
Sapientiae, eras soror Angelorum, eras hæ-  
res calorum. Ecce cum omnia hæc fueris  
quæ dixi, quoties dico; Eras, Eras; toties  
tibi lacrymandum est, dum subitam tuam

O s cogi-

a Anselde Similit. cap. 190 seu penult.

cogitas mutationem. Sponsa Dei facta est adultera diaboli, templum Spiritus sancti mutatum est in speluncam latronum, vas electionis in vas corruptionis, thalamus Christi in volutabrum porcorum, sedes Dei in cathedram pestilentiae, soror Angelorum in sociam damorum; & quæ instar columbæ volitabat per calum, nunc tanquam serpens reptat in terra. Plange itaque super te, ô anima misera, plange; quia te plangunt coeli, quia te plangunt Angeli, quia te plangunt omnes Sancti; te plangunt lacrymæ Pauli, te plangunt guttæ sanguineæ Christi Domini; quia peccasti, & mali illius quod commisisti, poenitentiam non egisti

Sed hoc amplius examinemus. Is qui peccavit, aut vulnus conscientiae sentit, aut non sentit? Si sentit, miser est, nam in dolore est & quidem acerrimo. Vrens conscientia tormentorum maximum. Non sentit hoc? Iterum miser est, imo miserrimus. Extremum malorum est, malitiam suam clausis oculis fovere, jamque vulneris mortiferi sensum perdidisse. Ita miseri dum bibunt, vini vim temulenti non sentiunt, sentient digesto vino. Optime dixit Chrysostomus: a Primum malum est, esse malum. Etiam si agrum medicus non secet, agrotat tamen ager; etiam si non puniat Deus, in morbo tamen est, imo jam moritur qui peccat.

Simillime locutus Sapiens Romanus: Prima, inquit, & maxima peccantium est poena, peccasse. Nec ullum scelus impunitum est, quoniam sceleris in scelere supplicium est. Quicquid male agitur, conscientia flagella-

gellatur. Vbi vitia, ibi & tormenta, nec possunt esse sine dolore vulnera conscientia.

Hominem malum etsi nemo percutiat, laceret, suspendat, mutilet, torqueat, cremet, ipse sibi tortor, carnifex, supplicium, crux est. Fortassis hæc non sentit, ut diximus, jamque omnem mali sensum perdidit? tanto igitur inferorum incendiis vicinior est, quanto à peccati sensu remotior. Hunc vere mortuum, imò & sepultum, dixeris: Peccavit, & non dolet; Deum gravissime læsit, nec veniam petit; divinam gratiam amisit, nec ingemiscit; jus cœli perdidit, nec jacturam hoc esse credit: jam inferis transcriptus est, & etiamnum ridet. O pecudem! ô saxum! ô rupem! Hæc peccati malignissima sunt artificia, homines mutare in pecudes, in saxa, quæ vulnus ante non sentiunt, quam in ignibus sunt.

Cum in tergo hæret supplicium, abominationi esse incipit, peccatum. Fitque non raro, ut qui flagitiis sensum omnem perdiderunt, prius sentiant gehennam, quam desinant vitam. Ita Sodomæi ac Gomorrhæi civés prius inferos experti sunt, quam essent apud inferos. Ad rem Chrysostomus: <sup>a</sup> Qued si, ait, audito gehennæ nomine, irrides ac fidem non habes, illum ignem recordare Sodomorum. Vidimus enim, vidimus, & in præsentī quoque vitæ gehennæ effigiem. Tale est Sodomorum incendium, id quod sciunt ii, qui ad ea loca profecti, plagam illam divinam, ac cælestium fulminum opus oculis subjecere. Cogitato quam grave illud  
fit

<sup>a</sup> Chrys. hom. 4. epist. ad Rom.

204 DE DAMNATOR. ROGO  
sit peccatum, ut quod ipsam gehennam et-  
iam ante tempus existere coëgerit.

Pestis & fulminis obstupefscendas, incre-  
dibiles, sed & abstrusissimas vires nemo un-  
quam satis explicaverit: multo tamen mi-  
nus peccati, quod vere pestis exitiosissima,  
vere fulmen sævissimum, vastans omnia.  
Peccatum malorum omnium vere maximum  
malum, & solum malum est. Pejor est culpa  
quam mors, pejor quam gehenna, pejor  
quam quævis pœna, cum sit cujusvis pœnæ  
caussa.

Susanna *a* ad vendendam pudicitiam invi-  
tata, masculo prorsus pectore: Si hoc, in-  
quit, egero, mors mihi est: si autem non  
egero, non effugiam manus vestras. Quid  
ais Hebræa mulier, quid hic loqueris? Imo  
si adulteris non consentias, morieris: si con-  
senferis, effugies mortem. At illa dictum  
perseverans: Mors, inquit, mihi est, si hoc  
egero. Noverat castissima matrona mortem  
aliam, quam sit illa corporis, mortem con-  
tinuam, æternam, ad quam mors corporis  
collata, mors non sit. Verissimum illud Apo-  
poli: *b* Peccatum cum consummatum fue-  
rit, generat mortem. Hinc Susanna genero-  
sissime subjungit: Melius mihi est absque o-  
pere incidere in manus vestras; quam pecca-  
re in conspectu Domini. Disce Christiane à  
matrona Hebræa, potius corporis vitam per-  
dere, quam Dei gratiam.

III. Tertium est, quod initio posuera-  
mus: *Quisquis letaliter delinquit, omne genus  
miseriarum ac calamitatum sibi ultro accersit.*

At

*a* Dan. cap. 13. vers. 18. *b* Iacob. cap. 1. vers. 15.  
Dan. cap. 13. vers. 23.



At quin omnium omnino miseriarum, calamitatum omnium una unica est causa Peccatum. Cyprianus litteris Donatum hortatur, ut in montem sublimis iudicii ascendat, & inde prospiciat obfessa piratis maria, vallata pradonibus itinera, valles grassatoribus refertas, colles ab exulibus occupatos, fures & homicidas ubique frequentes, urbes simultatibus divisas, regna bellis attrita, nusquam non plurimum malorum. Omnium causa peccatum; omnia turbat & confundit peccatum.

Reverendissime Chrysostomus: Nomina calamitatum, inquit, philosophantibus nomina tantum sunt, vera autem calamitas est, Deum offendere. Nimis Deum abjicit, qui lucrum aut voluptatem, qui pecuniolam aut mulierculam audet præferre Deo. Si Deo Deum alium æque formosum, divitem, liberalem, sanctum præferremus, prudentior nonnihil esset stultitia nostra; at cum sordes & vilissima quæque, cum guttulas mari, cum res conditas, res caducas conditori præferimus impie, hoc demum insania luculenta, hoc manifestaria impietas, atque hoc malorum omnium Lerna, hoc omnium arumnarum est seminarium. Sed &

*Nil mortalibus arduum est.*

*Cælum ipsum petimus stultitia; neque*

*Per nostrum patimur scelus*

*Iracunda Deum ponere fulmina.*

Mortaliū flagitiosa temeritas, non dubitat quidvis audere. Vel ipsæ hoc fabulæ loquuntur. Gigantes cælum affectant, Hercules invadit inferos, Jason cum sociis scrutatur.

*a Chrys. hom. 5. ad pop. b Hor. l. 1. Carm. Oda 3 fin.*

206 DE DAMNATOR. R O G O .  
tur maria , Dædalus sese aëri credit. Hoc ni-  
mirum fabulis docemur : Superbi gigantum  
instar moliantur expugnare cælum , quod so-  
la Humilitatis via adiri potest. Contempto-  
res Numinis rident inferos. Avari Jafones  
& velleris aurei sitientes se pelago commit-  
tunt. Ambitiosi Dædali omnem captant au-  
ram inanis gloriæ. Audax omnia aggredi gens  
humana ruit per vetitum nefas.

Et unde tandem dissidia , contentiones,  
litigia , bella , ruinæ , nisi è solo peccato ?  
Quicquid in humano corpore sanitatis , vi-  
rium ac formæ est , Morborum & Mortis  
pabulum ac præda est opera peccati. Hebraus  
rex merito vociferatur : a Non est sanitas in  
carne mea , non est pax ossibus meis à facie  
peccatorum meorum. Quocirca medicus è  
cælo , non utile solum , sed & necessarium in  
morbos consilium suggerens : Jam , inquit,  
noli peccare , ne deterius tibi aliquid contin-  
gat. Pestilentiam , & omne morborum ge-  
nus in aciem contra nos eduxit Peccatum. b

*Macies, & nova febrium*

*Terris incubuit cohors :*

*Semotique prius tarda necessitas*

*Leti corripuit gradum.*

Horum omnium causa Peccatum. Evolve  
Regum fastos , & arrogantiam potissimum  
multari animadvertes ; Ezechielem perle-  
ge , & rapinas ; Joëlem , & lasciviam variis  
cladibus puniri cernes. Plena omnia divinæ  
justitiæ exemplis. Quantum calamitatis in  
Reges Israël , in Coritas , in Sodomitas , in  
Dathan & Abiron affleas , in Judæorum po-  
pulum , in infinitos alios Peccatum non im-  
misit ?

a Psal. 37. vers. 4. b Horat. l. 1. Carm. Oda. 3

misit? Quot centena millia, quot milliones hominum fame, ferro, flammis, peste, sulfure, aquis Peccatum absumpsit? <sup>a</sup> Perierunt propter iniquitatem suam. Quoniam qui malignantur, exterminabuntur.

Ita mors in <sup>b</sup> omnes homines pertransiit per peccatum, ut vita non sit nisi mors continua. Et meminerimus omnia mortis instrumenta, carceres, cippos, namellas, manicas, funes, equuleos, flagra, virgas, taureas, craticulas, rotas, scorpiones, sartagine, pestines, cruces; & quicquid ejusmodi feralis suppellectilis est, excogitatum esse propter peccatum, aut inventum ab iis quibus in innoxios peccare voluptas est. Sic enim variatur peccati supplicium, sicut infinite varium est ipsum peccatum. Non tot Proteus finxerit personas, non Empedocles tot transmutationes, nec Pythagoras tot transmigrations, nec Chaldaei tot varietates, nec Evantius tot imagines, quot Peccatum subit formas, induit personas.

Quemadmodum vero sola probitas & morum innocentia hominem supra homines attollit, ita improbitas & nequitia hominem infra homines dejicit, & in belluam mutat. Num homo censendus, qui voracitate lupum induit, iracundia canem, superbia pavonem, avaritia bufonem, levitate passerem, asturia vulpem, rapacitate vulturem, furore leonem, timiditate cervum, lascivia hircum?

Hinc David rex serpentes & aspides dixit iracundos; insipientes mulos; Adulteros

Hie-

<sup>a</sup> Psal. 72. vers. 19, Psal. 36. vers. 9. <sup>b</sup> Rom. cap. 5. vers. 12.

Hieremias equos ; Pharaonem Ezechiel draconem ; Phariseos Joannes genimina viperarum ; Impudentes Christus canes & porcos , Herodem vulpem appellat. Homines peccatum in feras transmutat. Ex oraculis divinis id liquet : *a* Homo cum in honore esset , non intellexit ; comparatus est jumentis insipientibus & similis factus est illis. Parum hoc. Hominem peccatum transmutat in diabolum. Aperte Christus discipulis : Ex vobis unus, inquit, *b* diabolus est. Et Judaeorum turbis objectum : Vos ex patre diabolo estis. At diabolus , inquit Anselmus , non terroribus aut minis , ne peccaret , monitus est. Homo, licet intentata morte , peccatum tamen non cavit ; Diabolus semel, homo milles ac millies , iterumque millies delinquit ; ille in creatorem, iste tam in creatorem quam redemptorem calces elidit impie.

In hominem invidum graviter excandescens Chrysostomus : *c* Nam invidus, inquit, ipso diabolo magis diabolus est. Invidet Satan, sed hominibus, non sociis. Tu vero homo cum sis , invides hominibus , odium adversus genus naturamque communem exerces , quod ne Satan quidem facit. Ergo flagitiis opertus, recte diabolus, sed & infernus dicitur. Joannes Apostolus : Et infernus , inquit, *d* & mors missi sunt in stagnum ignis. Et quomodo hoc tandem ? An infernus in infernum missus est ? Ita prorsus ; sic sacri interpretes affirmant. Nam qui vitam criminibus

im-

*a* Psal. 48. vers. 13. & 21. *b* Ioan. cap. 6. vers.

71. *c* Chrys. tom. 3. in cap. 9. Ioan. hom. 54. fine. Et tom. 4. in 2. ad Co. 12. hom. 31. anti  
*d* Apoc. cap. 20. vers. 14.

implet, rectissime Infernus dicitur. Nam sicut infernus tormentorum ac cruciatuum locus, diabolorum domus est, sic impius conscientiae lenientiam, & saepe duos cruciatus gerit pectore, quod cacodæmoni pro domo locat. Ita infernus iste mittetur in infernum.

O Peccatum, ô ventum horribilem ac pestilentem! qui flores, frondes, fructus humanarum stirpium decussit; qui iustitiam ac innocentiam, & hominem homini ademit. O virus letaliter amabile, ô toxicum ad usque animi medullam sæviens, nullis calamitatum fluctibus, nullis inferorum incendiis sopiendum?

Quærit a caelestis Pater è protoplasto jam reo: Adam ubi es? Ei Adam vere responderit: Nusquam sum. Nusquam tunc erat, nec enim in Deo erat ob commissum peccatum; nec in paradiso ob contractam poenam; nec in seipso ob conscientiae remorsum; nec in rebus creatis, ob motam rebellionem; nec in Mundo, ob propriam inconstantiam. Nusquam, heu nusquam erat, ubi bene esset: rapacissimo torrenti non absimilis, cujus aquas properante in petu defluentes hic vel illic esse dicendum non est.

Vis ergo scire, quid sit peccatum? Unicam Adami noxam iatuerit. Quot ea milliones hominum in extremas miseras præcipitavit? Hinc fames, bella, pestis, hinc calamitates, arumnæ ac cades, hinc morborum agmina, hinc mors ipsa. Ab uno hæc omnia peccato sunt. A tali arbore tales fructus, à tali causa tales effectus. Ad illud quidem expiandum Dei filius in crucem actus est.

P

quor.

210 DE DAMNATOR. ROGO  
quot millia nihilominus in Erebum detru-  
duntur ob peccatum? Quisquis hæc serius  
cogitat, cum voluptas ad peccandum invita-  
rit, libere dicet: Æternum pœnitere tanti  
non emo.

E cœlo tonitrua, nix, grandines, fulgura,  
procellæ, turbines, fulminaque ruunt; ho-  
rum omnium caussa exhalationes & vapores  
è terra sursum evedi nativa levitate, qui va-  
riis tempestatibus in terram redeunt. Haud  
aliter è cœlo in nos famies, bella, pestilias,  
morborum & miseriæ plurimarum quo-  
tidianæ tempestates veniunt, quæ quidem  
à Deo immittuntur, sed prius vapores & ex-  
halationes peccatorum emittuntur, hinc om-  
ne tempestatum genus, hinc omnis cala-  
mitatum turbo. Illud Metereologia, istud  
Theologia nos docet. Et rectissime Grego-  
rius: Male, inquit, quæ patimur, mala no-  
stra meruerunt: Siracides *a* id affirmat:  
Mors, sanguis, contentio & romphæa, op-  
pressiones, famies, & contritio, & flagella:  
super iniquos creata sunt hæc omnia.

Peccatum nos paradiso exclusit, & in hanc  
vallem lacrymarum, in hoc exilium, in hoc  
mare procellosum eiecit, ubi venti vehe-  
mentes, & flusius ingentes, ubi quotidiana  
naufagia, ubi omnia mala. Vere *miseros facit*  
*populos peccatum*, quod Salomon *b* affirmat.  
Unde tot olim infestationes Turcarum, tot  
incurfus barbarorum, tot victoriæ adver-  
siorum? Unde famies & pestis tam crebra:  
Cur calum sæpe nobis aneum, cur nubes  
nonnunquam, aut nimis imbris abundat

*a* Eccli. cap. 40. vers. 9. *b* Prov. cap. 14.  
vers. 34.

tes, aut nullis? Unde tot agmina morborum, tot febres, epidemix, pestes? A peccato hæc omnia: a Peccatum omnium miseriarum pelagus.

Cum Romano Sapiente *b* dixero: Errat si quis putat Deum nocere velle: non potest. Deus nec dat *c* malum nec habet: ceterum castigat quosdam, & coërcet, & irrogat pœnas. Vis Deum propitiare? bonus esto. Mundi sunt oculi ejus, ne videat malum, & respicere ad iniquitatem non poterit. Ideo extreme odit peccatum. Nam uti lux natura tenebras averfatur, pulchritudo turpitudinem, bonitas malitiam, puritas immunditiam, vita mortem, sic & sanctitas omnem nequitiam & fœditatem. Sicut igitur Deus sanctitatem infinito amore, ita necessario peccatum odio prosequitur infinito. Odii signa sunt, quæ modo numeramus.

Principio seipsum Deus suamque gratiam subtrahit ei qui peccavit. Deinde, variis calamitatibus in hoc etiam Orbe, velut præsentem moneta punit peccata. Tertio jus cœli adiungit ei qui delinquit. Aut igitur resipiscendum, aut cœlo valedicendum. Quarto quodcumque letale peccatum incendiis punit æternis, & tamen (quod obitupefendum dictu est) circa condignum punit. Omnium Theologorum ore asseritur, noxæ letali cuius vel unicæ sempiternum esse decretum supplicium, nec ullis tamen æternitatibus futurum ut dici possit: Hæc noxa sat pœnarum sustinuit. Quid ergo est peccatum mortiferum? Heu, Eheu! Hic omnes Angeli lo-

P 2

quan-

a Peccatum. b Sene. epist 95. post med. c Ulat. cap. 1. vers. 13.

quantur, nec tamen satis eloquentur illud infinite abominandum, quod sub mortifero peccato vel unico delitescit.

Horrendum est quod in detestationem peccati letalis Ludovicus Blosius *a* pronuntiat: Si Mater Domini, ait, Virgo beatissima peccasset mortaliter, ac sine contritione mortua esset, cœlum nunquam obtinisset, sed cum demonibus in inferno cruciaretur. Tam exacta est Dei iustitia.

Atque hoc sanctissima feminae Brigittæ *b* patefactum, quæ daemones ad lupremum iudicem sic audiit vociferantes: Si res illa, quam præ omnibus diligis, quæ est virgo quæ te genuit, & quæ nunquam peccavit, si inquam illa peccasset mortaliter, & sine contritione divina mortua fuisset, sic diligis iustitiam, quod anima ejus nunquam obtineret cœlum, sed esset nobiscum in inferno.

Nimium obstupefascenda vis est cujuscunque peccati letalis. Miratur Plinius argentum, æs, aurum in sacculis cera obsignatis, à fulmine liquari, sacculis penitus illasis, & cera signo ne quidem confuso. Mirabilis multo est animam solius peccati abditissimo ilapsu ita jugulari, ut eam æterna mors sit obnoxior habeat semper jugulandam, nunquam extinguendam.

Solenter submonens Chrysostomus: c Fratres mei, ait, nolite pueri effici sensibus, sed malitia parvuli essere, etenim puerilem pavorem habemus, mortem timentes, pueri enim

*a* Blosius *Manit. spirit. cap. 1. ad finem.* *b* Relationes S. Brigittæ lib. 4. cap. 7. ante m. cuius ipsissima verba sunt. *c* Chrys. hom. 1. ad pop.



enim larvas timent, ignem non timent facile, quippe manum admovent igni: sic & nos timeamus mortem, quæ larva est digna contemptu, peccatum verò non timeamus, quod verè timendum est. Peccatum, quia omnem eripit divinam gratiam, miseriis peccantem omnibus subjicit, & ad mortem trahit æternam. Atque hoc tertium est nostræ assertionis caput.

IV. Quartum est: *Quisquis letaliter delinquit, cælum in omnes æternitates perdit.* Peccatum cælo excludit, cælo empyreo, quod ornatu amcenissimum, situ altissimum, spatio amplissimum, omni ex parte perfectissimum Mundi miraculum. Hoc tali cælo excludit peccatum. Supremi regis decretum novimus à Paulo promulgatum: Omnis fornicator, aut immundus, aut avarus (quod est idolorum servitus) non habet hereditatem in regno Christi & Dei. Damnum hoc non ultimum, sed certe maximum est. Tametsi nocumentum aliud non inferatur à peccato, istud abunde satis, & nimium, quam satis est, delitiis privari æternis. Dici potest hoc damnum, æstimari non potest. Recte Augustinus: Si possemus, inquit, facere b fratres, ut dies judicii non veniret, puto quia nec sic erat male vivendum. Sit ergo; Ignis divini judicii neminem corripit, quibuscunque lubuerit delitiis affluant peccatores, & semper affluant, si tamen separati sint à divino vultu, nec eam unquam videant à quo creati sunt, infinito & damno, & supplicio mactati sunt, meritoque in qualibet

P 3

æter-

a Eph. cap. 5. vers. 5. b Aug. tom. 8. in psal. 49. post princip.

214 DE DAMNATOR. ROGO  
æternitate, ut Augustinus loquitur, & im-  
punitate peccati plangere se deberent.

Illud quidem dictum in Rhetorum scho-  
lis videtur natum: *a* Quis mihi det mem-  
branas perinde ut cœlum extensas, quis  
mihi tot calamos suppeditet quot arboribus  
sunt folia, quis mare in atramentum mu-  
tet, ut scribam damna quæ letale peccatum  
infert. Sed nulla hic auxesis, exaggeratio  
nulla, nam etsi tot sint calami, tantum mem-  
branæ ac attramenti ad scribendum, nemo  
tamen unquam perscripserit, quantum ho-  
mini peccatum noceat, cum noceat æter-  
num.

Veritas ipsa pronuntiat: *b* Bonum erat ei,  
si natus non fuisset homo ille. Nam hominis  
istius imaginem in cælesti civitate ad nihi-  
lum redegit Deus, idque jure merito, quia  
infinitam Deo contumellam intulit. Quanto  
enim minus est bonum quod Deo præfer-  
tur, tanto major est quæ Deo infertur con-  
tumelia. Atquin omnis thesaurus, voluptas  
aut dignitas omnis bona sunt infinite mino-  
ra Deo. Infinita igitur Deo fit injuria, cui æ-  
quissime respondet infinita pœna.

Et nonne is sibi plurimum obstringit  
eum, cui centum auri marcas largitur gra-  
tis? Atqui vel sola lingua, vel oculi soli à  
Deo nobis concessi mille auri marcas in in-  
finitum superant: Accedit corpus, & cor-  
poris inquilinus animus vel mille Mundis  
pretiosior.

Ægidius è divi Francisci sociis hominem  
profanum instruens: Quidam, ait, ma-  
nibus, pedibus, & oculis carebat. Hunc

unus

*a* Amandus Horolo. Sapi. l. i. cap. 4. *b* Matth.  
cap. 26. vers. 24.

unus aliquis amicorum sic allocutus est : Si quis, amice mi, & manus tibi, & pedes, & oculos restituat, quid tu illi reponas sosti loco? Servum, inquit, me illi addicam in omnem vitam. His in antecessum dictis Aegidius: Et tibi, mi frater, quis manus, & pedes, quis oculos, & linguam, & aures, totumque corpus, quis animum, & quicquid boni habes, largitus est? Deus utique. Igitur si ob restituta membra non multa, te servum geras: quid ob attributa tibi membra omnia, Domino Deo rependes? Quam autem indignum est oculis eum offendere, qui oculos dedit, & iis illum manibus laddere, qui manus tribuit, & ea illum lingua laccellere, qui linguam formavit?

Hinc certe infinita serviendi Deo nos vincit obligatio, atque ob hanc etiam transgressionis culpa, & quod sequitur, culpæ poena est infinita. Nam, quod breve fuit tempore vel opere, inquit *a* Bernardus, longum esse constat in pertinaci voluntate. Quia sicut condemnatus est, qui in vitiosa permanet voluntate, si reprehensibilis est, qui in aliis non studet proficere. Sic omnino, cujus vita moritur in culpa, ejus mors vivit in poena, eaque sempiterna: Sine fine vivere cogetur, ut sine fine per mortem crueretur. Mors eum semper depascet, nunquam consumet.

Eheu, rapidissimi temporis volaticam hilaritatem, seu hilare momentum opibus gloriæ, voluptatibus nullo ævo morituris præponimus; acum perdimus, & tristamur; coelum amittimus, & ridemus. Scimus à quolibet graviore delicto æterna-

216 DE DAMNATOR. ROGO  
nitatempendere duplicem, felicem & infelicem; Illius jacturam, hujus poenam cui-  
cunque letali noxæ decretam esse. Scimus  
hæc, scimus, & tamen tam temere delin-  
quimus, maxime in tam dubia vita, quæ  
nullum momentum à morte liberum pol-  
liceri potest. Quis sibi horam post scelus  
alteram, quis adeo momentum doloris &  
poenitentia vel unum spondeat? Nihilo-  
minus in tanta vitæ incertitudine, tam  
dubiare, scientes volentesque salutis æter-  
næ, ignis æterni periculo nos exponimus:  
ita sponte animi flammis nos induimus non  
morituris, gloria exuimus æterna. Sic re-  
vera cælum insani odimus. Cælum odit  
qui contemnit, qui negligit, qui ultro pec-  
catis se involvit.

Lacon, uti Plutarchus *a* memorat, voto  
seipsum obstrinxerat, de rupe Leucade  
præcipitem se dare. At ubi conscendit mon-  
tem, & formidandam altitudinem conspe-  
xit, horrore concepto avertit sese, & pe-  
dem revocavit. Cumque illi hoc probri gra-  
ria objiceretur: Non putaram, inquit, ad  
illud votum majore opus esse voto. Qui  
facinus arduum animo concipit, prius ani-  
mum facinori parem induat necesse est. Ve-  
rum quid illud ex edita rupe, in imam vo-  
raginem præcipitium, ad illud sit è cælo in  
tartarum sese abjicere? Qua igitur ratione  
innumeri seipsum præcipientes agunt è sede be-  
atorum, in barathrum diabolorum? Nimi-  
rum clausis oculis id faciunt, infinitam pec-  
cati malitiam non expendunt, inextricabi-  
les æternitatis gyros non respiciunt. Vi-  
am ad inferos cæci ac compressis oculis per-  
currunt.

*a Plutarch. in Lacon.*

currunt. Quisquis verò cecidisse non sustinet, omnibus studiis ac votis hoc precipitium cavet. Mavult omnia pati, quam illuc deici, unde reditus negatur.

V. Quintum assertionis nostræ caput est : *Quisquis letaliter delinquit, in sempiternos inferorum rogos se mergit.* Æternitas ignis infandum peccati supplicium. Nil insit peccato mali, hoc certe malorum omnium compendium est. Peccati stipendium æterna mors. Anima a quæ peccaverit, ipsa morietur : justitia justî super eum erit, & impietas impij erit super eum. Præclarissime Augustinus : *b* Quanta poena est, inquit, tantummodo à facie Dei separari ? Qui autem illam dulcedinem non gustaverunt, si nondum desiderant Dei faciem, timeant vel ignem ; supplicia terreant quem præmia non invitant. Vile tibi est quod Deus pollicetur, contremisce quod minatur. Veniet dulcedo præsentia ; non mutaris, non excitaris, non suspiras, non desideras ? Amplexaris peccata tua, & delicias carnis tuæ ; stipulas ad te congeris, veniet ad te ignis. Ignis in conspectu ejus exardescet. Non erit ille ignis sicut focus tuus, quo tamen si manum mittere cogaris, facies quicquid voluerit qui hoc minatur. Si tibi dicat. Scribe contra caput patris tui, scribe contra capita filiorum tuorum ; nam si non feceris, manum tuam mitto in focum tuum ; facies, ne ardeat manus tua, ne ardeat ad tempus membrum tuum, non semper in dolore futurum. Minatur ergo inimicus tam leve malum, & facis malum : minatur

P 5

Deus

a *Ezech. cap. 18. v. 4 & 20.* b *Aug. tom. 8. in Psal. 49. post princi.*

Deus æternum malum, & non facis bonum?

Quicquid malorum diaboli in animos nostros invehunt, id opera peccati faciunt. Hinc innumeræ animi perturbationes, formidines, suspiciones, fluctuationes, mœrores, anxietates, desperationes. Sic hominis animus per peccatum fit infernus. Non est pax impiis, dicit Dominus.

Homines ii qui peccatis sese permittunt, à cacodamone tot catenis onerantur, dum ipsi suo se pondere in inferorum barathrum præcipitent. Dum vivunt, inferis identidem \* viciniore sunt, veluti cum grande saxum è monte devolvitur, toties revolutum ruit, dum in imo sit. Sic carnifex furrem magnæ olim dignitatis, cum per fatales scalas attraheret, his eum vocibus animabat: † Domine, adhuc unum gradum superemus. Tandem collum inferitur resti. Sic & aviculæ ad insidiosam escam invitatae toties eunt, redeunt, iterum iterumque cum pluribus remeant, dum denique capiuntur. Sic & potatotes: Adhuc unum caliculum, ajunt, adhuc unum; hic ultimus esto: Sicque caliculos toties repetunt, dum vino faucii è mensa sint asportandi. Hæc ratio peccandi est. Initio satis est fecisse semel. Tum duplicantur, quadruplicantur, multiplicantur, centuplicantur lapsus.

Ita

a *Isai. cap. 48. vers. 22.*

\* Noch ein ruckertlin / wider ains / und aber ains / nur noch ein ruckertlin / bis man im Abgrund ist.

† Her / noch ein Stöffelin; *scalarum radium designabat.*

Ita qui principio clam ac verecunde deliquit, denique perfricta fronte impudenter audet facere, quod cogitare aliquando verebatur. Ita turpitudine prima plerumque non sola, cæteras post se trahit grandi numero turpitudines. Coepitum est ab una, addita altera, & tertia, & decima, & centesima. Sic furculus excrescit in silvam, sic gutta tumescit in Oceanum, sic scintilla gliscit in incendium æternitate tota non sopiendum. Hæc omnia peccati sunt stipendia.

Atque ideo plurimi maluerunt mori quam vel semel peccare. Castissimus Joseph mavult famam, imo & vitam perdere, quam castimoniam temerare. Verecundissima Susanna: Melius est mihi, exclamat, a absque opere incidere in manus vestras, quam peccare in conspectu Domini. Dulcius ei fuisset lapidibus insterni, quam adulterio inquinari. Beatissimus Paulus b certus est à Charitate Christi se nec morte quidem separandum.

Ambrosius præsul longe paratior est omnia pati quam male agere. Cum enim Rufinus Theodosio Imperatori spem faceret recedendi à sententia præsulis: Novi ego, ait Imperator, constantiam Ambrosii; nullo regis Majestatis terrore Dei legem transgredietur.

Chrysostomus non minus animosus Eudoxiæ Augustæ fatales minas adeo non exhorruit, ut fuerit qui Imperatrici hæc renuntiaret: Frustra hominem terremus; nihil ille nisi peccatum timet. Rex Galliarum

Ludo-

a Dan. cap. 13. vers 23. b Rom. cap. 8. vers.

Ludovicus etiamnum puer à Blancha matre didicit , potius mortem oppetere , quam consensum letali noxa permittere.

Anselmus Cantuariensis Antistes , si ei liberum fuisset , aut letali peccato , aut Orci barathro se mergere , maluisset mergi barathro quam peccato. Edmundus in eodem solio successor dignissimus : Potius , aiebat , in ardentem rogi in siluero , quam ullum peccatum sciens in Deum committere.

Sane Democles emendatissimæ formæ juvenis , ut Demetrii regis vim impudicam eluderet , in bulliens ahenum insiluit. Suavior ei fuit tam acerba mors , quam vita minus casta. Sic & Papianus Jureconsultus , licet Christianis sacris non imbutus , mori maluit , quam Caracallæ Imperatoris facinus in fratrem designatum defendere. Hinc vetus a dictum :

*Tolerabilior est qui mori jubet , quam qui male vivere.*

Homo letali crimine contaminatus vilior ac inferior est cane , porco , bufone. Hac enim unam naturæ mortem debent , ille duas. Unam , sed brevem naturæ ; alteram , sed æternam Deo. Homo peccatis mersus , Basiliscorum nidus , latronum infernalium spelunca recte dicitur. De improbis istis affirmans Paulus : Pœnas , inquit , b dabunt in interitu æternas à facie Domini , & à gloria virtutis ejus , exclusissimi in omne ævum.

Heu , quæ unquam ætas tam efferam tulit belluam , quæ in aliam plus quam simplici morte favinet ? Aut quis carnifex,

a Publii Mimi. b 2 Thess. cap. I. vers. 9.



fex, quis tyrannus, morte una non contentus, mori post mortem docuit? Semel occidisse cuicumque barbaræ crudelitati satis est. At Peccatum omni bellua & tyranno savius, non contentum semel in hominem saviisse, savit æternum. Vides reum, ad rotam trahi, & in via candentibus forcipibus lacerari; mox è tam gravi supplicio, immanja hominis facinora fuisse colligis; quantum ergo piaculum erit, quod nec æternis quidem suppliciis unquam expiabitur?

Et hæc toties agitari, hæc toties à Deo denunciari, nec manum nos à sceleribus retrahere? Hæc sciri, & tamen divinas leges audacissime violari? Hoc nimirum æterno cæli exilio mulctat, hoc ignibus æternis obicit, in quibus & animus & corpus æternum urantur, quasi vitam subministrant flammis & pœnarum materiam. Quæ qui tacitus secum serio cogitat, non frena injiciet cupiditatibus, & labantem reprimet dexteram, & meliore coget ire via? Stultum est pexire malle, quam curari.

O homines cogitate ista: res hæc nimis quam seria est & momentosa! Non levi pretio paratur cœlum.

At interim tam secure nihilominus ac libere peccant homines, quasi Deus id nesciat; tam audacter, quasi non prohibeat; tam impudenter, quasi non videat. Miramur fluitiam Esau, cui lentis edulium jure primogeniti longe potius visum est. Mirari desine, quisquis jus cœli infra voluptatulum vilissimam habes, qui gloriæ hæreditatem fumo vendis & nebula vanissimæ laudis. Ubi generosorum voces? Malo mori, quam peccare.

Nar-

Narrat Plutarchus Lyſimachum apud Ge-  
taſeo ſiti redactum, ut ſe cum toto exercitu  
in poteſtatem hoſtium dederet. Cumque  
jam dedititius frigidam biſſet, dixiſſe: Proh  
a me hominem pravum, qui tantillæ volu-  
ptatis gratia tantum amiſerim regnum? Quan-  
to rectius hoc dixerit, quiſquis letali ſe noxa  
obſtringit: Proh me hominem fatuum, &  
omni modo nequiſſimum, qui cœlum brevi  
fœdaque voluptate vendo, qui res creatas  
creatori præfero, qui magis vitium quam  
virtutem colo, qui mortem potius quam  
vitam eligo, qui perire quam ſervari ma-  
lo.

Ah! Avare, quantillo vendis lucello cœ-  
lum? Heu Lascive, quantilla mutas obleſta-  
tiuncula delirias æternas? O Iracunde & In-  
vide, quam raro veſtris cogitationibus inter-  
eſt gehenna? O potulente & ebrioſe quam  
inique tuos calices ambroſiæ & neſtari præ-  
ponis? Heu quantæ inſaniæ eſt, beata æter-  
nitate propoſita, ob unius prope momenti  
gaudium, æternum illa excidere velle? Vo-  
luptas & Vindicta, Ebrietas & Crapula, o-  
mniaque vitia momento deſectant, tormen-  
ta illis debita æternum cruciant.

Quid jam miramur, quod Deus improbos  
æternum puniat, cum etiam probos æter-  
num remuneretur. Deinde, quod jam ſæ-  
pius delictum, qui peccat ob volaticam vo-  
luptatulam, ſeipſum diabolo vendit, quid mi-  
ri, ſi emptor jus acquirat perpetuum? Sic

aper-

a Aut; Dii boni, quam ob brevem voluptatem,  
ſummam amiſi felicitatem! Plutarch. parte 1.  
moral. lib. de Sanitate tuenda, miſi pag.  
257.

apertissime Achabo regi Elias : Inveni, ait, a te inimicum mihi, eo quod ventundatus sis, ut faceres malum in conspectu Domini. Id super & illud ex se notum, ab eo qui culpæ committæ jungit contumaciam, augeri & pœnam. Quando igitur qui apud inferos torquentur, peccatis jam commissis addunt contumaciam (nihil enim pœnitentiæ vel emendationis in Orco) simul etiam augent injuriam.

Ergo intelligite hæc b qui obliviscimini Deum: ne quando rapiat, & non sit qui eripiat. Ille ipse judicabit qui læsus est. Ab hoc ad alium provocatio erit vana, defensio frivolæ, excusatio stulta, favores inutiles, preces steriles, patrocinium serum, detrectatio nulla. Nam Judex inadulabilis & incorruptus, sententiæ suprema & irrevocabilis, decretum æternum, æternum est supplicium.

## CAPUT XV.

*Cur unica letalis noxa supplicio afficiatur aeterno?*

**N**emo miratur narrantem, unicæ scintillæ neglectu civitatem bene magnam incendio haustam. Vulcani vires novimus, & ingluviem horrendam: robustissimus & voracissimus est; dum pabulum habet, vorare non desinit, & vorando crescit. Omnia glutit; domos, & urbes, & regna sorbet. Non amicos novit, non hostes. Omnia diruit, nusquam sistit, absomit omnia. Arserunt urbes, arsurum & Orbem ipsum credimus. Quas fauces, quem esse ventrem

trem dicam, cui tam grande pabulum obijcitur, nec famem sedat. Non itaque miramur scintilla urbes integras deflagrasse; miramur incendium non citius extinctum fuisse.

Eundem pæne in modum, Vitam momentum esse affirmanti non adversamur, utique vita Aternitati comparata vix momentum appellabitur. Quod si dicatur, ab hoc momento Aternitatem pendere, nec hoc miramur, scimus namque aeternum præmium comparari non labore aeterno. Nam si labor aeternus foret, merces non foret aeterna. Neque vero etiam miramur asseri, hoc vitæ momento posse gaudium obtineri aeternum, Hoc enim non nostris, sed Christi promeritis tribuimus.

Sed quod miramur, hoc est; brevissimo saepe tempore, unico imo momento, imo cogitatione unica supplicium aeternum commereri. Actiones cum virtute conjunctæ præmium adipiscuntur aeternum; ob Christi Domini promerita, quæ infiniti sunt pretii: at verò qua ratione delicta nostra infinitæ sint nequitiae, adeoque infinitum iis supplicium debeatur, id nostram intelligentiam excedit; non assequimur hoc Theologiae arcenum. Quid igitur foedæ voluptatis horula, aut pars horulae, vel ut Tertullianus loquitur, vaporata libidinum momenta, quid habent obsecro delitescentis malitiae, quæ omni Aternitate satis expiari nequeat, quæ sempiternis ignibus castiganda? Miramur; non capimus,

Huic quaestioni nonnihil responsum est in superioribus. Sed quia res magni momen-

ri, & captu difficilis, eam explicatius jam trademus, explicaturi, Cur brevissimi temporis noxa suppliciiis æternis vindicetur. Ita hic Æternitatis luctuosissimæ causam efficientem prosequemur.

I. In sacris Christianis arcana quædam sunt, quæ nemo satis intelligentia & ratione comprehenderit, horum quinque potissimum numeramus.

Mysterium sacrosanctæ Triados; Christus hominem indutus; Eucharistiæ miraculum; Mortuorum in vitam reditus; Æternitatis supplicium. Quia vero hæc creditu difficilia, ideo illa singulariter divina providentia Oraculis, Conciliis, Miraculis confirmavit. Nostrum hic est de suppliciis æternis differere, & cur ea Deus, cujus natura est misereri, voluerit esse æterna.

Varia sunt Theologorum responsa. Sed, cum venia illorum dixerim, an ad caput rei perveniant, nescio. Sunt qui dicant, nec displicet responsum: Scelerati in locis infernis semper peccant, ideo semper puniuntur. Quid ergo iniqui est in eo non desinere peccam, qui perseverat injuriam.

Non displicet responso. Imo non solum apud inferos æternum peccant damnati, sed etiam apud nos, dum viverent, aliquam peccandi æternitatem invenerunt. Perpendamus hic obsecro mature.

Quisque ad usque mortem noxas iterat, in suo (sic dicam) æterno peccat, ideo in æterno Dei iustissime punitur. Tam vere

quam

2. § 2. Fateamur damnatorum blasphemias, non proprie peccatum appellari.

quam eleganter Gregorius : Constat nimirum , inquit , & vero verius est , nec inter beatos finem gaudiorum , nec inter damnatos finem esse tormentorum. Veritatis decretum est : *a* Et ibunt hi in supplicium æternum ; iusti autem in vitam æternam. Quia enim verum est quod promisit Christus , falsum procul dubio non erit quod minatus est Christus. Sed dixeris : Scire velim , quomodo iustum sit , ut culpa quæ cum fine perpetrata est , sine fine puniatur ? Respondet beatissimus Pontifex : Hoc *b* recte diceretur , si districtus iudex non corda hominum , sed facta pensaret. Iniqui enim ideo cum fine deliquerunt , quia cum fine vixerunt. Nam voluissent utique si potuissent sine fine vivere , ut possent sine fine peccare. Ostendunt enim quia in peccato semper vivere cupiunt , qui nunquam desinunt peccare , dum vivunt. Ad magnam ergo iustitiam iudicantis pertinet , ut nunquam careant supplicio , qui in hac vita nunquam voluerunt carere peccato.

Hic velim , unum aliquid solertissime observari. Est aliqua peccati adhesio seu circumstantia longe pessima : *Non peccasse tantum , sed cupere amplius peccare.* Hæc peccandi cupiditas interiorum suppliciorum dignissima est. Siquidem Deus non tantum respicit peccata quæ facta sunt , sed & concupiscentiam ac stimulum ad facienda. Exemplo rem monstramus.

Vir iste triginta annorum , sic ponitur , gehennæ addicitur , quia peccare non desuit. Si quinquaginta , si sexaginta aut septuaginta annis vixisset , totidem annis peccasset. Si centum , si mille annis vixisset , non paucioribus

ribus peccasset; si ei æterna fuisset vita, æterna fuissent & illius peccata. Quia ergo tanta, & ad peccantis animum æterna est peccandi sitis ac concupiscentia, jure merito æterna erit & peccatorum pœna. Ergo, quod Gregorius inculcat; Nunquam creant supplicio, qui in hac vita nunquam voluerunt carere peccato.

II. Dammati porro noxas, quas contraxerunt, non eluunt; malitiam, dum viverent, coeptam non exuunt. Neque enim id gratiæ à Deo habent ut resipiscant. Idud autem longe horribilissimum est, & plusquam infandum. Dammati gratia divina omni adeo sunt spoliati, ut æternitate tota nullus eorum distans sit: *Miserere mei Deus*. Tantum profecto gratiæ illorum nemo habebit. Quo sane diabolis sunt simillimi, è quibus nulla vis tormentorum unquam exprimet, vel solas has voculas; *Peccavimus, parce*. Hinc non male quis dixerit: in inferno meros merissimos esse diabolos, hoc est, obstinatissimos ac desperatissimos Dei hostes, quales non diaboli tantum, sed & omnes damnati sunt.

Quæ in re sceleratus dum in vivis, damnatus dum in tormentis est, æquales sibi sunt, suis viribus neuter ab animi morte revocare se potest. Divino hic opus auxilio. Quod Deus, dum vivimus, nunquam denegat, etsi millies gratia excidamus, sed simul tamen monet: Attende tibi, nunc facio delicti gratiam, non eam facturus semper. Præmoneo, & pacifcor; dum animus hæret corpori, fores misericordiæ tibi patent; ingredi. Ubi animus à corpore abierit, hæ fores obserabuntur.

Æquissime prorsus. Nam si damnatus decies millies, si vicies, aut tricies millies ac sæpius petisset veniam, dum vixisset, repulsam non tulisset. Post exitum vitæ, non amplius veniæ, non auxilii, non gratiæ quidquam sperandam.

Hæ pactiones erant, nec mille admonitiones deerant; oblatam gratiam non esse repudiandam, misericordiam, dum liceret, amplectendam. Neutrum factum; gratia effusa, misericordia neglecta; placuit esse miserum; libuit perire. Ergo qui pereunt, suis pereunt votis, suo se gladio jugulant: noluerunt amici esse Numinis, ex pacto nunquam erunt.

Deinde, actiones improbæ bonis adversantur rectissime. Enimvero his æternum præmium debetur, illis itaque supplicium æternum. Nam (quod in philosophorum scholis tritissimum) contrariorum eadem est ratio. Beatitudinis perfectio est, beatum esse sine fine: Tormentorum in Orco ratio est, sine fine esse miserum. Christus Ecclesiastes è cœlo divinissimas conciones suas omnes hoc omnino epilogo clausit: Et ibunt hi in supplicium æternum: iusti autem in vitam æternam. Quod Matthæus a afferens: Et factum est, inquit, cum consummasset Iesus sermones hos omnes. En, exhortationes suas Dominus Iesus non alia signavit clausula, quam hac ipsa, de præmio ac supplicio æterno. Nimirum tam iustus est Deus, quam misericors; amicis summum gaudium, inimicis tormentum summum decrevit.

III. Et hæc quidem congruentissime dicuntur. Sed num à capite rem arcessimus?

Ego

a *Matth. cap. 25. fine, & cap. 26. initio.*



Ego hic Augustini sapientissimum pronuntiatum venerabundis brachiis amplector. Vir sanctissimus ita loquitur: *a* Factus est malo dignus æterno, qui hoc in se peremit bonum, quod esse posset æternum. Hæc ipsissima supplicii æterni causa est, infinita cujuscunque letalis noxæ malitia. Cum enim Bonitas offendatur infinita, offensio infinitam exerit malitiam, quæ summum Bonum tam temerario aggressu violare audet.

Theologorum princeps Thomas Aquinas: Peccatum, inquit, nihil aliud est, quam actus humanus malus. In omni vero letali peccato duplicem assignat malitiam. Prima est, Actus rationi ejusque regulæ dissentaneus. Altera est, injuria Deo irrogata contemptu Dei. Atqui hæc malitia nihil aliud est quam voluntaria à Deo aversio, quæ pœnam meretur infinitam, quando Bonum abjicit infinitum. Certe omnis letalis noxa contemptum Dei præ se fert. Exemplo rem monstramus.

Vrbis Italæ lex capitalis est: Nemo gladium, nemo pugionem gestato. Qui legis gnarus data opera nihilominus & gladio & pugione se armat, magistratum aut principem legis latorem spernit: Non aliter edixit Deus: Nemo furetur, Nemo mentiat, Nemo adulteretur &c: At inspectante Deo hic furatur, ille mentitur, iste adulteratur, quicquid lex dicat. Num hoc non est contemnere Deum? Qui Cæsaris edictum violat, in Cæsarem peccat: Quisquis leges divinas spernit, Deum contemnit. E sacris paginis id liquet: *b* Anima quæ peccaverit, & contem-

Q 3

pto

*a* Aug. lib. 21. de Civit. Dei cap. 12. mihi pag. 283. *b* Levit. cap. 6. vers. 1.

pro Domino negaverit proximo suo depositum. Sic & Augustinus: Peccatum est, inquit, spreto incommutabili bono, rebus commutabilibus adherere.

Hinc infinita illa malitia emergit. Nam quo Majestas quæ læditur, major, hoc & offensio gravior est. Virum nobilem lædere, grave est; gravius, dyastam; gravius, Commitem. His tamen multo gravius est lassisse Principem; longe gravissimum lassisse Regem aut Cæsarem. Sic gradatim itor in humanis. Quam ergo grave sit lassisse Deum infinitæ Majestatis dictatorem?

Hinc infinita hæc malitia vel unicæ letalis noxæ, cogitationis impura vel unica, nullo actionum bonarum cumulo potest redimi. Nam si in una divinæ Justitiæ lance, omnia beatissimæ Matris Virginis, omniumque divorum ac calitum promerita componantur; in alteram noxa letalis vel unica conjiciatur, illa omnia hujus unius molem nunquam æquaverint, illa pro hoc nunquam satis fecerint. Dictu proorsus formidabile est, omnium proborum hominum sanctas actiones, unius letalis culpæ pondere superari. Hoc tamen nemo mirabitur, qui Deum Deique Majestatem immensissimam aestimaverit. Conditorum omnium à re condita contemni infandæ temeritatis facinus est. Divini oris pronuntiatum novimus: Reus erit æterni delicti. *a*

IV. Tanta est igitur tamque infinita noxa letalis cujuscunque malitia, ut nullis virtutum officiis pensari possit, ni eam iudex supremus ultro condonet. Qua in re Deus multo quam liberalissimus, vel uni homini

mille

millies iterumque millies culpæ gratiam facit, & impunitatem concedit, ea tamen lege, ne culpam repetat, aut repetitam, pœnitentia prius expiet, quam in alium Orbem migrer. Differt ille, & debitor obit? æterni delicti reus est, eritque semper.

Ad rem insigniter Augustinus: Qui pro aliquo grandi crimine, inquit, a morte multatur, nunquid mora, qua occiditur, quæ perbrevis est, ejus supplicium leges æstimant; & non quod eum in sempiternum auferunt de societate viventium? Sicut enim non efficiunt leges hujus civitatis, ut in eam quisque revocetur occisus: sic nec illius, ut in vitam revocetur æternam secunda morte damnatus. Si magistratus reo, in perpetuum vitam adimit, quam non dedit, non idem Deus jure meritissimo possit?

Quando igitur infinita noxæ letalis malitia pœnam commeretur infinitam, hæc autem non possit per intensiorem infligi (uti in scholis loquuntur) per extensionem infligatur necesse est, ut scilicet quod non habet tormenti atrocitas, habeat temporis diuturnitas. Dabit *b* ignem & vermes in carnes eorum ut urantur, & sentiant usque in sempiternum.

Cum nos hæc talia meditamur, putem sic esse affectos debere, prout sunt qui plurimæ rapacitatis sibi conscii, non sine gemitu supplicium sibi debitum in aliis cernunt. Fit nonnunquam ut vir magni nominis & famæ patibulum transeat, & oculis suspiriis seipsum feriat, hæc apud animum suum vol-

Q 4

ven-

*a Aug. lib. 21. de Civit. cap. 11. med. b Iudit. cap. 16. vers. 21.*

vendo: En miseri isti ventis inane ludibrium, nobis triste spectaculum, etiam post mortem luunt quæ vivi deliquerunt. Et quæ eorum tanta facinora? Sunt forsan ex iis, quorum omnia furti (quod sapius compertum) quinque aut sex florenos non exceſſerint. Et tu qui aliquot florenorum millia sensim intervertisti, sanus & incolumis obambulas, in byſſinus ac holosericus incedis, honorifice salutaris, & jus in miseros dicis, patibulo præ his miseriſ centies dignior: hi reculas viſſimas compilarunt, & pendent; tu fortunam auream crebrius suppilasti, & triumphas. Cave; Dii lanceo ac lento incedunt gressu, sed tarditatem vindictæ gravitate compensant.

Ita prorsus cogitandum cuique nostrum cum inferos cogitamus: Heu, quot capitalia commisi erimina, & tamen etiamnum à flammis salvus sum: quam multi, non dubitem, in Orcino barathro ardent, æternum æturi, qui longe pauciores quam ego, & forsan unicam letalem noxam contraxerunt. Divini ſcilicet favoris etiamnum mihi splendet, illis qui rarius & levius quam ego deliquerunt, æterna nox incubat. Cave; tardo tacitoque pede ultio divina inſerpit. In arcto ſtas præcipitio, & non horres? levissimo cades impulsu; qui diu ſteteras, momento rues: & quo rues? abyſſus & chaos flammeum ruentem excipiet. Cave, vel digituli motus te præcipitat; unica te febricula, gravedo aut apoplexia, punctiuncula aut glans unica æternitati te objicit. Cadis amicus Numinis? excipiunt Angeli. Sin aliter? excipiunt diaboli, excipit æternus ignis.

Pu-

a Sideratio nervorum.

Putat sanctus Ignatius multos in inferorum ergastulis cruciari, qui forsan unico letali nervo se contaminarunt, sive jam perjurio, sive vindictæ desiderio, seu cogitatu obscæno, sive alio loquendi, cogitandi, agendi modo deliquerint.

Cogitandum etiam serio. damnatos, fuisse homines nobis similes, & multos eorum Christianos, qui sacramentis & concionibus, qui libris sacris & admonitionibus ad optima quæque invitati, forsan aliquanto tempore vitam integram piamque duxerint, familiares cum Deo: Paullatim remissius ac socordius agendo, in peccatum mortale prolapsi, iusto Dei iudicio æternis incendiis sint addicti.

O mortales, ponite corda vestra, clamat Aggeus vates, & ponite corda vestra super vias vestras.

V. Sigismundus Imperator, quod Æneas Sylvius narrat, Theodoricum Colonicensem Pontificem inter principes maximæ auctoritatis virum diversa interrogans: Quo pacto, aiebat, ea obtinenda est felicitas, qua quis vere dicatur felix? Cui Theodoricus: Hæc inquit, inter mortales frustra quaeritur. Imperator iterum: Ergo, inquit, ad illam cælestem, quæ rectissima ducit via? Huic Præsul: Meo sensu, inquit, nec certior, nec tutior est, quam sincera in rebus agendis omnibus intentio. Et qualis, inquit Imperator, in viam hanc ingressus est? Ad quæ Theodoricus: Non difficilis, ait, modo tales simus cum sumus sani, quales nos futuros esse promissimus, cum fuimus æ-

Q 5

groti.

groti. Responsum ad omnia sapienter.

Et vere nulla hic vera felicitas est, quarimus illam, non invenimus. Summa hic rerum inconstantia; nutant & vacillant omnia; sordet voluptas omnis ad beatam aternitatem collata. Via vero ad delicias caelestes rectissima est, pura in omni actione Intentio. Hanc porro viam ingredimur, si nostra ipsi promissis stemus, si quæ in gravibus periculis, in vehementibus morbis, in confessionibus sacris promissimus, in opus educamus, & è verbis faciamus facta.

O varium & mutabile semper, humanum propositum! Siracides clamat: Qui baptizatur à mortuo, *a* & iterum tangit eum, quid proficit lavatio illius? Post baptismum mortuum tangit, qui culpam post lacrymas repetit. Clamat Isaias: *b* Lavamini, mundi estote. Lavamur, sed ad sordes brevi revertimur. Post lavacrum mundus esse negligit, quisquis innocentiam vitæ, post poenitentiam non custodit. Clamat iterum Siracides: *c* Non alliges duplicia peccata, nec enim in uno eris immunis: non iteres verbum in oratione tua. Verbum in oratione iterare, est, post fletum committere, quod rursum necesse sit flere. Quod Gregorius confirmat *d* his omnino verbis: Quisquis peccata plangit, nec tamen deserit, cor quidem conterit, sed humiliare contemnit. Ideo, inquit, admonendi sunt qui admissa plangunt, nec tamen deserunt, ut considerare solliciti sciint, quia fiendo inaniter se mundant, qui vivendo

*a* Eccli. cap. 34. vers. 30. *b* Isai. cap. 1. v. 16.

*c* Eccl. cap. 7. vers. 8. & 15. *d* Greg. tom. 3. parte 3. pastoral. cura admonit. 31. mihi pag. 197.

vendo se nequiter inquinant, cum idcirco le-  
lacrynis lavant, ut mundi ad sordes rede-  
ant. Hinc scriptum est: Canis reversus ad  
suum vomitum. Et quoties Christus Domi-  
nus a unumquemque nostrum inclamat.  
Ecce sanus factus es: jam noli peccare, ne  
deterius tibi aliquid contingat. Hæc audi-  
mus, & dissimulanter contemnimus. Ideo  
planissime Bernardus: *b* Irrisor est, inquit,  
& non verus poenitens, qui adhuc agit quod  
poenitet. Si ergo vis verus esse poenitens, ces-  
sa à peccato, & noli amplius peccare. Sic  
plange commissi, ut non denuo committas  
plangenda. Quoniam inanis est Poenitentia,  
quam sequens coinquinat culpa.

VI. Hæc scimus, & vero etiam, quicquid  
à nobis exigitur, facturos promittimus, &  
nihil fit. Ah, quoties, & quanta sanctissi-  
me spondemus, & nihil fit; ejuramus pri-  
stinos mores amoresque obscenos, & nihil  
fit; vitam pollicemur emendatissimam, &  
nihil fit. Parturimus grandia, tandem mu-  
sculus, hoc est, imbelle & frigidum opus  
prorepat.

Valerius *c* narrat, in exercitu Xerxis, quem  
adversus provinciam contraxerat, equæ par-  
tu leporem effusum. Eo monstri genere tan-  
ti apparatus significatus est eventus. Nam qui  
mare classibus, terram pedestribus copiis  
operuit, ut fugax animal, pavido regressu  
regnum suum repetiit.

Tales omnino sunt nostri conatus: omnem  
uno die sanctimoniam combibimus, con-  
siliū

*a* Ioan. cap. 5. vers. 14. *b* Bern. l. de Anima  
cap. 4. mihi pag. 1054. *c* Valer. l. 1. cap. 6.  
inter externa.



filium suscipimus arduum, propositum habuimus sanctum, optimos mores promittimus: sed consilium non explicamus, propositum non premimus, coepta non tenemus, à destinato aberramus, à promisso resiliimus, sumus quales antea, & saepe peiores; siccus parit leporem, sic montes parturiunt musculum. Standum & perseverandum est, propositis inhaerendum, bene coepta sunt urgenda. Breves dies hominis sunt, & tenuissimum vitae filum subito praescinditur. Aranearum architecturae suum sibi spoliarium concamerantium vita nostra similis est, quarum circinatum orbem decussata paribus intervallis quaterna subtegmina dividunt, quae ipsa segmenta singula; vicenis intertexta filis, aequalibus ubique maculis scutulatum recte absolvunt, ut cum telam omnem pertexuerint, octoginta omnino internodiis plagulisque, quod Pineda noster observatum curiosis ait, totus ille praedatoribus orbis in muscarum perniciem rotundatus implicetur. Hæc inquam vitae nostrae Icon est, quam tamen Parcarum tenui filo deduci ægre quidam audiunt, & poëtae irascuntur, qui annos nostros ad colum examinant; cum illis vel invitis David occinat: Anni nostri sicut aranea meditantur, quasi nimia infuso & lanificio sit firmitas, ut ad aranearum texturam tota ævi nostri periedus revocari debeat. Breves dies hominis sunt, & semitam, per quam non revertimur, ambulamus.

Interim Aeternitati propinquamus omnes; nemo nostrum procul abest ab hac meta serius aut citius contingenda. Quis scit, quot ab ea passibus distemus? hodierna forsitan, aut



luce crastina tota nos circumdabit Aeternitas. Quid ergo cunctamur, quid in remomenti tanti ludimus? Solvet unusquisque animam suam. Is sapit solus, qui unius volupatulam momenti, non praefert beatorum Aeternitati.

## CAPUT XVI.

*Humana gentis cæcitas incredibilis, & horribilus stupor, tam in peccatis, quam in supplicio peccati æterni expendendus.*

**Q**uicquid dicamus, quicquid clamemus, quicquid scribamus, sive prophetarum vaticinia, seu Christi minas & oracula, sive Apostolorum scripta ingeramus, magnam partem frustra sumus. Surdis nania. Clamatur, nec auditur clamor; promissa & minæ ingeruntur quidem, sed spernuntur. Et quamvis horribilissima illa vox, Aeternitas, Aeternitas, Aeternitas millies iterumque millies inculcetur, nihil quidquam tamen proficitur.

Quoties ex alto his talibus monemur verbis a Filii sanctorum sumus, & vitam illam expectamus, quam Deus daturus est his qui fidem suam nunquam mutant ab eo. Sequetur alia post hanc æterna vita, semper beata, voluptas immortalis & perpetua. Nunc ergo sustinete modicum: *b* leve & momentaneum tribulationis nostræ immensum gloriæ pondus operabitur in nobis. Quod jam durum est pati, dulcissimum erit meminisse. Quicquid igitur tolerandum venit, in omni patientia & longanimitate, cum gaudio

grat

*Job. cap. 2. vers. 18. b 2 Cor. cap. 4. vers. 17.*

a gratias agentes Deo, sustinere.

Hæc pleraque omnia dicuntur gratis. Nec alia fere cantilena extunditur, quam illa Judæorum: *b* Manda, remanda; manda, remanda; expecta, reexpecta; expecta, reexpecta: Quicquid de futuro sit, oculos & manus præsentia implent; voluptas huc illuc trahit, huic moderari difficillimum. Appetitus satiandus est quibuscunque demum impendiis. Deus benignus est & misericors, qui facilem dabit veniam delinquentibus.

Hæc illa sunt cæcorum carmina. O miseros, & ô nimium cæcos mortales! An ignoratis has voluptates vestras quas adeo sititis, esse veritas? An non vestra vobis conscientia id quotidie concionando ingerit? an non dehortatur ratio? An non aliud divinæ leges imperant? Sed dicite, oro, an non creditis omnem in hoc Orbe voluptatem, quantumcunque diuturna videatur & suavis, momento stare, subito ruere, & in æteruos luctus desinere? Omnis Mundi amœnitas Æternitati collata, nec momentum quidem, nec punctum est, minus nihilo est. Sed num hæc cogitatis, num creditis? Si quidem Christiano nomine censerì vultis, fatendum vobis erit, hæc à vobis cogitari, hæc credi. Sed ea est, dicetis, humana sortis conditio, ut æternorum obliti, ad præsentia toto impetu ruamus. Hinc navi & macula, hinc omnis vitiorum propago. Bona confessio, modo eam sequeretur & emendatio.

II. Sed liceat denuo quærere: Num creditis hæc vitia, vobis tam familiaria suppliciiis sempiternis à Deo puniri? Credimus, ajunt.

Qui

a Co. cap. I. vers. II. b Isa. cap. 28. vers. 10.

Qua ratione igitur non solum tam obliviosi, sed & tam temerarii estis, ut toties tam impudenter divinas leges violare non vereamini? Adeo ut nec quidem formidine poenae peccatum oderitis: nullus gehennae metus, nullus ignis perpetui horror, nullus amor cœli. Hinc in omnem licentiam effusi mores, hinc querula in adversis impatientia, hinc petulans & secuta in prosperis oblivio gehennae, hinc omnes vitiorum rami. Nimirum omnis à cogitationibus vestris exulat Aeternitas. Quam forte creditis, sed revera non expenditis.

*a Nullus est qui recogitet corde.*

Aeternitas in ore est, sed in animum non descendit. Aures feriunt Aeternitatis monita, non penetrant. Aeternitas vix ab ullo suis momentis ponderatur. Aeternitatis infinita saecula quandoque forsitan cogitamus, sed obiter: de ea ab aliis scripta legimus, sed obiter: immensam Aeternitatis sine fundo voraginem in concionibus adumbratam aspiciamus, sed & hoc obiter ac perfunctorie. Brevis salubres gemitus aliorum cogitationum mole obruuntur. Sic Aeternitas vix animum ingressa, mox vanissimis cupiditatibus sepelitur. Inde omnia prioris nequitia blandimenta subrepunt, & animum, ut ante, occupant. Ita fides nostra, quam jactamus, fides somnians, aut verius, mortua est.

Narrat illustrissimus scriptor Baronius, quod sibi testatissima fide compertum assensens: Hoc, inquit, auditione accepi, ab integerrimae fidei viro Michaele Mercato, qui de avo suo hac explorata retulit, qua complu-

*a Hier. cap. 12. vers. 11. b Baronius tom. 5. Ann. 411.*

240 DE DAMNATOR. ROGO  
plurimum eruditorum virorum assertione sci-  
mus firmat, & pro concione sæpius narrata.  
Res ita habet.

Michaël Mercatus senior cum Marsilio Fi-  
cino ingenii nobilissimi viro, intima junde-  
batur amicitia, quam & paria philosophiæ  
studia accendebant. Uterque horum Plato-  
nis scripta combiberat. Fuit ut ex more dis-  
ceptarent inter se, quis hominis post obitæ  
mortem sit status, quo animus humanus mi-  
gret, quæ rerum facies in Orbe altero? At-  
que hoc è Platonis mente deducebant Chri-  
stianis oraculis confirmandum. Sermone  
inter differendum longius progresso, ad eam  
uterque conventionem descendit, ut stipu-  
latis diceris alter alteri sancte promitteret,  
ut qui prior naturæ concederet, supersti-  
tem de alterius vitæ ratione quam fidelissi-  
me, si liceret annuente Deo, redderet cer-  
tiores. Hæc pæctio: & juratum omnino in  
hæc verba. Post aliquantum temporis, hi  
duo viri totis urbibus disjuncti habitarunt.  
Cumque Michaël Mercatus summo mane ad  
auroram Musis amicam philosophiæ opera-  
retur, equitem in proxima platea ad ædium  
suarum ostium contento cursu properantem,  
simulque Marsilii succlamantis vocem au-  
diit: *O Michaël, ô Michaël, vera sunt illa,  
vera, verissima.* Michaël ad notissimi ami-  
ci voces excitus, mox à libris fenestram  
accurrit ac prospicit, cernitque à tergo Mar-  
siliū quo niveo vehementem, jamque re-  
flexo itinere abeuntem. Hunc celeri voce  
prosecutus, Marsili, Marsili, clamabat. Sed  
eques candidatus moram non ferens, ocu-  
lis sese subduxit. Mercatus inopinatio spe-  
ctaculo

Æaculo attonitus, quid suo Marsilio evenisset, anxie cœpit indagare. Demum intellexit Marsilium Florentiæ ea ipsa hora obiisse, quæ ad suas ædes visus à se auditusque esset. Ab eo tempore Mercatus, quamvis jam antea vitæ integer, & commendatæ probitatis fuerit, philosophiam, nuntio remisso, res sibi suas habere iussit, ipse in posterum solius Christianæ philosophiæ leges sectaturus. Ita quod reliquum vitæ habuit, sibi jam Mundoque mortuus, ad futura se totum transtulit, Æternitatem assidue meditatus.

III. Attenta Æternitatis meditatio, vitæ melioris principium est. Laudatur virtus, & alget, ubi vita æterna non amatur. Declivis & facilis ad inferos via est, ubi mens non assidue ad beatorum vel damnatorum æternitatem cogitandam intenditur.

Hæc scimus, hæc credimus; interim obdormimus, & summum Bonum negligimus. Audimur quidem dicere, *O Æternitas!* At interim hilari manu pateram spumantem capimus, & toto nos auro proluiamus, ad usque collum saturi. Subinde ako gemiu Æternitatem suspiramus, at interim impuris ac obscœnis cogitationibus cor scatet; occultas illud libidines coquit, & furtivis meatibus suo se Deo subducit. Cœlestes thesauros appetimus, at interim terræ spumam, pecuniam, amicissimis oculis salutamus, & clandestinis sacrificiis litamus Mimonæ. Æternos inferorum ignes videmur expavescere, at interim Ira & Invidia, velut Ætna ignibus, flammigamus. Æternas ab omni labore ferias expectamus avidi, at in-

terim adeo torpescimus desidia , ut otium ex otio ducamus , ad omnem seriam industriam fracti & languidi.

O non violentos qui cœlum rapiant , sed ô coecos , qui via spatiosa & amoena malint errare , quam aspera nonnihil & arcta , iter tenere rectum.

Interim Christus omnesque cœlites inclamant : *a* Contendite intrare per angustam portam, Contendite, Contendite : quia multi quareant intrare , & non poterunt. Properate , currite ; Vincendum & eluctandum est , Contendite. At nos nec currimus, nec properamus , nec contendimus : nos oscitabundi lentique velut cameli ac leones \* pedatim gradimur, & otiose sequimur. Ac utinam sequamur, & non omnino subsistamus.

Nostrum Velle ac statuere simillimum est ægrotorum invalidis conatibus. Æger subinde sese erigit & lecto attollit , gressum molitur , pedem ponit , ambulare tentat , mox virium defectu in lectum recidit. Crura illius tibiæque fulera sunt nimis imbecillia , molis corporis sustentandæ. Vellet surgere , sed posse negant vires. Vix alii sunt conatus nostri ; ardua cogitamus , multa statuimus , sanctiora molimur , videmur velle rem bene agere. Sed vana sunt hæc sine viribus molimina , deest alacritas spiritus , omnia pervadit languor. Hinc vitia potius intermissa quam abdicata non sine gustu repetimus. Ita recidimus in lectulum è quo abitum parabamus, & priori obruimur veterno. Ita

*Laudamus veteres, & nostris utimur annis.*

Divo-

*a* Luc. cap. 13. vers. 24.

\* Sup fûr Sup.

Divorum res gestas evolvimus, & commendamus: non sequimur, non imitamur. Virtutem speciosissimis titulis oneramus, non eam factis exprimimus: beatorum æternitatem inhiamus, sed molestiorem viam, quæ illuc ducit, cautissime declinamus. Nos spectant hæc veteris Comici a dicta:

*Sed cum inde suam quisque ibant divorsi domum,*

*Nullus erat illo pacto, ut illi jusserant.*

Cum sacra concio ad finem deducta, cum in templis peroratum est, domum itur, mensa struitur, jamque priora omnia ex intervallo non longo repetuntur. Hic noster mos est, adimus templa, conciones audimus, quandoque ingemiscimus, peccatis indignamur, nobis ipsis irascimur. Sed hoc quamdiu? Mox hilaris oblivio sepelit omnem priorem sanctitatem. Conamur, sed languidissime: hinc nullum prodit opus, aut mutilum. Adeoque post sexcentas conciones iidem qui antea sumus: eadem quæ prius jura, eadem impatientia, eadem lascivia, Invidia & Itacundia prorsus eadem. Nihil superbiæ decessit, avaritiæ nihil; sed nec gulæ quidquam detractum est. Iidem qui ante torpor, pristina sordes, vetera omnia.

O cæcitas humanæ gentis, nullis sit lacrimis deploranda! Ex omnibus templo pulpitis clamatur. Æternitas, Æternitas, Æternitas. Nos nihilominus præsentem ducimur voluptate. Adeo perire suave est.

R 2

I V. Quem-

*a Plautus in Rudente. Act. 4. Scen. penult.*

IV. Quemadmodum vero sacras conciones audimus, & negligimus; \* aures perficiunt dicta: ita sacros libellos percurrimus, & non proficimus: deferunt memoriam lecta. Quod ex oculis, iidem ex animo abit. Et quamvis aeternitas iterumque inculcetur, nos tamen telam, quam orsi, perteximus: probamus meliora, deteriora sequimur, pietatem induimus, sed plane desultoriam; ita priori luto mergimur.

O Christiani, respicite & levate a capita, & corda vestra, quoniam appropinquat redemptio vestra: oculos animumque caelo attollite. Sunt forte jam turbata omnia & adversa? Non sic & olim erit; meliora pollicetur caelum perbrevis patientia obtinendum. Sunt forte jam successus prosperi, & blandiens aura? Ne fidite: nihil in hoc Orbe diuturnum: suis quaque momentis fluunt transeuntque omnia. Aeternitas durabit, sola transitum ignorat Aeternitas.

Hac dicimus & scribimus, haec occinimus & pingimus. Sed quis est qui hac alius in animum admittat? Quis hac probe capere, quis è solido constat credere? O iterum caeci porcales, quorum tunc maxime perfunctoriae sunt actiones, cum Aeternitatis negotium in manibus est, cum de animi salute agitur.

Narrat ecclesiastes tam disertus quam religiosus, Ludovicus Granata, b qua ratione in-

\* Zu einem Ohr etn / zum andern wider auf.

a Luc. cap. 21. vers. 28. b In tertia concione. dominici a secunda Adventus e Iacobo de Parad. Barthus t. de peccatis mental. criminali.



sanam hanc gentis humana cœcitatē ē numero defunctorum quispiam amico superstii detexerit. Duo, inquit, amicitia amoris-que sinceritate conjunctissimi erant, The-  
seum istum, illum Pirithoum dixisses, & unum pœne animum in duobus corporibus. Vterque vita fuit probatissima; utrumque amor & nescio quod singulare pactum sic colligaverat, ut nil magis velient quam una mori. Sed Mors, illa fœderum omnium turbatrix, candidissimam hanc amicitiam dissolvit, & alterum ab altero, ex hoc in alium Orbem transtulit. Nec tamen omnis à morte amicitia dissolvi potuit. Siquidem non multum temporis abiit, cum defunctus vivo se stitit aspectabilem, sed habitu vultuque mœstissimo, tanquam si amico copiam faceret interrogandi. Exhorruit vivus ad tam inexpectatam amici præsentiā, & spectaculo tam lugubri perterritus stetit. Vbi animum resumpsit, interrogare institit, num inter beatos ageret, aut quo loco res ipsius esset? Ad quæ defunctus altum ingemiscens flebiles has voces ter clare ingeminavit: Nemo credit. Nemo credit, Nemo credit. Alter iterum quamvis ore trepido quæsit, quidnam illud esset quod nemo crederet? Cui defunctus denuo: Nemo credit, quam Deus rationes exacte poscat, districte judicet, severe puniat. Sub hæc verba disparuit, dum alter novo pavore attonitus hæc secum silentio expendit.

V. O vere, ô verissime dictum, Nemo credit, quam accurata sint undequaque Dei judicia, quam severa ab illis supplicia. Hæc ē cathedris toties promulgatur, toties

illud Joannis ingeminatur *a* Agite poenitentiam, jam enim securis ad radicem arborum posita est. *Et nemo credit.* In chartis & libris æternus luctus & æterna tormentorum series toties explicatur. *Et nemo credit.* Æterna gaudia, cœlestes & æternæ voluptates, nunquam desitura paradisi amœnitas quantis voluminibus commendatur? *Et nemo credit.* Plena omnia cohortationibus ad cœlum violenter expugnandum, *Et heu nemo credit*, vi tanta opus esse ut cœlum expugnetur: *Nemo hoc credit*, aut certe tam pauci, ut Christus ingemiscens *b* dixerit: Et pauci inveniunt eam.

Fides qua æternam vitam prælibamus, fides somnolenta & deses est. Hinc illi, quos vocamus, heroici actus, & generosi aggressus tam rari. Hinc illud religiosissimi scriptoris oraculum; *c* Promittit Mundus temporalia & parva, & servitur ei aviditate magna: Christus promittit summa & æterna, & tepescunt mortalium corda. Vile pretium quaeritur; pro uno numismate interdum turpiter litigatur, pro vana re, & parva promissione die noctuque fatigari non timetur. Quis pro cœlo tam acer & strenuus est? Quanti vigilas suas ad abacum lusorium, ad hilares choreas, ad poculorum aciem suavissime toleratas non sentiunt? Vbi tam hilariter vigilatur pro Christo, pro cœlo, pro æternitatis præmio? Millies repetendum: *Et nemo credit.* Vbi fides vivit, & immensas cœli voluptates, perpetua Orci tormenta capit, longe alii mores, longe alia est vita; hic oble-

Etatiun.

*a* Matth. cap. 3. v. 2. & 10. Luc. cap. 3. vers. 9.

*b* Matth. cap. 7. v. 14. *c* Thomas de Kempis  
l. 3. de Im. Christi cap. 3.

Statiunculae & voluptatulae tam turpes quam breves non sitiuntur, hic labor in pretio est, hic dulce ac jucundum est pati.

Franciscus Borgias dux Gandiae ardentissima febris debilitatus didicit, nihil in rebus humanis stabile, nihil esse perpetuum. Cum vero alterno & novercali die, igni medullae coquerentur, pia illa cogitatio mentem pupigit; ecquanam illos flammam urerent, qui ob flagitia apud inferos poenas aeternas penderent? Multum in hoc principe valuit ad omnem reliquam vitam haec cogitatio. Cogitatio prorsus utilissima si ulla, in morbo, in omnibus omnino adversis admittenda. Ita spiritum juvet, quod corpori nocet.

Quasi per amoena prata in carcerem pervenit, qui per praesentis vitae prospera ad interitum tendit. Et certe damnosa vanitas est longam vitam optare, & de vita meliore parum cogitare. Quisquis es, cum a Bernardo in aurem tibi insusurro: Cogita, unde veneris, & erubescere; Cogita ubi sis, & ingemisce; Cogita quo vadas, & contremisce. Tot aliorum affectata caecitas nemini patrocinabitur. Jam pridem moniti sumus, Angustam esse portam, & arctam viam quae ducit ad vitam.

Via ad inferos expeditissima, Libido & Luxuria. Incipe gradi hoc tramite, & brevi magnis itineribus ad Orcum non ibis, sed curres, sed volabis. Id Thomas Morus vir tam eruditus quam sanctus affirmatissime pronuntiavit, voluitque suis etiam scriptis inferere hoc disticho:

R 4

Si

a Bern. serm. de primordiis & novissimis nostris,  
mihi pag. 376.

*Si quis ad infernos peoperat descendere manes,  
Huc iter accelerant Balnea, Vina, Venus.*

Hæc sexcenties, hæc millies audimus, & pæne fastidimus. Et quod longe deterri-  
mum, voluptatibus æternis hilare, tametsi  
turpe momentum ultro præferimus, & cu-  
pinus perire. Quocirca usque; & usque re-  
petendum, *Et nemo credit.*

## C A P U T XVII.

*Compendium doctorum*

&

*Epilogus.*

**C**ERTUM, nullius hominis lingua crucia-  
tus inferorum vel leviter adumbrari,  
nedum explicari aut exaggerari posse.  
Ab ore ad aures hæc monita pertingunt, sed  
animum plerumque non vulnerant.

Flamma picta & vera nimium quantum  
differunt, hæc tamen quandoque sibi simil-  
ima sunt: dolores nostri cum cruciatibus ho-  
minum damnatorum collati, heu quam nihil  
habent similitudinis, siquidem finiti ad infi-  
nitum nulla est proportio.

Certum est & illud, de plurimis Cristia-  
norum verissime dici, eos nequaquam serio  
credere, apud inferos puniri fontes, alioquin  
indubie aliter victuros, Eo dictum Domini  
collineat: *a* Filius hominis veniens, putas,  
inveniet fidem in terra? De ceteris non mi-  
nus vere dici poterit, eos de inferorum tor-  
mentis aut nunquam, aut raro cogitare; &  
quidem cogitare solum, non inharere huic  
cogitationi, non perpendere hæc tristitia, non

ea

ea imaginationi imprimere : aut certe altior-  
rem paullo cogitationem , velut salutarem  
flammam , curarum ac negotiorum mole ob-  
ruere & ita cœcum ac surdum ad inferos de-  
scendere : omnes enim qui eo deveniunt ,  
cœci & surdi sunt , uti Hierosolymæus civis ,  
Lazari interfector , tunc primum oculos ape-  
ruit , cum jam extra viam fuit. Sed ut dicta in  
compendium conferamus , Novemplex a Æ-  
ternitatis luctuosæ tormentum statuimus :  
singulorum hic denuo monere , consultum  
ducimus.

*Primum* , TENEBRÆ.

Psalmes Hebraus : Dies , inquit , *b* dici eru-  
stat verbum , & nox nocti indicat scientiam.  
Quis jam impiis persuadeat , eos errare , &  
impie agere ? Optimos vitæ dies inaniis &  
vanitatibus frangunt. Sed illis hoc demum  
persuadebunt. Avernales tenebræ , æterna  
nox ; scientiam nox indicabit nocti. Quem-  
admodum diēs felicitatis perpetuæ ostensu-  
rus est beatis , quam opportune hos vitæ dies  
sanctis actionibus expenderint : ita nox illa  
horribilis , sempiternam noctem detegit ,  
quæ inter vitia jam ducunt improbi , brevi  
æterna nocte sepeliendi.

O nox , ô tenebræ ! Hac nocte , his tenebris  
latrat conscientia canis , favor humanus dor-  
mit , voluptas omnis jam evanuit , nil fulget  
auri , nec splendent abaci , silent amici , absunt  
medici , terrent umbræ , involvunt flammæ ,  
conclusit Æternitas. O nox , ô tenebræ !

Videte mihi mercatores duos divites , ad-

R 5

ulta

a Diximus superiori capite. b Tsal. 18.  
vers. 3.

ulta jam nocte \* latrunculis ludentes. Hic tabula lusoria, in qua rex, regina, gemini tam cursores, quam elephantes & saltatores cum sedecim rusticis, univcrse triginta duo calculi. In mensa, proxime lusoriam tabulam pervigilat lumen, & hoc latrunculorum praelium accendit: Fervet opus, ardent lusores, demum in ultimum punctum pæne omne aurum ponitur. Alter evadit victor, aufert aureos. Victus abit fremens frendensque: Et ô fortuna, inquit, nequissima, ô latrones! quis meum mihi aurum reddit? Ita domum redit, stomachatur, furit, queritur, familiam turbat, famulos exagitat, evertit omnia. Ita noctem vix sui compos transigit.

Tabula hæc lusoria est vita humana, cui lumen rationis non dceat; varii vitæ status diversæque dignitates sunt latrunculi. Sunt reges ac reginæ, sunt procères & optimates, plebs urbana & pagana, honorum & opum maxima diversitas. Qui his perite scit uti, vincit; ignarus vincitur. Inde nox una, sed perpetua; inde tenebræ nullis radiis collustrandæ; inde desperatio sempiterna: Non videbunt lumen in æternum. O nox, ô tenebræ!

### *Alterum*, FLETUS.

Angelus, tanquam cœli Prætor vociferatur jam olim: a Quantum glorificavit se, & in deliciis fuit, tantum date illi tormentum & luctum. Tartarum luctui destinatissima domus. Hic fletur siccis lacrymis, nihil tamen doloris egeritur flendo.

O mortales, quid nummos perditos, quid  
charo-

\* Im Schach spielen.

a Apoc. cap. 18. vers. 7.

charorum funera, quid iniqua tempora defleamus? sterilis hæc flendi materia est: nec mala sunt ista, nisi malis. Hic illud Christi usurpandum: Nolite flere super me, sed super vos ipsos flete. A conspectu Dei æternum abjici, hoc ploratu dignissimum, hoc nullo lacrymarum mari sat poterit defleri.

Prophetas omnes eorumq; vaticinia considerate: Mala passim ingentia denuntiant, calamitates maximas prædicunt. Repente stylum vertunt. Subito videntur omnia in integrum restituta, loco esse optimo. Hinc illæ solatiorum promulsiões: Et fluent a colles lacte & melle. Apprehendet messium triumra vindemiam, & vindemia occupabit sementem, & comedetis panem vestrum in saturitate. Ita post tempestates & procellas subita sese infundit serenitas. Causa est in aperto. Nullum in hoc Orbe tam insanabile vulnus, cui Deus non possit \* malagma imponere, nullum tam grande malum quod suo destituatur seu remedio, seu solatio. Tobias pauper & cæcus, sed patiens & piscis felle curatus; Naamam leprosus, sed opulentus & Jordanis aqua sanatus. Thessalia veneni quidem ferax, sed & \* Alexipharmacis destituta non est. Insulæ Philippinæ vites non habent, sed habent palmas, quæ liquorem vino nobiliorem ferunt. A lignis egena est Italia, sed hiemem habet mitiorem, & fructibus abundat.

Ira Deus Adamo Christum, Christi genitricem Evæ, delicto gratiam, transgressioni obe-

\* Levit. cap. 26. vers. 5.

\* Man finde Pflaster für allerley Schaden.

\* Gist Artzney.

252 DE DAMNATOR. ROGO  
obedientiam, morti vitam opposuit. Nullum  
hic ulcus tam foedum & hians, quin suum li-  
bi emplastrum inveniat; nulla tam miserabi-  
lis clades, quæ non & sanabilis sit. At vero  
in luctuosa Æternitate illa, insanabilia sunt  
omnia; plurima illic ulcera, sed nullum illic  
emplastrum, cataplasma nullum est; malum  
summum, malum æternum, immedicabile.

M. Marcellus captis Syracusis, florentissi-  
mæ urbis miseratione motus ill crymavit.  
Non lacrymas sed sanguinem stillent ex ocu-  
lis damnati, cum seipsum quisque aspiciet  
totius Æternitatis captivum. Hic lacrymis  
sanguineis, non tamen profuturis, hic fletui  
acerbissimo locus est. Vere ibi erit fletus,  
sed fletus solatium ibi nullum erit.

### *Tertium, FAMES.*

*a Ergo exercentur pœnis, veterumque malorum  
Supplicia expendunt ———*

Nimium laute pranderunt improbi, ideo  
tam misere ac sicce jam coenant. Edendi ac bi-  
bendi libidinem non continuerunt, hinc va-  
ria gulæ flagitia, hinc frequens ebrietas &  
ingens vitiorum agmen, quod ebrietatem  
comitari assolet. Non edebant ut viverent,  
sed vivebant ut ederent. Quorum animus in  
patinis vixit, quibus vitæ modulus culina  
fuit. De his diserte Augustinus: Nam cum  
ideo, *b* inquit, manducant ut vivant, ideo se  
putant vivere, ut manducant. Istos omnis sa-  
piens reprehendit, & maxime divina scriptu-  
ra edaces, ebriosos, helluones, quorum Deus  
venter est. Hos ad mensam non adducit nisi

con-

*a Vir. l. 6. Aneid. ante finem. b Aug. tom. 10.  
serm. 63. de diversis, cap. 14. mihi pag. 538.*



concupiscentia carnis, non indigentia refecti-  
onis. Itaque isti cadunt in escam & potum.  
O homines qui beatitudinem & felicitatem in  
menta tanquam pecus in præsepî constituunt.  
Edunt, bibunt, vomunt. Jam denum esuri-  
unt, jam sitiunt, jam crapulam luunt. Sed nec  
minimum famis aut sitis solatium reperiunt.  
Samaritana aut Saguntina fames apud inferos.  
in delitiis essent: illic crudelius esuritur & si-  
titur. Aquæ guttula in voto est, sed & guttu-  
la negatur. Hæc gulæ sunt supplicia: ita sua-  
vitas voluptatis exigua, dolore cruciatur æ-  
terno.

Decolor juvenis & patrimonii sui gurgis  
Albidius, re omni per gulam absumpta & co-  
mesta, domum præ desperatione incendit. U-  
bi hoc Catovidit: O te religiosum juvenem,  
inquit, a qui tam liberaliter *Proterviam* facis!  
Mos erat in hoc *Protervia* sacro, ut quod ho-  
mines ex epulis non absumpsissent, Deus  
claudus Mulciber devoraret.

Tot damnata ad Orcum capita plane Pro-  
terviam fecerunt, turpissimi decolores o-  
mnium bonorum. Divina lege sptata epulis ac  
vino proterve prorsus indulserunt: jam non  
solum ipsorum domus, sed & ipsi ardent, ar-  
suri æternum. Hoc plane est *Proterviam* fe-  
cisse.

Huc illa prisci Patris *b* referri poterunt. I-  
bi nulla vox, nisi genitius: nulla requies, sed  
ardor continuus: ibi nullum in flamma refri-  
gerium, sed ignis perpetui continuum incen-  
dium. Ibi lux nunquam videbitur, ibi tene-  
bris

*a* Macr. l. 2. Saturn. cap. 2. *b* Augustini, (scilicet  
Augustini) tomo 10. serm. 63. ad fratres, mi-  
hi pag. 748.

254 DE DAMNATOR. ROGO  
bris nunquam carebitur: ibi nulla est in bono-  
corum memoria, sed oblivio Dei ipsorum æ-  
terna. *Quorum cibus, eorum cruciatus*, quorum  
mansio non Abrahæ, sed Satanae sinus. Emen-  
da dum potes, ad Deum clama dum tempus  
habes; dum spatium datur luge, dum licentia  
tribuitur, pœnitere non protrahere.

*Quartum*, F O E T O R.

Ne quid scilicet desit ad totius hominis o-  
mnigenos cruciatus, suum etiam naribus opo-  
balisamam ingeretur, foetoris extremi pettis.  
Sunt inter homines quibus paupertas & pau-  
peres horrendum foeteant: Sunt quorum cum  
Catullo vorum est in narium delitiis nasum  
fieri. Hi obsecro prælibent quinam in illa  
Mundi cloaca soleant odores incendi.

Et quid miramur Æternitatis carcerem foete-  
tere? hoedorum & hircorum stabulum est.  
Hoc illi nomen ab Orbis iudice habent. Chri-  
stus de seipso: Statuet *a* oves quidē ait, à dex-  
tris suis. hoedos autem à sinistris. Hæ pecudes  
nec piscem *b* olent nec florem. Ad haras spe-  
ctant, & ad Augiæ stabulum, procul à cali-  
delitiis, procul, & hircos & porcos. In illam  
beatorum domum, non *c* intrabit aliquod  
coinquinatum, aut abominationem faciens.  
Immundus ille hircorum grex, tanto tunc  
gravius foetebit, quanto nunc immoderatus  
illecebras odoris quæsiit.

Suaviorum odorum alii gulam, alii libidi-  
nem irritant. Horum appetitus præsertim  
vehemens incontinentiæ notam subit. Et ple-  
run-

*a* Matth. cap. 25. v. 33. *b* Tithymalus, & piscis &  
flos est odoris gratissimus: hinc adagio. *c* Apoc.  
cap. 21. vers. 27.

runque, ut summatim dicamus, hujus generis oblectamenta, quæ auribus, oculis, naribus percipiuntur, vel levia, vel foeda sunt. Parere sensui, & inhiare voluptati, aut inane, aut obscœnum est, maxime si absit modus.

Odores & unguenta non paucis damno, imo & exitio fuisse. Muleasses rex Tunetorum regni recuperandi causa in filium Amidam pugnavit. Cum autem ex infelici pugna fugeretur cruore & pulveribus foedatus, ex solo unguentorum odore agnitus, & è fuga reprehensus est. Jam capto filius utramque pupillam candenti scalpello rimatus diem abstulit.

Vespasianum Imperatorem juvenis, ut erat unguentis illitus, gratias acturus, adierat. Odore mox hausto Cæsar stomachatus, acri supercilio & voce aspera: Mallè, inquit, oboluisse alium. Sic increpitum sine honore, rescissis etiam gratiæ jam concessæ litteris dimisit.

C. Plotinus Plancus a triumviris proscriptus, mortis metu Salernitanis latebris abditus, unguenti odore proditus, sibi quidem perniciem, suis autem proscriptoribus excusationem sævitiæ quæsit. Ita semper dedecori sunt hujusmodi odores, aut etiam damno.

Hoc sciamus. Hæc etiam quæ minuta credimus, divinus oculus observat. Erit ergo, quod Michas b prædixit, pro suavi odore foetor. Hic Michæ c monitum instillo: Indicabo tibi, ô homo, quid sit bonum, & quid dominus requirat à te: Utique facere judicium, & diligere misericordiam, & sollicitum ambulare cum Deo tuo.

Quin-

a L. Plotinus dicitur à Plinio l. 2. hist. nat. cap. 3.  
 Valer. l. 6. cap. 8. b Isa. cap. 31. v. 24. c Mich. c.  
 6. vers. 8.

*Quintum*, IGNIS.

De hoc igne insigniter, & singulari nervo  
Isidorus Pelusiota: Scire debes, bone vir, in-  
quit a quod nemo latebit illustrissimum il-  
lum ac pervigilem oculum, ne quidem si in  
occultissimis penetralibus aliquid patraris. A-  
perta enim & nuda ipsi sunt omnia, quantum-  
vis operata & abdita esse videantur. Quamob-  
rem etiam peccantes neque respicientes exci-  
pient fluvii quidam perpetui; ignem terribi-  
lem ebullientes, quorum flumina nihil sunt al-  
liud quam flammæ ad supplicium fluctuantes.  
Metuamus igitur divinum Numen. Christia-  
nus vates Prudentius b de hoc incendio illud  
canebat:

*Vermibus & flammis, summis cruciatibus a vñ  
Immortale dedit, senio ne flamma periret.*

Heu ignis quem nulli lustrorum tractus,  
quem nulla, ut Nazianzenus loquitur, saculo-  
rum innumerabilitas exstinguet! Quocunque  
te verteris, sunt omnia Ignis, Pix, Sulfur, Ira &  
Indignatio Domini. Inter ignes etiam nostros  
plurimum est discriminis. Ignis fulminis mul-  
to est ætiosior quam vulgaris. Sed utroque  
longe potentior est ignis Avernalis, devorans,  
sempiternus. Nunc quæro cum Isaia: c Quis  
poterit habitare de vobis cum igne devoran-  
te? quis habitabit ex vobis cum ardoribus  
sempiternis?

Illud igneum salis \* mare, tamen si noctes  
atque dies ferveat, habet tamen suos per an-  
num intercalares dies, quibus restitit incendio  
dio

a Is. l. 4. epist. ep. 47. b Prudent. contra Marcioni-  
tas. c Isa. cap. 33. vers. 14.

\* Galapfann.

dio interquiescat. Apud inferos centum elabentur anni; mille, decem millia annorum transigentur, at nec unicus quidem dabitur intercalaris dies. Hinc optime dixit Augustinus; *a* Qui sanam considerationem habet, qui credit Dei verbis, metuit plus ignem aeternum quam cujuscumque truculenti barbari ferrum. *e* plus metuit mortem perpetuam morte qualibet hinc pessima.

Quot igitur horas, vel quot dies, quot menses, aut annos in igne hoc permanebunt perduelles Dei? Nec hora, nec dies, nec anni numerari possunt, quantum numero collecto. Aeternae erunt horae, aeterni dies & menses, aeterni anni, ignis aeternus. Nunquid *b* igitur in aeternum projiciet Deus? Projiciet in aeternum. Nam, Triumphator *c* in Israël non parcat, & poenitudine non flectetur. Hac qui pavet, cavet, inquit *d* Bernardus, qui negligit, excidit. Hinc prisci ac religiosi scriptoris *e* sapientissimum est consilium: Memoria aeterni ignis tecum singulis noctibus dormiat.

### *Sextum*, VERMIS CONSCIENTIAE.

Mala conscientia vel unius dieculae, heu quanta crux! quis erit dolor si sit aeterna crux? Damnatorum conscientia undique vulnerata, hinc afflictißima semper & desperatißima, nullo unquam solatio mulcenda. De laniata tam exulcerata conscientia Bernardus segregie: Nullus, inquit, de tanta numerosi-

S

ta-

*a* Aug. tom. 9. tract. 5. de Tempore Barbarico circa med. mihi pag. 324. *b* Psal. 76. vers. 8. *c* 1 Reg. cap. 15. v. 29. *d* Bern. serm. de Convers. ad Clericos. *e* Climacus gradu 7. pag. 116. post med. *f* Bern. l. 5. de Cons. cap. 12.

258 DE DAMNATOR. ROGO  
tate spectantium molestior oculus, suo cuius-  
que. Non est aspectus sive in cœlo, sive in ter-  
ra, quem tenebrosa conscientia effugere ma-  
gis velit, minus possit. Non latent tenebræ  
vel seipsas. Se vident, quæ aliud non vident.  
Opera tenebrarum sequuntur illos, nec est quo  
se abscondant ab illis, nec in tenebris quidem.  
Hic est vermis, qui non moritur, memoria  
præteritorum. Semel injectus vel potius in-  
natus per peccatum, hæsit firmiter, nequa-  
quam deinceps avellendus. Nec cessat rodere  
conscientiam, eaque passus, esca utique incon-  
sumpribili perpetuat vitam. Experiri erit hoc  
vocem illius, Arguam te, & statnam contra  
faciem tuam.

Apud inferos nulla sunt horologia, nulla  
regendis horologiis sidera, nulli fasti aut Kal-  
endaria. Nullæ illic temporum vices distin-  
guuntur. Ecclesiastes a asserit: Nec opus, nec  
ratio, nec sapientia, nec scientia erunt apud  
inferos, quo tu properas. Hic unicum consci-  
entiæ horologium auditur, sed turbatissimū.

Ægroto, qui nihil somni possit capere mo-  
lestissimum est, nullum audire horologium,  
nec posse noctis periodos discernere. Hinc u-  
nicus ei quadrans pro hora, hora unica pro  
nocte tota est. Et tamen ubi sex septemve ho-  
rula abierint, aviculæ cantillando solutant au-  
roram, sol paullatim è quotidiano suo tumu-  
lo emergit, æstus remittit, somnulus plerun-  
que adrepat; omnia quæ ad noctis adventum  
exasperabantur, jam sunt mitiora: brevi ad-  
erunt quasituri, qui valeat, nec verbis tan-  
tum, sed & fomentis aliis recreaturi ægro-  
tum.

a Eccle. cap. 9 vers. 10.

† Sie wissen nit wie sie drinn seyn

rum. Nihil horum, ô Deus, apud inferos est, nihil diei aut solis, nil somni aut roris, aurora nulla, nullæ aviculæ nisi dæmones, fomenta nulla, nec aquæ guttul: perpetua illic tenebræ, dólóres æterni, laniena conscientia nunquam desitura.

Vere ex multis centenis millibus hominum vix ullus est, qui hæc recogitet corde, qui tam seria conetur penetrare. Vita longe foret alia, ali profecto mores, si aliæ essent nostræ cogitationes. Ita conscientia vitiis exsurdata, in tormentis sensum recipit, quem in scelerum tumultu amiserat, tanto jam afflictior & desperatior, quanto antea somnolentior fuit & securior. Augustini vox est: In inferno erit poenitentia, sed sera. Vermis eorum non morietur.

### *Septimum*, SOCIETAS ET LOCUS.

Domus commoda, & mali vicini, magnum malum: Incommoda domus, & vicini pessimi, malum maximum. Hæc habitandi ratio est apud inferos. Sepulchra eorum, & domus illorum in æternum. Ardebunt damnati velut sepulchris clausi. Domus plane inconmodissima, nec alias licebit conducere. Accedunt vicini longe deterrimi, qui vel ipsum coelum infament & exosum reddant, grex damnatorum hominum & diabolorum. O quales vicini! De his illud Domini b pronuntium: Bonum erat eis si nati non fuissent homines illi: Bonum erat eis si creati non fuissent spiritus illi. Homines damnatos aspice. Sicut oves in inferno positi sunt, mors depascet eos. Sed quomodo sunt jam oves, an non,

S 2

dam

a Psal 48. vers. 12. b Matth cap. 26. vers. 24.

c Psal. 48. vers. 15.



dum viverent, fuerunt tigrides, porci, vulvures, lupi, leones? Fuerunt certe, sed ultio divina eos reddidit oves, & ita mansuefecit, ut nullis doloribus, nulli malo possint resistere; *mors depascet eos*. Nam velut oviculae gramina depascentes, non ea radicitus convellunt, sed attendant, ut radice salva, recreseat herba, iterum, iterumque depascentia, ita illos inferorum reos depascit mors; non eis adimit vitam, ut in aliam atque aliam semperque novam reserventur lanienam. Atque hæc est mors altera semper victura, de qua Augustinus: Eorum, inquit, *a* qui non pertinent ad istam civitatem, erit è contrario miseria sempiterna, quæ etiam secunda mors dicitur: quia nec anima ibi vivere dicenda est, quæ à vita Dei alienata erit; nec corpus, quod æternis doloribus subiacebit. Ac per hoc ideo durior mors ista secunda mors erit, quia finire morte non poterit. Ibi & dolor permanet ut affligat: & natura perdurat, ut sentiat: quia utrumque ideo non deficit, ne poena deficiat.

Hinc locus damnatorum rectissime domus doloris & omnigeni luctus appellatur. Bernardus *b* in profundissimam hanc domum genitus emittens: O regio dura & gravis, inquit, regio extimescenda, regio fugienda terra oblivionis, terra afflictionis, terra miserationum, in qua nullus ordo, sed sempiternus horror inhabitat. Locus letifer, in quo ignis ardens, ubi frigus rigens, vermis immortalis, foetor intolerabilis, mallei percutientes, tenebræ palpabiles, confusio peccatorum. Totus tremo

*a* Aug l. 19. de Civit. Dei cap. 28. & ult. *b* Sc. m. de quinque regionibus & quinque negotiis. qui Bernardo tribuitur, mihi pag. 1749.



mo atque horreo ad memoriam istius regionis, & concussa sunt omnia ossa mea.

Hic ego Solonem pæne imiter, qui gravius moerentem civem in editam turrim evocavit, iussitque per subjæctæ urbis ædificia circumferre oculos, addiditque: Cogita, quantus jam olim sub his tectis fuerit, quantus hodieque sit, & multis post sæculis futurus sit luctus, & mitte mortalium mala tanquam tua deflere. Vix ego aliter: Videte, mortales, & considerate formidabile luctus spelæum inferos. ô quanta sub hoc Æternitatis antro delitescit comploratio! quanta infinitis post sæculis sine ullo sæculorum exitu congeries malorum hic futura! Desinite ergo moriunculas vestras ut mala maxima deplorare. Hic verissimum est omnium miseriarum receptaculum; hæc luctus officina. Quisquis etiam dum viator es, cave, & iter tuum sic moderare ne iste tormentorum locus, æternum tibi obtingat diversorium.

### *Octavum*, DESPERATIO.

Varias omnino clades hic Orbis noster continet, sed demum omnes suum quæque finem fortiuntur. Video paupertate pressos, sed video paupertatis & finem. Video calumniis excitatos, sed video & calumniarum finem. Video in gravissimis morbis decumbentes, sed video & finem morborum. Video verbera, video fidiculas: video & membris singulis parata machinamenta. Sunt istic hostes cruenti, cives superbi, domini avari, sed video, quod ab his omnibus liberet, mortis imperium. Video quosdam cruciatibus & tormentis immanibus affectos, sed

262 DE DAMNATOR. ROGO  
video & finem tormentorum mortem.

At vero in flammis diabolorum caveis  
video quidem supplicia horrenda, infanda; sed  
non video ullum suppliciorum finem, non vi-  
deo usquam poenarum terminum mortem.  
Hic nullus, nullus finis Mors optimum natu-  
rae inventum, Mors omnibus finis, multis re-  
medium, quibusdam votum, de nullis me-  
lius merita quam de his ad quos venit, ante-  
quam invocaretur. Mors servitutem invito  
etiam domino remittit, Mors captivorum ca-  
tenas levat, Mors e carcere educit, quos exire  
imperium impotens vetuerat; contra omnes  
injurias vitae, beneficium Mortis est. Sed  
hoc, cheu, apud inferos non est. Per omnia  
inferorum latibula circumspicio, sed mortem  
nullam video. Imo verò video mortem, sed  
vivacissimam, & agnatis sibi doloribus ple-  
nissimam. Apud inferos, sicut nullus lugendi  
& dolendi, sic nullus moriendi finis. Dam-  
nati ipsi, ut Dionysius <sup>a</sup> notat, sic calculum  
ponunt: Elapsis decem millibus annorum,  
adjicientur centum millia, post hæc centum  
millia, tot jungentur myriades, & miliones  
quot in firmamento sunt stellæ, & in litore  
maris arena. Post quæ longissima annorum  
spatia, quasi nihil de poenis nostris accisum  
esset, sic iterum ab initio pati tormenta inci-  
piemus: atque ita sine interruptione, sine fi-  
ne, sine modo volvetur assidue nostrorum  
tormentorum rota.

Atque hinc desperatio multo quam acer-  
bissima. Hæc tam intelligentiam quam volun-  
tatem ac memoriã dirissime torquebit. Quic-  
quid memoria secum revolverit, affliget; quic-  
<sup>a</sup> Dion. Cassius. in speculo amatorum Mundi.

quid cogitaverit intellectus, in tormentum cogitantis vertet; voluntas ipsamet obstinationem suam stupebit, neque enim unquam velle poterit quod Deus. ita semper suæ malignitatis in seipsa pœnam reperiet. Et quam horrendum est, scire, Deum sibi æternum fore inimicum, severissimas ejus manus se nunquam evasurum, sub ejus pedibus perpetuo calcandum. Hinc jugis ac desperatissima rabies, hinc summum Dei odium orietur. Omnis dolor *a* irruet super eos. Mala omnia *b* super eos congregabuntur.

O miserrimi noctis inquilini, voluptates vestræ evanuerunt, & ut Joannes *c* Apostolus loquitur, poma desiderii animæ vestræ disceserunt à vobis, & omnia pingua & præclara perierunt à vobis. Jam sola superest desperatio. Spes omnis jam decollavit. *c* Vocabitis mortem, & non veniet. Eum ingressi estis carcerem, è quo mors nulla vos unquam educet. Jam sola superest desperatio. Meministis quam avide, velut ursi, mel voluptatis festastemini. Mel omne evanuit, jam vobis inhæret apum aculeus, æternum inhasurus. Jamque sola superest desperatio. Hoc nimirum voluistis, centies sexcenties moniti, hoc ipsi vobis malum accersistis; habete ut nacti.

*Ultima omnium malorum æterna desperatio.*

### Nonum, ÆTERNITAS.

Loquantur omnes Angeli, nunquam tamen satis explicaverint pœnarum apud inferos Æternitatem. Quid enim est infernus? Tormentum absque omni dolorum interca-

S 4

pedine

*a* Job cap. 20. vers. 22. *b* Deut. cap. 32. vers. 23.

*c* Apoc. cap. 18. vers. 14.

pedine sempiternum, summum. Priora octo tormenta quantumvis acerbissima, valde tamen tolerabilia essent dicenda, si ea vel multis annorum millibus forent toleranda. Sed cum æterna sint, eheu, inexplicabilia, & multo magis intolerabilia sunt, & tamen æternum toleranda. Cogito, inquit priscus Theologus, a mille annos, cogito millies mille annos, cogito tot annorum millia, quot sunt momenta seu puncta in toto tempore à condito Mundo, usque ad ejus consummationem, & de Æternitate nihil adhuc habeo. Laborabunt in æternum, & vivent adhuc in finem.

Et hæc dolorum æternitas singulare supplicium est. Damnati namque non solum pœnam præsentem patiuntur, sed cum certo sciunt eam fore æternam, velut totius Æternitatis immensum, inæstimabile pondus sustinent, & modo patiuntur, quod in omnem æternitatem passuri sunt.

Atque hæc causa est cur plurimi sanctorum horum hominum ad asperissimam vitæ rationem seipsos ultro damnarint dum viverent, ut illam scilicet pœnarum æternitatem effugerent. Ebrios facit Æternitatis meditatio, veluti mustum. Sanctissimi quique plurima fecerunt Æternitatis intuitu, quæ videri poterant hominum ebriorum deliria. Poterat de illis dici: *b* Musto pleni sunt isti. Erant certe; sed musto, quod eis propinavit Æternitas. Quanti eorum in solitudines sese abdiderunt, in vepres & spinas abjecerunt, aquis validissimis merferunt, nives nudo corpore tulerunt, ignes infilire non horruerunt, modo

pec-

*a Adamus Seshout, Herm. Domi. 1. quadrag.*

*Psal. 42. vers. 10. b Actor. cap. 2. vers. 13.*

peccatum effugerent, æternitatis luctuosissimæ seminarium. Votum singulorum erat:  
 4 Ingrediatur putredo in ossibus meis, & subter me scateat, ut requiescam in die tribulationis. Et vere præstat mori millies, iterum iterumque millies jugulari melius, quam morti æternæ obijci. Aut pecus, aut saxum est, quem à vitiis non revocat æternitas.

Annis superioribus homo Belga, Bertrandus Corn. lii, juvenis fuit ferox, turbidus, vitiosus, pugnax, ut urbe tota *Rex Turbarum* audiret, in symposiis, ludis, tripudiis effusus. Proxima sub \* cineralia nocte, dum convivatur, choreas ducit, bacchatur, à Deo in ipsis choreis intime tactus Æternitatis radio, subduxit sese, velut auram captaturus liberiores. Paulo post securi socii reperiunt hominem subtristem & cogitationibusmersum. Illi blandissime rogare, curas abigeret, choreas repeteret, aut si mallet, pocula, & vero jam secum rediret, interpirationi sat datum. At ille de morte, de reddenda judici ratione, de Æternitate ita pie cœpit philosophari, ut, licet primo eum id joco agere opinarentur, ubi tamen serio & constanter differentem audierunt, vehementer omnes fuerint obstupefacti. Demum ille in hæc verba finit. *Definitum est mihi, socii, deinceps alium agere hominem hisce ludicrii abstinere, mutare mores pristinos, legibus Christianis vivere. Et certe si sapio, nullam impropterum occasionem negligo consequenda salutis. Nec putem serum nimis resipiscere. Quamvis doleo, non citius huic cogitationi animum adjecisse, cum jam satis intelligam, fugacissimis huic voluptatibus unam imminere Æternitatem. Sic pergo.*

S 5 Vos

a Haba. c. 3. v. 16. \* Am Gaspnacht abend.

*Vos singuli \* rem vestram agite.*

Ita dixit & abiit, deseruitque rei novitate attonitos, quosdam etiam ad meliora persuasos. Nemo non mirabatur, quo quot turbulenti hominis ingenium norant. Sub illud ipsum tempus opportunissime Eleutherius Pontanus Menenas è Societate Jesu sacerdos illic locorum venit, & ad Bertrandi domum non ignotus hospes divertit. Audito ejus adventu mox accurrit Bertrandus, ad pedes sese abiecit, & in eandem societatem admitti ardentem rogavit. Post aliquod temporis spatium factus voti compos, ad domestica munia obeunda est admissus. Hoc vitæ genus ad obitum usque triginta quatuor annis feliciter perduxit. Erat in eo ægrotorum cura insignis, & religiosa disciplinæ tanta observatio, ut circumgestata clepsydra, orationis horas agrorum obsequio interruptas metiretur. Eo Bertrandum Æternitatis meditatio pertraxit.

Scire, à quolibet graviore delicto luctuosam Æternitatem pendere, & nihilominus graviter delinquere, extremæ fatuitatis specimen est. Æternus ignis suppliciorum ac tormentorum omnium est epitome.

Hæc omnia Bernardus b illustri oratione complexus: Quis putas, inquit, tunc mæror erit, quis luctus, quæ tristitia, cum separabuntur impii à consortio sanctorum, & à visione Dei, & traditi in potestatem dæmonum, ibunt cum ipsis in ignem æternum, ibique semper erunt sine fine in luctu & gemitu?

Pro-

\* Gehe ein jeder auff sein schantz.

a *Annal. Societatis An. 1602. die 2 Jan. Lovanii in Belgica.* b *Bern. l. de Anima. c. 3. mihi pag. 1052.*

Procul quippe à beata paradisi patria exulati, cruciabuntur in gehenna perpetua, nunquam lucem visuri, nunquam refrigerium adepturi, sed per millia millium annorum in inferno cruciandi, nec inde unquam liberandi. Ubi nec qui torquet, aliquando fatigatur; nec qui torquetur, aliquando moritur. Sic enim ignis ibi consumit, ut semper reseruet: sic tormenta aguntur, ut semper renouentur. Juxta vero qualitatem culpæ, prænam sustinebit unusquisque gehennæ: & similis culpæ rei, sui similibus jungentur cruciandi. Nihil aliud ibi audietur nisi fletus & planctus, gemitus & ululatus, mœrores atque stridores dentium: nihilque ibi videbitur nisi vermes & larvæ facies tottorum, atque teterriima monstra dæmonum. Vermes crudeles mordebunt intima cordis. Hinc dolor, inde pavor, gemitus, stupor, & timor horribilis. Ardebunt miseri in igne aeterno in aeternum, & ultra. In carne cruciabuntur per ignem, in spiritu per conscientia vermem. Ibi erit dolor intolerabilis, timor horribilis, fœtor incomparabilis, mors animæ & corporis, sine spe veniæ & misericordiæ. Sic tamen morientur ut semper vivant, & sic vivent, ut semper moriantur. Ita anima peccatoris aut in inferno pro peccatis cruciatur, aut in paradiso pro bonis meritis collocatur. Nunc ergo alterum è duobus eligamus, aut semper cruciari cum impiis, aut perpetualiter latari cum sanctis. Bonum siquidem & malum, vita & mors, ante nos sunt posita, ut ad quod voluerimus, manum extendamus. Si tormenta non terrent nos, saltem juvent præmia.

Hæc nostra nos fides docet, hanc ipsam tamen



268 DE DAMNATOR. ROGO  
men fidem, ut jam supra demonstratum est,  
aut in torporem ac somnum defluere, aut  
penitus interire sinimus.

Narrat Patavinus Praesul Petrus Barocius,  
a virum oppido eruditum optimo suorum a-  
micorum se fuisse post mortem cum ejusce-  
modi oratione: Sub ipsam mortis horam in  
rebus fidei turpissime à Satana deceptus sum.  
Ita mors animum, qualem reperit, abduxit &  
obtulit Judici. Ab eo in ignem abire jussus  
sum. Quem, etsi maximus sit, utcunque tamen  
tolerabilem judicarem, si post mille annorum  
millia finiendus esset. Sed aeternus est, idem-  
que tantus, quantum apud vos nulla conspexit  
aetas. Maledicta scientia, quæ in ram immane  
præcipitium me dejecit. Dixit, & in auras ab-  
iit. At superstes alter, cum rei novitate, tum  
amici exilio aeterno motus, amicissimos quæ-  
que, quid super ea re in medium consulerent,  
interrogavit. Aliter vixit, sanctius obiit.

### *Epilogus.*

Ergo rectissime ratiocinatus Augustinus:  
Quis, inquit, b non bibat tribulationis tempo-  
ralis poculum, metuens ignem gehennarum?  
Et quis non contemnat dulcedinem sæculi,  
inhians dulcedini vitæ æternæ? Majore timo-  
re minora contemnimus, & majore æternita-  
tis cupiditate omnia temporalia fastidimus.

Quantum arena, inquit Chrysostomus, c i-  
mo vero quantum stilla ab immensa abyssu  
distat, tantum vita præsens ab æternis & im-  
mor-

a Barocius lib. 2. de ratione bene moriendi. De eo-  
dem Bellarminus Card. de Arte bene moriendi  
lib. 2. cap. 9. b Aug. in Psal. 68 post init.  
mihi pagina 294. c Chrys. tom. 4. hom. 11 in  
1. ad Tim. cap. 4. mihi pag. 1333



mortalibus bonis Non est hæc vera possessio; usus est, nec ipse quidem satis proprius. Sola virtus nobiscum migrare consuevit. Virtus sola ad æternam vitam pertransiit. Evigilemus tandem, pecuniarumque extingamus appetitum, ut desiderium omne ad æterna transferre possimus.

Sed heu quanta est humanæ gentis inconsiderantia, quanta cæcitas! de obolo litigamus, cælum per risum & jocum prodigimus. Sic passim furoris contagione insanimus, mutuisque exemplis suaviter perimus. Non erubescis, ait aureus orator, a quod præsentibus addictus? Non desinis desipere, & insanire, & juveniliter nugari? Quicquid hic molestum est, exiguum est; quod illic dulce exit, immortale erit. Ergo animos à fluxis & perituris ad æterna ac digniora transferamus, cælestium tangamur desiderio, ut bonis perfruamur futuris. Non satis invitat præmium? terreat supplicium.

Illæ ergo nobis, inquit Valerianus, sunt ante omnia cogitanda supplicia, ubi homo vivit durante pœna, ubi nec tormenta corpori, nec membra desunt dolori. Cui Chrysostomus <sup>b</sup> accedens: Si non everisionem, ait, timuissent Ninivitæ fuissent everfi. Si tempore Noë timuissent diluvium, non fuissent obruti diluvio. Si timuissent Sodomitæ incendium, non fuissent exusti. Magnū est malum, minas negligere. Nihil est æque utile atque de gehenna dissuadere. De ea dicatur assidue, ut nunquam in eam incidas. Fieri non potest ut anima de gehenna sollicita cito peccet. Nullus ex iis qui

ge-

<sup>a</sup> Idem hom. 9. in ep. 2 ad Cor. cap. 5. mihi pag.

685. <sup>b</sup> Idem hom. 2. in epist. 1 ad Theff.

270 DE DAMNATOR. ROGO  
gehennam habet ante oculos, incidet in gehennam. Nullus ex iis qui gehennam despi-  
ciunt, effugiet gehennam.

Refert Joannes Moschus *a* ad religiosissi-  
mum senem Alexandrum, qui coenobio abba-  
tis Gerasimi praeerat, venisse qui diceret: Mi-  
grare cogito, Pater, locus enim quem haec-  
enus habitavi, nimis inamoenus frequentissi-  
mum mihi tadium parit. Cui optimus senex:  
Et hoc quidem signum est, fili, loculentum,  
nec calidè delicias, nec tartari flammias à te un-  
quam serio cogitari. Nam si hac animo agita-  
res, crede mihi, nihil in cella tua tadii senures.

Verissimum, & ex tripode oraculum. Qui-  
cunque calum, quicumque infernale balneum  
attenta mente perpendit, molestias & mise-  
rias etiam gravissimas, aut non sentit, aut cer-  
te quod sentit, in lucrum trahit, paratissimus  
& plura & graviora perferre, modo poenas  
exire liceat a ternas.

Talis certe Olympius abbas, eodem Cli-  
maco teste, qui interrogatus, qua ratione spe-  
luncam habitare, æstus tolerare tantos, inter  
muscatum & cynipum examina totos dies  
perdurare possit? Ad qua ille: Hac, inquit, to-  
lero, nec invitus, ut à cruciatibus futuris liber-  
rer: cyniphes fero, quia vermem immorta-  
lem horreo: nec æstum curo, quia ignes æter-  
nos formido. Illa enim temporis sunt, suum  
visura finem. idque brevi: ista sunt aternita-  
tis, omni fine caritura.

Idcirco hac assidue cogitanda, hac vigilante  
animo sunt pertractanda. Firmo etiam cor-  
pori in futuros morbos infunduntur medica-  
menta: sic animus hisce cogitationibus arman-  
dus

duſ in vitia. Hæ cogitationes nonnihil amara,  
ſed ſalubres; non ſtatim obveniunt, ſed paul-  
tim tempore, contubernio, uſu adoleſcunt ac  
roborantur; fugantur otio inerti, quod quantiũ  
virtuti adimit, tantũ addit omni vitiorũ generi.

Age, quiſquis es, ſaluti tuæ mature proſpice.  
Vaticinantiẽ audi Siracidem: *a* Si non in timo-  
re Domini tenueris te inſtanter, cito ſubver-  
tetur domus tua. Nunc in manu tua eſt, ut re-  
gnes ut pereas.

Miles ẽ pulvillo & lecto non ſurrexit gene-  
roſior. Cogita beatitudinẽ Laboris & Virtutis  
eſſe filiam. Non erubeſcat, inquit Auguſtinus,  
*b* pœnitentiã agere, qui non erubuit pœniten-  
da committere, ſed cito in ſe bonis operibus  
contendat imaginẽ reparare, ut inter filios nẽ-  
reatur agnoſci à patre, ne ab illa æterna beati-  
tudine exclusus, & à convivio nuptiali proje-  
ctus, ligatis manibus ac pedibus projiciatur in  
tenebras exteriores. Optime Tertullianus: Pec-  
cati ceſſatio radix veniæ; gehennæ meditatio,  
principium ſalutis. Gehenna cum malis om-  
nibus abundet, illud ei bonum maxime deeſt,  
quod eſt in malis optimum, ſupplicii finis.

*a* Eccl. cap. 27. v. 4. *b* Aug. tom. 10 ſerm. 60. de  
Temp. mihi pag. 254.

## F I N I S

*Scripti: Sed ubi es, ô ſine ſupplicii æterni?*

## INDICULUS CAPITUM.

CAPUT I. Quo liber hic collineet: & inſtru-  
ctio Lectori. pag. 1


CAP. II. Primum Æternitatis Tartaræ tor-  
mentum, TENEBRÆ. 12

CAP. III. Alterum Æternitatis Tartaræ tor-  
mentum, FLETUS. 28

CAP. IV.

# INDICULUS.

|   |     |
|---|-----|
| CAP. IV. Tertium Aeternitatis Tartareæ tormentum, FAMBS ET SITIS.   | 41  |
| CAP. V. Quartum Aeternitatis Tartareæ tormentum, FORTOR.  | 56  |
| CAP. VI. Quintum Aeternitatis Tartareæ tormentum IGNIS.   | 73  |
| CAP. VII. Sextum Aeternitatis Tartareæ tormentum, VERMIS CONSCIENIÆ.  | 90  |
| CAP. VIII. Septimum Aeternitatis Tartareæ tormentum, LOCUS & SOCIETAS.  | 105 |
| CAP. IX. Octavum Aeternitatis Tartareæ tormentum, DESPERATIO.   | 120 |
| CAP. X. AETERNITAS piorum jure suspirium.   | 131 |
| CAP. XI. AETERNITAS impiorum formidabile somnium.   | 142 |
| CAP. XII. AETERNITAS damnatorum inapplicabile, ac Nonum supplicium.   | 154 |
| CAP. XIII. Conclusiones tres in præmissa capita.  | 175 |
| CAP. XIV. Quæ ligna, quod & pabulum ignis sit æterni: Ubi de peccati mortiferi inapplicabili gravitate.                             | 187 |
| CAP. XV. Cur unica letalis noxa supplicio afficiatur æterno.  | 223 |
| CAP. XVI. Humanæ gentis cœcitas incredibilis, & horribilis stupor, tam in peccatis, quam in suppliciis peccato debitis expendendus. | 237 |
| CAP. XVII. Compendium dictorum, & Epilogus.   | 248 |



BC8H5235

